

FR. BONAVENTURAE
MORONI TARENTINI
ORDINIS MINORVM

ARCTIORIS OBSERVANTIAE,

Theologi, Concionatoris, ac Pœnitentiarij Lateranensis

CATALDIADOS
AD CIVES SVOS
LIBRI SEX.

ACCESSIT D. CATALDI VITA

A BARTHOLOMÆO MORONO FRATRE

Conscripta: Eiusdemq. in singulos CATALDIADOS

Libros Argumenta.



ROMAE, Ex Typographia Iacobi Mascardi. MDCXIV.

SVPERIORVM PERMISSV.

FR. PAVLVS Sulmonensis Ord. Minorum Strictioris Observantiae,
In Cismontana-Familia Commissarius Generalis, & Seruus, Di-
lecto nobis in Christo Reuerendo P. F. Bonauentura Tarentino
nostri Ord. Theologo, & Prouincia S. Nicolai Reformato S.

Cvm Cataldiados libros sex, quibus Vita, & Miracula S. CATALDI, Tarentinæ Cuiusdam Patroni, latino carmine explicantur: nec non & Sermonem Italica lingua de laudibus eiusdem Sancti a te conscriptos Reuerendus admodum P. Fr. Dionysius de Turri Generalis nostri Ordinis Diffinitor, & Sanctissimi Domini Nostri PAVLI Papæ V. Confessarius nostro iussu recognouerit, & in lucem edi posse testatus sit: Nos tibi licentiam (quantum in nobis est) vt eos typis mandare possis harum serie imparcimur, In nomine Patris, & Filij, & Spiritus sancti. Datum Neapoli. Die 28. Nouembris Anno 1613.

Fr. Paulus Sulmonensis Commissarius Generalis.

Locus Signifi. λ T A C . 0 T 1 2 3 0 0

*Imprimatur, Si videbitur Reuerendissimo P. M. Sac. Pal. Apolt.
Cesar Fidelis Vicegerens.*

Libros f-x CATALDIADOS. R. Admodum P. F. Bonaventuræ Moroni, quibus Vita, ac Miracula S. CATALDI Tarentinæ Civitatis Patroni continentur, quos mihi Reuerendissimus P. Magister Sacri Palatii tradidit examinandos; eum quod Catholicæ Fidei, ac bonis moribus nihil habere contrarium, tum ob elegantiam versus pari cum pietate coniunctam, dignos censeo, qui in lucem, conspectumq. hominum dentur, ad laudem, & gloriam DEI Opt. Max. qui est mirabilis in Sanctis suis. Vita etiam eiusdem Sancti Bartholomæo Morono hinc conscripta, & Sermo Italicus eiusdem Bonaventuræ nihil habent, quod fidei, aut bonis moribus aduerteretur: Et hæc quoque typis mandari poterunt. Datum in Collegio Romano Societatis IESV. Die 22. Octobris 1613.

Ioannes Chamerota.

Imprimatur,

Fr. Thomas Pallavicinus Bonon. M. & Reverendissimi P. Fr. Ludouici Yftella Sac. Pal. Apost. Mag. socius Ord. Prædic.



ME TVLIT HYBERNE: SOLYMÆ TRAXERE: TARENTVM
NVNC TENET. HVIC RITVS, DOGMATA, IVRA DEDI.

Roma 1619 cum licentia Superiorum

Necnon vniuersi adhiberi







PATRE B.
ET DEDIT
DISPERIT

HONOR ET
DSEO

ET TERRA CECIDIT POTENS

...MUT A CYCA DER ...



ILL.^{MO} AC REV.^{MO} PRINCIPI
ALEXANDRO PERETTO
CARD. MONTALTO
S. R. E. VICECANCELLARIO.

Fr. Bonauentura Moronus à Tarento Felicitatem.



ATALDI ADEM Heroico à me car-
mine concinnatam, Princeps Illustrissime,
ut cum ea, quam è tuis manibus accipiet
luce, in lucem prodeat, tuo nomine illu-
stratam edo. Neque alteri, quàm tibi,
hoc quantulumcunque operis debebatur; ad
quem nostri, hoc est Canonicorum, & Pre-
sbyterorum cætus patrocinium beata temporum successione trans-
latum est. Præfuit olim Tarentino animarum regno B. C. A-
TALDV S: quæ me impulit causa, quamobrem apud Cives
meos Sanctissimi Patroni laudationem aggrederer. Cur autem
ego omnium postremus hanc tibi, Principum optime, dedicaue-
rim, id scilicet cause fuit; tum quia nostro Clericorum conueniui
auctoritate maxima præfuit ille, quo Pontifice vniuersa gloriaba-
tur Ecclesia, SIXTVS V. Optimus, idemq. Maximus
Auunculus tuus; tum quia hæc eadem tibi hæreditaria planè
cura, summa huiusce Ordinis incunditate, & Religionis bono
transmissa est: ut dum Auunculi nominis immortalitatem Ne-
pos non degener emularis, eidem nunquam non similis pietatem
imiteris; suprema dignitatis gloria futurus, ut speramus, non ab-
similis. Et quamuis indignus ego sim, qui te per librum adeam:
tu tamen dignus humanissimis moribus tuis, Princeps excellen-
tissime,

tissime, atque humanissime; cum sit nemo, qui non illud in te verum experiatur, quod olim Augusto dictum fuit: Ut, qui te adeat, fere maiestatem ignoret; qui non adeat, omnem omnino nesciat humanitatem. Nimirum maiestas illa est in viro Principe, quae luce vehementiore splendescens, quam ut in eam intendere aciem homines possint, facit, ut ad mitius, elementiusq. humanitatis lumen recurrant. Huc sese inopes conferunt, qui te commune egestatis effugium; huc sese Religiosorum familia, quae te parentem optimum; huc sese amici, & familiares, qui te purpurata maiestatis gloriam consalutant. Vale; atque, ut soles, munusculum hoc leuideris; incundum tamen, &, ut spero, non ineptis, atque non inamoenis commentationibus locupletatum amplexus; per grauissimarum curarum interualla furatus otium, animum ad rerum diuinarum lectionem accommoda: quae cum pia sit, & in vnus Beati (ATALDI laudibus immoretur, nulla praeterea commendatione Scriptoris sui egere potest hoc tibi nomine commendatus liber. Vale iterum: & qui te nobis Patronum dedit DEVS, te nobis datum diutissime seruet incolumem.

BERNARDINI STEPHONII
 è Societate IESV Oratoris, ac Poetæ præstantissimi,

AD BONAVENTURAM MORONVM
 Sancti EVSTACHII Bonaventura cognominem.



OE erat, Eustachi, quod auebam visere coram,
 Quantus in Oebalio luseris orbe. DEVS.

Quo laudum cumulo, quanto molimine rerum
 Fama Phalantæi surgit ad astra soli.

Cui non dicta Tarz, Lacedæmonijq. TARENTI
 Hospita Parcheniz rura beata fugæ?

Herculeumq. fretum quàm denso pisce natatur,

Blanda q. piscosi seruet vt Acta maris?

Quas & Hyperboreo Pater ex Aquilone CATALDVS

Addidit ad prisce nomina genis opes?

Illius vt donis opulentam, & humine sedem

Semper adit fœto Gratia laxa sinu?

Omnia, quæ præsens oprassem cernere quondam,

Nunc relego in numeris, doctæ Poeta, tuis.

Spirat in ingenio, quantum blanditur in aruo

Aura, Tarentinis semper amica, DEI.

Indulget, te vate, sibi Natura; docetq.

Ingenium, Patriæ semina prima sequi.

CATALDI ANTONII MARGARITAE

Tarentini Art. ac Med. Doctoris celeberrimi, Ad

Diuum CATALDV M de Poemate Auctoris.



Praui, CATALDE, tibi præconia laudum

Texere, & æternum conceleberrare decus.

Torpuir at manus: & mens consternata timore

Abstulit ingenio robora cuncta meo.

Voxq. audita mihi tenuis demissa per auras:

Mzonio dignos carmine quære modos.

Hoc si tu nequeas, satis est tentasse laborem:

Venari laudes namque aliunde potes:

Et quòd bis Consul patriæ præfederis vrbi,

Et sedeas Coò proximus arte seni.

MORONO debetur opus; quem Musa Maronis

Instruit, & cuius splendor vbique micat.

Sic, CATALDE, vale; condar tibi carmina vates

Nomine Virgilio proximus, & numeris.

I HENRICI CHIFFELLI A. I. V. D.
Antuerpiensis, Poeta insignis, de Auctore Carmen.



Alma serenato ridens Victoria vultu
 Additit, & niueas expandit laetior alas:
 Additit, & patulas sese porrexit in auras
 Nescia constantes frustrari Fama labores.
 Ipse animi miratus opes, & nata Camoenis
 Pectora, Castalio Phoebus precordia succo

Imbuir; & casta doctum sudare palæstra
 In Pindi sublime tulit: deuotaq. iunxit
 Fœdera, & Aonias iussit parere sorores.
 Viue, Phylantæis quâ te pulcherrima muris
 Ionij regina freti Spartana. **T A R E N T V S**,
 In pompam diffundis onans; mirare decores,
 Et titulos agnosce tuos: veterumq. per orbem
 Supprime gesta virum, doctaq. encomia linguz.
M O R O N V M genuisse sat est: stant proxima cœlo
 Nomina, & antiquos egressa est fama triumphos.
 Celsit; & Argium reijcet fera funera Regum
 Parthenope; Emathias oblita est Corduba pugnas;
 Et facilis dominas proiecit Mantua lauros.
 Applausere hilares redimitæ tempora Musæ,
 Virgineusq. Helicon, celsiq. cacumina Pindi,
 Parnassiq. iuga, & gaudens clangore Citharon.
 Exiuit, capitiq. diem formosus Apollo
 Addidit, & pueros circumtulit aureus ignes:
 Tum duo Pierijs inculpæ carmina fastis.
 Viuat inextincta **M O R O N I** gloria luce;
 Duret in æternos inuiæta **C A T A L D I A S** annos.

CATALDI ANTONII TEDESCHI TARENTINI

Art. ac Med. Doctoris præstantissimi de Auctore Cataldiador.



M O R O N I generosa parens, dum pondera nati
 Gestat, **C A T A L D O** pignora cara vouet.
 Infanti genito nomen mox Præsulis indit,
 Et Sancti obsequio tempus in omne dicat.
 Vota puer firmat, seseq. ascribit in ædem
C A T A L D I, & sacris vestibus vlque micat.

FRANCISCI mox aræ sequi vestigia tentat,
 Et **BONAVENTURAE** nomina læta capit.
 Num votum violat? voto meliore potitur:
C A T A L D O vt placeat hoc tamen edit opus.

IOSEPHI

IOSEPHI MELCHIORIS E SOCIETATE IESU
*Moralis Theologiae Professoris, Poeta, atque Oratoris
 eximij ad Auctorem.*



Ella manu vati nunquam pugnata Maroni;
 Abstulit Graius praelia Mzonides.
 Et tamen hic dignè certantem scripsit Achillem,
 Et Teucrum nihilo secius ille virum.
 Maiorem cantas Heroa, MORONE, CATALDVM;
 Idem res animi, qui canis, ante geris.

O quanti fuit, inuisas triuisse phalanges!

Hoc decus, hæc belli pompa, CATALDE, tui est.

O quanti, laudata, prius gessisse, canentem!

Carminis hoc decus, hæc pompa, MORONE, tui.

FRANCISCI ANTONII ANDRADAE
*Sacerdotis Tarentini, & utriusque Iuris Studio-
 sissimi ad Auctorem.*



CATALDI vitam dudum, MORONE, sepulci
 Dum tua Mzonia concinit arte chelys;
 Splendidior Sole es, cunctis & clarior astris:
 Quæ Sol non potuit pandere, aperta canis.

EIVSDEM ad Eundem.

Carmine dum celebras memorabile nomen Iberni,
 MORONE, illustras & decus ipse tuum.

Atque renascentis Patriæ meditaris honores;

Vivat ut ingenio, vixit ut imperio.

Sic & Mzonides, peperit quod nomen Achilli

Carminibus, servat tempus in omne sibi.

Hoc tamen Oebalix melius successit: Homeri

Patria nescitur: te parit ipse TARAS.

MARCI ANTONII DE CASTRO SACERDOTIS
Tarentini Iuris utriusque candidati ad Auctorem.



Vm legis exiguum modulatum diuite vena,

Lector, opus; magnas collige, lector, opes.

Hic cernis Latias Heliconæ aperire Camænas,

Plenius atque suas fundere diuitias.

Tu BONAVENTURAE cape signum à nomine: plus re.

Crede mihi, quàm fert voce, Poeta dabit.

P Aruum opus, ingentem quid ni spatiare per orbem?
 Non te opus, aut nomen terreat alterius.
 Damna tenebris cecinit sacra Musa Maronis:
 Exceptum cœlo Musa MORONIS habet.
 Quid si Minciada cuperes tibi carmina vatis:
 Materiam optasset forsitan ille tuam.

PROSPERI DE CHRISTANO TARENTINI

Ingeniosissimi Iuuenis de Auctore.



Cœcæ opus aggreditur numeroſo carmine vates:
 Egregius, veteres quod timuere Patres.
 Tã bene MORONVS CATALDYM pingit; Apellis
 Vincat vt illuſtres pagina ſacra manus.
 Magnus Alexander taceat; ſi carmine tanti
 Vndique imago Patris clarior exprimitur.

O patrij decus ambo ſoli: miracula l'berni
 MORONI, numeris ſplendidiſſima nitent.

EIVSDEM de Eodem.

C ATALDI nomen dudum ſuper æthera notum
 Lethæo obruerat gurgite longa dies.
 Carmine MORONI nunc totũ innotuit orbi:
 Nunc volitat paſſim docta per ora virum.
 Quæ merces operi? viuant ſua carmina vati:
 CATALDO, vates viuat & ipſe ſuo.

IOANNIS CHRISTALDI MORONI TARENTINI

viru eruditiffimi ad Auctorem.



T Graios doceas Fidei ſacra dogmata, Graius
 Crederis, & Græcè nobile eudiſ opus:
 Vt proſis Italis, patrio ſermone cothurnos
 Indutus, CHRISTI Funera triſtè canis.
 Et ſua ne deſit Latio pars, præ Latino

Decantas noſtri nunc pia geſta Patris.
 Si fortaſſe hominem veteres odere bilinguem;
 Candida MORONI Fama trilinguis erit.

EIVSDEM ad Eundem.

E Didit vt tibi me genitrix Natura propinquum,
 Si faceret ſtudijs, ingenioq. parem:
 Conſulerem ipſe mihi, fieret quò Fama perennis.

Atque

Atque meum legerent secula futura deus.
Nunc, citò ne moriar, mea nomina proxima Lethæ.
Insero carminibus, nominibusq. tuis.
Errantes hederas trunco sic sustinet illex:
Sic socias frondes arbor amica fouet.

FRANCISCI ANTONII MORONI SACERDOTIS
Tarentini, Humanarum litterarum Professoris egregij.



Vm, MORONE, canis laudes, ac gesta CATALDI,
Laudibus ipsius clarior ipse micat.
Mzonius sic laude nitet pugnacis Achillei;
Dardanioq. viro fertur ad astra Maro.
Tu tamen his melior, qui non mortalia pangis:
Et procul a numeris verba profana tuis.

EIVSDEM. ad Eundem.

P Ræfultis egregij miracula diuite venas,
Dum canis, & sacro carmine gesta refers:
Musa indignantur vati mendacia nusquam.
Quod fingas; nusquam quod celebretur Amor.
Ergone Pierides lasciuæ per oia ludent
Semper, & æterno carmine flecta canent?
Laurea ferta negant? tu dedignare vicissim
Munera: maiori munere dignus eris.

IACOBI ANTONII TAVRISANI TARENTINI
Studiofissimi iuuenis ad Auctorem.



Antonij ingenio similis, MORONE, videris,
Carminibus Virgilio, Mzonijq. seni.
Vtq. horum vatum diffusa est fama per orbem,
Nomen & egregium sidera ad vique micant.
Sic tua per totas fundentur carmina terras;
Sic tibi pax meritis vndique crescet honos.
Atque inter reliquas vrbes dum Mantua, Sulmo
Et Smyrna exurget, surget & ipse TARAS.

CATALDI ANTONII RESTÆ TARENTINI
Philosophia Studiofi de D. CATALDO, & de
Auctore ad Ibernos, ac Tarentinos.



Atria perdiderat ciuem, noua nupta maritum,
Pastorem pecudes, pignora mœsta patrem:
Dum Solymas CATALDVVS adit, dum demptus IBERNÆ
Traditur Oebalio tempus in omne solo.
At modo MORONVS iacturæ incommoda sarcit:
Restituitq. suis quem gemuere diu.

Expressum numeris, spirantem & carmine sacro
Accipe nunc reducem, ciuis IBERNE, virum.
Tu tamen, & tumultum serua, cineresq. TARENTVM,
Præsidiumq. Patris, vatis & ingenium.

IOANNIS CHAMEROTAE E SOCIETATE IESV
Diuiinarum litterarum, ac sacra Theologia Professoris Sapien-
tissimi, In BONAVENTURAE MORONI, sui
in Philosophicis Auditoris, Cataldiada.



ATALDI dum gesta canis, dum dulce TARENTVM
Ornas, in Superos, in Patriamq. pius
Barbariem culto pellis quod carmine, & atrium
Monstra Erebi Patrum religione domas;
Debunt geminum superato ex hoste triumphum
Et Superi, & Ciues, clare Poeta, tibi
Ornabunt Ciues pro carmine tempora lauro:
A Superis Cælum pro pietate feres.

IN TEIVSDEM in MORONI Cognomen lusus.

ET *Μόρος*, & *Μορία* cognomina, magne MORONE,
Moribus, ingenio sunt satis apta tuo.

Te *Μόρος* in Domini partem, sortemq. vocauit:
Pingue tibi est pectus Palladia *Μορία*.

An MARE te dicam, fundis quod diuite vena
Carmina, quot fluctus æquora vasta vomunt?

An MARO vis dici potius? cognomine Vati
Magno haud ab similibus, versibus ve similis.

Μορίς es *ἀντισσάρει*. ingens sapientia nam cor
Implet: & hinc nobis carmina docta fluunt.

CATALDI LINTOMI RESTITUTUS

Philosophia studio de D. CATALDI
Auditoris in IESV, Tarenti

A D L I B R V M.

AVCTORIS ELEGIA.




*Arue liber, magnis tibi parte laboribus aui,
Nunc tandem impavidus tecta aliena subi.
Aspice nunc tandem peregrina compita gentis;
Et, quocunque libet, iam spatium foro.
Sat tibi sit patrijs laribus latuisse tot annos,
Et Momi rigidas partimuisse minas.*

*Magnus ALEXANDER, quem purpura vestit, & ostrum,
Cuius in obsequium sidera cuncta micant;
Quemq. PERETTA domus genuit, quemq. orbis honorat,
En fouet auspicijs carmina nostra suis.
Hunc adeas primo, cui te Thymbraeus Apollo,
Cui te Pieridum turba, chorusq. dicat.
Ne trepida, subiens ornata palatia gemmis,
Auratisq. trabes, purpureosq. toros.
Hac habitat mitis clementia, prisca Quiritum
Maestas, pietas, religionis amor.
At si transgressum limen pradiuitis aula
Circumflet subito te numerosa cohors;
Fare age, quid venias; & Principis ora require;
Nec patiari legi, ni prior ipse legat.
Admissus tandem cultus agnosce verendos,
Et procul inflexo ter venerare genu.
Huic palmas tetigisse nefas: tamen oscula fige,
Qua fluit in limbum murice tincta chlamys.
Exiguum hinc munus tanto non Principe dignum
Obsequijs orna, carminibusq. tuis.
Si te, quod nullo poliantur pumice frontes,
Spernat; quod nullo tegmine comptus eas:
Serica lora petat, fuluum si possulet aurum,
Conspersum minio, caruleisve notis:
Internum tu pande decus: legat ipse PERETTI
Nomen ALEXANDRI, nec meliora petat.
Carmina si doleat, Musis, & Apolline nullo
Condit; CATALDI tu pia gesta refer.
Materia decoretur opus; Miracula carmen
Extollant, quoties debile serpit humi.*

Catera

XVIII.

*Cetera si desint; mea pectora porrige, fibras
 Largire, ut saltem pignus amoris amet.
 Si te laudarit, verbo si dixerit uno
 (Defendam) vires indue, pelle metum;
 Tutus abi quocunque libet, per tela, per hostes;
 Linor Aristarchi nulla venena vomet.
 Zoilus & vultu te complectetur amico;
 Et, tua qui violet carmina, nullus erit.
 Si tamen impatiens Momus clam pectore in imo
 Mordeat; ipse sibi, non tibi Momus erit.
 Mox, ubi iam varias Latij lustraueris urbes,
 Confice non modicum, quod tibi restat, iter.
 Clara Phalantæa contende ad pergama gentis;
 Et natale bilari fronte reuise solum.
 Illic te peperit, nonumq. repressit in annum
 Calliope, & lauit Bellerophontis aquis.
 Præbuit & cunas, nec non alimenta Galesus,
 Qui patrias nitido vellere vestit oues.
 Vade salutatum procures, notosq. recessus
 Ingredere, ut ciues intueare tuos.
 Ille ego sum (dicas) quem tot genuere labores,
 CATALDI mœcum qui morumenta sero:
 Quem meliore nota nunc Dardana Roma remittit,
 Qui patriæ seruo nobilitatis opes.
 Audijt ecce preces magni regnator Olympi,
 Ciuibus & reducem me finit esse meis.
 Nunc age, quisque manu mea carmina verset amica;
 Præsulis & discat grandia gesta sui:
 Nam, quæ longa dies, quæ tarda obliuia Lethes
 Obruerant, forsân secula futura legent.
 Fecit quod potuit magnis conatibus Auctor;
 Nec sibi deposcit laurea ferta dari.
 Vobis ille diu quamquam sudauit, & alit;
 Vt sacrum hoc tandem perficeretur opus:
 Præmia nulla petit; precio nec carmina vendit,
 Qui sua deseruit, pauperiemq. fouet.
 Merces illa satis, crescant si carmine laudes
 CATALDI, & Patriæ fama perennis ea.*



BARTHOLOMÆI MORONI TARENTINI

In singulos Catalogados libros Bonauenturæ Fratris

ARGUMENTA.

IN LIBRVM PRIMVM.



*Ascitur; & lapidem sacro vertice signat:
Mox partu extinctam reuocat de funere matrem:
Sacra docet populos: condit pia templa: paternas
Exsiccat lacrymas, nato dans munera vite.
Attamen alterius funus dum prorogat, ardent
Tartarei inuidia procures. miracula Princeps
Iuuenta magicas stultè reflectit in artes,
Quòd Stygias biberat furiato pectore flammæ;
Et iubet accitum Iuuenem sub vincula trudi.*

IN LIBRVM SECVNDVM.

A*D superos monitus soluuntur vincula Ibernii:
Meltridis & Princeps inopina morte peremptus
Occubat. acciri Sanctum Rex imperat; illi
Sceptra Ducis tradit, successoremq. salutat.
Ille etiam, socijs diuiso pondere rerum,
Fit Prasul, populosq. suos deduci ad undas
Lustrales. Sacri mox debita vota sepulcri
Persoluens, deserta petit; nanque ardet in antris
Degere; ut effugiat peritura commoda vite.*

IN LIBRVM TERTIVM.

C*ATALDVVS præcepta DEI meliora secutus
Tendit ad Oebalium litus: reprimiq. procellas
Ionio in medio, quas iam prædixerat: inde
Suscitat extinctum, qui tempestate furenti
Malo deciderat præceptis: auditq. vicissim*

Acrumnas

*Aerumnas Stygia sortis : redditq. puella
 Nauigio egressus , lingua irreparabile munus :
 Felliniq. lares , expulso Damone , purgat .
 Atque Phalantais sospes spatatur in oris .*

IN LIBRVM QVARTVM.

O Ebaliam Praesuliam iam ingresurus in urbem
 Occurrit cæco , confert cui munera visus ;
 Discit & aduentum PETRI , qui primus in arces
 Sacra Tarentinas inuexit dogmata CHRISTI.
 At mox delicias urbis , scelerumq. phalanges
 Deplorat , ciuesq. docet ; redditq. Tonanti ,
 Quos prius abstulerat labes recidiua parentum .
 Delubra ingreditur tandem . quæ subdita monstris
 Tartareis purgat , sacrat & melioribus aris .

IN LIBRVM QVINTVM.

Immutat faciem templi sanctissimus Heros ,
 Aedituosq. legit ; fidosq. ad sacra ministros :
 Hinc abigit ciuile nefas , scelerumq. cohortes ,
 Oebaliamq. pÿs fœcundat moribus urbem .
 Mox obscura canit ; cæcisq. annalibus æui
 Intrusus Vates venientia tempora pandit .
 Tandem persasus vitæ fugientis , & orbis ,
 Cælum inbiat , Dominumq. vocat , Dominoq. coheret :
 Nec moritur , felix qui sidera calcat Olympi .

IN LIBRVM SEXTVM.

CATALDI celebrant ciues venerabile funus ,
 Quod DEVS illustrat portentis millibus : haurit ,
 Qui surdus fuerat , voces : facundia lingua
 Est , ubi nulla prius concessa potentia sandi .
 Qui modo claudus erat , celeri vestigia gressu
 Signat ; & arentes capiunt sua robora nerui ;
 Fluctibus & medijs tumidum prosternitur æquor .
 Conditur & tandem Pario sub marmore corpus ,
 Vnde micant totum miracula crebra per æuum .

BONAVENTURAE MORONI TARENTINI CATALDIADOS AD CIVES SVOS LIBER PRIMVS.



Ceani Dium Hesperij, Phæbiq. cadētis
Immortale decus, nulli pietate secundū,
Prisca Phalantæi celebrant quem iura
Senatus,
Externisq. dolet mitti glacialis Iberne,
Musa refer: liceatq. mihi, si debita posco,
Florentem iuuenem patrijs educere
tectis:

Vt Solymos fines, sacri & monumenta sepulcri
Cernat, & Oebalias tandem transmittat in arces;
Quò monitus, quò iussa DEI, populiq. ruentis,
Cura trahit patrem, nullos moritura per annos.

Vos modo, quos spectat tantarum gloria rerum,
Quos cognata fides, eadem quos pergama cingunt,
CIVES, dum nostri referuntur Præsulis acta,
Aspirate meis captis; sacrumq. laborem
Excipite, & reliquas animo depellite curas.
Tempus erit, patriæ quo, non ingratus, honores
Commemorem, proauumq. decus, veteresq. triumphos.
Nunc captum relegamus iter; cursuq. secundo
Ad sua sublimis ducatur templa Sacerdos.

Dum terras, tractusq. maris regnator Olympi
Qua solet æterna Mundum bonitate rueri,

2 BONAVENTURAE MORONI
Cerneret, & primæ sentiret germina culpa;
Infandis creuisse modis; totumq. per orbem
Sanguineas acies, Romano fasce superbas,
A Parthis aquilas, & debita tela Gelonis
In nostrum vertisse caput; vetitoq. cruore
Foedatas, sacros Latij maculasse recessus;
Herculeis tandem laribus pia lumina fixit,
Quos Petrus è Stygij subduxerat ore Tyranni
Nequidquam, & fido dederat custode tuendos:
Atque nefas sceleri recidiua labe parentum
Successisse videns, auido sic pectore fatur.

Quando erit, vt nostris mortalia corda trahantur
Vocibus, vt patrio possint considerare cœlo,
Ac videant sine nocte dies? satis ipse, superq.
Affixi hanc animam; nec debita regna resumpsi,
Donec Amor, celso qui me demisit Olympo,
Hos nece crudeli penitus contunderet artus.
Quid potui? mea regna patent: sed tristis Erinny's,
Impatiensq. sui rabies, & nescius error
In melius verti, partes bacchatur in omnes.
Cui parceret nouus ille furor, quo percita sœuit
Roma, meis tantum nascentibus inuida regnis?
Nullus abit sine cæde dies; en sanguine sanguis
Obruitur; rursusq. vigent tormenta Neronum;
Et geminant passim mugitus æra Perilli.
Sed mea me bonitas vincat; gentemq. togatam
Nunc patiar furere, & nostris obsistere captis:
Tempus erit, quo colla mihi turgentia subder,
Altior atque meis surget decorata triumphis.
Vrbs tamen hæc (digitoq. notat geniale Tarentum)
Nunc rea tot scelerum, nostris obnoxia sacris
Quondam, digna foret stabili quæ dogmate rursus
Acciperet cultus, quos dedidicere parentes.
Crimine enim patrum pereunt sine lege nepotes.
Sic amor est. Igitur nascatur debitus infans
Huic populo, externis Rachau qui missus ab oris,

Hanc

Hanc mihi restituat mansuro foedere gentem.

Sic ait ; & nutu firmans pia dicta potenti,
Sidereum, duplici concusso cardine, cœlum
Exagitat : pondusq. suum vix sustinet orbis.
Omniparens natura subit , iussuq. capessit ;
Disponitq. hilaris tantarum exordia rerum .
Concipit interea partus Achlena futuros ;
Et plusquam mortale aliquid per viscera sentit
Formari , puerum tantos qui crescat in vsus .
Nec mora , bis quini postquam succedere menses
Incipiunt , paritura dolet : scelerumq. parentis,
Primæz soluit cumulado fœnore pœnas .
Stare loco nescit ; vacuas gemebunda per ædes
Aestuat : & tanti nulla est medicina doloris .

Constitit ecce autem sacri prope limina recti
Dichus inops rerum , pietas quem fecerat vrbi ,
Veraq. religio celebrem : qui viderat igne
Accendi æthereo thalamos parientis Achlenæ .
Et verè fax illa DEI , flamma illa Tonantis ;
Nam sensus aperit vati , tenebrasq. repellit ;
Et tales format peregrino in gutture voces .
Fide , parens felix ; tibi nec tua gaudia differ .
Torqueris nunc sola domi , mortisq. propinquæ
Iura subis : pignusq. tuum tibi posthuma proles
Iam pupillaris sentire incommoda sortis
Incipiet : sed ferre diu tua funera nolet :
Nam tantus CATALDV\$ erit (venerabile nomen
Hoc esto) tantum poterit cœlestibus auris ;
Ut reuocare animam matris modo possit ab ymbri ,
Et mox ferre alios æternæ ad limina vitæ .
Quòd si cuncta licet nostro sermone recondi ,
Præsul erit , patriæ lumen ; votisq. vocari
Incipiet viuus : morienti immania condet
Templa Taras ; vultusq. sacros argentea moles
Exprimet , amissi referens simulacra colossi ,
Quam nec Praxiteles sculpsit , nec pinxit Apelles .

4 BONAVENTURAE MORONI

Audijt hæc genitrix ; hilarifq. ad nuncia partus
 Turgida vix sentit nascentis pondera nati,
 Prodigia iam vitæ , & fortis studiosa futura
 Ac pariens , lacrymis puerum compellat obortis ;
 Nascere , Sanctæ puer , materhaq. gaudia comple :
 Et patere hanc animam diris cruciatibus angî ,
 Ac nece crudeli patrio meâ membra sepulcro
 Condi , nec placidæ contingere vota senectæ
 Hac cupio mercede mori ; si , nate , superstes
 Sis matri ; si , quam nunc defero , luce fruaris ;
 Succedasq. meis annis non invidus hæres .
 Hæc ait ; & nato moriens dat mûnera vitæ .

Marmoreus lapis est , tectis servatus Achlenæ ,
 Quod caput impingit tenerum venerabilis infans ;
 Dum prima decumbit humo ; primosq. labores
 Aggreditur vitæ , longiq. exordia iustus
 Debuit ille sequi matrem ; sed damna ruinæ
 Non sensit ; quoniam naturæ inuertitur ordo :
 Cessit durities capiti , saxumq. recepit
 Effigiem , expressamq. semel servavit in ævum .
 Mox præfert maiora puer portenta ; parentis
 Nam lethum agnoscens , subito , quasi creuerit annis ,
 Eius in antplexus currit ; petit vbera ; vagit ;
 Colla fouet , prensatq. genas ; atque oscula figit
 Optatas habitura vices ; namque illa repente
 Maiores reparat rediuiuo in corpore vires .
 Et natum complexa suum , vix credula tantæ
 Sortis , ait : Superum ò non exuperabile robur ,
 O nati immortale decus , felixq. parentum
 Progenies , quasnam gemino pro munere grates
 Persoluam ? Superis debes tu tempora vitæ ,
 Ipsa tibi ; matri nil tu , nisi matris honores
 Sic onus officij crescit ; Superisq. tibiq.
 Debeo ; te Superis , tibi me : quis tanta rependat ?
 Matris nate parens , tibi iam distenta tuentur
 Vbera lactis opes : vobis , sacra numina cæli ,

Maiores

Maiores in luce moras pia femina seruat
 Si minus ex merito ; at caelestia munera vires
 Mortales superant . nequeo meliora : potestis
 Vos meliora quidem ; & dabitis , si tempora vitæ
 Reddita præteritis degam vigilantius annis .

Talia fundebat lacrymans ; atque oscula nato
 Reddebat , spectantē viro , qui venerat auspex
 Constitit & præsens tanta ad miracula testis .
 Interea Eois rutilans Aurora quadrigis
 Excierat mortale genus : subitoq. ruentes
 Vndiq. conueniunt cognato sanguine ciues
 Ipse etiam pater Euchus adest ; quem traxit ad urbem
 Fama loquax , tanti velox prænumcia partus
 Exercentem agros , & patria rura colentem .
 Gesta rogant , pendentq. auidi narrantis ab ore
 Achlææ ; matremq. vocant , puerumq. beatum
 Quid speres puer hic , validos si crescat in annos
 Efficiet ? quid vir poterit , si tanta pusillus
 Nascitur vt subito , de se miracula præbet

Interea pueri nomen crescebat , & ætas ;
 Nam nitor egregij vultus , & præuia virtus
 Signa dabant tantæ ventura in tempora sortis
 Duplex cura fuit iuueni ; præcepta Tonantis
 Seruare , & studijs impendere tempus amicis .
 Hinc crescit Domini cultus , reuerentia legum
 Relligionis honos : hinc vena diuite manant
 Ingenij fructus , & veræ præmia laudis
 Sic vitæ pars nulla perit : sic conscia facti
 Anceps turba diu fluitat , quæ maior in illo
 Doctrina , an pietas : tamen hic crescebat vtraque ;
 Et pariter virtus virtutem aghata fouebat

Spargitur occiduâ sensim vaga fama per vrbes
 Huic iuueni primis tantum conatibus omnes
 Concessisse viros , eadem quos edidit ætas
 Quantum ignes superat Phœbe iam plena minores
 Vndiq. conueniunt proceres ; quos dulce trahebant

Discendi studium, maior num cognita virtus,
 An laudata foret: Celeres vastissima Rheni
 Iam vada Teuronici, iam deseruere Sicambri:
 Mittit ab extremo gelidos Aquilone Boemos
 Albis: & Aruerni coeunt, Batauiq. frequentes,
 Et quicunque colunt alta sub rupe Gebennas:
 Non omnes prospektat Arar, Rhodaniq. fluenta
 Heluetios: multos desiderat vltima Thule.

Certatim hi properant diuerso tramite ad urbem
 Lefmoriā, iuuenis primos vbi transigit annos.
 Mirantur tandem cuncti, quod cognitus Heros
 Spe maior, fama melior, præconia laudum
 Exuperet, nullumq. parem ferat æmula virtus:
 Sic fertur quondam regina Australis ab oris
 Niliacis venisse, suis comitata Sabæis,
 Cerneret vt regem Solymis, sacra iura ferentem,
 Dum tamen emeritas geminat gens aduena laudes,
 Ille animo nihil extolli, nihil ille moueri
 Ad fastus hominum tumidi contemptor honoris.
 A Superis agnoscit opes, Superisq. refundit
 Vt præceps Anio cognati in Tybridis vndas
 Spargit aquas, nomenq. suum non portat in æquor:
 Vt patrius lambens crescentia culta Galeus
 Vix tollit de fonte caput, vix margine ripæ
 Cæptus agi, ac subito per proxima littora fusus
 Miscetur pelago, nomenq. amittit, & vndas

At quoniam plures, deceptos fraudibus Orci,
 Viderat infernis proponere vota tyrannis,
 Mentitosq. Deos venerari, vt desinat error
 Tam præceps, tam triste nefas, in millibus ardens
 Hæc sacro sermone tonat. Mea gaudia, fratres,
 Quos vtinam possim superis miscere choreis:
 Tollite nunc tandem vestros ad sidera vultus:
 Surgat humo mens pressa malis; nec pectora semper
 Terrena sub labe fluant. sat lusimus: æui
 Præteriti lugete nefas: nam deuius error

Panditur:

Panditur: & verè promittitur arrha salutis.
 Cui tua templa dicas; cui pingua thura ministras.
 Galle? quibus subdi pateris Germania Diuis?
 Quam mihi tu Venerem; cuius mihi Martis honores
 Insinuas; cui Sacra Ioui proponis, & aras?
 Quid, precor, infauftis subdis tua colla tyrannis,
 Gens Domino detracta tuo? Citherea nefandis
 Exagitata iocis, obscæna & mater Amorum
 Inferitur cœlo. foedatus sanguine Mauors,
 Ne referam grauiora, nitentia templa meretur.
 Relligio infelix, nimiumq. illusa vetustas.
 Pellicibusne suis immistus Iupiter astra
 Turpabit, scelerumq. auctor moderabitur orbem?
 Fac tamen infontes, meliori & nomine dignos;
 Quilibet ergo DEVS? quid tandem multa necesse est
 Numina configi? si non est vnica virtus,
 Quæ mare, quæ terras, superos quæ temperat orbes,
 Sed poscit socias ad regni fœdera vires,
 Non ergo omnipotens. quod si regit omnia solus,
 Torpescunt reliqui. rursus, si cuncta creantur,
 (Nam nil se genuit) rebusq. est omnibus vnum
 Principium, DEVS ergo vnus, vis vna creatrix.
 Vn us at ille DEVS princeps sic vnicus orbis,
 Vt triplex etiam noscatur Hypostasis: vltra
 Ingenij vires myſteria. credite Patrem
 Non genitum: cuius fœcundæ viscera mentis
 Ante æuum genuere parem: processit, utroque
 Spirante alternos ignes, & flamen amoris,
 Spiritus æthereus, mundi quoque maximus auctor.
 Hic etenim, quò largè homini sua munera donet,
 Ex nihilo educit cunctarum semina rerum:
 Largiturq. vltro nobis quodcunque creatur.
 Ast, vbi transgreditur sub prima exordia Mundi
 Iussa Dei, geminatq. nefas vxorius Adam,
 Mortis iura subit cœlestibus exul ab oris;
 Et secum miseros geniali labe nepotes

Inficit, & tenebris damnat squalentis Auernei.
 Sed Pater omnipotens natum demittit in orbem:
 Ut fera primæuæ reparet dispendia culpæ.
 Ah pietas, ah rarus amor: mortalia membra
 Induitur Dominus: sed nil deformat honores
 Diuinæ sortis. quis tanta arcana reuoluat,
 Quæ nato sit digna parens? quæ membra Tonantis
 Parturiat mulier? quæ denique viscera condant,
 Quem mare, quem tellus, quem non complectitur orbis?
 Vna Palestinæ legitur noua gloria gentis
 Stirpis Iessæ Virgo: cui nulla verustas,
 Nullaq. posteritas genuit, nec proferet vnquam
 Vlla parte parem: matris quæ gaudia sensit,
 Virgoq. seruata est totum intemerata per æuum:
 Tartara quam metiunt, cœlum stupet, orbis adorat.
 Hæc, superos transuecta choros, iam proxima regnat
 Natq. hominum custos, mundi spes vna ruentis:
 Cuius sacra suis fulcit vestigia Phœbe
 Cornibus, & quam Sol vestit, stellæq. coronant.
 Attamen vt peragat Dominus, genitore iubente,
 Grande salutis opus, diris cruciatibus actus
 Emoritur tandem: cuius miserabile lethum
 Miris portentis cœlum defleuit, & orbis
 Nec Deus ipse mori potuit: sed vulnera sensit;
 Tortorumq. manus quodcunque ex sanguine matris
 Compactum est, quidquid mortali è stipite fluxit.
 Sic faber ignitum mergit dum forcipe ferrum,
 Nil chalybi leuis vnda nocet; sed fertur in ignem.
 Aduersum, flammæq. premit, prunæq. lacessit.
 Hinc viq. penetrans Erebum, Stygiaq. lacunas,
 Primæuos patres latebroso carcere clausos
 Soluit; & Eumenidas solido ex adamante catenis
 Implicat æternùm. nec condita membra sepulcri
 Illuuiem sensere, indigna aut vincula mortis:
 Nam breue post triduum superas reuocatur ad auras
 Et, nunquam moriturus, abit, quod culmen Olympus

Altius extollit, patrij ad consortia regni.
 Cumq. dies aderit soli manifesta Tonantri
 Orbis vastatrix, atque vltima linea rerum,
 Siderei cœtus cineres excire sepultos
 Vocibus horrifonis venient, & sistere cunctos
 Ante DEVM: quis ferre queat, quis cernere vultum,
 Quisue cicatricum vestigia, quisue furores
 Iudicis offensus? felix, qui crimina lauit,
 Præteritæ & vitæ sordes, quod numinis iras
 Effugiat, Stygiæq. æterna incendia noctis.

Talia dum fatur lacrymans sanctissimus Heros;
 Delusas animas, tetra caligine mersas,
 Eruit è tenebris; callemq. ostendit Olympi;
 Ingerit & cunctis vitæ melioris amorem:
 Ceu limosa palus reuomat si nocte serena
 Sub Lunam gelidis rorantia nubila guttis,
 Moxq. oriens Phoebus radijs, æstuq. relaxet
 Nocturno compacta gelu; nitet eminus orbis;
 Alliciuntq. oculos gemmati Sole colores.
 Quisq. fouet iuuenem cælestia verba tonantem,
 Attonitus quo tanta fluat sapientia fonte.

Ille autem, dum tanta viget reuerentia legum;
 Hos inter populos votiuas erigit aras;
 Construit & titulis Galilææ Virginis aulam
 Conspiciuam; vt, quam voce prius celebrarat, & hymnis,
 Aedibus exornet sacris, & thuris acerra.

Vixq. opus aggreditur, primæq. accingitur arti;
 Pondere cum terræ obruitur spes vnica patris,
 Spes puer haud incerta domus; nunc sæua doloris
 Materies: sed dona pater, non funera querit.
 Namq. inter gemitus, nati dum lumina condit,
 Exanimesq. pijs manibus complectitur artus;
 Nescio quid sperat genitor, si, deside luctu
 Suppresso, votis Dominum, præcibusq. fatiget.
 Talia magnanimo secum dum pectore voluit,
 Prorogat ingratum funus, natiq. cadauer

Extrahit:

Extrahit; & mediam ducit lacrymosa per urbem
 Pondera, defuncti viuum, miserumq. feretrum.
 Nec petitur Sanctus: temeraria vota videntur
 Sollicitare hominem, dum praesto est altera virtus,
 Quae puero vitam reddat, puerumq. parenti.

Fertur Lesmoriae seruatum nobile marmor,
 Vertice quod dudum perfodit, Ibernicus infans
 Editus, & sacrae decorauit imagine frontis.
 Hoc caelo expositum Sancti prope limen aperto,
 Imbribus effusus quoties, aut rore madebat,
 Immedicabilibus praesentia pharmaca morbis
 Praestabat, poteratq. necis differre ruinas.
 Hinc febres fugere graues; hinc nigra venenis
 Ulcera (quis credat?) roseum sumpsere colorem.
 Iam fileat Iudaea suae Bethsaidos vndas:
 Non eget Angelico motu, nec proficit vniuersum
 Hoc marmor: fileat puteos, medicasq. lacunas.
 Vrbs Samia, & sudans quas possidet Aenara thermas,
 Aut alias, quaecunque edunt portenta per orbem
 Vortice gemmato quamuis Nabathaeus Hydaspes,
 Perpetuoq. fluat diues Pactolus in auro.

Huc igitur properans genitor, miserabile pondus
 Deposuit; quod rore pio perfunderet artus
 Pallentes nati, viuumq. exciret ab umbris
 Sed frustra tentauit iter: nam prauius turba
 Languentum lapidis toros exhausserat imbres.
 Quid faciat? tumulumne paret, lacrymasq. resumat?
 An maiora animo verset, constansq. procellis
 Altius insurgat? languet spes credula patris,
 Succeditq. iterum grauiori pondere luctus,
 Aestuat infelix, tristiciq. ita pectore satur.

Non igitur sacro imbre tuum conspergere corpus,
 Nate, licet? terrane licet? meliora parentis
 Emeruit fortasse fides. ast arbiter orbis
 Non patitur tantis mortalia pectora votis
 Attolli; vt sperent etiam reparare ruinas

Mortis,

Mortis, & extremi leges confundere luctus
 Ergo tibi superest nil iam, nisi vile sepulcrum?
 Nil patri, nisi vana fides, gemitusq. perennes
 Quot miseros hæc vnda fouet: quot commoda semper
 Ciuibus accumulant diuina hæc balnea nostris
 Commune auxilium, soli mihi denegat imber
 Exhaustus: scatet vnda alijs: ego marmora solus
 Arida conspicio; siccasq. in puluere guttas.
 Cur mihi non liceat lacrymis labentibus vltro
 Effusos sacri lapidis reuocare liquores
 Quid tamen hæc, si moesta fugit vox irrita ventis,
 Commemorasti, pater infelix? quin protinus illum
 Experiare virum, vires qui præbuit vndis;
 Et sparsit rigidos vitali rore lapillos
 I pedibus faustis quò te tua, credule, ducit
 Rara fides: i, modeste parens; votisque repende
 Præmia digna tuis, nullos abolenda per annos
 Hæc tandem meditans, Sancti vestigia queris,
 Solaq. CATALDI deposcit nomina qualis
 Cerua per lætos saltus, Xanthiq. recessus,
 Quam procul ærata præfixit arundine pastor;
 Vt calamum hærentem lethali in vulnere sentit
 Dictamum vitale petit (sat cognita ceruis
 Gramina) dictamum, Minoia culta peragrans,
 Suspirat: tantas vires agnoscit in herbis
 Sic constans genitor medijs è millibus vnum
 Hunc legit; huic lacrymans humili sua tristitia vultu
 Damna refert; precibusq. pijs pia pectora molli
 O, cuius natale solum spectacula præbet
 Tanta suis; cuius marmor veneratur Iberne,
 Hæret vbi expressum sacro de vertice signum;
 Redde diem nato; sua gaudia redde parenti.
 Hic modo dum templi, quod, te Pater auspice, surgit,
 Fundamenta fodit, pressus grauiore ruina
 Impendentis humi, periit: quin viua sepulcro
 Supposuit membra infelix, tumuloq. reuulsus.

Exanimis;

Exanimis, tandem tibi sistitur, aspice patrem;
 Et nati miserere: potes nam talia dona
 Præstare, & miseris succurrere: vota precantum
 Ne spernas, gemitusq. pios: patiēte sacratæ
 Fundamenta domus humano sanguine tingi,
 Sævisq. auspicijs attolli culmina templi
 Diuiparæ matris? vel, si non tale meremur
 Auxilium, adde patrem tumulo: mors vna duorum
 Corpora condar humo: vel sis mihi, nate, superstes,
 Ut decet; aut ambos eadem fortuna sequatur.

Hæc pater: ille inopis miseratus dāmna senectæ,
 Collacrymât; tacitusq. præces præmittit Olympo,
 Mox ait. Indignū quidnam tot laudibus ornas,
 Nominibusq. suis cælestia numina fraudas?
 Mœste parens? satis ipse mihi sum cognitus. isthæc
 Dirige vota DEO: cuius veneranda potestas
 Ius vitæ, ius mortis habet: quo terra mouetur,
 Sol stat, & in medijs Aquilonibus vnda recumbit.
 Hinc nato quærenda salus; hinc pectore toto
 Sperandum quodcunque nequit natura; parentis
 Quod meruit constans animus, lacrymazq. fideles.
 Restitit his dictis, cœlo pia lumina figens:
 Mox, quasi diuinæ mentis sat conscius, addit.
 Viue puer, & ipse iubet. nec plura locutus
 Sentit adesse animam, notos quæ fusa per artus,
 Mœsta reluctantis delet vestigia lethi.
 Et puer exurgit properè, lacrymisq. profusus,
 Patris in amplexu pendens sus gaudia præfert;
 Ac tales fundit rediuuo è pectore voces.
 Hæccine, Sancte, potes? sic ferrea vincula mortis
 Abrumpis? tantis moliris comoda patrum
 Portentis? ò sacra Fides, ò rara potestas
 A Domino transmissa suis. Miracula rerum
 Tantarum interea diffundit fama per vrbes
 Occiduas; alijsq. parem morientibus offert
 Diuinæ virtutis opem; nisi dona sepulcræ

Deposcant potius; miseræ quàm tædia vitæ.

Dum tamen exultat cœlum, lacrymabile regnum

Ditis, & implacidi terretur limen Avernî.

En properat miles; nuper cui pignus ademptum

Legarat lacrymas; sed mediâ constantia mentis.

Nec bene suada fides animi prope funera nutat:

Nam sperat quæcunque negat se posse Machao;

Quæ nunquam potuit medicis Epidaurius herbis.

Non tumuli petit ille locum; feralia differt

Ornamenta rogi; tentatq. euadere mortem

Post mortem; & solum lacrymans suspirat Ibernum:

Ille autem turbas hominum, fastusq. perosus,

Extrahit abruptos lapides, & pondera glebæ

Virginei vt citius templi sacra culmina surgant

Huc igitur miles; Domino præeunte, reflectit

Mœstus iter, pondusq. trahit miserabile natæ

Atque hos orditur lacrymoso carmine questus

Aspicias hæc; Heros; cui ferrea cedit Erinys

Cuius in obsequium, flumen remeantibus ymbribus

Ad superas auras; Acheron sua murmura sedat

Tenariæq. parente reperto limine fauces

Sunt meritis indigna meis; idæ præmia factis

Digna tuis: nec culpa vetet scelerata parentis

Quod virtus aliena iubet: nec humanda relinquo

Corpora natorum patribus nunc integer tui

Qui poteras infans reuocare à sinere matres

Plura loquebatur: Sed tot præconiâ laudum

Dereflans Heros, sic obstitit ore frementi

Tanta igitur speras meritis te posse tueri

Signa meis? tantis audes insurgere votis?

Num DEVS ipse tibi videor, qui mortua possim

Membra animare iterum; manesq. excire sepulcris

Da nato inferias; nec fœda cadavera vinitis

Exponas: fac terra tegat, quod terra reposit

Si maiora cupis, si vis obfistere cœlo

Incute

Incute vim Superis; precibusq. æterna laceſſe
 Numina, quæ poſſunt cineres animare ſepultos,
 Atque Acherontæis indicere prælia monſtris.
 In me diſce hominem moriturum; concipe vires
 Mortales; nec plura petas. Sic fatus, à micum
 Vrget opus; terranſq. fodit; foſſamq. ligone
 Extrahit. O Domini virtus, o mira poteſtas
 Sanctorum; nec viſa alibi ſpectacula rerum,
 Pulueris effoſſi glebæ tetigere cadaver
 Exanimum; ſubitoq. redit ſub pectore motus.
 Et viuum ſpargit per frigida membra calorem.

Non tulit hoc iterum furiato pectore triftis
 Dux Erebi, fremuitq. Charon; ſubitiſq. ruinis
 Perſephones confuſa domus geminata reflexit
 Lamenta, & triplicis reſonarunt guttura monſtri.
 Extemplo innumera peſtes ad limina Ditis
 Conueniunt, iurata cohors maculare nefandis
 Criminibus mortale genus, gentemq. malignis
 Exagitare odijs, hominumq. eludere ſortes.
 Huc rabido ſquallore Fames, huc turpis Egeſtas,
 Et Luxus populator opum contendit, & auro
 Semper hians, auri ſemper ieiuna Cupido,
 Et præceps ad tela Furor: venit ore cruento
 Sæuities, Luctuſq. nigro velatus amictu,
 Impatiensq. ſui Rabies, timidusq. repulſæ
 Ambitus, atque Timor ſub inania murmura pallens.
 Hæc ſimul agglomerat furialis pronuba belli
 Seditio, & ſceleri ſolum Inconſtantia conſtans.

Regia Ditis erat piceis ſuffulta columnis;
 Cæca domus, quam flamma tegit, circumplicat ignis;
 Septenoq. ambit Phlegeton fera mœnia gyro.
 Præſidet ad poſtes Lethum; cui proxima luget
 Deſperata ſalus; hinc lata per atria cernas
 Eumenidum thalamos, atque horrida monſtra barathri,
 Gorgonas, & Sphingas, Lernæi & ſæua draconis
 Guttura, ruſtantemq. incendia nigra Chimæram.

In medio structa est infamis curia; pestes
 Exceptura Erebi, Stygliq. immania regis
 Membra : locum seruat vigili sub milite tutum
 Inuidia, assiduo quæ ruminat ore cerasas.

Huc igitur venere truces Acherontis alumni :
 Altior ille sedet, qui peior ; & ordo Senatus
 Ex virijs pendet : sceleri debentur honores.
 Stat ferrugineo tectus velamine noctis
 Arbitræ æternæ ; cæcæq. voragine mandens
 Vipereum crinem, tumidas desæuit in iras ;
 Cui deformæ caput squallentia nubila cingunt ;
 Implicat & vultum facies diuersa ferarum :
 Gorgoneis infecta riget prolixa venenis
 Barba : tument fauces, & non variabile pectus.
 Duplex ala humeros onerat, motuq. perenni
 Hinc Phlegetontæas exauget sulfure flammæ ;
 Inde premit Stygias glacie maiore lacunas
 Exterret, quodcunque videt ; quod tangit, inurit ;
 Quod rapit, exanimat : tanta est scelerata potestas.
 Hic, postquam Stygij tenuere silentia fratres,
 Circumquaque oculos suffusos sanguine, & igni
 Maiestate rotat ; verset quasi proxima regni
 Damna sui : inde ira minor, impatiensq. furoris,
 Murmura sæua tonat, rabidosq. è pectore bombos
 Exrrahit, & longis tandem hæc vlulatibus infert.

Eheu Tartarei sæua infortunia regni :
 Heu lethale malum, gemitusq. habitura perennes
 Illuies : Superi mortali robbre certant :
 Terrigenumq. cohors nostra agmina sæpe laceffit
 Sponte sua, atque alacris tandem, victrixq. recedit,
 Et patimur ? grauiora manent. & deside cura :
 Torpemus ? nulliq. nocet furialis Enyo ?
 Nostraq. nequidquam rabies præcingitur atris ;
 Ignibus, & Stygiæ siluerunt murmura ripæ ?
 Nonne olim alterna iugulastis cæde nepotes
 Cadmæos ; vestroq. furens patris ultor Orestes

Consilio lauit materno sanguine dextram?
 Nonne ego sexcentos bellorum excire tumultus,
 Et toties potui Latias confundere sortes?
 In civile nefas? armare & corda Neronum
 Scuitie, rueret quò gens illa invida nostris
 Cultibus, & premeret scelerato sanguine Tybrim?
 Quò vires abiere meae, quò robur Auerni?
 Regnat vbique metus: cuncti languemus, & Orci
 Optamus pauidi viles habitare latebras.
 Esto; primæui patimur conuicia belli;
 Dicimur & cessisse Deos: tantino pigebit
 Vnquam conatus, tantosq; adamasse triumphos
 Et volui, & voluisse placere: generosa voluntas
 Hæc fatis est victis: faueat fortuna Tonanti.
 Vna ergo poterit clades æterna mereri
 Excidia? atque semel cedentibus altera merces
 Nulla est? vna nocet reliquis victoria bellis?
 Prætereo veteres; quas ægmina nostra ruinas
 Edidicere pati: solum præsentia tangam
 Imperij fera damna mei: superamur ab vno:
 Vnus bella mouet? (nomen quis nesciat hostis?)
 Atque reluctanti; nutu dominatur Auerno.
 Nec moueor, quod nostra euerat templa, domosq;
 Victor; quodq; mihi vix cæca hæc antra relinquat;
 Occiduos adimat populos; sacrerq; vicissim
 Nescio cui domino, quas nos amissimus aras.
 Huic tamen ex Erebi latebris, (proh dedecus ingens!)
 Huic liceat Stygias impune auertere prædas:
 Et reuocare animas prisca ad consortia vitæ?
 Non patiar: dat tela furor; rabiemq; ministrat
 Læsus honor: pendat metitas audacia poenas.
 Pro se quisq; suos nōciturōs excitet ignes;
 Arma paret; dentes acuat; sua robora monstret;
 Nullaq; Tartareos reprimat patientia manes.
 Hæc dum multiplici conclamat guttore Pluton;
 Conspirata acies rapido feruere tumultu

Incipit ; & plenò gelidum bibit ore venenum
 Infremuere animi ; penitusq. Acheronte recluso
 Turpassent cæleste iubar ; subitòq. ruentes
 Impia Tartarei firmassent vota tyranni .

Sed stetit in medio miserarum prima sororum
 Aleò , toruumq. tuens cohibere furores
 Conatur procerum : mox incipit ore trifulco

Quò frustra ; socij , ferimur ? quò audacia præceps
 Consilijs inimica , ruit ? sat nouimus hostem ,
 In quem nostra fremit rabies ; cui celsissimus vni
 Viâtrices aquilas Erebi ; Plutonis honores ;
 Eumenidum vires , & guttura seuâ triformis
 Bella iterum struimus , nullos habitura triumphos
 Fraudis opus : satis est certatum robore ; & armis
 Nec turpe est vicisse dolo : monumenta trophæi
 Semper habent laudem : decus est fallacia victrix
 Tartarei manes igitur longa oia carpant

Has inter latebras : vni hæc prouincia detur
 Si cuncti irruimus , cunctos mox conteret hostis
 Robore munitus Superum , clypeoq. Tonantis
 Vnus si pugnet , victor vix arma capesset
 Vnius & vires audaci pectore temnet .

Parcite iam furijs ; blanda nil seuius ira
 Quis tamen hoc præstet , & quis turpia damna suorum
 Fraude pia redimat de me ; me decernite ; cordini
 Cui fraudes , cui notæ artes , ratioq. nocendia
 At quid bacchantum procerum suffragia venor
 Me manet iste labor ; nostriq. iniuria Regis
 Me petit vlttricem . Nec plura effata ; tenebris
 Circundat funebre caput , Stygiamq. paludem
 Præterit , & superas cursum detorquet in auras

Quò ruis Aleò ? & scelerati incommoda belli
 Sola subis ? conferre manus meditaris inertes
 Quæ toties armata cædis ? iam sola laceffis
 Hostem , qui potuit totas agitare phalangas
 Tænaras ? iam sola potes , quod Tartara tecum

Conantur frustra? fac tutamen omnia possis;
 Seu frangere hominem vinclis, & carcere retro;
 Seu patrio exturbare solo; seu capere famam;
 Siue arumnosa stamen præscindere vitæ:
 Fluctibus in medijs virtus animosa ruentis
 Altior exurget, maioribus aucta triumphis.
 Parce igitur scelerata dolis; nec sidera visas
 Turbatrix hominum; nec vana incendia iactes.

Nox erat; & Phœbe, venturæ præcia sortis,
 Circumquaque rubens, & iam casurus Orion,
 Nube procellosa totum contexerat orbem:
 Ni facerent, nutasse polos, Helicenq. madentes
 Nunc primum tentasse vias, & aulastro relinquo
 Terhyos in thalamis admirare Booten
 Eumenidum vultus adeo est inuisus Olympo
 Illa per Aetnaeos graditur furcata recessus;
 Concutit & Siculas trebris violatis vrbes;
 Inficit æthereas auras, Lalybæaq. siccat:
 Gramina, & Æaëlonij fœdat vineta Pelori:
 Obuia quæque premi violenti turbinis instat;
 Intortus quem nirebus agio; quem Iupiter armat;
 Oppositis Euris, spirantibus ore procellas
 Sentit Tartareum glacialis liberta murmur;
 Quò rapido deflectit iter, frigida Erinnyes;
 Vt Regem inuadat, curis, sonnoq. grauat;
 Et Stygias totò diffundat pectore flammam;
 Illa igitur faciemy quòd promptus omnia turbet
 Ementita Ducis, præerat qui Multitudo oris;
 Proximus & Regi capitali accendat ira.
 Sapius in sacrum bulce perferat, & tyranni
 Languentem Iuno simulatq. fœdat puluere prius;
 Vestibus induit illa laboris, cur pallida turbet
 Ora dolor, fletusq. lauet, deformat & nix;
 Rex stupet, & vultus vix tandem agnoscit amicos;
 Multa animo versat; vanaq. ab imagine rerum
 Terretur, sceptrumq. gemit, trabemq. cadentem:

Et prior, illacrymans tali sermone videtur
Compellare virum, moestasq. has promere voces.

Quo res summa loco, Dux Meltridis & vnde ruinas
Tam subitas Fortuna parat? miscemur vterque
Insidijs: agnosco dolos: sed cæca futuri
Mens nescit, quo fonte lues hæc vltima surgat.
Tu referas, quæ caussa mali; tu incendia volue;
Tu commune caput dubijs defende periclis.

Hæc ille. Aleæto contra, mentita figuram
Principis, orsa loqui. Fuimus: Fortuna secundos
Auertit vultus: & quod collegerat æuum,
Abstulit vna dies. victor sine vindice nostros
Dementat populos, & Meltridis occupat arcès.
Augetur manifesta lues; acquirit eundo
Robora lethalis turbo; iamq. obtinet vrbes
Deditione tuas. hunc plebs veneratur Ibernes,
Mirantur proceres, complectitur ordo Senatus.

Tu mecum Dominus posthac desuesce vocari;
Atque ambo, quò fata vocant, retrahuntq. sequamur.
Vel, si damna horres, si vis arcere ruinas,
Et caussa meliore frui, cur occupat artus
Importuna quies? ferrum cape, vincula, flammæ.
Tota nocte ducem pigro languescere somno
Non decet, imperij cui credita summa tuenda est.

Hæc ait; & cæcis visa est absorpta tenebris:
Non tamen illa fugit; sed corda tenacius ambit
Inuisamq. animam diris cruciatibus angit.
Defiluit ille toro præceps: nam pectore toto
Hauferat horrores Erebi, Stygiasq. fauillas,
Et trepida famulos deturbat voce iacentes.
Opprimor ipse malis: miseræ vos noctis iniquam
Carpetis requiem? vos ocia longa iuuabunt?
Heu quis bella parat nostris immania regnis?
Quis mea corda quatit terror? quæ viscera mandit
Sæua lues, quæ flamma vorat, quis verberat ensis?
Sponte igitur mea damna sequar? moriemur inulti.

Tu moriere simul. Sic fatus, lumina figit
 Mœstus humi, secumq. immurmurat; inde querelas
 Ingeminat; varioq. irarum fluctuat æstu.
 Sic forsan vidit coniux Athamanta, Learchum
 Cum raperet: talem Pylades spectauit Orestem,
 Post eadem infandam Diris vlttricibus ætum.
 Consternata cohors thalamos circundat heriles;
 Atque ignara mali tentat depellere curas
 Regis, & accensas intus restinguere tædas.
 Hæ tamen excrescunt: maiora vt robora flammæ
 Concipiunt Euris spirantibus: asperat vlcus:
 Vt male decoctum importuna licentia dextræ.
 Nox inuisa ruit tandem, tremulumq. per æquor
 Lux dubios spargit Nabathæo ex orbe colores.
 Nec minuit tormenta dies: nam tempore crescit
 Et furor impatiens, & sęua potentia morbi.

Ecce autem, stygio dum Rex male percitus œstro
 Effera præcipiti quatiebat pectora motu,
 Miles adest; nuper rediens cui pignus ad auras
 In Sancti exitium commouerat agmen Auerni:
 Hic, quod ferre nequit tacitus sua gaudia, vultu,
 Et verbis rerum miracula pandit vbique,
 CATALDI passim celebrans venerabile nomen:
 Et tandem (mens cęca hominum) vehementius ardet
 Successus aperire suos; quò corda Tyranni
 Mulceat, & tūras festiua ad gaudia tollat:
 Atque ait: O felix aulę regnator Iberne,
 Quid te vltro excrucias, passim si munera cœlum
 Accumulat maiora tibi? mea gaudia tecum
 Diuide, quo fas est animo: tibi nuncius asto
 Lętitię ingentis, tristes tamen exue vultus
 Interea, & rerum miracula percipe lętus.
 Aspicias hunc? (monstrat puerum, quem duxerat vnà)
 Hic modo Tartareis remeavit sospes ab vmbreis:
 Hic modò nullus erat, gelidę nisi mortis imago:
 Nunc est, quem cernis: supera nunc vescitur aura,

Legibus abruptis naturæ talia præstat
 CATALDVS, plebi iuuenis sat notus Ibernæ.
 Quis referat, quanta hic edat miracula; quales
 Hinc abigat pestes; quantorum corda virorum
 Instruat exemplo; quot mulceat ore disertò
 Iam videas populos, quos abluit aduena Rhenus;
 Quosque sub occiduo collustrat cardine Mundi
 Phœbus, Lesmoriam venisse; vt iura docentis
 Edificent, titulisq. sacrent melioribus aras.

Vix ea fatus erat: cum Rex vehementius instat,
 Ingeminans: O vera mei præsentia somni;
 Scilicet istud erat, quod, dum diffusa per artus
 Me tenet alta quies, varia sub imagine rerum
 Edidici. nec vana timet, nec falsa minatur
 Meltridis egregius Princeps. superamur ab hoste
 Non ficto. cui tanta tamen præconia laudum
 Agglomerat vulgus? magicis conatibus actum est,
 Quod fieri virtute putas. hoc pocula Circes,
 Acææ poterant; medicis hoc Phasias herbis
 Ausa nefas. hac fraude igitur magus ille triumphat?
 Non equidem patiar tantæ contagia pestis.
 Ferte igitur iuuenem, famuli, commune beatis
 Dijs odium: vincite manus: date colla catenis:
 Atque adamantæo frænctur veste rebellis.
 Ite meæ vires: blandis nec credite verbis.
 Fallimur: & ficto nihil est crudelius hoste.

Talia præcipiti loquitur dum mente Tyrannus,
 Attonitus miles, tantisq. furoribus impar,
 Hæret in obtutu tacitus. Stetit aduena miles
 Sic Amalecites, retulit cum funus acerbum
 Saulis Iessæo iuueni, clademq. nefandam:
 Nam, dum læta putat sua nuncia, fertq. coronam,
 Armillasq. Duci, successoremq. salutat;
 Præmia dumq. amens sperat sermone mereri,
 Vltima damna tulit lethali cuspide fixus.
 Et fortasse eadem reperisset funera miles

Lescmoriis: sed seua timens decreta Tyranni,
 Egreditur tacito funesta palatia gressu
 Quem pauidè sequitur natus non passibus, quis
 Interea celeres peragunt fera iussa ministri
 Atque legunt binas socia de classe triremes
 Remigioq. aptant; portusq. Aquilone secundo
 Lescmoriæ ingressi, medijs in millibus unum
 Inuadunt Heros sacrum; vestesq. tenaces
 Expediunt. proh turpe nefas; proh barbaræ regis
 Imperia, hunc hominem necis, qui vixela reorum
 Conterit? huic inferre necem? meditaris acerbam,
 Qui cineres animas? qui pallida membra feretris
 Extrahit? hunc reris sceptrum, gazasq. tuorum
 Quærerè, cui sordent mortalia? vince furores,
 Vince animos; Rex dire, tuos; ne te premat vltix
 Ira Dei, damnetq. Erebo. quid somnia curas,
 Quæ falsæ ad cælum porta transmittit eburna
 Tartarus, vt curis homines fallacibus angat
 Illi dum Sanctum scelerata in vincula trudent,
 Conueniunt proceres; patrij pars magna senatus:
 Et furor hinc suadet, verat hinc reuerentia Regis
 Precipites conferre manus; populiq. volentis
 Exagitare animos, hominemq. abducere morti.
 Tandem victa metu pubes alimenta ministrat
 Fletibus, & segni circundat moenia luctu
 Inter tot lacrymas gaudens sua vincla tueretur
 CATALDVS, mulcetq. suos, ac talia satur

Quod vestri tendunt gemitus? ac fletus amantis
 Quid sibi vult populi? moestis quæ digna querelis
 Materies? quæ causa mali? me cernite ciues,
 Eque meis oculis agnoscite gaudia mentis
 Iam teneo; cupij quod dudum vota precantis
 Implet iam Dominus. ducar per tela, per ignes;
 Aeternæ vt possim pertingere limina vitæ
 Nostrarum tolerate igitur discrimina rerum
 Quos amat Omnipotens, hos corripit; imbris aer

Horridus

Horridus oprato foecundat foenore glebas,
 Quæ cœlo reddunt vix semina prima sereno.
 Cui semper cursu aridet Fortuna secundo,
 Is miser est: maiora etenim post longa quietis
 Tempora succedunt incommoda: tuta ruina est,
 Quæ post damna iuvat, quæ dat post prælia pacem.
 Stat via virtutis syluestribus ardua dumis:
 Ast iter illecebræ fecere ad Tartara: callem
 Hunc tenuit Dominus, patrij quò culmen Olympi
 Scanderet: hunc homines etiam tenere beati.
 Ignis, tela, furor, tenebròsi carceris horror,
 Tortoramq. manus, & guttura sæua leonum
 Cœlestes potuere fores apèrire volenti.
 Duc me igitur quocunque cupis, studiose satelles:
 Nam, licet egrediar manibus post terga reuinctus,
 Non sequor inuitus. stat morte potentior ardor
 Aethereus; nec itq. magis, quàm vincla, voluntas.
 Sic dirum properabat opus, sic pectora plebis
 Mulcebat: donec tristi digressus ab vrbe
 Ad mare deuenit. hic, conscepsurus in alnum,
 Oscula partitur populo: lacrymasq. suorum
 Ore legit, Dominoq. urbem commendat: & addit:
 Hucusque accepi comites: certamina solus
 Iam subeo; lacrymis vos pareite: iunget Olympus
 Quos mare, quos tellus nunc diuidit. Ite fideles
 Aeterni pastoris oues: memoresq. laborum,
 Quos ego mille tuli, concordi pace per æuum
 Viuite subiecti Domino. Nec plura locutus
 Auertit molles oculos, vultumq. retorsit:
 Namque viri sensim turbabat viscera fletus,
 Et patriæ socialis amor. Vocat Auster in altum
 Interea puppes: deserto in littore ciues
 Languent; & madidis oculis comitantur euntem.
 Postera fulgebat roseis Aurora quadrigis,
 Cum videt Oltonios consurgere nauita portus
 Fluctibus è medijs; vnde improbus ante Tyrannus,

Illusus Furijs, geminas emiserat alnos;
 Has vbi conspexit, rabidas efferuet in iras;
 Impatiensq. sui Stygium vomit ore venenum.
 Nec minus ille furit, quàm quondam barbara mater
 Colchis, transfadigit natis cum viscera ferro.
 Vt tamen egregium Iuuenem videt, altaq. mentis
 Signa notat, sacrae meditatús frontis honores
 Obstupuit primo aspèctu; voluitq. tueri
 Comminus; atque hominem vario sermone morari.
 Sed metuens flecti vultus grauitate verendi,
 Imperat auersus latebrosa in vincula trudi;
 Insequiturq. minis. Iam iam dabis, improbe, poenas,
 Quas meruit crudele nefas: iam, sanguine fuso,
 Placabis Supèros, quorum sacraria turpas.
 Finge pium, populiq. mei venare fauores
 Eloquio; & magicis auge tua crimina rhombis.
 Qui rapis ex Erebo mianes, age, funera differ
 Corporis ipse tui; qui àliena pericula tollis,
 Auxiliare tibi. frustra iam numina Diris
 Sollicitas; etenim Icelus hoc non perferet vltra
 Intemeiata Themis. Iuuenem sic ille laceffit.
 Excipit at placido vultu fera murmura Regis
 CATALDV8; sequiturq. hilaris feralia signa
 Licetorum; vt Domini quærat per tela, per hostes;
 Per medios ignes cupido vestigia gressu.

Ventum erat ad pestes, vbi regia culmina surgunt;
 Haud procul hinc de fossa latet sub limine paruo
 Cæca, profunda domus camerato fornice, nullas
 Admissura dies; seu Sol oriturq. caditq.
 Seu medias cæli candentior occupat arces.
 Hic longo squallore riget miserabile tectum:
 Atque sepulta situ, gelidoq. obducta veterno
 Saxa, grauem redolent æterna in nocte mephitim;
 Solaq. per vacuas ædes spatatur Arachne.
 Hic scelerata cohors indigna compede nectit
 CATALDV8, & cingit crudeli milite muros.

25

BONAVENTURÆ

MORONI

CATALDIADOS

LIBER SECVNDVS.



Nterea Phœbus placida statione receptos
 Soluerat, & rabidos æstu sub Tethyos
 vndis
 Irrorabat equos: tacitisq. accita tenebris
 Littore ab Eoo, cœlum nox pinxerat
 astris.

Cum Pat er omnipotens obtutu fixus in vno,
 Quæ mare, quæ tellus, quæ continet ambitus orbis
 Inspiciens, tenuit tandem pia lumina regnis
 Occiduis: hominemq. videns in vincula trusum,
 Imperat educi; quod præmia digna sequantur,
 Emeritasq. ferant diuina exordia sortes.

Extemplo varijs curarum fluctibus actum,
 Et longa vix dum sopitum nocte Tyrannum
 Conueniunt gemini fratres; quos candida circum
 Vestimenta tegunt; oculos quibus ignea lampas
 Accendit; diadema caput, variata colorat
 Penna humeros; flauiq. madent sub nectare crines.
 Hi, seu membra notes, plusquam mortale videntur
 Præ se ferre decus; seu verba tonantia signes,
 Diuino sermone loqui. demittit vtrumq.
 Arbitr Empyreï; quod rex addiscat Ibernus,
 Praua reluctari nequidquam Tartara cœlo.
 Alter in arma ruens rotat implacabilis enssem:
 Alter inermis adest, sacra tempora cinctus oliua

Imbelli;

Imbelli : varioq. mouent sermone Tyrannum .
 Ingerit ille minas ; hic obsecrat : ille ruinas
 Intentat ; veniam hic offert : insignia primus
 Iustitiæ retinet ; rutilantia signa secundus
 Diuinæ bonitatis habet . sic ore seuero
 Incipit ergo prior . Stygijs ò debite flammis ,
 Ecquis erit finis scelerum , quæ meta furoris ?
 Euome quæd sæua nuper de Gorgone virus
 Haussisti ; verosq. metus edisce ; nec addas
 Crimina criminibus . me vindice , Tartara vexant
 Fraternas acies , debellatamq. Tonanti
 Progeniem , Satanæ illusam furialibus ausis .
 Ipse homines cœlo genitos (ea prima parentum
 Ingluuias tormenta meret) felicibus aruis
 Exturbo ; custosq. loci sacra limina ferro
 Fulmineo tueor . disce ex annalibus orbis
 Exhaustas Babylonis opes , flammæsq. rogales
 Pentapolis , quæq. Agyptus mox pertulit , ipsis
 Obdurata malis : & ne tibi singula promam ,
 Immani mortale genus sub gurgite mersum
 Hæ tenuere manus : quanquam voluere Gigantum
 Corpora nequidquam tumidas enare per vndas .
 Ex me monstra Erebi , nec non armata chelydris
 Eumenidum ceruix manat . mea brachia tandem
 Tartareas fecere domos , Stygiosq. recessus .
 Cui parco ? Deus ipse suos (quis crederet ?) arcus
 In nati mortale caput , corpusq. tetendit ,
 Sumeret vt meritas alieno è crimine pœnas :
 Ignoscatne tibi ? nisi iam pia numina places ;
 Ni iam deplores commissa piacula vitæ
 Præteritæ , nostro quis te modo subtrahat ensi ?
 Debita quò fugias iratæ fulmina dextræ ?
 Vincula solue hominis , quem nunc , delusus ab umbris
 Tartareis , magico foedatum carmine reris .
 Ni facias , iam disce mori : iam redde baratro
 Hanc animam ; patriumq. nefas prudentior hæres
 Emendet ;

Emendet, surgatq. tuo de funere maior
CATALDVS. Sic ille minas intentat, & ensem
Opponit iugulo. Prohibet sed vulnera frater
Mitior, & placido alloquitur sermone Tyrannum.

Si metuis iustas offensi numinis iras;
Si scelus immani lacerat tua viscera morfu;
In me oculos, Rex, verte tuos; frontisq. serenæ
Blandimenta notans, animos agnosce paternos.
Ipse humiles defendo reos, gemitusq. precantum
Ante Deum sisto; tantoq. in munere constans,
Iudice ab æterno vitæ suffragia venor.
Ereptusq. Erebo, mea per vestigia, cœlo
Primæuus successit Adam, seriesq. nepotum.
Iratusq. Pater quoties sua fulmina flammis
Armat, ut humanæ reprimat conuicia culpæ,
Obsisto medius; natiq. & vulnera, & artus,
Matre Dea monstrante vias, ante ora parentis
Exhibeo: tunc ira cadit, tunc fulgura languent;
Succeditq. fauor, quæ se vindicta retorfit.
Ergo tuum cognosce nefas; hominemq. vereri
Ne pigeat, quem nunc indigna compede necis.
Et nosces utinam quantos hunc seruet in vsus
Omnipotens, quæ dona paret, quæ gaudia monstret:
Nam, quem nunc odijs, quem nunc furialibus ausis
Insequeris; cuius lethum meditaris acerbum;
Forsitan huic cedens assumpti pondera regni,
Ornare sacram patrio diademate frontem.
Ast age, regna tene Tyrio conspectus in ostro;
Sed, quia Lethæis Dux Meltridis incubat umbris,
Hunc Superi fecere Ducem: moderabitur vrbes
Ipse datas, licet inuitus; Dominoq. sacrabit
Imperium, sociosq. leget; suffragia cœli
Tu sequere; atque viri faciles ne despice motus;
Nam nil tentabit, quod non decrevit Olympus.
Hæc ait, & iunctus socio, petit æthera pennis
Auratis; Dominoq. suo famulatur, & astat.

Sidereum fulsere comæ ; primoq. recessu

Spirauere pedes diuini nectaris imbres .

Iamq. rubescebat pulsus Thaumantias astris ;

Proximus & Phœbus radianti lumine litus

Sparserat Eoum : cum Rex attollit eburno

Membra toro , pendens animi , dubiusq. futuri .

Qualis , dum rapidi status Aquilonis , & Austri

Contendunt , ancepsq. fouet victoria partes ,

Concita diuerso motu fluuiialis arundo ,

Nunc Boreæ cedit , nunc inclinatur ad Arcton

Pulsa Noto , & dubio fluitat sub margine ripæ .

Sic trahitur Rex ipse suis contraria curis

In studia ; & pauido secum sic pectore fatur .

Ancipiti quò mente feror ? quos seruior in vsus ?

Credere si dignum est geminæ discrimina noctis ,

Quid potius credam ? quis somnia vera ministrat ,

Quis falsa ? ille iubet misero tormenta parari

Vltima : largitur cinctas hic moenibus vrbes .

Ni vinctum soluam subito , fera damna minatur

Armiger ille Deus : ni plectam , incendia regni

Oppositum luget numen . quæ vota sequemur ?

Tantane cœlestes agitant certamina ciues ,

Vnius ob vitam ? tanta est discordia Diuum

Pro vice mortali ? quid si dominatur in orbe

Casus , & humanas ludunt insomnia mentes ?

Talia Rex dubio secum dum pectore voluit ;

Improuisus adest , nigro velatus amictu ,

Egregius iuuenis : flexo qui poplite regem ,

Ter demissus humi , patrium quasi numen , adorat :

Atque ait . Infelix Stygias Dux Meltridis umbras

Aeterna sub nocte colit : quem tradidit orco

Ante meos oculos inopina morte peremptum

Vis occulta mali , aut irata potentia cœli :

Inuisus quoniam Superis vixisse , suisq.

Dicitur , & foedo luxu maculasse penates .

Te nunc Meltridei quærent : tu stemmata regnis

Hæc

Hæc adiunge tuis : nec sint ea munera parui :
Aut lege , qui regnet : fuerit tua sacra voluntas
Imperium plebis , lex inuiolata Senatus .

Nuncius hæc . hilaris sed Rex oracula cœli
Tranquilla iam mente capit ; noctisq. nefandæ
Insidias , Erebiq. dolos iam sentit apertos .
Mox iubet acciri veterum collegia Patrum ;
Quorum consilio maiorum pondera rerum
Componit , regniq. sui moderatur habenas .
His Stygias aperit fraudes , decreta Tonantis .
Exitiumq. Ducis . taciti miracula Patres
Ediscunt , firmantq. hilares suffragia cœli .

Ducitur interea iussu quoque Regis in aulam
CATALDVS ; primoq. putat , se limina mortis
Ingredi , & humanæ grauiora pericula vitæ .
Nec metuit , refugitue necem : quin sponte laceſsit
Lictores , & se verbis his excitat ultro .
Expectata dies salue , saluete propinquæ
Signa necis , stabili quam pectore semper amaui .
Incipio nunc luce frui ; nunc cernere coelum
Comminus , atque animam Domini miscere triumphis .
Tu , siquid meruit sanguis tuus , alta potestas
Intemerata poli , mihi da modo posse volenti
Ferre genus quodcunque necis : nec sæua leonum
Guttura concludas ; adimas nec robora flammis .
In reliquos clemens , tumidas exerceat iras
Rex mecum : feritas tortorum tempore crescat :
Vulnera vulneribus succedant , verbera plagis :
Et fluat in riuos cognato sanguine sanguis .
Ne ve semel moriar , liceat mihi posse reuerti ,
Atque animare iterum lacerati corporis artus ;
Succedamq. nouis cruciatibus ; atque vicissim
Nunc vitæ , nunc mortis iter nullo obijce tranem .

Hæc illum à Domino constanti corde petentem
Ad Regem sistunt famuli : qui protinus ora ,
Intrepidumq. viri pectus meditatus honorat ,

Quem

Quem prius aspectu crudeli exhorruit; auget
 Et veras laudes, qui iam conuicia finxit.
 Atque ait: O felix, cuius sic numina coeli
 Nomen amant, Stygij quem sic odere tyranni:
 Sat male iam de te merui, delusus ab umbris
 Tartareis: agnosco nefas; quod vindice luctu
 Expungam, lacrymisq. pijs, gemituq. perenni.
 Vel grauiora iube: tuus est reus, auspice coelo
 Qui nuper fuerat iudex electus ab Orco.
 Nec satis istud erit: pensanda iniuria facti
 Maiore obsequio. succedant stemmata vinclis;
 Quæ sacras stinxere manus: cape Meltridis arces;
 Atque libens animos populi moderare volentis
 Consilij, Dux alme, tuis; nostriq. laboris
 Esto comes: coeli sic vera oracula poscunt,

Hæc ait; atque homini, toto plaudente Senatu,
 Assurgit, prensatq. manus, soluitq. catenas;
 Atque alacer sacra descendit in oscula frontis.
 Certatim accurrunt proceres, exempla secuti
 Regia; complexiq. virum, maioribus vrgent
 Blanditijs; dubiamq. vocant ad gaudia plebem.
 At necis ille audius gazas contemnit, & ostrum,
 Illecebrasq. patrum: paulum nec tollere vultus.
 Audet, & ad tantos humilis pallefcit honores.
 Mœstaq. funereis miscens quasi verba querelis,
 Tali nequidquam compellat voce Tyrannum.
 Non igitur rapidis nostra hæc laceranda relinques
 Membra feris? igitur nec carpent nostra volucres
 Viscera, nec canibus seruamur præda molossis?
 Viuam igitur, viuam. quanquam ò (sed tanta mereri
 Haud equidem potui) Viuam; terræq. relinquer
 Pondus iners. quid plura petis? quid congeris vltro
 Diuitias regum? quid me super æthera tollis,
 Vt lapsu grauiore ruam? da Meltridis vrbes
 Cui terrena placent: nec me succedere regnis
 Alterius cogas, ac spem fraudare nepotum.

Hæc

Hæc ille ingeminat: Rex contra ardentius instat,
 Ne violet præcepta Dei. Prò viuida virtus,
 Raraq. vis animi. quando hæc certamina vidit
 Prisca ætas; vt sceptrâ darent, & stemmata Reges
 Sponte sua; & fugeret melioris commoda vitæ
 Indiga paupertas? genuit sanctissima CHRISTI
 Relligio tales hac Mundi ætate ruente
 Contemptus rerum: docuit spes certa salutis
 Ad rapidas flammâs, ad guttura sc̃ua ferarum
 Immeritum damnare caput, vitæq. labantes
 Odisse illecebras, atque exoptare perennes.
 Pareret Patribus tandem, Regiq. volenti
 CATALDVVS: nisi, qui Domini se vouerat aris,
 Et iam Leuitæ decoratus munere sacrum
 Exercebat opus, timuisset pondere regni
 Coeleste obsequium curis miscere profanis:
 Meleridis hinc veritus populus, prudensq. Senatus;
 Maiestatis onus penitus ne temneret Heros
 Aeternæ vitæ studio, illi ingerit vltro
 Diuinos titulos, Pastorisq. auge honorẽ.
 Rex firmat decreta Patrum, & suffragia plebis;
 Meltrideasq. Vrbes Domino largitur in æuum,
 Pontificisq. auge decus, imperiumq. perenne.
 Attamen ille humili: tales è pectore voces
 Fundebat. Iam cedo tuis, Rex optime, votis;
 Iam Domini præcepta sequor: meliora poposci
 Dona; sed indigno Superi meliora negarunt.
 Tu tamen addiscas quæ non docuerunt parentes;
 Præteritumq. nefas reluas lustralibus vndis.
 Hoc satis ad poenas; modo detesteris iniquas
 Delicias, ritusq. patrum, moresq. priores.

Hæc ait: & cernens mox regiâ viscera flammis
 Accendi æthereis, aperit sacra dõgmata legis
 Diuinæ: atque animum, Stygia iam fraude relecta,
 Informat dictis coelestibus. Ille magistri
 Verba notat, stupet & ritus; sensumq. sub imo

Pectore parturiunt Fidei sacra semina vitam .
 Exclamat tandem : Credo , venerabilis Heros ;
 Credo iterum quodcunque iubes . has ablue sordes
 Ergo citus ; ne forte meis furialibus ausis
 Plus nimio offensus Dominus , penetralia coeli
 Obstruat , & scelerum medicamina tarda repellat .
 Nec mora ; CATALDVS , coelestia verba profatus ,
 Vitales spargit laices . rigat vnda capillos ,
 Abluit & maculis animam , Dominoq. maritat .
 Iam verò videas cumulari altaria donis ,
 Turbari simulacra Deum , populiq. fidelis
 Augeri numerum , & verè pictatis amorem .

Mercator tandem felix , his rite peractis ;
 Rege salutato , turrîtæ in Meltridos arces
 Contendit . Sed fama prior peruenit ad urbem .
 Occurrit domino venienti prima senatus
 Maiestas : hilarem læto clamore salutat
 Plebs humilis ; subitoq. ornat capita alta viarum
 Frondibus arboreis : sternunt iter vndiq. matres
 Vestibus ; & croceo velamine tecta colorant .
 Hinc pueri intonsi pariter , iuuenesq. decori
 Læta canunt , pulsantq. vagis clamoribus urbem .
 Sancte veni : pater alme veni : felicia felix
 Templâ cape ; & viduæ succede in Meltridos aula
 Hic teneat te longa quies ; hic tarda senectus
 Occupet : atquæ aliò ne te vis altera ducat ;
 Ut moderare hospes peregrinæ pectora gentis .

Talibus obsequijs ad celsa palatia sistunt
 CATALDV . cuius crescit quò gloriæ maior ,
 Hoc mage cor premitur : languent nam pectora fastus ;
 In medijsq. cadunt nutantia colla triumphis
 Qualis luxurians seges inclinata recumbit ,
 Quò magis æstiuas fecundant semina messes ,
 Et grauidas fruges cumulat felicior annus .
 Iamq. urbis faciem , iam nunc murata videres
 Corda hominum . læti exercent præludia ciues

Susceptæ

Susceptæ Fidei; detestaturq. iuuentus
 Quotquot degeneres docuerunt crimina mores.
 Cana fides, socialis amor, mens conscia recti
 Hos populos tuta pariter dititione gubernat:
 Tartareasq. parant nequidquam monstra barathri
 Insidias: nam quisq. dolos cognoscit, & arcet;
 Illecebrasq. odit sensus, Mundi. ruentis
 Commoda; & æternę suspirat gaudia vitæ

At quoniam se tanto oneri, rebusq. gerendis
 Non putat esse parem; sacras partitur habenas
 Bis senis socijs; quos, tota è Meltride lectos
 Egregia virtute animi, diademata nectunt
 CATALDVS, mox ipse mitra meliora decorus
 Eminent Antistes duodeno Præsule cinctus

I nunc, & partos deuicto ex hoste triumphos
 Commemora, Aleto infelix: iam Tartara discent,
 Quàm robur Stygium coeli sit viribus impar.
 En modo qui fuerat, te compellente, feretro
 Proximus, ætherea non tantum vespicitur aura,
 Sed regnat: populi. tui numerosa propago
 Detestata Deos, veri sacra dogmata cultus
 Edidicit. si bella iterum struis, improba, rursus
 Experire viri robur grauiore ruina.

At postquam sic ille diu pia pectora plebis
 Instruxit Fidei cultu, monitisq. salutis;
 Visere conspicuas Solymorum destinat arces,
 Et præsens sacri venerari saxa sepulcri,
 Quæ triduo tenere DEVM, reliquosq. recessus;
 Quos dudum celebres fecit, dum degeret hospes
 Inter mortales, proles primæua Tonantis.
 Tunc iubet acciri socios; quibus ordine pandens
 Quidnam mente agitet, viduum comendat ouile,
 Ereptasq. animas Erebo; Satanq. latentes
 Insidias aperit, lacrymisq. ita fatur obortis.

Quò vocat Omnipotens, atque irreuocabile votum,
 Ire decet, socij. Rachau vos templa, fideles,

Ad reditum seruate meum; populiq; dolorem
 Lenite, & tantis vigilis insistite curis.
 Nota Palestinae petimus confinia terrae
 Ut liceat tumulum; sacra & cunabula
 Spectare, & reliquos; peregrina in veste; recessus.
 Mox, ducente Deo; vel Meltridis arua reuisam;
 Vel moriar procul hinc alienis adueha regnis;
 Accipio quodcumque ferent decreta Tonantis.
 Interea vestrum est (si quid meruere labores;
 Quos subij, lacrymaeq; meq;) prohibere ruinas;
 Ne Domini in segetes irumpat callidus hostis;
 Neu Stygias capiant coelestia culta pruinas.

Hac ait: è que Patrum numero Rachuenlibus aris
 Praeficit, & populis; mentis quem candor honorat,
 Ingenijq; decus; nec non veneranda senectus;
 Subrogat atque sibi; patris qui absentis ubique
 Sustineatq; vices; sacrosq; exerceat actus
 Obstupuerè animis proceres; doluitq; Senatus;
 Nec tristes tenuit fletus plebs conscia facti
 Alternisq; addunt lacrymis alimenta dolori.
 Quid faciant? querula nequidquam voce morantur
 Praesulis inuicti non mobile pectus; & addunt
 Certa pericla viæ; subitisq; absorpta processis
 Nauigia, & dubias Syrtes; scopulosq; minaces
 Atque inter primos Senior successor Iberni
 Hoc orsus sermone loqui. Cunabula CHRISTI
 Cernere, & amplecti tumulum, quis dixerit unquam
 Non magnum pletatis opus? sed consulis vni
 Ipse tibi: solum tua respicis; omnia turbas
 Interea; inque tuos populos saeva agmina Diris
 Armas, quæ praesens procul hinc arcere solebat
 Percusso pastore pecus quæ damna sequantur
 Nosti, sexcentos habeat licet agmen Achilles;
 Si dux deficiat, languet: si mille carinam
 Impellant nautæ, dum absit procul ipse magister,
 Naufraga puppis erit: possunt nec sidera cœli

Cuncta simul, præferē vna quod lampade Phœbus;
 Me legis, vt præsim. potuissē hac sorte secunda
 Extolli: tanq; oneri succedere lætus
 Ad reditum, Paternalm, tuum. sed Præsulis impar
 Sufficior meritis: nec, si me prouocet hostis,
 Congrediar virtute pari. Sub vertice montis
 Sinæi conflat vitulos Iudæus apella;
 Erigit hisq; aras, Nabathæa & thiura ministrat;
 Quod procul est Moēs: Aaron nec prōximus aude
 Tam dirum prohibere nefas, pōpuliq; tumultus
 Sedare, & tantas animorum auertere pestes
 Prætereunte Petro, quōt languida corpora curat
 Corporis vmbra sacri & poterit quid vltima virtus
 Quid dotes animi, si præsulis vmbra medetur?
 Ergo tuis assiste ouibus, ne perdat herilem
 Cura aliena gregem. quos tot genuere labores,
 Et lacrymæ natos, alij cur tradis alendos?

Hæc ille insinuat: cui contra ardentior instat

CATALDVS; superatq; senem, pia dicta refellens:
 Egrediturq; domo; celeriq; ad litora gressu
 Contendit, magna procerum comitante ceterua,
 Qui se vltro asciscunt socios votique, viæque
 At nullum admittit; solus conscendit Ibernus;
 Atque humili, sub veste regit virtutis honores.
 Iam classem tenuis deducit ventus in altum:
 Illi oculis, gemituq; virum, lacrymisq; sequuntur
 Nec possunt miseris animum cohibere querelis.
 Quò fugis? exclamant. cui nos, pater alme, relinquis?
 Heu quantas referet, te discedente, rapinas
 Hostis Tartareus: quantas obtendet Auerni
 Arbitr insidias ouibus: quas nuper abactas
 E Strygijs latebris poterat ad pascua cæli
 Ducere, & æternæ donis cumulare salutis
 Et patiere tuis tam tristia fata parari
 Pignoribus? patiere mori, quos sanguine
 Eripuit letho, sua quos cade redemit?

Hæc illi ingeminant: celeres sed carbasa ventî
 Impellunt, adimuntq. ratem: stat puppe Magister,
 Atque iter incertum pelagi metitur, & Arctos
 Obseruat geminas, & frigida plaustra Bootæ.

Oceani interea glacialis nauira fluctus
 Scindit, Bolerij linquens in rupe Britannos:
 Vltcriusq. volans, retrò dum cedit Ocrihon;
 Paulatim nostri retêgit confinia Mundi.
 Primaque, quæ nobis sunt vltima, saxa Gobæi
 Prouidus euitans, Aquitanica littora transit.
 Inde Pyrenæos medijs demonstrat ab vndis;
 Pugna quâ validis Celtra est diuisus Iberis:
 Mox socijs laudat quæ Tarraco vina ministrat;
 Cantabricosq. fecat fluctus; scopulosq. Trileucos
 Radit; & Arrabros transiit; Tamarisq. fluënta
 Turia mox signat quos Lusitania fines.
 Accipiat, Bætis quibus alluat arua colonis;
 Aurea vbi nullo tinguntur vellera fucô:
 Tarteffi succedit apex; vbi tempora vitæ
 Longa vigent: placidi tanta est clementia coeli.
 Stant propè tergemini felicia culta tyranni,
 Sive Erythia ferax; seu sit minor atera Gadis.
 Hinc subit Herculeas obliquo tramite fauces
 Nauita, quâ dubios iterat magis vnda refluxus;
 Quaq. celer nostrum sese diffundit in orbem
 Oceanus, mediosq. implet telluris hiatus
 Caspius hinc Atlas nutat sub pondere coeli
 Et Mauritanæ diffusa mapalia gentis
 Apparent; geminæq. latent post terga columnæ;
 Geryone extincto, quas iam Tyrintinas heros
 Erexit; nautis iam dudum mera laborum
 Fluctiuagis; nunc prima tenent vëstigia cursus
 Immensi, occiduos audax quâ venit ad Indos
 Italus, atque alios Orbes quæsiuit Iberis
 Haud procul hinc Baleare fretum sua murmura miscet;
 Et minor excrescit, virides Ophiusa dracones;

Quæ nutrit ; litusq. vagum spectatur Ebyssi,
 Insula quæ nullis vnquam est fordata venenis,
 Iam iam Cymæos dextra, Liguresq. sinistra
 Nauta videns, digito Sardoæ cacumina monstrat,
 Tetrica lethales ludunt vbi funera risus,
 Mox mare Tyrrhenum tentat, Latijq. propinquat
 Oris, quas flaua Tybris circumfluit vnda
 Laurentesq. agros signans, veteresq. ruinas
 Lauini, & stratas, tenet quas Atreia, turres,
 Infidiosa fugit Titæidos attia Circes ;
 Et tutos intrat portus, quos aduena noxæ
 Dardanidæ nutrit, decorat Caieta sepulchro,
 Hinc Sirexos scopulos ne strerneret, hospes
 Nauita, nec semper sinuosi littoris algam
 Raderet, in medios fluctus, Aquilone secundo
 Proruit ; & læua faucibus graue olentis Auerni,
 Et puteos vrbs Samiæ procul indice monstrat,
 Languida vbi medicis curantur corpora lymphis,
 Nec procul Inarimen, quæ cæca incendia nutrit,
 Frænat & inclusos resonanti murmure ventos,
 Vnde oritur damnosa lues, vix æquore tanto
 Paufilypi assurgunt colles, vbi libera carpit
 Ocia Parthenope, Capreas præteruolat alnus
 Interea, atque altæ retegat vix culmen Amalphis,
 Nanque gubernator, fugiens fera, saxa Pelori,
 Et lethale frætum, voluit retinere Pachynum,
 Vt longos legeret breuiori tramite cursus
 Sed pluuiæ hyems, æquor vexantibus Austris
 Messanam deflexit iter, Siculisq. retorfit
 Faucibus ; vnde minax immurmurat vnda Charybdis,
 Et canibus quæ Scylla ferox tenus inguine lærat,
 Rhagini patuere sinus, Locriq. sequentes,
 Et colles, fuerant vbi templa Lacina quondam
 Hinc penetrent quocunque rates, caput vnda Tarento
 Nomen ab Herculeo ; propter quod classis Iberia
 Iset, ni rector, spatijs breuioribus usq.

In Calabros puppim ; profatū vētisset in altum ; hinc utitur
Sic , vt in extremos portus veheretur Hydruntis.

Vlterius quòd, Præful, abis : quòd carbasa flectis ?
Hæ tibi debentur tunc ; hæc merita donant
Coelicolæ ; satis est pelagi ; quod tibi Orchadas visque
Funditur , omnisq. , summi hæc speciosa Tarenti
Littora : flecte ratem : nūti tua vōta referant ;
Nec miseros patiare mori : tuos cura Tonantis
Destinat esse tuos : hic insula texitur ostro
Hic tibi thura calent ; hic templā immantia surgunt
Seruasti patriam cincti : nunc hospes anitos
Linque lares ; patriæque iussu mittere ruentis
Flecte ratem : veli quando tuæ sententia menti
Stat tumulum spectare : datq. sacrosq. recessus ;
I felix , felixq. redire te sospite , sospes
Hæc erit vrbs , veteri Neptūno subdita quondam ;
Mox tibi maiori titulo , meliore sacello
Huc æternæ vniū populū custodia nostri
Communisq. parens : nec te transmittet Olympus
Denuo , vt alterius regni modereris habenas.

Interea puppis transcenderat vndique fines
Hesperix , atque omnem Tyrrheni littoris oram
Iam secat Ionium pelagus ; dextrumq. reflectens
In latus , à læua prærupta Ceraunia virat,
Antraque fulminis crebro succensa sagittis
Stat procul Epirus , quæ Sol sub fidere Cancri
Parte oritur : cedit retro variabile semper
Ambracium pelagus : portum Corcyra ministrat ;
Naufragio Corcyra tuo ; Lærtia proles ;
Nota magis , quàm quod Phæacia poma refundat,
Alcinoique habeat celebrato nomine sylvas :
Huic Cephalenxi succedit littoris vnda
Dulichizq. domus , & regna Ithacensis Vlyssæi
Fluctibus è medijs surgit mox alta Zacynthos :
Inde volant Strophadum volucres ; hinc regna propinquant
Tantalidæ Pelopis , quæ puluere Pila decorantur

Spargitur; vnde fluit bibulis Alpheus arenis,
 Qui procul Arcadia campis absorptus Achæis,
 Exoritur rursus, Siculasq. irrumpit in oras.
 Hinc vaga Messene sequitur, portusq. Methones,
 Eruit vnde oculum lethalis arundo tyranno
 Aemathio, retulitq. notis, se vulnus eodem
 Infixisse loco, quo iam decreuerat Aster.
 Taygetum, instabili tangentem vertice nubes,
 Tyndaridum cunis celebrem, de puppe Magister
 Mox signat socijs; vbi iam Lacedæmona luget
 Præteriens hospes, tacitasq. illudit Amyclas
 Hinc Acherontæas expandunt Tanara fauces,
 In medium protenta fretum: litusq. Maleæ
 Saxa notant, atque vnda minax, & murmura ponti
 Nullam vbi suscipiunt, nullam dant æquora pacem
 Præterit Oenopiam puppis; prudensq. Magister
 Urbibus illustrem centum demonstrat Oaxim
 Signat & Aetæos populos; cursuq. secundo
 Cycladas ingreditur medias; & Dorida transit
 Carpathiumq. legit pelagus; tumidamq. Colosso
 Cernit adesse Rhodon: Pataram, Lyciamq. sinistra
 Deferit, & longo contendit tramite Cyprum;
 Inq. Amathuntæos descedit carbasa portus.
 Hinc cœprum metitur iter: Syriæq. recessus
 Præteriens, Sidona videt, Tyriosq. propinquos.

Post multos tandem pelagi, cœliq. furores
 Appulit ad saxum, quo brachia vineta pudicæ
 Soluerat Andromedæ nexus meliore catena
 Perseus, & priscam Cephei seruarat Ioppen.
 Hic pius Antistes litus complexus amicum,
 Tecta Simonis adit: quondam quæ maximus hospes
 Incoluit Petrus, cælo cum vidit aperto
 Quattuor appendi manibus genus omne ferarum;
 Cumq. inopum fletu pallentia membra Tabitæ
 Vitales iterum nutu deduxit in auras.
 Hinc mox digressus Solymas contendit in arces,

40 BONAVENTURAE MORONI

Quò Sanctum pietas alieno ex orbe trahebat ;
 Obuia Nicopolis primum ; quò ductus Iasus
 Sub tectis Cleophae peregrina in veste reledit ;
 Quam dixere Emaus prisco de nomine ciues
 Non procul hinc Gabaon , ubi Dux Hebraeus adegit
 Sistere Solis equos , finemq. videre triumphi
 Hinc templa apparent , totum quaesita per orbem ,
 Aeliaciq. lares ; quos dum procul aspicit Heros ,
 Oscula figit humi ; deuoti pectoris ignes
 Accendit , nudatq. pedes ; actosq. labores
 Oblitus , placidam fundit per membra quietem
 Nauita sic audax , saeuas ubi classe procellas
 Ignotiq. poli tentauit in aequore fluctus ,
 Post iter emensum dubium , si comminus arces
 Inspiciat patrias ; notosq. in littore ciues ;
 Nullos spumantis pelagi reminiscitur aestus ,
 Nullam ventorum rabiem , sed protinus algas
 Complexus primas ; cognato sanguine vulgus ,
 Atque Deos patrios lato clamore saluat .

Est locus , in medio terrarum consitus orbe ,
 Quondam extra muros Solymos , nunc vndiq. septus
 Vrbe noua : vindex scelerum turpissimus olim ,
 Nunc sacer , & celebris : quò toto ex orbe frequentes
 Conueniunt populi , tangit quos cura salutis ;
 Golgotha quem dicunt patrio cognomine ciues
 Mons , ubi primæux deleuit crimina culpæ
 Arbiter omnipotens rerum : quem sæpe reuisunt
 Siderei coetus , ductisq. ex more choreis ,
 Læta canunt , Dominiq. sui meditantur amorem ;
 Ac tandem tumuli venerabile marmor adorant
 Hunc licet hostilis rabies , scelerumq. cohortes
 Heu crebro eripiant nobis , reddantq. Tyrannis
 Eois , Dacisq. fetis ; custodia templi
 Nos penes incorrupta manet : sacrosq. penates
 FRANCISCI soboles semper tutatur , & ornat
 Felix progenies , quæ Religionis honores

Instaurat, foetuq. nouo foecundat Olympum
 Hostibus in medijs: quamnis Nabathæa per arua
 Mars fremat, & totum bello perterreat orbem.
 Huc humili gressu properat, vultuq. pauenti
 CATALDVVS: lacrymisq. rigans manantibus ora,
 Vix optata potest manibus contingere saxa
 Præ gemitu: tantos pariunt spectacula luctus.
 Mox, vbi compositos sensit sub pectore motus,
 Et potuit sua verba loqui; sic, lumina figens
 In tumulum, tumuliq. tenens saxa infima, fatur.

Sancte lapis, cui vota extremo è cardine Mundi
 Ad tua præsentis felicia marmora passim
 Soluimus, atque pijs cumulamur limina donis;
 Tu meritis tenuisse DEVM: tu suscipis aluo
 Exanguem Dominum, viuum pariturus ad astra:
 Te lacrymis viduata parens, & fletibus ornant
 Feminei cœtus, sponsi properata gementes
 Funera. quas referam grates? præconia laudum
 Quæ tibi proponam? celebret te lingua Tonantis;
 Gratus & hospitio tibi debita præmia soluat.
 Quid tibi cum terris; æquas qui culmen Olympi?
 Maxima quæq. tuis debentur sidera saxi
 Non genitale solum; non gens tam sordida cultu.
 Et forsan, quando lux vltima fulserit orbis,
 Angelicis manibus felix gestabere marmor
 Sideræ post signa Crucis, post hispida dumis
 Stemmata, post teretes clauos: quò secula discant
 Præterita, immani fuerit qua morte peremptus,
 Quo tumulo Dominus vitæ melioris origo
 Compositus; lotus quo tandem sanguine Mundus;
 Debeat & quo supplicio scelerata propago
 Humani generis plecti, quæ dona salutis
 Spreuerit, & tantum non compensarit amorem.
 Interea mea vota, lapis sanctissime, CHRISTO
 Redde tuo; vt per te merear quodcunque reposcam.
 Diuitias alij quærant, & commoda luxus,

Et vita meliore frui : mihi deneget orbis ,
 Quidquid habet : solum contendo sordibus æui
 Eripere hanc animam ; veniens quo rector Olympi ,
 Qui Zephyros inter ludens vaga lilia solum
 Quærit , & immundæ refugit contagia mentis ,
 Nil in me inueniat , iusta quod corrigat ira .
 Vel , si quod supplex cupio non assequar , ultro
 Deuoueo hos artus tumulo , vitamq. perosus
 Detestor ; nam malo mori , quam crimine turpi
 Fœdare hanc animam , Dominiq. euertere leges .

Talia fundebat lacrymans sanctissimus Heros .
 Mox animo subiere Crucis monumenta verendæ ,
 Quam Solymæ immanes (veniens ne disceret ætas ,
 Neu coleret sacri rutilantia signa triumphii ,
 Quem meruit Dominus post Tartara victa) sub imis
 Condiderant terræ penetralibus . Appetit ergo
 Complecti vitale decus , lacrymisq. rigare
 Aethereum germen , pressit quod colla Tonantis ,
 Qui digito appendit terrenæ pondera molis .
 Nec dum Helonæ pietas tenebris tam nobile pignus
 Eruerat : necdum dederat toto orbe verendum .
 Sidereis igitur flammis penè obrutus Heros ,
 Has audio secum geminabat pectore voces .
 Si nunc se nobis ille abditus vndique ramus
 E sacris pandat latebris , Solemque reuisat ,
 Quo Stygis , & Lethi squalentia claustra Redemptor
 Fregit , & æterno percussit vulnere Ditem ,
 Aethereasq. suis reserauit ciuibus arces :
 Quo fletu abluerem ! quot nexibus vndique truncum
 Sidereum premerem , haud hederis victricibus impar !
 Quæ vota offerrem ! peterem quæ dona vicissim !

Vix ea fatus erat , cum iam propè limina templi
 Aspicit oprata appendi vexilla , sacrumq.
 Circumquaque auro lignum , gemmisq. renidens .
 Obstupuit primo aspectu , lacrymisq. profusis
 Ingemuit , doluitq. magis , quam tristis Iacob ,

Cum

Cum vidit laceras mentito ex vulnere vestes,
 Et fictum luxit non ficto carmine funus.
 Atque inter gemitus: Ergo quod sanguinis, inquit,
 Imbre Deus lauit lignum, perfundere saltem
 Non deceat lacrymis? moriens ubi languit ille,
 Non dabitur mihi posse mori? quos restat in vſus
 Hæc anima? an pompas melioris funeris ambit?
 Vita vale: mors grata magis sub stipite sacro,
 Quàm regnare alibi. Solyma digressus ab vrbe
 Helias, istæ tandem defessus in vmbra
 Appetijt mortem; timidus quam fugerat ante:
 Hic mihi parta quies igitur: sacra arbor amanti
 Sit domus, aut tumulus. valeat iam dulcis Iberne,
 Et Rachuense solum: totus mihi sordeat orbis.
 Quo tamen hos viduos exornem carmine ramos?
 Non viduos quondam regerent dum membra Tonantis.
 Hoc ligno Israel botrum deduxit ab Hebron,
 Promissæ & didicit iam proxima commoda pacis.
 Percutit hoc petram Moses; vt diuite vena
 Opratos quærat latices, populiq. tumultum
 Comprimat, atque sitim restinguat fonte perenni.
 Mysticus hinc pendens mox æneus anguis abegit
 Agmen vipereum, & contagia sæua repressit.
 Crux igitur salue, toto venerabilis æuo:
 Empyreï tu sola aperis sacra limina: tollis
 Tu clausas adamante fores, Dominiq. triumphos
 Accumulas: tu sola domas Acherontis alumnos:
 Tu pedibus terram, tu sidera vertice tangis,
 Astris splendidior, cæloq. beatior ipso.
 Quæ tibi dona feret, quæ vota exoluet Ibernus
 Hospes, inops? si dona petis, quæ verus amanti
 Tradit amans, me me iam suscipe: cætera pro te
 Deserui; tu sola mihi nam sufficis: ipse
 Non satis esse tibi possum, quæ suscipis artus
 Diuinos, Dominumq. capis, qui sustinet orbem.
 Quòd si nil poscis, soloq. hoc munere gaudes,

Dabitur iam dabitur per me tibi victima **CHRISTVS**;

Sic fatur, niueisq. indutus vestibus aram

Ingreditur, sacrumq. facit de more Sacerdos;

Sacrum, quod postes utroque à cardine clausos;

Sidereos aperit; verbisq. potentibus audet,

Quod rerum natura nequit, quod Tartarus horret.

His ergo eximia, ut decuit, pietate peractis,

Ex oculis subito **CATALDI** euauit arbor

Vitalis, vel se notis immiscuit astris.

Tunc Pater usque adeo optatæ dulcedinis expertus,

Insequitur lacrymis fugientem, ac talia fatur.

O Erebi, Satanæq. lues, ò clauis Olympi

Aurea, quo temet rursus telluris hiatu

Obruis? aut quibus heu penetralibus abdis amicum

Præsidium nostri generis? quis sponte laceffit,

Quisue Acherontæos vultu perterreat hostes;

Et nobis animos, & robora firma ministret?

Quare in membra furunt **CHRISTI** tetra agmina Ditis,

Atque armant in nos crudelia corda Neronum,

Tu nisi quòd nobis cælestem præripis ensen,

Iu tenebris, latebrisq. iacens iam proxima Auerno?

Talia poscenti **DEVS** adfuit: atque latebris

Interni illapsus dulces has pectore voces

Format; & æternis annalibus abdit Ibernium.

Iusta petis: nec enim fas est tellure recondi,

Atque inter tumulos, lignum venerabile vitæ.

Tempus erit, vexilla Crucis cum pronus adoret

Orbis, & æterni celebret monumenta triumpho.

Nunc hostes regnant: qui quamuis sanguine Tybrim

Innocuo passim foedent, Latiasq. lacunas;

Martyribus passim diuina palatia complent,

Et veteres reparant immani cæde ruinas.

Sed grauiora manent certamina. Commodus urbem

Degener inuader, patrijs virtutibus impar:

Mox sua bella geret contra agmina nostra **Seuerus**;

Et poterit **Caracalla** suos agitare furores.

Imbellis sequitur, luxu fœdatus inertis,
 Illuies Orbis, famis infatiata vorago,
 Et vitæ pestis, sæua & contagio morum.
 Paucos prætereo, quorum execrabile nomen
 Tartara cæca tenent: Decius prius occubet vmbris,
 Quàm Crux eniteat. Pereant duo fulmina cædis
 Horrificæ. Mox & pacem diffundat in Orbem
 Constantinus, amor populi, spes firma Senatus.
 Huius casta parens nostra hæc vexilla recondet
 Nobiliore loco, latebris effossa vetustis.
 Iuncta & stipitibus geminis Crux nostra nitebit
 Nota parum titulo; sed quod funebre cadaver,
 Seminecemq. hominem tactu subducet ab vmbris.
 O qualis pietas, ò quanta micabit vbique
 Relligio, & culti passim sine crimine mores.
 Acneadum soboles veteres defueta furores,
 Et complexa Fidem, tunc, quod lucebit in armis
 Militiæ signum, venerabitur: atque salutis
 Auspiciū credet, quod iam delusa putarat
 Prodigiū infauitæ cædis; septemq. decoros
 Hoc signo reddet colles; totumq. per orbem
 Transfundet ritus, quos nunc malè sanus abhorret;
 Et compensabit teterrima vulnera læsæ
 Iustitiæ sero obsequio; quod crimina purget
 Sæuitiæ, & veterum scelerum vestigia rollat.
 Hæc DEVS insinuans hilarem dimittit Ibernū,
 Qui mox & reliquos cupiens spectare recessus
 Ductorem sequitur, totam scrutatur & urbem.
 Pontificis domus hæc: hæc Præsidis alta columna
 Atria fulserunt: genitrix hic obuia nato
 Concidit, & geminam sensit sub pectore mortem:
 Hoc Salomonis opus, sunt hæc Bethsaidos vnda:
 Spiritus hæc almus subiit coenacula; flammis
 Aethereis cinctus; maiora vbi; morte propinqua
 Sacramenta Deus sanxit, Sponsaq. reliquit.
 Hinc iam digressus, Bethlem quod accederet hospes;

In dextrum deflexit iter; qua parte Rachelis
 Cernitur insignis tumulus, cineresq. beati
 Iamq. antrum ingreditur, sub quo VIRGO inclyta partu
 Edidit Empyrei Regem, ptolemq. Tonantis
 Aeternam: nunc sacra domus, præsepia quondam,
 Præfulgens quò stella Magos deduxit Eoos;
 Bos vbi cognouit Dominum, cœliq. cohortes
 Duxerunt lepidas, mundo inspectante, choreas
 Mox vrbe egressus Præsul descendit in Haran,
 Pastor vbi quondam toties sudauit, & alit
 Isacides delusus amians; vbi nocte beata
 Pastores Superos meruere audire capentes
 Mox Gazæ metitur iter, fontiq. propinquat,
 Candacis Eunuchum lauit quo dextra Philippi
 Crimine præterito; dominæq. remisit, Olympo,
 Ascriptum, & Stygij raptum Phlegetontis ab vnda
 Bethsuræ fines transit: dextræq. secutus,
 Signa viæ, postquam celebrem deuenit in Escol,
 Miratur grauidas plus vno tempore vires;
 Quæ genuere botrum, pauidus quo nouit Hebræus
 Promissæ telluris opes: mox intrat in aulas,
 Quas dicunt Saræ cellas, cunabula quondam
 Promissi infantis; funditq. sub ilice Mambæ
 Solennes de more preces; longæuus v. Abra
 Hospitio excipiens Dominum veneratus adorat,
 Hinc Sole occiduo conscendit fertile Chebron
 Australesq. plagas: quondam Machabæus Iudas
 Quas domuit, flammisq. dedit victricibus vrbes.
 Postera iam tenebras oriens Aurora fugarat;
 Cum iterit Antistes Caphari sub vertice montis
 Hinc stupet Engaddi stillantia balsama vitis,
 Seruatamq. Dei præclaro munere Segôr
 Hinc & Pentapolis poterat spectare ruidas
 Atque Asphaltitæ scelerati nominis vndas
 Tempore quæ nullo iuuentia corpora mergunt
 Sed procul hinc fugiens, repetito tramite, montem

Scandit Oliueti ; vt videat vestigia plantæ
 Sacra DEI defixa solo ; cum ferret ad astra
 Seq. suasq. Erebi raptas de limine prædas :
 Quæ nunquam potuit vel longa abolere vetustas ,
 Vel peregrina manus ; vel sæua licentia ferri .
 Mox antrum ingreditur celebrati hominis , vnde
 Lazarus ad Superos redijt reuocatus ab vmbri .
 Hic pius Antistes repetens quæ gesserat olim
 Hoc tumulto Dominus , lacrymis ita fatur obortis .

O semel , atque iterum felix ; venerabile marmor ,
 Quod potuit lacrymis proles æterna Tonantis
 Irrorare suis : quas si legisset Olympus ,
 Ornasset sacris rutilantia fidera guttis :
 Quas Phlegetontæ possent si lambere flammæ ,
 Spectarent subito tenebrosa incendia manes
 Extingui , & flores Strygi de cespite nasci
 Quæ tibi dona feram ? nostros nunc accipe fletus ;
 Imbribus atque sacris , audio quos ore bibisti ,
 Immisce has lacrymas . vtinam perfundere saxum
 Sanguineis guttis , voto meliore , liceret .

Oscula , sic fatus , defixit mille Sacerdos
 In lapidem ; & potuit tandem vix inde reuelli
 Atque instar certæ fugientis , lumina crebro
 Et gemitu , & lacrymis ad marmora sacra reflectens ,
 Bethanios intrat muros , tutosq. recessus ,
 Hospitio Domini illustres ; Marthæq. labores
 (Sed non laude pari) germanq. ocia laudat
 Hinc Hiericunta petens , animo quasi cernit , & audit
 Illum seminecem , quem nec Leuita , nec vnxit
 Cura Sacerdotis , sed mox Samarita refecit :
 Iuxta iter emensum Zachæi cernitur arbor ,
 Vnde hilari vidit Dominum , hospitioq. recepit
 Galgala castra patent ; raptiq. ex gurgite facto
 Bis feni lapides ; & fons , quem dulcibus vndis
 Miscuit exhaustis vates operosus amaris
 Mox & Iordanis fatices , humilisq. salutar

Flumen ,

Flumen, Hydaspæis fulgentius vndique gemmis,
 Extinguitq. sitim cupidè; & sudore madentem
 Abluit, & tenui fœdatum puluere vultum;
 Lotus vbi quondam Dominus, Baptismatis vndas
 Sacrauit, meruitq. Patrem deducere testem
 Aeterni partus, aperire & limen Olympi.
 Hinc vallis succedit Achor, vbi vindice flamma
 Aetherea, miseri ceciderunt pignora Charmi.
 Cernitur inde Bethel saxum, cui nixus Iacob
 Scandere sidereos vidit super æthera ciues.
 Ante oculos Silo est, vbi diruta saxa videntur
 Altaris, quod prisca DEO sacrauerat ætas.
 Inde Sichem transit Præsul sub monte Garizim;
 Et templum ingreditur, quod adhuc prope limina seruat
 Illustrem puteum, saxumq. beatius astris,
 Sedit vbi Dominus, cum viuida verba locutus,
 Ad vitæ melioris iter Samaritida traxit.
 Hinc urbem penetrat, quam tunc dixere Sebasten;
 Quæ patrum, proauumq. memor, venerabile templum
 Struxerat Abdiæ tumulo, cineriq. loquenti.
 Vatis Helisæi: qui mortua corpora vitæ
 Restituens vita functus, felicia monstrat
 Tempora, & inclusus tumbis oracula profert:
 Inde fluunt semper miracula; semper abacti
 Dæmones, arreptos homines qui millibus urgent
 Tormentis, finguntq. animos, rabiemq. ferarum.
 Hinc videas mugire boues, rugire leones,
 Hinc ululare lupos, atque oblatrare molossos.
 Ille rotat deforme caput, spumosaq. dente
 Labra premit: gemit ille ferum: post terga retortus
 Ille recumbit humi: suffusus sanguine, & igne
 Ille oculos vibrat. sed dant medicamina cunctis
 Felices cineres: & mox his addet honorem
 Præcurfor Domini saxo tumulatus eodem.
 Urbis Nazareæ latebras hinc lustrat Ibernus,
 Et sacros adytus, quondam quos VIRGO beata

Incoluit;

Incoluit; Gabriel quò mox demissus Olympo

Ingreditur; matremq. DEO, coeloq. maritat.

O regio illustris, pars ò sanctissima Mundi,

Felicesq. plagæ; quæ tot seruatis in æuum

Gesta DEI, monumenta Patrum, miracula coeli.

Heu cui seruitis domino? quibus æra tyrannis

Soluitis? ah gentes Italæ, sacra agmina CHRISTI;

Et quos lentus Arar, diues quos lambit Iberus,

Quid struitis? quæ caussa moræ? quis prælia differt?

Heu profugi has oras, Thraces hæc regna tenebunt?

Vos merfos torpore graui, timidoq. veterno

Nil bene moliri, nullis assuescere bellis?

Aut, si quando furor, vel non placabilis ira

Vos trahit ad pugnam, ciuili sanguine dextras

Turpare, & ferro socias euertere gentes?

Fraternæ pereunt acies: concurrit in arma

Crux aduersa Cruci. retinent sine lite sepulcrum

Interea Domini immanes Mahometis alumni.

Conspicuumq. solum, maduit quod sanguine CHRISTI;

Est vbi parta salus Mundi, coeliq. ruinis

Instauratus honor, canibus data præda molossis.

Sacra Palestina tandem deserta peragrans,

Atque Arabum fines, Syrioq. à limite cinctas

Ad Casios montes Præsul longo obijce valles,

Horret gemmatæ rutilantia pondera mitræ,

Et vitæ fugientis opes; patrizq. vocantis

Affiduos spernit gemitus; auidoq. salutat

Ore nemo: sibi namque putat spelæa ferarum,

Desertosq. locos, & opaca silentia sylvæ

Felix hospitium; quò nec scelerata voluptas,

Nec possit discors hominum penetrare tumultus.

Paulatimq. ardet reliquam traducere vitam

Illis in latebris, soli manifestus Olympo.

Sic fugiens aurum, chalybem trahit abdita virtus

Magnetis: tenuis sic allicit herba capellas,

Quas non lauta mouent hilaris conuiuia mensæ.

His stimulis accensus adit nemo, vndique septum
 Rupibus abruptis, scopulisq. minacibus; vnde
 Aufugeret catulis etiam viduata leona,
 Hyrcanæq. tygres: tanta est male olentis Eremitæ
 Alperitas, adeoque horrentibus inuia syluis.
 Hæc inter deserta videt venerabilis Heros
 Exesum, crebrisq. rigens sub cautibus antrum:
 Oculosq. notans contexto vimine postes,
 Credit inesse virum; nam comminus omnia lustrans,
 Exaudit raros gemitus, & murmura vocis
 Languidulæ. ergo moræ impatiens sic incipit ultro.
 Felices animæ, labentis commoda vitæ
 Quæ fugitis, curasq. hominum posuistis inanes;
 Nutantem seruate virum: prohibete ruinas,
 Quas timeo; morumq. aliquos adhibere magistros.
 Sat patriæ fines spectauimus: ocia nobis
 Capta satis: mores alios nunc altera poscit
 Aetas: me vobis adiungite: sarcina forsan
 Non grauis in vestris spectabitur addita syluis.

Vix ea fatus erat; conuerso cardine, postes
 Cum parux patuere domus: apparet Ibero
 Ieiuna aspectu macies; barba horrida mento
 Ad pectus demissa pium: longisq. sepulta
 Penè supercilijs, fletuq. exhausta perenni
 Lumina; vir pallens, cuius veneranda senectus
 Crispabat faciem rugis, tenuiq. tegebat
 Ossa cute; & canis villosa in tempora fufis,
 Augebat sacros longarum frontis honores.
 Hic igitur, precibus Domino de more solutis,
 Ne qua fraude Satan Stygijs imbuta venenis
 Tela ferat, pacemq. adimat, victorq. recedat,
 Has tandem placido depromit pectore voces.

Quisquis es (haud equidem credo cœlestibus vsquam
 Inuisum, quem verba notant, oculiq. madentes
 Insignem pietate virum) nemora alta ferarum
 Qui petis, & nostros optas habitare recessus:

Prælia dira subis, & non tolerabile pondus :
 Regnatorem etenim nunc sponte laceffis Auerni ,
 Sæuaq. Tartareas accendis in arma phalanges .
 Dæmones ah quoties ferali murmure nostras
 Turbarunt aures , noctisq. silentia fesso
 Ruperunt ! quoties furialibus agmina monstribus
 In nostrum struxere caput ! Vaga sidera testor ,
 Quæ sola hæc spectant certamina : sæpe furentes
 Sustinui , effœtum cum viribus vndique corpus
 Per densos traxere rubos , & pectora dumis
 Fixere , & crebro lacerarunt verberare membra :
 Tantis inuidiæ stimulis agitantur ; & horrent
 Tam genus hoc vitæ . quòd si post prælia pacem
 Promittant , lædunt grauius , cum fœdera fingunt .
 Iamq. animus meminisse horret ; dum floruit ætas ,
 Dum vixit sanguis sub tempora prima iuuentæ ,
 Quàm me præcipitem luxus , suasorq. malorum
 Exagitarit amor : quàm crebrò fœmina nostros
 (Ah deforme nefas) illuserit aduena somnos .
 Hic toleranda fames , reprimant quam denique glandes :
 Hic & longa sitis præsentibus abstinet vndis :
 Hic brevis æta quies , durus labor , horridus annus .
 Namque premit nos bruma gelu ; nos Sirius ardor
 Accendit : quoniam defessi corporis artus
 Arboreæ frondes , vel stamen inutile cingit
 Contextum villis , passim qui membra cruentent .
 Omniaq. vt discas , fugimus patriamq. domumq.
 Carorum amplexus , fratrum consortia , vitæ
 Delicias , sociumq. torum : cæcisq. sub antris
 Condimur , assidui comites auiumq. ferarumq.
 Ignariq. hominum . tantos tolerare labores
 Inspice num possis , tantisq. obistere bellis .

Hæc ille : huic contra Præsul . Mihi forsitan addet
 Vires Omnipotens , solo qui nomine turbat
 Tartareas acies , Stygiasq. repellit in vndas .
 Cætera non timeo ; namque vltro sordida luxu

Ocia detestor ; latusq. laboribus armos
 Subjicio ; gaudetq. tenax patientia vestris
 Irrupisse malis . socium ne sperne sequentem ,
 Quò tu cunq. trahas . At habent sua commoda syluæ ,
 Deliciasq. suas , quas tu , pater optime , coelas ,
 Ne diuina adimat solatia fastus inanis .
 Est inter deserta Amalech , qui suscitet iras ,
 Hostilesq. acies scelerata in prælia cogat .
 Sed præsto est Moses , cuneos qui vincat inermis
 Armatos , fundensq. preces ex hoste triumphet :
 Igniuomos angues trepidas ? sed in aere pendet
 Aeneus affixus serpens ; qui damna veneni
 Arcet , & accensas reprimat sub vulnere flammæ .
 Si fortasse fitis , laticesq. horrescis amaros ;
 En stipes , qui è fonte Marath aconita repellit .
 Si desunt alimenta ; cibos deserta ministrant ;
 Et populo altrices format DEVS ipse pruinas .
 Glandes commemoras : cadit at peregrina conturnix
 Has inter glandes crebrò , mensasq. faginat .
 Rupibus opplentur syluæ : sed flumina currunt
 Has inter cautes mellis redolentia guttas .
 Aestuât hic Phoebus ? texunt vmbracula palmæ .
 Desœuit frigus ? sed vestimenta vetustas
 Non terit ; atque ignes expirat præuia nubes .
 His DEVS expressit primæua ætate figuris
 Commoda syluarum : sed nunc meliora parantur :
 Nam , quem longa fames lacerat , bibit ille frequenter
 Ambrosiæ succos , ignoti & nectaris imbres .
 Aestus quem cruciat , recreant sublimibus auris
 Coelestes Zephyri : brumæ quem concutit algor ,
 Spiritus æthereis fouet ignibus : ardua virtus
 Ocia non patitur ? generat labor ipse quietem .
 Liquistis patriam ? patriæ succedit Olympus .
 Solos esse piget ? subeunt hæc antra frequentes
 Siderei ciues . luxus præcordia pulsat ?
 Lumbos præcingit Dominus . fera bella minantur

Tartarei manes ? certamina vestra triumphis
 Omnipotens cumulat . paupertas horrida fruit ?
 Pauperiem didicere pati , qui semper anhelant
 Cœli diuitias , & non variabile regnum .
 Has nuper mihi delicias , hæc ocia syluæ
 Spondebant , tacitus cum per deserta vagarer .
 Fac tamen hæc desint soli mihi : fortius insto ,
 Propositiq. tenax nulla mercede labores
 Deposco : quoniam Domino seruire beatum est ;
 Quamuis nulla forent æternæ gaudia vitæ .

Audijt hæc , stupuitq. senex ; paulumq. moratus ,
 Hospes , ait tandem , felix habitator Eremitæ
 Esse potes : quoniam virtutis præmia reris
 Virtutem ; Dominumq. sequi per tela , per ignes ;
 Ablata mercede , cupis . nec seruus heriles
 Diuitias ambis ; sed quæ tibi sanxit Olympus ,
 Iura libens seruas ; quamuis tibi cætera desint .
 Ancipiti sed mente feror , num destinet antris
 Te DEVS ; has inter syluas , & lustra ferarum ;
 An maiora tibi rerum penetralia pandat .
 Præterea genus hoc paucis imitabile vitæ
 Nullus adhuc coluit : namque impia mostra bārathi
 Hæc habitant loca senta situ . sed fortior ætas
 Mox veniens , poterit nemorum penetrare recessus .
 Felix progenies , nimium dilecta Tonanti ,
 Orbem quæ fugiens , orbi celeberrima , & astris
 Semper erit ; latebrasq. petens , pandetur in æuum :
 Namque adytis nemorum sacra nomina fama superstes
 Extrahet , vt feri relegant pia gesta nepotes .
 Ante omnes luuenis fugiens sua funera , syluas
 Thebaidos penetrat : sed mox sæua agmina Auerni
 Sustinet impavidus ; cuius vestigia vitæ
 Vrbe Paretonia egressus non æmulus impar
 Inscius assequitur ; trahit & tot millia secum ,
 Vt nemus esse forum , videantur & oppida syluæ .
 Nunc quasi vestibulum colimus , quasi limen Eremitæ :

Sunt nobis hæc antra satis : sat crimina vitæ
Diluere in lacrymis , & pondera ferre senectæ .

Hæc ait ; atque hominem prærupto in fornice rupis
Excipit hospitio ; mensamq. apponit , & herbas
Dispensat , glandesq. rudes : hæc prandia quondam
Relligionis amor docuit , sapiensq. vetustas .
Mox quærit : sæuis CHRISTI num sponsa Tyrannis
Subdita adhuc gemeret , mactataq. pignora passim
Fleret ; an optatæ sentiret comoda pacis :
Protinus Antistes huic ordine singula pandit .

Syrus ANIGETVS sacrarum pondera rerum
Sustinet : & Princeps AVRELIVS eminet Orbi.
Relligio ancipiti petitur certamine : foedus
Nunc hostes violant ; pariunt nunc prælia pacem .
Marcio nam Domini tenerum corrumpit ouile ;
Sed purgat Polycarpus oves : hinc bella minatur
Montanus , Superumq. decus temerarius ambit ;
Hinc Irenæus pacem diffundit , & hostes
Comprimat . At rursus maiora pericula surgunt :
Arbiter imperij quoniam est aggressus vbique
Impietatis opus ; nostro qui sanguine foedans
Viétrices Aquilas , Superos , hominesq. lacessit
Vrbis in exitium : nam quos contagia pestis
Non violant , hostes perimunt : maioraq. forsan
Marcomanna lues incendia congeret orbi .

Hæc ubi percurrit Præsul , capere vicissim
Cœlesti sermone loqui ; Superumq. choreis
Nescio quò calle admissi , quodcunque caducum ,
Quidquid mortale est flagranti è pectore delent :
Immorisq. oculis , immoto corpore , nulla
Vitæ signa ferunt ; auida sed mente tuentur ,
Quà fas est homini , superi penetralia regni .
Post , ubi plena DEO gustarunt prandia , rursus
Apparent sensus vestigia ; membra soporem
Excuriunt ; vegetatq. prior sacra pectora motus .
Felices animæ , tali quas nectare pascit

Omnipotens ,

Omnipotens, tantisq. epulis super æthera nutrit,
Quæ vos corporeæ exoneratas pondere molis,
Fœcunda æternis dapibus conuiuia replent?
Si tale exilium, quæ vobis commoda seruat
Patria? Si tales hyemes, quæ tempora veris
Aeterni? Si nox tam splendida, quale futurum est
Lumen, quod Solis radijs felicius ardet?
His epulis exempta fames; hoc nectare pasti
Membra humili posuere toro: nam roscida, cœlo
Præcipitans, medium iam nox conscenderat axem.

FINIS LIBRI SECVNDI.



56
BONAVENTURAE
MORONI
CATALDIADOS
LIBER TERTIVS.



ON dum prima dies campis surgebat
Eois;
Nec vaga fulgebat stellis Aurora fu-
gatis;
Cum subito assurgunt Patres, funduntq.
seorsum
Corde gemente preces per amica silen-
tia noctis.

CATALDVVS deserta petit: stetit alter in antro:
Vt sic diuisi spatijs feruentius imos
Exhalent gemitus; fructu amplectantur & ambo
Liberiore DEVM. Secum meditatur Ibernus
Commoda sylvarum, genus & venerabile vitę,
Desertas oblitus oues, patrięq. vocantis
Immemor. Acolidę veterum sic fabula finxit
Occurrisse suos nautas; quibus Africa lotos
Delibata semel patrię restinxit amores.
Ille, vbi iam totus sacros exarsit in ignes,
Dissimulare magis potuit nec vota; potenti
Vrget voce DEVM. Ceu, cum præcordia febris
Arripit, & miseros sensim depascitur artus,
Aeger suspirat latices, notosq. liquores
Somniat, & fictas passim procumbit in vndas.

Hęc, ait, hęc deserta peto, sator optime rerum:
Hic liceat mihi posse mori; nam sordet Iberne,
Vilescunt mitrę, & templi Rachuenssis honores:
Sola mihi deserta placent; grauis orbis, & vrbes.
Si domos, si saxa negas, si lustra ferarum;

Diuitias

Diuitias coeli, & patrij consortia regni
 Quando dabis misero? quòd si tua certa voluntas
 Non patitur mea vota; libens, quocunque vocaris,
 Subsequar: hoc etenim cupio, quod suggeris; odi,
 Quod prohibes. iterum mihi si committis Ibernem,
 Iam puppim repetam, mensumque remeriar æquor:
 Si mihi das sylvas, vrbes, hominesque valete.

Talia dum iactat, roseis Aurora quadrigis
 Clarior humentem calo dimouerat vmbra.
 Nocturnæ cecidere façes: vix præuia Phœbi
 Cernitur alma Venus: primo nam margine cæli
 Frondibus è medijs dubius surgebat Apollo.
 Lucidior non visa dies; nam comminus orbem
 Conditor inflammat rutilo delapsus Olympo.
 Audierat gemitus, & vota precantis Ibernij:
 Iamque venit, propiorque humili spectabilis astat.
 Vndique maiestas fulget veneranda: nec vlli,
 Sed sibi met soli similis; namque vndique corpus
 Aurata sub veste regit: cui cærulea circum
 Fascia sidereo decorat confinia limbo,
 Bislenis referens cælestia signa figuris:
 Lasciuitq. rubens per stamina fulua pyropus.
 Crebraq. quæ rigidi fecerunt vulnere sentes,
 Aurea cæsaries stellis melioribus æquat.
 Sceptrum dextra tenet: triplex diadema coronat
 Tempora: barba grauis, annisque virilibus ætas
 Proxima. cælestes famuli comitantur euntem,
 Millia quot superis nunquam venere choris.
 Vtque oculi valeant mortales lumina vultus
 Cernere siderei, nubes, velut ærea Phœben,
 Artus circumdat; siue, vt Thaumantida vestit
 Sole sub aduerso pendens ex imbris arcus.
 Agnoscit faciem Præful, pauidoque salutat
 Ore DEVM; pronusque iacet, nec sustinet alta
 Maiestate frui: Dominus sed mulcet amantem.
 Vultu hilari; ac tandem sic sacra silentia rumpit.

Nec

Nec tibi, nec patriæ solum te nostra, Sacerdos,
Cura dedit; nec cessit amor. quærenda per orbem
Tecta aliena tibi, peregrinæ & pergama gentis.
Et nequid dubium diuina oracula monstrent:
Quære Tanagræi cultissima rura Phalanti;
Quæ princeps inter Calabros, & Achaidas vrbes
Vrbs ruit in præceps: namq. improba turba nepotum
Dedidicit patrum leges, ritusq. priorum,
Quos Petrus edocuit, Tyrrheni Tybridis vndas
Cum peteret, sedemq. sacram transferret in urbem.
Rumpe moras: me redde meis: vrbs fida TARENTVM
Semper erit, veteres nunquam subitura ruinas.

Sic fatus, coelum repetit velocior Euris.
Ac velut ardenti cum quis commiscet ahenis
Brumales latices; subito subsidit in imo
Vnda tumens, vortexq. cadit, languescit & æstus;
Spumaq. per tepidos circumfluit alba liquores.
Sic Domini imperio CATALDI elanguit ardor:
Nec magis antra audet, nemorumq. optare recessus;
Sola sed Oebalij suspirat rura TARENTI.
Ac subito ut redijt, narrat sua vota magistro;
Vrbis & ignotæ cupidus monimenta requirit.

Audit visa senex; hilarisq. ad nuncia coeli:
Vrbs, ait, vrbs felix, cui iam fabricator Olympi
Munera tanta parat: tanto quam Præsule fulcit:
Diues opum quondam, ventura in sæcula diues
Virtutum, veriq. DEI non garrula cultrix.
Attamen ut lætere tuis iam moenibus, Hospes,
Atque noua exultes patria, cape nomen, & ortum;
Disce decus celebris, quam tu moderabere, gentis.
Quondam etenim, patrios cum prima ætate penates
Incolerem, appellens Italus peregrinus Ioppen,
Viferet ut tumultum Domini, mihi rettulit vltro
Hesperij annales, veteres Heroas, & vrbes
Conspicuas: cumq. Oebaliæ monumenta referret,
Quam tibi dant patriam Superi, quæ pergama donant;
Præclara

Præclara inseruit, quæ nunc cuncta ordine pandam.
 Longa retro series, si prima exordia quæras
 Herculeæ gentis: namq. is situs vrbis, & arcis,
 Atque maris bifidi, coeli & clementia talis,
 Atque soli vbertas; vt nulla ætate putandum,
 Desertum mansisse locum, aut caruisse colonis.
 Fundamenta Taras posuit, Neptunia proles,
 (Græcia ni mendax) sed nec dum condita Leuces
 Testa, Gigantæis falsò celebrata sepulcris.
 Nec dum Brundusi turritas viderat arces
 Prisca ætas: norat forsan nec nauita portus,
 Cornibus arboreis patrio quos nomine signat
 Viuacis cerui caput; & mox Romula classis
 Reddidit insignes, Eoo ex orbe recurrens.
 Auxit Amyclæus pomœria prima Phalantus,
 Et mores, legesq. dedit; veteresq. colonos
 Complexus, muris cinxit melioribus urbem.
 Prælia quid memorem, partosq. ex hoste triumphos,
 Magnanimosq. duces? nouit Messapus, & armis
 Urbis Alexandri virtus sociata Molossi.
 Dardana gens vinci potuit; classisq. subactæ
 Reliquias sua vix suscepit in ostia Tybris.
 Naufragus hinc Pyrrhus, Latios augere tumultus
 Italiam veniens, Leuini consulis agmen
 Ad Lirim superat; Lacedæmoniumq. TARENTVM
 Bis senis Aquilis, captiuisq. hostibus ornat:
 Hos tamen, vt pariter vincat virtute Quirites,
 Restituit patriæ, pretij contemptor, & auri.
 Castra iterum auspicijs sequitur fortuna secundis.
 Herculeæ; & validas Decij, socijq. cateruas
 Marmarici sternunt barrhi: gemit Ascula pubes;
 Martigenæq. iterum cecidere sub hoste phalanges.
 Sed quia Romanas Victoria legerat arces;
 Edoinuit Curius prolem armipotentis Achillis,
 Vltus auos: vinctq. fuit non turpe Tarento,
 Sed pugnasce decus, geminoq. hæsisse triumpho.

Annibal hanc urbem, simulato nomine morbi,
 Fraude capit: captam cunctator Maximus armis.
 Extorquet: subit illa volens Latiale trophæum,
 Et vacua immisissis cumulat Capitolia prædis;
 Ut vafros fugiat Pœnos, Tyriosq. bilingues.
 Heroum fecunda parens, nutrixq. perennis
 Ingenij; vt pariter belli mereatur honores,
 Et pacis, simul & Bellonæ, & Palladis artes.
 Obtineat, dupliciq. omnes sua pignora cultu.
 Floruit hic Rhinton tragica, viguitq. palestra
 Iccus, Acidaliæ Veneris seuiſſimus hoſtiſſion:
 Ne flueret conſtans læſa ſua per opia robur.
 Ennius hinc geſitus cecinit ſera prælia vates;
 Scipiadaſq. duces, melius quàm claffica Martis,
 Impulit ad pugnam: primuſq. eduxit in arma
 Bellerophontæas Latiali carmine nymphas.
 Hinc & Nicomachus bello; menſiſq. diſertus,
 Mox Heraclides oritur, quos Cynthia ornat
 Arte pari, ingenio ſimili: ſed ludit inermis.
 Inter conuiuas alter; ſua carmina fundit;
 Hoſtibus in medijs alter, geminoque triumphat
 Munere; quosq. armis ſuperat, mox peſtine mulcet.
 Hinc ad iura Lyſis, ſatus hinc ad pharmaca Zeuſis,
 Inuiſtusque Dinon maiora ad prælia ductor,
 Et Strato mox cithara, & lingua bene notus Alexis;
 Et genus hinc traxit dubium longæua Sacerdos
 Delphica: Nicoclès hac & tibicen in vrbe
 Claruit: atque ipſi Phœbo vix Eumenus impar,
 Carminè ſi Phœbus certet, fidibusque canoris.
 Sexcentos taceo: ſatis eſt pro millibus vnus
 Archytas: cuius nec machina nota columbæ,
 Nec fecere adeo celebrem crepitacula famam,
 Vt mores animi, mens & bene conſcia veri,
 Ingenium viuax, & cognita ſidera mundi:
 Quis tibi iam referat, quanta hic clementia cæli;
 Quot piſces pariat pelagus, quot gramina tellus?

Ver longum, brumæ tepidæ, tolerabilis ætas,
Quam mites Zephyri perflant, auræque salubres,
Hic sibi succedunt: grauidis hic obrutus vuis
Autumnus nulli cedit sua dōna Lyzo.
Has oras, hæc regna tibi czlestia tradunt
Decreta; vt molles inter tot commoda ciues
Ad durum virtutis iter, pater optime, ducas.

Hæc monumenta senex rerum narrabat Iberno;
Qui memor hospitij grates de more rependit,
Ac tandem sacra antra hilariſ; ſyluaſque relinquens,
Littora Phœnicum properat contingere curſu:
Ac ſubitò æratam puppim conſcendit, vt illam
Senſit ad Italiam Tyriàs tranſmittere merces.

Vix è conſpectu Syriæ telluriſ ab Euro
In pelagus deduſta ratiſ: vix littora ponto
Subſidunt: toto pendent vix catbaſa malo:
Cum ſubitò, non dum veteres oblita ruinaſ,
Aleſto lugubre caput crinalibuſ hydriſ
Concutit, atque iecur tumidoſ accendit in æſtuſ.
Qualiſ vbi inſanaſ, contorto verbere caudaſ,
Getuluſ, Libycuſ ve leo deſcendit in iras;
Infremit horrendum; arreſtiſ & crinibuſ aſtat;
Exacuitque vngueſ, aptatque ad vulnera dentiſ:
Et quoſcunque videt propiuſ concurrere teliſ,
Hoſ petit, & medioſ fertur morituruſ in hoſteſ.
Illa igitur ſecum voluens quò tendat Ibernuſ,
Quid ſtruat, & quantas, reſerato limine cæli,
Conetur flammis Stygijs auertere prædaſ;
Hæc rabido ſquallore tonat. Sic vincimur ergo
Haſ ferimur Diſi exiuias: hæc ſigna, fugatiſ
Hoſtibuſ, Eumenideſ deluſa ad Tartara mittunt
Sciſlicet hic, pelago veſtuſ, regnata Phalanto
Moenia ſubiſciet lethi contemptor, & Orci
Et genteſ luxu madidaſ, longa ocia vitæ
Carpenteſ, auido diueller ab ore Trifauciſ
Nec fatiſ eſt, animaſ, quoſquot glacialiſ Iberne

Nutrit, ab infernis heu subduxisse lacunis?
 Et nostris auctum spolijs è carceris umbra
 Ad mitræ transisse decus; risisse furentum
 Exitiale odium, suspectaq. tela Tonanti?
 Quò nunc progreditur? quò nunc se proripit hostis?
 Nunc aliud molitur opus; nunc altera tentat
 Prælia; nunc Furias audaci fronte laceffit.
 Imbellisne vno potuit Discordia pomo
 Tam dirum reperire nefas, bellisq. cruentis
 Europæ, atque Asiæ lætas confundere sortes?
 Illa ego Tartareas inter primæva sorores,
 Illa Erebi princeps Alecto, illa horror Auerni
 Opprimere imbellem nequeo, aut differre ruinas,
 Quas timeo? & potui toties è limine cæli
 Exturbare animas, cumulare & Tartara prædis.
 Non talem nuper rapidi Phlegetontis ad vndas
 Me fore promissi: nec de me tale merentur
 Obsequium Manes. quid nunc? superata reuertar
 Ad Stygias latebras? Subeunda pericula rursus;
 Atque anceps iterum tentanda est alea Martis.
 Iam non insidias struimus; nec ludere somnos
 Tentamus regum: pelagus dabit agmen apertum:
 Et glacialis hyems, necnon concordia discors
 Nimborum propius fluitantia vela laceffet
 Hostis inoffensi. an poterit per cœrula vētus
 Aeoliam penetrare domum, Zephyrisq. solutis,
 Nequere fulmineos indigna compede ventos?
 Et cæli, pelagiq. minas ratis improba vincet?
 Auxiliumne feret pereunti numen Olympi?
 Et ferat. obsistam; multoq. ferocius Euros
 Impellam. si non pereat subducta procellis,
 Saltem aliò defleat iter semiobruta puppis.
 Haud vinci omnino est, victricia castra morari.

Hęc vbi dicta dedit, conuenit in aere fratres,
 Qui cecidere polo, furialia signa secuti
 Cum reliquis, quos stagna premunt Acherontis, & ignes
 Vltiores

Vltiores Erebi : medio sed tramite casus
 Continuere gradum, & Stygis euasere lacunas.
 An quòd, vt in biuijs, dubio vestigia gressu
 Presserunt ; Dominumq. simul, Satanæq. furores
 Vel voluere sequi, finem vel cernere belli
 Motibus ambigujs, tandemq. vrgere cadentem ;
 Suspensiq. luunt, cæca inter nubila, mentis
 Ancipitis lethale nefas, caligine merfi
 Aeterna ; secumq. ferunt monumenta ruinæ ?
 An quòd peccarunt leuius, nec vincula Ditis
 Emeruere pati : sed cum defecerit Orbis,
 His quoque Tartareis necentur colla catenis ?
 An quòd nobiscum passim fera prælia miscent,
 Accumulantq. decus victori, animosq. coercent
 Degeneres stimulis ? Constat tamen esse proteruos,
 Et ventos excire truces, tumidisq. procellis
 Exagitare fretum, nubesq. accendere flammis.
 Eumenis his igitur sic obstreper ore trifulco.

Cernitis, vt nostri pereant consortia regni ?
 Vt Ditis deserta domus, Stygijq. recessus
 Nequidquam exuuias damnatæ plebis anhelent ?
 Vt mortale genus nostro succedat Olympo,
 Sidereasq. habitet, quas nos amissimus, arces ?
 Quid moror ? ecce ratis, tumidum quæ vectat Ibernum,
 Rapturum nostras alieno ex litore prædas.
 Hinc oritur miseranda lues, hinc pestis Auerni.
 Quid potui ? nihil arma nocent, nihil officit astus.
 Quin magis aduerso consurgit pondere : qualis
 Victrix palma, leues cum sese attollit in auras ;
 Atque onus exuperat, medijsq. in nubibus abdit.
 Afilixi ? gaudet. deuinxi compede ? regnat.
 Extinxi ? viuit. volui superare ? triumphat.
 Prima satis fuerat clades : geminata resurgunt
 Prælia : maiorum redeunt exordia rerum.
 Interea tam grande nefas, tam proxima Diti
 Exitia ; heu, placidis animis vos ferre potestis,

Et Zephyris aperire viam, quibus ocyor hostis:
 Nauiget, & citius prædis oneretur Auerni?
 Eia agite; exercete faces, quas nuper ab igne
 Tartareo eripui, vestrasq. excite fauillas:
 Mandite vipereos crines, haurite venenum
 Exitiale meum, veteresq. resumite vires.
 Nec soli conferte manus: vestra agmina venti
 Præcedant; Aegisq. Iouis descendat in æquor.
 Bella gerat Boreas, & inexorabilis Auster:
 Fulgura fulminibus coeant, nimbiq. procellis:
 Turbatumq. fretum funesta sit area Martis:
 Perdere non orbem cupio; sed Ibernica istis
 Dum pereat, reliqui tranquilla pace fruantur.

Sic fatur, rabidoq. magis succenditur æstu:
 Impatiensq. moræ Stygios ad prælia fratres
 Armât, & ultores ex æthere congregat ignes.
 Talia dum furtim peragit furialis Erinny's,
 Fluctibus in medijs præsul præsentit Ibernus
 Et tacitus secum ventura pericula voluit.
 Mox placidè hortatur nautas, puppisq. Magistrum,
 Vt teneant portum, vel cautius æquora verrant;
 Ventorumq. minas reteggit, motusq. propinquos.
 Dicta gubernator spernit, cæloq. sereno
 Plus nimio fretus, tacito sic murmurat ore.

Ergo Sacerdotum leges, & iussa sequemur
 In pelago audaces nautæ? custosq. sacelli
 Iura dabit ventis, tempestatesq. futuras
 Prædicet, cursusq. meos præuertet, & ausus?
 Non ego delphines vidi refilire per vndas;
 Littora nec fulices, scopulos nec prensat echinus:
 Nec tristes Hyadas fraterna cæde notaui:
 Nec rubet intabilis Phœbe: nec aquosus Orion
 Occidui repetit circumflua littora ponti:
 Hic ergo vnde hyemis præsagia cæca futuræ,
 Fulgaraq. & nimbos timidus præsentit, & haurit?

Vix ea fatus erat; grauidam cum Dæmones imbre

In nautas armant utroque à cardine nubem .
 Eripit illa diem : motiq. potentius Austri
 Vndique perturbant imis de sedibus æquor .
 Iam tonitru coelum omne fremit ; iamq. ignibus æther
 Ardet , & in pelagus temeraria fulmina vibrat .
 Aspera crescit hyems : rector mandata ministris
 Diuidit ; at frustra . quis enim sentire magistri
 Imperia , aut quæ vox pelagi superare tumultus
 Audeat ? ast vitro pauida formidine docti ,
 Atque vsu , exonerant vndis lethalibus alnum :
 Altaq. demittunt antenna cornua , & Euris
 Naufraga vela negant : tamen arte potentior vnda est ,
 Atque vndis imbres , atque imbribus ætheris horror :
 Regnat vbique lues , & plurima mortis imago .
 Iamq. inter nubes pendet prope sidera puppis ;
 Iam velut inferno spectat de gurgite coelum :
 Sic cadit in valles , sic æquore mergitur æquor .

Ecce autem iuuenis , dum carbasa colligit alta
 Parte ratis , qua celsa ligant carchesia funes ,
 Decidit infelix , nimbis Borealibus actus
 In præceps , Erebiq. dolis : perq. acra longis
 Suspensus spatijs , non euitabile mortis
 Ipsæ suæ metitur iter : tabulataq. tandem
 Corporca mole exagitans , vitalibus auris
 Orbatur . gemuit sub pondere cymba cadentis .
 Mors rapit hunc , raptumq. capit mox altera puppis ,
 Per Stygios vectura lacus . vixq. ille ruinam
 Sensit : Coccyo similis namque ætheris horror ;
 Nec tenebræ coeli , quàm Tartara nigra , minores .
 Iam laceros artus , & vulnera sæua videres
 In totam diffusa cutem ; mistumq. cerebro
 Naribus effundi per liuida membra cruorem .

Hunc igitur postquam socij videre cadentem ,
 Et subitam sensere necem , ruptosq. rudentes ,
 Et lacerata feris fluitantia vela procellis ;
 Damna sibi peiora timent ; pelagiq. furores

Exhorrent grauius, quàm quas gemuere ruinas.
 Tinguntur pallore genę : præcordia luctu
 Moerent : & lacrymis rorantia lumina manant :
 Spemq. omnem timor exagitat : comes ipsa timoris
 Desperata. salus extrema pericula monstrat ;
 Pectore & è toto viuacia robora pellit .
 Quid faciant miseri tanto in discrimine rerum ?
 Rectorem inspiciunt : sed pallidus ipse magister ,
 Quod nil per se molitur , nihil imperat , auget
 Aerumnas ; grauiore premens formidine nautas .
 Inter tot luctus , totque inter funera solus
 Impavidus Præsul pelagus contemnit , & Euros ;
 Vel quod dulce mori ; vel quod furialia temnit
 Robora , qui toties Stygios superauerat ausus .

Hunc dum respiciunt nautæ , memorantq. vicissim,
 Quæ nuper tanti dederit præfagia casus ;
 Et vatem credunt , & qui fera murmura possit
 Sedare , Aeolio frenare & carcere ventos :
 Ingeminantq. preces , lacrymisq. rigantibus ora
 Exclamant : Miserere, pater , miserere ruentum :
 Et quam ventorum rabiem , nullo indice , nuper
 Sensisti , iam fronte hilari , vultuq. sereno
 Comprime : nec perdat maris implacabilis ætus
 Nauigium , quod tam venerabilis hospes honorat .
 Multiplici forsan turpati crimine nautæ
 Naufragium meruere pati : sed seruet iniquos
 Iam socialis amor iusti ; vicinaq. virtus
 Protegat immeritos , vt se defendat ab Euris ;
 Nec ferat indignas alieno è crimine poenas .
 Nobiscum moriere , pater , tumulatus in undis ?
 Nos tecum tueare magis : vereatur & hostes
 Mactare Omnipotens , pariter ne perdat amantem :
 Aonia vt laurus vibrato à fulmine fontes
 Fronde tegit , coeliq. potest cohibere furores .

Hæc illi : At Præsul tendens ad sidera palmas ,
 Hæc sacro sermone tonat , Sanctissime rerum

Arbiter,

Arbiter, heu Furijs in tota elementa potestas
 Tanta datur? permiffa tuis sunt hostibus orbis
 Imperia, vt possint etiam contendere coelo?
 Sæuitum satis est: nimium fera Tartara tecum
 Conseruere manus. frustra tamen omnia tentant.
 Nam quis te contra insurgat? quis robore tecum
 Certet, qui nutu reparas, & destruis orbem?
 Iam ventis da iura Pater, qui condis & Arcton;
 Nimbosasq. creas Hyadas: iam comprime sæuam
 Eumenidum rabiem, tempestatumq. furores;
 Imperiumq. tuum mundi moderetur habenas.
 Vel tua si tantos pariunt decreta tumultus;
 Parce alijs; me trade mari. crudelis Enyo
 Me petit; & per me reliquis capitale minatur
 Exitium. aut igitur per me tua desinat ira;
 Aut in me solum desæuiat agmen Auerni.

Talia dum supplex loquitur (mirabile visu)
 Consternit fluctus pelagi, coelumq. serenat.
 Alecto Phlegetonta petit, Stygijsq. cauernis
 Abditur; atque Euri, trepida formidine pulsi
 Nubibus è medijs, cæcis conduntur in antris.
 Ereptamq. ratem Zephyri leuis aura secundat.
 Certatim nauæ læto clamore salutant
 CATALDV M, cuius metuunt fera Tartara nomen;
 Cui nimbi, Boreæq. minax audacia cedit.
 Vltimus æccurrens celsa de puppe Magister,
 Prensat vtrumque genu supplex reuocantis Iberni.
 Atque inquit; Tacitus nuper tua verba, Sacerdos,
 Censor delusi; nunc te manifestus adoro
 Laudator; scelerisq. mei non improbus vltor.
 Quis tamen occultas humili sub pectore nôsset
 Diuinæ virtutis opes? quis crederet æquor,
 Præter naturæ præcuntia signa, repenti
 Motu exturbandum? sed nunc sat nouimus omnes
 Quid valeas. serò sapimus; sed præuius error
 Nil nocuit nobis; seruas namque ipse carinam,

Perdere quam potuit rector, ventosq. coerces.
 Quid nunc? exhaustum est robur? sine robore virtus?
 Languet? nil iam sperandum? nil proderis ultra?
 An maius moliris opus, maioraq. verfas.
 Pondera? iam teneo: nec spes me viuida fallit.
 Aeternis igitur iuuenis reuocetur ab umbris:
 Obsequi q. vices habeat, qui promptius equo
 Pugnat ventis, vt nos seruaret ab vndis.
 Vnus abest: vnus non dum communia sentit
 Gaudia: fleat oculos, miseras aduerte ruinas:
 Et quem tristis hyems rapuit, clementia coeli
 Restituat, penitusq. adimat vestigia luctus.

Dixerat. ille gemens manibus deforme cadaver
 Pertractat; lacerosq. artus componit; & oris
 Stillantem saniem lacrymis detergit amaris.
 Mox, prece premissa: iuuenis surge, inquit. At ille
 Exurgit, vivumq. capit per membra colorem.
 Ast animus dubio praefert sua gaudia vultu:
 Nec se credit adhuc Stygiam fugisse mephitim
 Tartareosq. lacus, & non remeabile flumen.
 Post, vbi paplatim decerpfit munera sensus,
 Et vite gustauit opes; prostratus adorat.
 CATALDVN, prensatq. pedes; licet ille repellat
 Obsequium; & tandem, lacrymis labentibus vltro,
 Visa refert socijs; timidoq. ita pectore fatur.

Heu quæ damna manent miseros post funera
 Supplicium! quantas spirantes sulphura flammæ,
 Quot mortis simulacra vident; quæ monstra; quot umbras
 Horrificas fontes animæ! vox deficit; hæret
 Guttur lingua suo: tantas mens ægra ruinas
 Horret concipere, & prima sub imagine nurat.
 Vidi ego Tartareas flammis ardere lacunas
 Aeternis, interq. gelu exudare vapores
 Aetnæos; tristesq. animas, nullo ordine fusas
 Per mortale chaos, diris cruciatibus angi.
 Hos vidi rapidis exuri membra fauillis:

Et semel

Et semel extinctos iterumq. , iterumq. reuerti
 Ad sensus , solitasq. pati sine foedere poenas :
 Hos glacie merfos tantum obriguisse sub vndis ,
 Marmoris vt rigidi formam , lapidisue referrent ;
 Ni gemitu , lacrymisq. darent signa horrida vitę :
 Ac raptim euulsos manibus , sæuoq. tridentis
 Tortorum ; in medias iactari è frigore flammās ,
 Atque iterum accensos ad frigora prima reuerti
 Quis tormentorum sensus ! mensura doloris
 Quanta est ! quę vis poenarum ! tepet Ister , & Hebrus
 Hybernīs niuib. , glaciem si tangis Auerni ;
 Et superat totos Orci fax vna. Veseuos .
 Heu quis sustineat tortorum cernere vultus ,
 Sæuaq. deformes variantia membra figuras ?
 Si quis componat feralia monstra barathri
 Nostris portentis ; formoso corpore credat
 Sphingas ; & Harpyjas Arabum spirare vapores ;
 Gorgonas egregia facie , rabidasq. chimęras ;
 Et cicures , quotquot rabies agit atra molossos .
 Hęc quidē semper miserorum corpora vellunt
 Vnguibus , & rostro ; lacerataq. viscera mandunt .
 At quoniam nullis epulis satiatur Auerni
 Perniciosa fames ; crescunt noua prandia poenis
 Consumptasq. iterum reparat vis æmula fibras .
 Quilibet infami præfert sua crimina vultu :
 Vt foedę , turpesq. notę sine teste pudendum
 Dedecus enarrent ; maiorisq. ansa doloris
 Obueniat miseris ; flammęq. tenacius vrant .

Has inter pestes graderer dum solus , & anceps
 Quod mihi supplicium Superi , quę damna pararent
 Improuisus adest Iuuenis : qui pectore tristi
 Attamen egregio vultu , & velatus amictu
 Sidereo , gemitu mea proxima funera tristi
 Flere videbatur ; meque his sermonibus vltro
 Alloquitur : Dilecte comes , vestigia nostra
 Pressisses vtinam semper ; nec deuius error

Illecebris aliò sensus, animumq. rebellem
 Traxisset. dux ipse fui, quem rector Olympi
 Nascenti dederat: nunc te sequor inter Auerni
 Sulphureas flammās; quòd adhuc spes parua salutis
 Apparet; mortisq. tuę lethale moratur
 Edere decretum Dominus. si forte reuerſi
 Mox tibi contigerit, superasq. euadere ad auras,
 Enarra quidquid pateris, quæcunque tueris
 Has inter latebras: & ne mens cæca pererret
 Fruſtra, quæ referas viuentibus ipſe docebo;
 Et memorem reddam; ne tarda obliuia menti
 Subrepant, & viſa Erebi portenta reuellant.

Hæc ait; & gressus dextro de tramite flexens,
 In læuam ingreditur vallem; quę sulphura paſſim
 Effundit, cœnumq. olidum, flammāsque perennes;
 Tenditur & vastis ſpatiis, & cingitur altis
 Montibus, æthereo tangunt qui vertice cœlum;
 Ne spes vlla fugæ miſeris, nec ſemita vitæ
 Reſtet, & æterno ducant ſua funera luſtu.
 Innumeri hinc atque hinc: quorum tormenta, luemq.
 Nec mens concipiat, ne dum mortalia poſſint
 Verba loqui. rurfus tum dux ſic ore diſerto
 Incipit eſſari, digito monimenta reorum
 Commiſus oſtendens, & inenarrabile damnum.

Qui dorſo, iuguloq. tenus Rex horridus ardet
 Ignibus in medijs, cœloq. minatur, & imo
 Pectore purpureos latices, quaſi fonte perenni,
 Euomit; eſt Pharaon infelix, qui credidit vltro
 Se pelagi inſidijs; & nunc incendia nutrit
 Gurgite, quem moriens Erythræo ex æquore ſorpoſit.
 Alter, qui præceps proprium decumbit in enſem,
 Dux fuit Hebræus, Superis dilectus, & infans
 Simplicitate animi quondam: mox percitus cæſtro
 Inuidiæ, inſontes perimit; iuuenemq. gigantum
 Interfectorem exagitat: nunc actus in iras
 Maiores, ſclerum pariter ſibi teſtis & vltor,

Se necat ; atque iterum lethali ex vulnere surgens
Promptior , heu rursus furialibus irruit armis ;
Seq. renascentem seu mucrone trucidat .
Aspicis , vt profugus trepida ceruice Cainus
Excrucietur , adhuc Furijs vltricibus actus ,
Cunctaq. sustineat passim tormenta Gehennæ ?
Stare loco nescit ; fugit hinc , fugit inde vicissim ;
Obuia quæq. timet , strepitu & pallefcit inani ;
Dumq. petit latebras , confossus pectora telis
Sternitur , atque animam tetro cum sanguine fundit :
Nec moritur ; quoniam vitalia robora poenis
Non cedunt . sed nec flammæ , nec sæua Megaræ
Verbera , nec morsus adeo timet ille ferarum ;
Sanguinis vt vocem fraterno ex vulnere , coelum
Quæ penetrat , flagrisq. DEVM grauioribus armat .
Quos ructat , sorbetq. reos cæca illa vorago ,
Pumicibus similes , quos euomit Aetna Typhois ,
Egregij proceres fuerant : sed liuor acerbus
Infecit miseros ; quorum grauiora meretur
Supplicia insanus , qui tot peruertit , Abiron .
Aspicis Antiochum , qui iam delubra Tonantis
Sacrilegus penetrans , geminis spoliavit , & auro ?
Hunc Reges timuere pares ; huic paruit Orbis ;
Nunc importuno luget sua crimina fletu ,
Dum turpi cœno obruitur , dum viscera vermes
Regia parturiunt . famuli fugere mephitim
Exosam : vix ipse obductis naribus atrox
Sustinet infandum funestę tabis odorem .
Assidet Antiochi tumulo non proximus annis
Herodes , similesq. luit sine tempore poenas :
Inbelles quoniam diuellit ab vbere matrum
Infantes , necuitq. ferum ; multosq. peremit ,
Vnius vt vitam raperet : seq. ipse trucidat
Postremò , impatiens morbi , pertęsus & æui .
Nunc quoque Tartareo sese transuerberat ense ;
Atque mori cupidus mortali in vulnere viuit .

Miraris , cur tot cruciatibus ille prematur ,
 Qui latebras frustra deferta per inuia quærit ?
 Emeruit grauiora pati : fuit vrbs , & orbis
 Arbitrator : huic similem crudeli pectore nullum
 Cernit posteritas , sed nec videre priores .
 Hic præceptor lethalia balnea fundit ,
 Censoremq. timet ; quæq. vbera suxerat infans ,
 Transadigit ferro , spectatq. arcana parentis
 Viscera (feralis rabies) Patresq. verendos ,
 Qui primi docuere Fidem , cruce mactat , & ense ;
 Persequiturq. DEVM ; transfertq. in Tybridis arces
 Laomedontæ lacrymata incendia Troiæ .
 Nunc cupit infelix transactæ incommoda vitæ ;
 Lethiferamq. sitim patiens , decocta Neronis
 Suspirat , flammamq. bibit , glacieq. fouetur .
 Hunc prope sexcentos poteris spectare tyrannos ,
 Quos tormentorum illuuias prope funera ducit ;
 Nec perimit ; sæui vt maneant sine fine dolores .
 Aeneus en Siculum subiectis ignibus vrit
 Bos Phalarim ; miserumq. premit , flammamq. rogales
 Agglomerat vindex , qui finxerat æra , Perillus .
 Bulyris laceratur equis : Mezentius atrox ,
 Quæ prius execut , corrupta cadauera membris
 Circumquaque fouet , taboq. fluentia lambit .
 Hoc iacet infausto , quod pix tegit horrida , saxo
 Vxor Achab : cuius præcordia sæua Megæras
 Exuperant , vatum mactatrix impia quondam :
 Nunc sua damna gemit ; fractoq. è vertice fundit
 Infelicem animam , canibus laceranda molossis .
 Haud procul hinc Medea suis armata venenis
 Torquetur : quam vicit amor ; sed vicit amorem
 Immanis rabies ; tectum scelerata Creontis
 Dat flammis ; fratremq. prius discerpfit , & artus
 Exanimes sparsit per deuia rura Tomitis .
 Parceret Absyrto , quæ mox sua pignora ferro
 Transfodit ? (crudele nefas) sed crimine tanto

Iam dignas patitur flammis obnoxia poenas :
 Quis referat fontes animas, quas foeda lacunis
 Styx limo, coenoq. premit; quas luxus adegit
 In præceps, rapuitq. nocens per denia sensus.
 Sed quantum miseras demulset blanda voluptas;
 Iudicis has tantum vindex exasperat ira:
 Membra volutabrum sepehit; quæ facce Diones
 Polluerant; curæq. angunt præcordia tristes;
 Perq. lacus ôidos serpit penetrabilis ardor.
 Hic Dalidæ fraudes toto illuduntur Auerno;
 Ingratamq. animam nulli tolerabilis ignis
 Concremat; & nullis precibus tormenta remittunt.
 Nam Diræ excutiunt lethali forcipe prunas;
 Quo crines infida sacros præcidit amanti,
 Et cranium miseræ bifido mucrone terebrant.
 Affidet huic mendax Aegyptia; cuius amoris
 Successit subito nunquam placabilis ira;
 Hebraum iuuenem tentat; castumq. repertum
 Opprimit, atque diu non digna compede necit;
 Illuditq. virum, sociumq. in crimine poscit.
 Nunc gemit, æternumq. gemet; datque improba poenas,
 Quas meruit muliebre nefas; virque ipse protervæ
 Insultat, memoratq. dolos, atque aggerat ignos.
 Cernis Abydenum picea inter stagna natantem
 Læandrum? at nunquam, restincto lumine, litus
 Inueniet: litus reperit sed Sestias Hero.
 Dum ruit in præceps, animamq. refundit in æquor.
 Proxima torquetur miseris Babylonia Thisbe;
 Insequiturq. hostem, quem iam dilexit amantem.
 Alter in alterius condit nam viscera ferrum;
 Tartareisq. ambo spirantia membra læanis;
 Vt citius pereant, frustra laceranda relinquunt.
 Hinc iterum insurgunt hostes, atque arma capeffunt;
 Et sponsam ferit ille suam, ferit illa maritum;
 Aeternasq. luunt alterno in vulnere poenas.
 Supplicium quàm longum est! quàm brevis ipsa voluptas!

Quàm sine fine dolor! quàm delectatio præceptis!
 Haud procul hinc cernas illa agmina sæva gigantum,
 Non qui bella Ioui, mendax ut Græcia finxit,
 Indixere vnquam, iunxere aut Pelion Ossæ;
 Sed qui, præualidis elati viribus, orbem
 Præposuere polo, rationi commoda sensus,
 Virtuti illecebras, & bellique incendia paci;
 Nec qui fulmineis potuere armare sagittis
 In sua damna DEVM: grauidis sed nubibus, vnde
 Immenſa illuies, effusis imbris aucta,
 Demersit mortale genus, purgauit, & orbem.
 Nunc Acherontæo tumulati in gurgite, flammæ
 Ore vomunt; coelumq. feris ad bella lacerant
 Vocibus, & sæuo deterrent murmure manes.
 Inter Echionios qui mutua vulnera fratres
 Ingeminant, patitur cognato sanguine quisquis
 Inficitur; quisquis patri violentius obstat;
 Qui patriam vendit; qui se, sibi barbarus hostis,
 Mactat; quæ demum perimit sua pignora mater.
 Heu quot mentiti veros Ixionis orbes
 Illic aspicias, si flexeris ora deorsum;
 Et quot Sisyphios lapides, Tityique volucres,
 Tantalidasq. dapes: quot Belidas vna fatigat.
 Has inter cupidos præceptis vorat ignis avaros:
 Et sitit in medijs vndis, qui pauper in auro
 Congesto fuerat; gazis in millibus Irus,
 Inter opes mendicus opum; qui denique vixit,
 Ut prædas inhians, prædis pleno ore, molossus.
 Vallis Tartaræ fundo voluuntur in imo
 Imperia Assyriæ; & quotquot videre tyrannos
 Vrbes Sicaniæ, Capitoli & mobile saxum,
 Cecropiæq. arces, Pelopeiadesq. Mycenæ.
 Illum, exhalantem mistas cum sulphure flammæ
 Ingentem puteum Stygij prope limina Ditis,
 In tumulum legere. sibi quicunque magistri
 Cœlestis lacerant diuerso dogmate lenam,

Et sponsæ thalamos violato fœdere turbant ;
 Ac velut infames blattæ natalia rodunt
 Vellera , & alucolos, quorum sub regmine viuunt ;
 Hic sibi Nicoleps , luxu fœdatus inertis ,
 Præcinuit princeps æterni exordia luctus :
 Mox reliqui, quorum dedignor nomina, coelo
 Vsq̃ue adeo inuisa , effari ; vel cernere vultus
 Præcipuum tamen hoc retinent ; quod crimina pœnas
 Cætera præscriptas seruant ; nec tempore crescit
 Perniciosa lues : aut his incēdia passim
 Augentur meritò, sæui & mensura doloris ;
 Nam sua degeneres, aliena & crimina lugent :
 Tartara dum passim penetrant, qui dogmata mortis
 Amplexi, miseris addunt tormenta magistris :
 Quot iam prætereo ? citius nam sidera coeli,
 Et vernos numerem flores Sicanidos Hyblæ,
 Qui diris torti cruciatibus, astra tueri
 Nec poterunt vnquam, nec linquere limen Auernæ
 O mens cæca hominum : tantumne indigna voluptas,
 Deliciaq̃. breues, peritura & gaudia vitæ
 Mortales capiunt sensus ; vt funera mortis
 Aeternæ subeant, coeli nec gaudia curent
 Nonne Syracosæ laudator prodigus aulæ
 Pendentem vt vidit tenui inter pocula filo
 Ensem fulmineum, sceptris, trabeaq̃. relicta
 Spreuit delicias Regum, mensasq̃. perosus
 Appositasq̃. dapes, contentus sorte priori
 Vixit, & illecebras meliori lance pependit
 Cur non expaueant homines tormenta Gehennæ
 Tartareosq̃. ignes ? cur non odere proterui
 Delicias ? sine fine mori, sine fœdere flammis
 Accendi, monstros lacerari, & gurgite mergi
 Sulphureo, coeloq̃. expelli, & cernere vultus
 Terrificos, Dominumq̃. hostem perferre perentem,
 Parua putanda lues ? aut est tolerabile damnum
 Hæc dum differeret custos mihi fidus, & auspex
 Inferni

Inferni fremuere canes ; tremuere recessus
 Tartarei ; vastoq. immugijt atra boatu
 Vallis ; & excelsa nuntarunt vertice montes
 Vnde oritur miserranda lues ? ecce , ecce repente
 Infelix anima , aternis agitata ruinis ,
 Deijcitur præceps violento è turbine , qualem
 Dæmona siderei cœtus videt cadentem .
 Circumquaque ignes versat , piceosq. vapores ;
 Qui misti nimbis tonitru fera Tartara vexant
 Et crebra in Stygias iaculantur fulmina ripas ,
 Horrisonumq. edunt vastum per inane fragorem .
 Per cliuum montis gladij , bibulaq. setures
 Excipiunt miserum ; læterant fera monstra deorsum ;
 Diserpunt manes , & viscera tetra volucres
 Mandunt , & reuomunt ; vt sic queat ille renasci
 Atque iterum subeat pœnas , iteretq. ruinas .
 Accessit propius custos , toruumq. tuentem ,
 Atque execrantem diis sacra numina coeli
 Vocibus his vltro compellat : Pessime Iuda ,
 Sic numen placas offensum ? stertibus istis
 Præteritum luges crimen ? sic vulnera curas
 Qui socius fueras Domini , iam perfidus hostis
 Appares : poteras qui pandere limen Olympi
 Infernos aditus penetras ; grauiora mereris
 Supplicia : & leuior poena est , quàm pœndera culpe
 Heu pretio vendis terrar , coelique potentem
 Venalisne Deus ? sed sit , tu seruus , & impar
 Ius mangonis habes ? habbas : qui sanguine sacro
 Te redimixtus dignus tibi vix centussc videtur
 Sit tamen vsque adeo vilis : cur venditur hosti
 Vt pereat ? vendas hosti : cur fingis amantem
 Proditor his verbis maiori exauduit ita
 Infremuitq. magis : tantosq. exarsit in ætus
 Vinceret vt Stygias immani ardore fauillas
 Et fugiens , nicticum violento turbine sursum
 Tollitur infelix ; vt mox grauiore ruina
 Decidat ,

Decidat, atque audis reparèt conuiuia monstis.
 Hinc me deduxit Custos, quàm flumina currunt
 Ignea, plena odijs Superum, foedata venenis
 Culparum; vis vnde mali, atque incendia surgunt.
 Hinc exaudiri gemitus, & crebra furentum
 Verbera tortorum: tantèq; ad vulnera voces,
 Obtundi vè credas vafano murmure coelum.

Pons erat, extremo connectens margine ripas;
 Vnde ruunt homines ad guttura sæua barathri.
 Transitus hic, mortis portendit mille figuras:
 Lubrica namque via est, crebrisq; obiecta ruinis:
 Prærupæq; trabes geminz vestigia plantæ
 Vix capiunt, clauisq; rigent tabulata superne.
 Hic me deseruit! Custos; artesq; reuerti
 Visus ad æthereas, tortoribus addidit ausus.
 Quid faciam? cogor rapidum transmittere flumen
 Tartareumq; vadum certis tentare periclis.
 Tristis inaccessas violento tramite ripas
 Ingredior; metuensq; meis incendia membris
 Transfigor plantas, primòq; ex vulnere tractus
 Ad grauiora cadò: nam non datur inde reuerti;
 Et sic stare, nefas; & non tolerabile, mortis
 Vtcrius tentare viam. cruor vndique manat,
 Inq. recens vulnus defici locus; omnia languent
 Robora. deficio tandem; vixq; vltima pendens
 Tigna manu teneo; iam iam casurus in ignes.
 Prædam tortores inhiant; squoq; tridenti
 Conantur tabulis diuellere pensile corpus.

Ecce autem ancipiti donec, tantaq; premebat
 Eluione mali; rursus mihi comminus auspex
 Apparet, minuitq. metum, lenitq. dolorem,
 Fronte hilari, fortisq; manu, venerabilis ore:
 Dæmonas ore fugat; mea pectora fronte serenat;
 Præcipitemq; manu tollit; similisq; volanti.
 In tuta statione locat; riuosq; cruoris
 Exiccans, valido curat medicamine plagas.

Atque

Atque ait : O felix iuuenis, cui munera vitæ
 Dempta semel, rursus precibus redduntur Ibernis.
 Qui prius edixit ventura pericula nautis.
 Hoc & sperabam dudum : spes vna salutis.
 Hæc erat . optatos ex vbero semine fructus
 Iam metimus ; quoniam quidquid petit, accipit Heros.
 Vade age, rumpe moras ; coelumque reuise, quod optas.
 Et mores moderare tuos ; culpasque sequentes.
 Euita ; ne te rursus cruciatibus istis
 Inferat ira Dei per non reparabile funus.
 Hæc ait ; & mecum leuibus petiæ æthæra pennis.
 Restituitq. loco, quo me grauis ante ruina
 Deiecit ; vestrisq. oculis mea gaudia præfert.
 Dixerat hæc iuuenis ; quibus hæc superaddidit Heros.
 Vestra salus agitur, Socij, dum murmurat æquor.
 Dum tristis defuit hyemis, dum funus acerbum insidet his.
 Hic subit, atque iterum superas euadit ad auras,
 Immanesq. refert æternæ aræres ignes.
 Vos modo ne pigeat tam diræ incommoda sortis ;
 Effugere, & rebus vosmet seruare secundis.
 Sola Acherontæas accendit culpa fauillas ;
 Viuaq. mortiferis immiscet sulphura flammis.
 Culpa, Erebi fera monstra parit ; Stygiasq. lacunas.
 Euomit : inuentrix culpa est squallentis Aueini.
 Crimina si tollas, pereunt incendia ; languet
 Tortorum scelerata manus : subitæq. ruina
 Eumenidum thalamis ; & cæca palatia Ditis
 Inuoluunt ; & nulla Erebi vestigia restant.
 Eia igitur vestræ lethalia vulnera mentis
 Curate ; & scelerum maculas, sordesque latentes
 Abluite ; atque vias omnes præcludite lethi.
 Quem latices tetigere sacri, qui iura Tonantis
 Edidicit, præmat sua crimina voce gementi.
 Ante Deum : reliqui portenta antiqua Deorum
 Exagitent, & se reluant lustralibus vadis.

Hæc ille . at nautæ, dum fiat placidissimus Eurus,

Præfulis ante pedes vel dira venena seorsum
 Per gemitus, lacrymasq. vomunt: vel dogmata legis
 Edocti, sacris demergunt crimina lymphis;
 Ut possint Domino, voto meliore, renasci.
 Has capis, Alecto, post tanta incommoda, palmas:
 Sic hominem sapers, modo quem certamine primo
 Te fore victuram sperasti: ah roborata tandem
 Disce viri; & toties superata in Tartara præceps
 Aufugito, extremam ne dent noua prælia cladem,

Interea Oebaliæ medijs è fluctibus arces
 Apparent, larulq. è celsa puppe Magister
 Exclamat: Turrita vides iam mœnia, Præsul,
 Aucta Phalantæis manibus, fundata Tarantis
 Auspicio: hæc fama est Neptuni è sanguine cretum
 Has tenuisse plagas: quod nota nomismata monstrant
 Urbis: quæ iuuenem sinuosa per æquora vectum
 Delphini tergo excudit, validoq. tridente
 Armat; ut æquorei referat monumenta parentis,
 Addidit immanis curuantem brachia Pyrrhus:
 Scorpion, & veteri decorauit stemmate chelas.
 Ire sed vltcrius prohibet me fræus ab axe
 Exurgens Boreas, portusq. intrare propinquos.
 Obiecta tellure tamen deludere nitar
 Crescentes fluctus; sensimq. auertar ab undis.
 Sic fatus, relegit sinuosi littoris oram.
 Iamque propinquabat, nitidus quæ labitur amnis.
 Inter arundineas frondes: templumq. vetustum,
 Religionis patrum multis venerabile seclis,
 Agnoscit; lætoq. locum clamore salutat.
 Ingeminant voces nauæ; paruoq. phaselo
 Egressi, optatam propere amplexantur arcem.

CATALDVS pia templa petit, quæ ferrea turris
 Circumquaque regit, pateant ne sacra prophanis,
 Neue furor rapiat piraticus ædis honores:
 Miratur Præsul deserto in littore molem
 Ingentem, caussamq. petit: cui protinus astat

Longzuus templi custos ; vultuq. seuro ,
 Et sermone graui : Breuis est narratio facti ,
 Hospes , ait : sed non forsan spernenda . Senatus
 Præses Apostolici PETRVS , cum ferret in urbem
 Romuleam nostræ sanctissima dogmata legis ,
 Pertæsus pelagi , vel sponte his appulit oris :
 Utque fluentis aquæ vidit per littora riuos ,
 His sacros lauit crines ; libauit & vndas ,
 Imposuitq. amni ventura in sæcula nomen :
 Nostrates etenim Petri dixerè Bibagnam
 Hos patrio sermone lacus . sed maximus Heros ,
 Postera cum redijt stellis Aurora fugatis ,
 Hoc specus ingrediens , ætas quod prisca dicarat
 Manibus Elysijs , precibus de more peractis ,
 Sacra facit , sacratq. locum melioribus aris .

Audijt hæc Præsul , cupidoq. ita pectore fatur .
 Iam tua , sancte senex , vestigia lætus adoro ,
 Auspicijsq. tuis insisto . Hæc littora primum
 Te capiunt ; hinè te patrem Tanagza propago ,
 Rectoremq. legit ; tetrìs è faucibus Orci
 Cum rapis hanc urbem , validisq. ex arcibus arces
 Dæmonas , & multo defendis tempore ciues .
 Iam tua vota sequor : diuini & semina verbi ,
 Quæ tuus inseuit labor , ærumnosq. vitæ
 Sedulitas , simili non iam pietate souebo :
 Sorte tamén meliore , precor : ne deuius error
 Irrepat rursus , Superosq. accendat in iras ,
 Hæc ait ; atque alacris , puppi , pelagoq. relicto ,
 Atque salutatis nautis (quos ore diserto
 Rursus ad inceptum vitæ genus impulit ; addens ,
 Quàm præceps Boreas , quàm non placabilis Auster ;
 Quàm mare fluctuagum , tantumq. à funere nautas
 Esse procul , quantum à pelago tabulara carinæ
 Distarent) dixerit iter , quâ semita monstrat
 Læua Tarentini spumantia littora portus .

Paulum digressus , gemini vestigia callis

Detexit ,

Detexit : dubiusq. viæ , dum passibus hæret
 Ambiguus , opatq. ducem , male compta capillos
 Occurrit virgo : pingues quæ sola per agros
 Imbellis ducebat oues ; patriosq. labores ,
 Vt poterat mulier , paupertatemq. leuabat .
 Cui Præsul : Quinam callis mihi certior , inquit ,
 Tendenti ad bimaris cultissima rura Tarenti ?
 Illa rogata flet . rursus mitissimus Heros
 Poscit idem . flet illa magis ; gemituq. frementi
 Commonstrat , rapidaq. manu retinacula linguæ .
 Vt muram sensit , casus miseratus acerbos
 Indoluit Præsul . sed ne dolor esset inanis ,
 Subsidium quærit miseræ ; precibusq. fatigat
 Coelicolum Regem , quò tanta incommoda tollat ;
 Præmittitq. humilis tales ad sidera voces .

Annue , cara DEI soboles , spes vnica mundi ;
 Cuius ad imperium surdæ patuere frequenter
 Aures ; ad cuius nutum rutilantia coeli
 Lumina viderunt orbatilumine visus ;
 Cuius & ad vocem celeri vestigia gressu
 Claudorum fixere pedes ; maioraq. crebrò
 Nomine , CHRISTE , tuo fulti miracula præstant
 Mortales : iam solue , precor , fera vincula linguæ
 Huic miseræ : da posse loqui : præludia nostri
 Aduentus hæc virgo canat ; transmittat & omen
 Sortis venturæ ad populos hæc lingua propinquos .

Dixerat : & sacros sentit sub pectore motus ;
 Agnoscitq. DEVM tantis accedere cæptis .
 Quare alacris : Iam fare , inquit , custodia parui
 Fida gregis ; seu crimen habes in semine patrum :
 Seu tibi culpa nocet , teneris quam concipis annis .
 Sic Superi voluere : DEVS sic imperat : vno
 Munere suscipiant geminum tua membra fauorem .
 Sic fatus tacuit . tacuit non illa ; sed aures
 Tunc prius hauserunt vocem ; tunc lingua locuta est .
 Felix hospes ades , semper mihi numen , & auspex ,

Huc seu sponte venis ; aliò seu forsàn iturus ,
 Errasti in huius : certè gratissimè error ;
 Quas tibi te dignas grates , quæ præmia reddam ?
 Qui patri natam , qui me mihi munere linguæ
 Restituis ; paruumq. gregem pastore potiri
 Commodiùs facis ; subeas modo testâ parentis ;
 Hospitiq. humiljs ne dedigneris honores .
 Hæc ait : & Sanctum Fellini ad moenia ducit .

Vrbs quondam Fellinus erat propè littoris oram
 Ad ternum lapidem spaciòso in vertice collis ,
 Cuius adhuc extant veteris monumenta ruinæ .
 Reliquias vrbs bellorum è turbine raptas
 Proxima suscepit Manduria , fertilis agris ,
 Diues opum quondam , claris habitata colonis .
 Nunc melior ; veræ quæ Relligionis amorem
 Inter finitimas præfert rutilantius vrbes :
 Cuius & egregij ciues hinc Palladis artes
 Exercent , hinc Martis opus : quò tempore pacis ,
 Et belli , pariter studijs decorentur vtrisque .

Fellinum interea felix conscendit Ibernus ;
 Et ciues virgo blando sermone salutat .
 Obstupere omnes ; & sic affantur euntem :
 Ipsa ne fida gregis custos ? tu ne illa puella es ,
 Cui se se ostendit similem Natura noueræ ,
 Quæ duplicem sensum nascenti sæua negarat ?
 Tu loqueris , cuius nuper sua verba nequibat
 Lingua loqui , nostras auris nec carpere voces ?
 An ne illam tibi forma parem , sed munera sensus
 Reddunt dissimilem ? vel quæ te pharmaca tantis
 Excussere malis ? Hilaris tunc foemina monstrat
 Præuia CATALDVN ; dubiaq. ita pectora plebis
 Confirmat ; casusq. suos his ordine pandit ,
 Illa ego , quæ toties miserorum corda parentum
 Turbaui ; vitiumq. meæ lacrymabile lingua
 Deslendum exhibui ; patrio nunc reddor ouili ,
 Qualem conspiciis ; namque hic venerabilis hospes
 Largitur ,

Largitur quidquid mihi culpa aliena negat
 Nascenti . o nulli penitus concessa potestas :
 Eia agite , ac mecum mea gaudia pandite ciues ;
 Et cuncti lætam celebremus in hospite noctem :

Talia dum virgo memorat miracula , plures
 Conueniunt , quò iam sanctus diuerterat heros ;
 Attonitiq. astant . reliquis sed promptius instat
 Lætus vterque parens , gratesq. rependit ; & auget
 Ornamenta viri . sed plebs delusa verusta
 Religionem , putat non illum prole parentum
 Terrestri genitum ; sed vel genus esse Tonantis
 Phœbum ; vel Phœbo , nymphaq. Coronide natum .
 Sunt & qui Fideli retinentes dogmata , dicunt
 Iam PETRO venisse parem . sed damnat vtrumque
 Iudicium Præful : Stygiumq. vt conerant hostem
 Funditus , atque ornet ritu meliore fideles ;

Nec me mater , ait , genuit de semine Diuum ;
 Nec mihi Diua parens : quamuis figmenta poetis
 Obuia sint , quorquot fallacia numina finxit
 Prisca superstitio , aut tristes Acherontis alumni .
 Mortalem aspiciet mortali è sanguine crerum ,
 Nulla parte parem PETRO : namque ille Magistri
 Exercere vices potuit , similesq. mereri
 Tortores , mortisq. genus : deuicit & orbis
 Imperia : atque ægros vmbra curauit inani .
 Tanta emanabat sacro de corpore virtus .
 Vix ego sectator minimus : sed iunxit vtrumque
 Aequalis pietas , cultus par , Spiritus idem ;
 Subdidit atque vni Domino : qui solus Olympi
 Sustinet arbitrium , solus qui condidit orbem
 Verbo ; & captiui preciosa morte redemit :
 Huic vni debetur honos ; delubra meretur
 Hic vnus : pecudum sed nec depascitur exta ,
 Nec tetro ignipedum taurorum sanguine vivit .
 Se solum poscit : quidquid sibi redditur impar ,
 Respuir ; atque semel montis mactatus in ara

Funerei, semper sacra hæc holocausta reposcit;
 Atque suo (proh rarus amor) nos sanguine nutrit.
 Si quis adhuc igitur Manes veneratur Auerni,
 Lustrales subeat latices, ritusq. prophanos
 Dediscat: reliqui Domino vigilantius astent.
 Ni faciant; terras, coelum, pia numina testor,
 Quæ me huc errantem vix noto è cardine mundi
 Deducunt; grauiora ferent tormenta Gehennæ:
 Munera nam coeli si contemnantur, in ignes
 Tartareos se se vertunt, & dæmonas vrgent
 Ad pœnas: accepta, ferunt ingentia secum
 Commoda, & æternæ promittunt gaudia vitæ.

His dictis cunctos scelerum tædere priorum
 Incipit: atque auidi mysteria sacra Tonantis
 Addiscunt; simulacra Deum, ritusq. nefandos
 Exhorrent, moresq. suos moderantur, & actus.
 Vrget opus Præsul, passimq. effundit in omnes
 Relligionis opes, veræ & pietatis amorem.
 Nam cunctis aperit, quæ sint vestigia recti,
 Quæ sit forma boni, iusti via, limes honesti,
 Quæ vis excutiat luxum, quæ mulceat iras.
 CHRISTVS ubique sonat: carpit sua vota perennis
 VIRGO parens; pecudum nec consulit extra Sacerdos;
 Sed Domino sine cæde litat, sine sanguine libat.
 O plena hospitij merces, ò prodiga virtus,
 Quæ tantis cumulas peregrina hæc mœnia donis.
 Reddita iam Domino, totum, Felline, per æuum
 Sic maneat; seruentq. tui sacra iura nepotes.
 Quòd si bellorum rabies, aut tarda vetustas
 Diruet hanc urbem, aut aliò tua pignora mittet;
 Tantarum sit opum Manduria nobilis hæres;
 Perpetuoq. tuis viuat ditata ruinis.

FINIS LIBRI TERTII.

BONA-

83

BONAVENTURAE

MORONI CATALDIADOS LIBER QVARTVS.



Etia iam rediens Phœbea lampade
terras

Sparferat alma dies, noctisq. fugau-
rat umbram:

Cum pius Antistes carę non immemor
urbis,

Cui patrem, ac dominum dederant
oracula cœli,

Fellino egeditur tacitus, ne pectora plebis

Perturbet. nec dum cœli considerat arces

Sol medias; cum celsa videt palatia, & omnem

Circumquaque oram, terra, pelagoq. patentem.

Obstupuit tantis Naturę excellere donis

Urbem: nam; seu se pandat clementia cœli,

Seu telluris opes, duplicis siue æquoris unda,

Squammiferum paritura genus, conchasq. nitentes,

Flumina dum ripas, releget dum littora pontus;

Se nullam vidisse parem miratur Olympus.

Diuisum Ionio læua protenditur æquor

Ad Calabros; &, quâ Neptunia pergama surgunt,

Clauditur impatiens inter duo brachia portus:

Est ubi tuta quies semper: seu sæuiat Euris;

Seu præceps Aquilo tumidas exuscitet undas.

Et qua parte fretum turbasset fluctibus ater

Africus; exurgunt geminæ non impare moles

Diductę spatio. quarum minor Insula nomen

Incertum retinet; præscis ast altera nautis

Phebra fuit, statio semper bene fida carinīs;

Dextera pars vrbs, Boreas quam perflât, amœno
 Alluitur decurua mari; quod littore paruo
 Cingitur, & gremio duplici complectitur vndas.
 Inter vtrumq. sinum trabibus præfixus acutis
 Pons fuerat, longo diuisas tramite ripas
 Connectens; qualem tumidus super æquora quondam
 Compegit Xerxes, Sesto dum iunxit Abydon.

Clauditur hoc pelago quotquot Neptunus vbique
 Spargit diuitias; certis quas mensibus haurit
 Piscator: nulloq. die sinuosa relaxat
 Retia, quin repleat captiuo pisce phaselum.
 Eminent ante omnes, aurata & fronte superbit
 Oebalij regina maris: quam sæpe paguris,
 Sæpe & purpureo piscator murice fallit;
 Cui nec delicias similes acipenser ab vndis
 Rettulit ad mensas Regum; nec tale palato
 Præstitit obsequium Siculis galeota, minaci
 Ense ferox, quories Scyllæo è gurgite transit.
 Hic quamuis nigris condant se sepia lymphis,
 Vel fundo fiat similis, mentita colorem;
 Hamatis passim trahitur super æquora fufis,
 Raptoremq. atro nequidquam sanguine turpat.
 Hic speculo expressos, ac subere quærit amantes
 Loligo infelix; lignumq. amplexa; latentes
 Insidias reperit; nec scit captiua reuerti;
 Sæuit & intortis frustra inter vincula cirris
 Pulypus ecce dolos tendit prope littora pinnae,
 Immittens furtim lapidem, quo claudere conchas
 Illa nequit; seroq. dolet se fidere cancris
 Vix tamen incoepit victor iactare triumphum,
 Vix prædam rapuit; cum figitur ipse tridenti;
 Et pede multiplici frustra diuerberat hastam.
 Insequitur tenui deuinctam cannabe mugil
 Vxorem, sensim quam pertrahit æquore solers
 Piscator: venit ille volens, ne perdat amantem;
 Proximus & puppi miseræ blanditur, & hæret:

Dum

Dum tamen illecebras miscet, fera fuscina dorsum
 Percutit: ille fugit paulum: redit inde, cruore
 Iam madidus; nec damna timens, nec sœua doloris
 Tormenta horrescens, iterumq. iterumq. feritur.
 Sibilat interdum frustra furialis echidna;
 Murænamq. ciet: contexto vimine nassa
 Nam retinent miseram: vocemq. ipsa auribus haurit
 Aequoreo in fundo; curuo sed carcere clausa
 Ac Labyrinthæis ambagibus; ardet amantem
 Nequidquam: gemit illa diu, tandemq. resorbens
 Quod vomuit virus, tristis sepelitur in antris.
 Maiores vibrat dum Sol rutilantior æstus,
 Sublimis speculator adest; quem lignea sedes
 Sustinet ad pontes, trabibus subnixa quaternis.
 Piscibus hic visis lethalia brachia sensim
 Pandir, nec loquitur; ne vox fuget improba prædam;
 Et tacitè hortatur sœua ad certamina nautas.
 Piscator rata signa notans, velocior Euro
 Hinc, atque hinc cymba duplici caua retia tendit,
 Captiuatq. pecus Nerei. spectacula narro
 Digna peregrinis oculis. nauarchus ab ipsa
 Puppe tonat: tantum geminat nam claua trabalis
 Murmur, vt ex imo totum perterreat æquor.
 At pavidos tonitru pisces aut sparthea restis
 Alligat, aut pelago in medio male condit arena.
 Extemplo videas nudatos tegmine membra
 Sexcentos pueros moras resiliire per vndas;
 Atque vrinantes oneratos pisce reuerti.
 Cerne, vt arundineis tendantur retia virgis;
 Implicitiq. plagis pisces hinc, inde recuruis,
 Frustra vbi tentarunt se se occultare sub algis,
 Exiliant vndis sinuoso verberare caudæ:
 Sed retinet miseros secum lethalis arundo;
 Atque expirantes summo super æquore mastrat:
 Ceu quis Scyllæos scopulos fugiturus, in antrum
 Corruat, vnde fretum reuomit metuenda Charybdis.

Si liceat quandoq. mari iactare sagenam ;
 (Iura etenim crebrò id prohibent) quot retia pisces
 Agglomerant ? Rhombos videas , soleasq. latentes
 Ex imo abstractas fundo , nullasq. triblres
 Purpureis squammis , barbato & vincula mento
 Effugere . & vinclis sensim prope littora duci :
 Quoque magis tentat recti se euellere conger ,
 Hoc magis intortis spiris confundere nodos .
 Lumbricus filo transfigitur : esca madenti
 Vellere miscetur : dumq. æquora nimbifer Eurys ,
 Humidus aut Auster coenosis imbris auger ;
 Anguillæ gustanda datur : capit illa tenaci
 Dente dapes , capiturq. libens : curuisq. quasillis
 Clauditur , & lento deperdit funere vitam .
 Exiguus longo distentus tramite funis ,
 Distinctusq. hamis iacitur ; nodusq. supremus
 Subere fulcitur : dumq. allicit esca trachuros
 Aut salpas , saurosq. leues ; sub pondere cymba
 Latatur ; præptos tot cernit ab æquore pisces
 Quis memoret verno capiat quot tempore thynnos
 Piscator , tendens sinuosis retia griphis ?
 Insequitur delphin , miserosq. in vincula trudit ;
 Atque , vt decipiat reliquos , impune reuertitur
 Ipse potest ; nutusq. audit , rechasq. frequentat .
 Sed patitur quandoq. dolos piscator , & artus
 Obriguisse dolet : rigidis stant brachia neruis
 Aspera : vix viuunt digiti ; manus vtraque torpet .
 Vnde lues ? Torpedo suis armata venenis
 Hamum coëdauit : mox sparthea linea ferro
 Inficitur ; filo læduntur denique membra :
 Et dicto citius languent in corpore motus .
 Immiscet quandoq. iocos echeneis , & alnum
 Detinet immoram ; quamuis vel saxa tridente
 Excutiant nautæ , pellant vel remige puppim .
 Cætera quis referat ? nullas sub gurgite Tethys
 Cogit delicias vtroque à cardine Mundi ,

Quas non Oebalijs palisim transmitrat arenis.
 Plurimus hic oritur murex : quo flamina quondam
 Serica fucabant, atque optima vellera ciues,
 Regales trabeas, Tyriosve imitata colores.
 Pectinibus patulis semper ditantur arenæ:
 Undique littoreus contorquet brachia cancer:
 Mollibus atque algis passim sepelitur echinus.
 Spondylus in saxis, latitant prope littora chamæ;
 Unguis odoratus musco miscetur, & herbis;
 Mutilus & rigidis semper sub rupibus hæret.
 Et quas deferuit moriens vaga Purpura testas,
 Gambarides subeunt, alieno in limine tutæ.
 Et quoties rapidus Triton maiore boatu
 Obstrepit, his petitur turmalis buccina saxis.
 Hic inter duras tenui sub cortice cautes
 Dactylus excrefcit, scopulis cedentibus vltro;
 Vitalesq. cibos inter sua marmora carpit.
 Hic decrefcantis metuit vix cornua Lunæ
 Littoreis tellina vadis: hic arboris instar
 Cæca alimenta trahunt grandes per vellera pinnæ.
 Ostrea si numeres, numeres quoque sidera coeli,
 Delicias Regum, regalis edulia mensæ:
 Ostreaq. exuperant nigra testudine conchæ;
 Quarum floricomus fluitantia semina sudat
 Aer, Tyndaridæ retrahunt cum lumina fratres
 Solis in amplexu, cumulant & frugibus annum.
 Alba cadunt: at mox scabris hærentia saxis
 Nigrescunt, roremq. bibunt; crescentia captat
 Piscator, spargitq. alibi, ceu rura colonus
 Exercens; quò rara magis, maiora sub vndis
 Incrementa habeant, vbi refluit ocyus æquor;
 Deliciasq. suas transfundant mille per vrbes.

Obuia piscosum foecundant flumina pontum:
 Ceruani hinc latices, Larasq. hinc fertilis humor,
 Inde Galesus opes auget genialibus vndis.
 Littora paulatim sinuoso è margine ripas

Attollunt:

Attollunt : tellus patulos hinc fusa per agros
 Aequa iacet ; foecunda parens , seu munera Bacchi ,
 Seu Cererem quæras , nitidæ seu dona Mineræ :
 Seu quæcunque suis calathis Pomona ministrat .
 Quocunque aspicias , redolent sub floribus herbæ ;
 Ridet humus ; vernantq. virentia culta ; serenus
 Fulget vbique dies : aubus virgulta canoris ,
 Et frondes Zephyris , resonatq. Alcedone littus ;
 Annus & æterni retinet vaga tempora veris .

Hæc vbi lustravit Præsul , deuenit in urbem ;
 Præ foribusq. videt supremo in limite valli ,
 Quà fuit alternis diffusum motibus æquor ,
 Infelicem hominem : geminum cui lumen ademit
 Nascenti vel culpa patrum , vel numen Olympi ,
 Redderet vt maius nomen venientis Iberni .
 Hunc igitur tali compellat voce Sacerdos ;
 Quem ciues cultum , patrius quæ sacra Senatus
 Exercet ? Diuum mendacia numina fallunt ,
 An fouet hanc urbem Mundi sator , atque redemptor ?

Dixerat hæc : cæcus contra : Pia iura parentum
 Vix retinent feri post tempora longa nepotes .
 Edidicere patres quondam præcepta Tonantis :
 Sed mala posteritas , iterato crimine , rursus
 Dæmonas accepit , veterum & simulacra Deorum .
 Iamq. diu optamus venturo à Præsule nostram
 Defendi patriam , frænari & vota iuuentæ ,
 Et sacra diuini repeti solennia cultus :
 Pauci etenim seruant , didicit quæ prisca verustas .
 Nam fama est , crebroq. patrum sermonibus hauit ,
 Huc quondam venisse viros , qui dogmata CHRISTI
 Inferuere vrbi , flexere & corda Senatus ,
 Multa & spectanti populo portenta dederunt ,
 Et ni forte velis aliò diuertere , pandam
 Annales veterum : meminerunt plurima cæci ;
 Quidquid enim Natura oculis prius abstulit , addit
 Ingenio , docilesq. facit , memoresq. peracti

Temporis

Temporis ; vt nostræ capiant solatia sortes .
 Dicitō quidquid habes (repetit CATALDVVS) & horum
 Pandito gesta virum verax narrator in æuū .
 Namque illos memini quondam venisse Tarentum .
 Quid tamen exorſi , vel quæ miracula plebi
 Ediderint , nostras nondum peruenit ad aures .
 Hæc ait : atque audit narrantem talia cæcum .

Sederat Antiochi septem iam PETRVS in vrbe .
 Tempora ; Petrus inops quondam , natalibus ortus
 Obscuris ; Domini sed mox moderator ouilis ;
 Nunc coeli , vt fertur , felix regnator in aula .
 Hic , MARCO sectante , ratem conscendit , iturus
 In Latium , Romamq. suis recturus habenis .
 Sed fera tempeſtas , rapidiq. potentia venti
 Incæptum turbauit iter , curſumq. retorſit
 In nostrum hoc pelagus . maior tunc Insula nauitas
 Accepit pauidos , portus quæ claudit apertos .
 Egreditur PETRVS ; primaq. crepidine saxi
 Tergeminum coeli , terræ , pelagiq. potentem ,
 Composita ter voce vocat , ter pronus adorat ,
 Ac subito , vt fama est , digitis impressa Tonantis ,
 In lapidem sacri vestigia poplitis indit :
 Et quæ pressa genu cesserunt saxa precantis ,
 Quam sumpſere semel , semper tenuere figuram ;
 Cælesti solidata manu . Miracula ciues
 Vt videre , Fidem iam docti , & dogmata CHRISTI ,
 Construxere loco celeres venerabile templum ,
 Cuius sub sacro ſeruatur fornice marmor ,
 Poplitis & ſignum , quod nunc Apodonia dicunt .
 Ipse gubernator , quoniam fluitantia vidit
 Aequora perpetuis agitari ſtatibus Austri ,
 Ingreditur portum : quaq. arx fortissima surgit ,
 Extra urbem ſiſtit vicino in littore puppim .
 Deſiliit PETRVS ſocio comitatus in algas :
 Lenta procelloſi non quoddam ſaſtidia ponti
 Sentiāt , aſſuetus pelago , paribuſq. pericliſ :

Sed quòd ferre diu nequeat pigra ocia Pastor
 Impiger : & sacro Domini contendat ouili,
 Errantes passim per turpia gramina luxus,
 Perq. nemus Stygium, faciles concludere ciues.

Haud procul hinc puteus viuo de marmore viuas
 Reddit aquas; quantas nec Sirius ardor anhelis
 Exiccet radijs, pluuiæ nec tristis egestas
 Imminuat: latices versat sic vena perennes.

Effigies hic Solis erat, viduata colosso,
 Quam patria erexit: tantoq. hæc marmora cultu
 Seruabant ciues, simulacri vt fronte notarint

Hanc legem: Quicumque sitis, hoc Numen adora;
 Mox bibe: ni facias, lethalia pocula sumes.

Huc PETRVS accedit sitiens; sed iura bibendi
 Nescit, vel spernit potius: nam currit ad vndas,
 Nec fundit de more preces sub imagine Solis.

Hanc venerare prius, pretiumq. exolue liquoris
 Hoc vno obsequio: simplex quòd prouis hospes?

Inclamat custos putei. Sterit ille; nec vltra
 Attrectare vndas ausus, sic fatur amicè.

Iura vetant CHRISTI ritus seruare prophanos,
 Cui soli debetur honos: nam solus in astris

Imperat, & solus mundi moderatur habenas.
 Audijt hæc custos, verbisq. minacibus instat.

Hinc abeas igitur, Diuum contempitor, in Orcum:
 Aut tuus iste DEVS latices tibi monstret amicos:

Namq. suas Phœbus numquam dedit hostibus vndas.
 Huic PETRVS contra, iustas accensus in iras:

Vt videas, inquit, quidnam simulacra Deorum
 Possint, quid valeat proles æterna Tonantis;

Aspice me, dixit: leuiterq. in Apollinis ora
 Expuit; & subito pereunt monumenta colossi.

Ceu cum disruptis iaculatur nubibus æther
 Sulphureum triplici munitum cuspide fulmen,

Obuia quæque terit: grauioribus atque ruinis,
 Quæ magis obstant, ærnat, tumulatq. fauillis.

Obstupuit

Obstupuit custos, celeriq. ad mœnia gressu
 Contendit: passimq. refert, quæ fecerat hospes
 Ignotus; varijsq. replet rumoribus urbem.
 Namque alij magicis tribuunt miracula rhombis:
 Ast hominem credunt alij maioribus auctum
 Viribus, & nervis, quàm sit Thymbræus Appollo,
 Si sua non potuit defendere marmora Phœbus.
 Mobile sic trahitur studia in contraria vulgus.
 Hoc tamen vnanimes cupiunt, portenta tueri
 Comminus, atque viri præsentem cernere vultum.

Interea procul hinc gelidis pomaria riuus
 Inrigua intrarat P E T R U S : quæ vitreus amnis
 Gramineas ripas tenui sub murmure lambit,
 Seq. mari exiguo per proxima littora miscet;
 Quem Ceruaricium dixerunt nomine ciues.
 Nomen ab euentu retinet: nam cerua reperta est,
 Atque inibi ludens pariter terrestris echinus.
 Hic hominem Petrus vidit: cui compita, & vrbes
 Exosæ, cui dulces nemus, sylvæq. latentes;
 Quod tegetet cunctis ingratis exordia vitæ,
 Aerumnasq. suas, & non tolerabile damnum
 Editus hic toto curvatus corpore; fronti,
 Atque genis vtrumque genu (miserabile visu)
 Iunxerat; & dorsum sic attollebat in armos,
 Fingeret vt pandi deformia terga cameli
 Vti vlnis tantum poterat, quæ pondera molis
 Corporeæ interdum, cubito gradiente, trahebant.
 H A M A S I A N U S erat: tristi quem carinine luxit
 Crebrò mœsta parens; felix, si longa senectus,
 Servassent miseram ventura ad gaudia nati.
 Hunc subito vt vidit, sortem miseratus iniquam,
 His vltro comitem compellat vocibus Heros.
 Aspicias huc hominem, quàm sævis, M A R C E, procellis
 Exagitetur adhuc; quàm longa morte peremptus
 Tendat ad inferias, telluris inutilis ymbra,
 Pondus iners, his ante diem tumulatus in arvis?

Sed Dominus meliora iubet : nam corpore toto
 Integer, & donis post hæc caelestibus auctus
 Hic erit ; ut possit reliquos felicior annos
 Degere, & infausta pensare incommoda sortis !
 Eia age, signa humeros, decurrit & corporis artus,
 Fide comes ; possit quò non modo sidera cali
 Cernere, sed multis callem stellarum Olympi
 Pandere, præceptor populi, princepsq. Senatus.
 Hic etenim (nec vana reor) sacra tempora gemmis
 Ornatus, patrias Præsul moderabitur arces.
 Hæc ille. at MARCVS, magni dum iussa Magistri
 Exequitur propere, fido sic pectore satur.
 Erigit elisos, & dura compede victos
 Omnipotens soluit, cæcis dat lumen ademptum,
 Diligit & iustos. hoc tu modo numen adora,
 Hunc agnosce DEVM, vita meliore potitus.
 O veri victura fidem spectacula ; claudus
 Proslit exemplo, rectosq. exurgit in armos,
 Quasque potest grates deuoto pectore soluit
 Accepti memor officij : mox dogmata CHRISTI
 Edidicit, lauitq. nefas lustralibus undis ;
 Impatensq. moræ tandem latissimus ibat,
 Quò sua cognata præferret gaudia plebi,
 Infereretq. alijs susceptæ legis amorem.
 Sic delphine trahit thynnos piscator, & auceps
 Oscine fallit aues, clauduntque ad retia prædas.
 Ille etenim populi discordia pectora cernens
 Ad puteum, casusq. nouos, Phœbiq. ruinas,
 Auctoremq. rei discens, formidine victa,
 Constitit in medijs : &, Me perpendite, dixit :
 Atque humeros spectate meos : me iudice, vestros
 Discordes animos, vestras componite lites.
 HAMASTIANVS adest : notos agnoscite vultus,
 Si melior fortuna vetat cognoscere dorsum.
 Erigit hos artus, qui diruunt alta colossi
 Marmora ; quo cecidit præceps modo Solis imago,

Hic me reptantem cubitis attollit in auras ;
Consolidatq. pedes ; validis & viribus armat .
Quis non tantarum credat miracula rerum ?
Numine fulciri Superum , auxilioq. Tonantis ?
Hæc ait ; & dubiæ confirmat pectora plebis .
Cuncti ardent spectare virum ; certantq. vicissim
Ad Ceruaricij notos præcurrere campos .

Ille autem , populi studium qui viderat absens ,
Appellans ultro comitem : Quid , MARCE , moramur ?
Inquit , iam properant optatq. tempora messis ;
Et gens ad veros deducitur advena cultus .
Sic plebi occurrunt , verbisq. potentibus aures
Alliciunt , animosq. mouent : ac denique monstrant ,
Quàm sit turpe Deos venerari , ac spernere numen
Aeternum , solo nutu quod temperat orbem ;
Cuius ad imperium formidant Tartara , Phœbus
Obruitur tenebris , cursumq. retorquet Olympus .
Nec mora , promittunt ciues simulacra Deorum
Exturbare tholis , ritusq. abolere prophanos .
Tunc PETRVS accessit , quæ proxima templa , vetustæ
Religionis honos , exciso in marmore pendent
Ante fores vrbs , quas cardine cernit Eo
Sol veniens ; niueaq. indutus veste peregit
Sacra DEO ; precibusq. pijs de more solutis ,
Ad lymphas properat , rauco quæ murmure manant
Haud procul hinc ; sacro perfudit & imbre volentes ,
Turpiaq. exactæ deleuit crimina vitæ .
Sed quia Dardaniæ PETRVS sua funera Romæ
Debebat , naue[m] rursus conscendit , iturus
In Tybrim : comitemq. sibi suffecit ; vt hostes
Infestos Fidei tota depelleret vrbe ;
Atque reluctantis superaret corda Senatus .
Accidit interea dirum , ac mirabile monstrum :
Principis EVCHADII natam sæuissimus angie
Dæmon , nec modicam patitur sentire quietem .
Illa dolet ; gemituq. patrem , lacrymisq. fatigat ;

Ac tales simulat mentito murmure questus.
 Ante diem quid, MARCE, furis? quid conteris vltro
 Hanc miseram? quid me flammis lethalibus vrges?
 Si natam odisti, vidui miserere parentis,
 Vnica cui vivo, cui nec spes altera prolis.
 Auxiliumq. feres, si protinus, vrbe relicta,
 Contendas aliò, quò te vocat improbus ardor
 Vnigenæ; qui se necuit, perimitq. sequentes,
 Vendicat atque sibi veterum delubra Deorum,
 Maius & ætherei deposcit culmen olympi:
 Qui moriens, telluris inops vix repperit vnam
 Alterius tandem, vix & miserabile bustum,
 Sanguine quo posset madidum tumulare cadauer.
 Increpat hunc præsens MARCVS, mendacia veris
 Exagitans, retegensq. dolos. timer impius hostis
 Verba viri: fugiensq. minas, ad nota recurrit
 Tartara, & infantis dimittit membra puellæ.
 Obstupet EVCHADIVS facti nouitate: viriq.
 Miratur vires, & ficti numinis artes.
 Agnoscit, veriq. DEI vestigia cernit;
 Et leges, ritusq. probat; lustralis & vndæ
 Dona capit, firmatq. Fidem: mox ordo Senatus,
 Atque Phalantæi proceres, exempla secuti
 Principis, infernos templorum è limine manes,
 Exturbant, decorantq. vrbis vexilla trophæis
 Victoris CHRISTI: passimq. insignia fulgent
 Intemerata Crucis, patrias quæ protegat arces.

Inter tot ciues dignus, qui thura ministret,
 Qui præstet reliquis, Domino qui comminus astat,
 HAMASIANVS adest: cui, non renuente Senatu,
 Ornauit MARCVS sacris sacra tempora vittis.
 Assensere omnes. sic præstat in vrbe Sacerdos,
 Qui modo nullus erat, miseræ nisi sortis imago.
 Hæc vbi composuit MARCVS; quòd gentibus esset
 Insinuanda Fides reliquis, & certa salutis
 Semita; ne cupidæ turbaret gaudia plebis;

Imperat

Imperat acciri cunctos : sacrifq. peractis ,
 Euchadio hæc ; populoq. refert ; præcordia pandens
 Piena DEO , & moëstis solatia grata relinquens .

Me vocat Aegyptus . me diuitis incola regni ,
 Quà crescit Memphis , quà labitur aduena Nilus .
 Quid PETRUM nisi Roma trahat ? sit principe princeps
 Digna suo , & noster Præsul caput orbis honoret .
 Illic piscator dispenset sceptrâ , coronas
 Diuidat imperij ; videat Regesq. , iacentes
 Ante pedes , sacris mille oscula figere plantis .
 Quò modo & ipse sequar præeuntem ; pandat vt Heros ,
 Quæ remanent scribenda mihi : mox tramite recto
 Urbis Alexandri Pharias transmittar ad oras .
 At quibus auspicijs crescent tibi sacra , TARENTVM ;
 Quisve pater patriæ ? quo tandem Præsule viues
 Tartareis inuicta dolis immota procellis ?
 Quem legis Omnipotens ? Procul hinc , Tanagræa propago ,
 Vestra salus oritur : veniet , qui protegat hospes
 Has sine fine domos ; viuax dum Solis anhel
 Flamma rotet ; dum Luna suos succedat in orbes .
 Cætera ne referam , prohibet DEVS . hospitis vmbra
 Hæc sit : vos vno cognoscite ab vngue leonem .

Nec plura effatus , misera decessit ab vrbe .
 Plebs immota diu leges seruauit , & auxit ,
 Quas sanxere patres : subiit tamen impius error
 Paulatim ; & veteris redierunt crimina luxus .
 Incæptum refrixit opus : repetensq. Senatus
 Impietatis iter , voluit sub triste reuerti
 Libertatis onus . quid nunc ? sine præsule regnat ;
 Vt maiora suis vitij alimentis ministrat .
 Vix pauci restant , CHRISTI qui dogmata norint ;
 Nullus , qui seruet . hic rerum status in vrbe .

Dixerat hæc cæcus : cui contra hæc intulit Heros .
 Et patrum sacra gesta refers , & dona Tonantis
 Collata huic vrbi ter maxima : nosses amorem
 Ipsa vtinam tandem , rerum quo conditor ardet ,

Transferat ut ciues æternæ ad gaudia vitæ .

Tu tamen , ut video , CHRISTVM veneraris ; & effers ,

Quæ famuli gessere DEI ; Stygiæq. paludis

Dæmonas esse putas mendacia numina Diuum .

Cui cæcus : Figmenta reor : sed nullus in vrbe

Iam superest , veræ doceat qui dogmata legis ,

Et sacros latices , Fideiq. alimenta ministret .

Sic me præcipitem Stygias detrudit ad vndas

Communis labes : viuusq. vidensq. trucidor ;

Nam cupio meliora sequi : sed Dæmonis artes

Impediunt . felix , vitæ reperire magistros

Qui potuit : vel quem saltem genuere parentes

Moribus exculi ; potuit vel cernere Solem

Cui Præsul : Si credis ; ait , genus esse parentis

Acterni æternum , prolemq. in tempore CHRISTVM

Intactæ matris ; sordesq. & crimina vitæ

Immergas vndis lustralibus ; inde resurges

Ereptus letho ; cœloq. ascriptus : & ultro

Corporis , atque animi duplex lucrabere lumen .

Polliceor victura fidem , maioraq. votis

Dona tuis : sed vera tamen . Nec plura locutus ,

Ut vidit cæcum tanta ad promissa ruentem ,

Viuficis perfundit aquis ; & nomina profert

Mystica , quæ latices supera virtute maritant .

Vix guttas cæcus summæ de vertice sensit

In frontem , inq. oculos delabi rore secundo ;

Cum videt ignoti rutilantia lumina Solis ;

Et stupet attonitus terræ , pelagiq. recessus :

Concipit & subito tot gaudia pectore toto ;

Ut nullas referat grates , nullumq. rependat

CATALDO obsequium : sed protinus inde recedit

Exultans , tantis animi iam motibus impar :

Ingrediturq. urbem , passim quò pandat in omnes

Hospitis aduentum , coeli portenta ; Deorum

Fallaces nugas , verax & numen Olympi .

Mox subit & Præsul ; tacitusq. hinc , inde vagatur ;

Noscat

Noscat vt ignotus mores , & crimina plebis .
Ceux Dux , obsessas armis victricibus arces
Aggressurus , adit loca proxima nocte silenti ;
Perlustratq. oculis dubij discrimina valli ,
Murorumq. minas , testasq. ex aggere tures ;
Comminus vt videat , qua parte irrumpat in hostes ;
Immittatq. suas superata ad moenia turmas .

Eheu quis referat , quantis sacra templa ruinis
Obruta ? quanta cauis resonent lasciuia theatris
Organa ? quam luxus pateat , quam pocula regnent ?
Hic pueros audit vix cognita crimina fari ,
Quæ miseri hauserunt petulanti ex vberibus matrum .
Miratur iuuenes pingues apponere mensas ,
Maioresq. dapes censu ; validoq. Lyæo
Sollicitare iocos , & claudere pocula luxu .
Delirare senes prope limina fornicis horret ,
Et canere ad citharam , lepidisq. aptare choreis
Alterna ratione pedes : nec voluere secum
Annorum decadas , nec proxima tempora lethi .
Si meditare forum , subsellia iudicis error
Occupat , atque animus præceps , & dulcis habendi ,
Sed sceleratus amor . quotquot non liberat aurum ,
Damnandos iam crede reos : nam vilis egestas ,
Non crimen sub fasce cadit , bibulaq. securi .
Si consulta Patrum videas , si iura Senatus ;
Publica priuatis cedunt : venalis vbique
Maiestatis honor : suffragia plebis anhelat .
Qui patriam vendat , qui commoda destruat vrbis .
Fas statuunt , quodcunque libet : quod displicet , horrent
Vt crudele nefas : perituro fœdere dextras
Infidus connectit amor : crudelior ense
Lingua furi ; læditq. pios , parcitq. nocenti ,
Diraq. blanditijs fictis periuria miscet .
Crebro & cognatum discordia sæua cruorem
Fundit , & alterno prosternit vulnere ciues ,
Atque inter Veneris lusus Bellona triumphat .

Victa iacet pietas ; virtutisq. æmula virtus
 Languet ; & insani regnant sub pectore motus :
 Et Superum metus omnis abest ; olidusq. sub aris
 Squallor inest ; fœdoq. situ laquearia sordent :
 Heu miseranda dies ; heu quàm lacrymabile tempus !
 Sola Venus sua thura capit ; sua templa prophanis
 Exagitat lasciua iocis , turpiq. cachinno .
 Huc passim iuuenes properant , facilesq. puellæ ,
 Quas mala paupertas foribus dimittit apertis ,
 Ut sibi coniugium , & quæsitæ crimine dotes
 Inueniant , violentq. toros , fœdēntq. maritos .

Has igitur pestes , hæc crimina fusa per urbem
 Aspiciens Præsul , lacrymis ita fatur obortis .
 O decus Italiæ , spes ò fidissima regum ,
 Hanc te post tantos pelagi , terræq. labores
 Aspicio ? sic sacra PETRI vestigia seruas ?
 Vtere tot vepres , tot quis diuellere dumos
 Possit ? & incultis quis sentibus extrahat vuas ?
 Hoc dextræ omnipotentis opus ; quo præsidē , crebrò
 Fertilis exurgit sterili quoque messis in agro ;
 Infelix quamuis lolium per gramina serpat ;
 Atque leues passim segeti dominantur auenæ .
 Si tuus hic igitur labor est , sanctissime rerum
 Arbiter ; hos agros , atque hæc vineta potenti
 Rore tuo perfunde , precor ; quò palmes in vuas
 Erumpat ; curuetq. suas graue semen aristas .
 Imbris addde ignem , flammæ qui nutrit amoris
 Aetherei ; vt sentes , steriles & torreat herbas :
 Quò cineri permista suo mox arua serantur
 Plenius , & cumulent ventura in sæcula messem .

Mouerat interea tanta ad spectacula plebem
 Cæcus ; dum toram sua gaudia fundit in urbem ,
 Et passim iaculat , duplicem se cernere Solem .
 Vndique conueniunt diuerso tramite ciues
 Ad portam , quam Sol radijs brumalibus ambit
 Exoriens : vbi cæcus erat , cum munera lucis

Promeruit ;

Promeruit, lauteq; animam melioribus vndis.
 Senferat hoc Præful, tacitè dum moenia lustrat:
 Quare iter emensum relegens, spectabilis omni
 Apparet numero: qualis Ciffæ propago
 Millibus in medijs stetit altior agmine toto,
 Dignus & imperio: tamen illic ardua moles
 Corporis; hic mentis nituit; vultusq; verendi
 Regia maiestas: quem cum videt'eminus, ardens
 Exclamat cæcus: Mecum quò tenditis vltra
 Ciues? præsentès alibi ne quærite vultus.
 Hospes adest, oculis cæci qui lumen adeptum
 Reddidit, & clausos postes referauit Olympi.
 Obstupuere omnes, tanti dum sacra tuentur
 Ora viri; cupiuntq; ducem, vitæq; magistrum,
 Censoremq; vrbis, consultoremq; Senatus.
 Quisque sui sceleris vestigia cernit, & horret
 Præfulis in vultu: rutilanti vt lumine Phœbus
 Ostendit, quàm turpe chaos sit noctis, & vmbra.
 Ille, vbi iudicium populi; motusq; pudoris
 Sentit, & optatæ felicia tempora messis;
 Circumquaque oculos versat, plebisq; fauorem
 Caprat fronte hilari: mox longa silentia rumpit;
 Ac tales fundit diuino è pectore voces.

Felices populi, quibus vndique Copia cornu
 Diffundens alimenta suo, conuexit in vnum
 Diuitias pelagi, sæcundas sænore glebas,
 Temperiem coeli, & nunquam variabile tempus:
 Quas grates, quodve obsequium iam redditis vltro
 Heu Domino, tantis decorat qui dotibus urbem?
 Quis tam multiplicis diuini muneris vsus?
 Quæ ratio, expensæ? quæ tanto ex semine messis?
 Omnia turbastis: Stygiosq; è nectare succos
 Carpitis: & Superum tot blandimenta ruinas,
 Illecebrasq; mali pariunt, coeliq; fauores
 Communi exitio cedunt. nec culpa Tonantis;
 Sed vestra illuuiès, & vix superabilis error

Vertit in inuidiam, fuerat quod pignus amoris.
 Heu ubi nunc virtutis opes, reuerentia legum,
 Religionis honos, culpæ fuga, carceris horror
 Aeterni, monumenta boni, vestigia recti?
 Quas ego centurias scelerum per cuncta domorum
 Limina conspexi? quæ ludicra blanda voluptas
 Exercet? quas spargit opes, quos nutrit amores?
 Hoccine iura docent CHRISTI, quæ prisca parentum
 Seruauit pietas? hoc PETRI dogmata tradunt?
 Ecquis erit finis vestri per compita luxus?
 Quemve modum capient recidiuæ crimina culpæ?
 Peccare humanum est: sed nullo tempore flecti
 Ad virtutis iter, lex est, quam seruat Auernus.
 Ni vos tangit amor Superum, ni splendor honesti
 Sollicitat; moueat saltem turpissima luxus
 Effigies, horrorq. mali: qui sistere solus
 Effrænes animos posset, culpasq. morari.
 Ni vos alliciunt venturæ commoda vitæ,
 Empyreiq. decus; saltem deterreat vltrix
 Et grauis ira DEI: quæ quanto tardius armat.
 Crudeles Furias, tanto vehementius vrget;
 Compensatq. moras grauitate, & tempore crescit.
 Quid si mors veniens, semper quæ comminus astat,
 Et quæ sæpe suos ferit inter, gaudia luctus,
 Vos tanto inueniat foedatos crimine, tantis
 Lusibus enerues? quàm sæuos congeret ignes.
 In vestrum lethale caput? quibus agmen Auerni
 Armabit iaculis? heu tam scelerata voluptas
 Magno emitur pretio. modici compendia luxus
 Haud licet æternis redimi cruciatibus Orci.
 Nulla igitur tantæ mortis fuga? vertite, fratres,
 In melius, qui iam præceps per deuia cursus
 Vos agitat. pellat labor ocia, crimina virtus,
 Inuidiam socialis amor, ieiunia carnis
 Illecebras, belliq. truces pax alma tumultus;
 Iustitiæq. locum præceps iniuria cedat.

Has ego per lacrymas, & conscia numina iuro,
Perq. tuos oculos, coeli quibus vndique lustras,
Cæce, vias; me velle vrbis reparare ruentis
Excidium, Stygiosq. Deos concludere Auerno,
Et vestros sacrare tholos melioribus aris.
Nec noua iura decet conscribi: dogmata PETRI
Sint satis, & veterum facilis custodia legum;
Ne sint degeneres patria virtute nepotes.

Ille hæc dum loquitur, tacitos DEVS influit ignes
In pectus populi; quibus vndique corda liquefcunt
Ferreæ, & æterni vinclis nectuntur amoris.
Gaudia iam sordent vitæ; quæfita voluptas
Incuit horrorem; poenæ genus esse videntur
Illecebræ; mortisq. metus, terrorq. Gehennæ
Amuleta parant contra agmina sæua Diones.
Mirantur, toties se alacres potuisse videri
Inter tot scelerum turmas, tantisq. periculis
Obiectos, totiesq. DEI spreuisse vocantis
Auxilium. Dum turba tamen silet omnis, & ardet
Comminus amplecti Patrem, genibusq. verendis
Obuolui; stetit in medijs prudentior heros,
Qui plebem imperio moderari, & vota Senatus
Venari obsequio poterat, procerumq. fauores:
Atque his accensos animos sermonibus vrget.

Aeternam paritura necem iam crimina vitæ
Quilibet edidicit nostrum: iam sensimus artes
Tartareas, Erebiq. dolos: iam comminus hostem
Nouimus; & nostræ tandem patuere ruinæ.
Has tamen ærumnas quonam vitabimus vnquam
Consilio? quæue arte faces fugiemus Auerni?
Cernitis, vt Dæmon nostri insidiator ouilis
Dentibus infrendat, rictuq. minetur hiulco,
Indomitasq. feris odijs exasperet iras?
Quis tamen hunc abigat? quis septa infirma tueri
Audeat, & pecudes Stygijs defendere monstros?
Tu pater auxilium miseris, tu iura ministra:

Tu moderare urbem, nostrasque auerte ruinas.
 Nam te pastorem legimus; tibi pandimus aras;
 Et tua, quicumque es, sequimur vestigia ciues.
 Dexter ades: nec turpe nefas, quod cernis ubique
 Te citius Superum sacra ad consortia pellat.
 Si cæci misereris, habes hic millia tecum
 Agmina cæcorum; qui iam, sine luce vagantes,
 Aeternæ meruere pati dispendia noctis;

Hæc ille effatus, Veneris prope templa prophanæ;
 Hinc atque hinc magna procerum comitante caterua,
 Deducit lætis lacrymantem rebus Ibernium.
 Et repetit: Felix hospes, tibi cedimus ultro
 Hanc ædem, turpis scædat quam mater amorum.
 Tu mutare animos hominum, tu flectere mentes
 Iuraque Naturæ, rerumque inuertere leges
 Qui potes, hæc delubra sacris temerata prophanis
 Heu toties, scædisque iocis, & deside luxu,
 Fac pia nunc tanto sub Præsule templa resurgant;
 Dixerat, ille aditus turpes, miserosque recessus
 Eminus exhorret, iustasque recolligit iras.

Stat sceleratâ domus media sublimis in vrbe
 Inter vtramque arcem; cuius frons ardua Solem
 Nascentem recipit rigido sub frigore brumæ;
 Occiduum spectant penetralia, vibrat in orbem
 Dum rapidos æstus tumido sub sidere cancri
 Vestibulum ante ipsum fornix altissima surgit;
 Ingentem referens arcem: sic pergama crescunt,
 Murorumque minæ, crebraque in vertice pinnae
 Hinc noua maiestas templi referatur; & auro
 Tecta nitent laqueata graui, cedroque perenni.
 Hinc atque hinc validis moles operosa columnis
 Fulcitur; stratumque solum simulacra figurant
 Quæ tessellato variant emblemate formas.
 Quodcunque aspicias, deformia gesta Diones
 Ingerit, & quicquid poruere Cupidinis arcus
 In Superos: fierent vt sic exempla Deorum

Illecebræ luxus, scelerum contagia, culpæ
Fomes; & humanos raperent per devia sensus.

Hic liceat spectare Iouem penetrare recessus

Acrifionæ Danaes; dum ludit amantem,

Allicit & furtim guttis flauentibus auri.

Hic cantat Spartanus olor, blandusq. recumbit

Ledæo in gremio: flammis hic cinctus, & ense

Fulmineo Semèlen Cadmeida terret, & vrit.

Hinc vehit Europam taurus: rapit impiger ales

Inde Phrygem; nymphæq. gemunt, vlulantq. molossi.

Parte alia in Phœbūm tendentem spicula cernas

Aurea Cyprigenam: iaculo transfixus Apollo

Thessalida insequitur Daphnen: Peneis amantem

Sæua fugit; medio infelix sed tramite cursus

Stat defixa solo: tēgitur sub cortice corpus;

Frondescunt crines; onerantur tempora baccis:

Inque triumphales vertunt se brachia ramos;

Ardet & æquoreis patrius Neptunus in vndis;

Et Cererem, dum fingit equum; Salmonida fallit,

Crescentem tumidisq. mentitur Enipea nimbis;

Decipit Icaridem Bæchus: lēgit illa rubentes;

Palmite quas ficto defendit pampinus; & vuas;

Furtiuumq. tegit thalamis ignara maritum.

Haud procul hinc Stygio rapitur Proserpina currus

Imploratq. Deas frustra, planctusq. lacertos; imos

Verberat: exanimem tandem, similemq. cadenti

Aspicias; raptor fulcit, gremioq. tuctur; supit;

Raptorem insequitur probris Trironia Pallas;

Hasq. inter turbas ridet sua furta Cytheris:

Quiq. Erymanthæi deuicit robora monstri,

Tergeminumq. ducem strauit, qui contudit hydra;

Atque Cleonæi discerpsit membra leonis;

Inter Mæonias ducit iam filia puellas;

Et clauæ præferre colos, & pollice, fusum

Versare, & properat flamen contexere pensis.

Cætera quid mentorem? ludibria cuncta Deorum

Tessellæ effinxere solo, Venerisq. triumphos.
 Quæ grauis incedens sacro pede proterit Heros;
 Exhorrensq. nefas, aliò pia lumina flectit.

Vltima pars ædis graduum discrimine trino
 Attollens sese, reliquæ supereminet aulæ,
 Non tamen æquali spacio: nam cedit vtrique
 Ascensus, geminis templi qui subiaceret alis.
 Læua cruore madet pecudum; pars altera Diuæ
 Effigiem seruat: prope quam vastissima turris
 Nubibus infertur, quæ culmine territat urbem,
 Hostilesq. notat prædonum lampade classes.
 Inter vtrumque latus maior componitur ostro
 Ara, decus Parij quam marmoris ambit, & ornat;
 Et moles operosa tegit suffulta columnis,
 Barbara quas Phrygia exculpfit, vel Graia Corinthus.
 Hinc cruor omnis abest: tantum Nabathæa vaporant
 Thura locum; tenuiq. calet suffimine myrtus
 Antrum immane later, cæca testudine clausum;
 Extrema sub parte domus: sacraria Digis
 Sic finxere patres; tantus sub luce maligna
 Stat metus; & tantus penetralibus infidet horror.
 Ante Deam iuuenes festas de more choreas
 Ducebant misti senibus, leuibusq. puëllis:
 Attamen extemplo; postquam videre ruentes
 Tot turbas hominum, templiq. inuadere limen,
 Absistunt; auidiq. rogant; concursus ab ædem
 Quid velit; atque vno quid quærat ab hospite vulgus;
 At Præsul fretus Domino, populoq. volente,
 Exturbat Diuæ thalamos, irrumpit in aras,
 Calceat thura, fugat pecudes, sculptamq. Cytherin
 Comminuit, Stygiosq. Deos ad bella lacescit.
 Mox aperit præcepta patrum; populumq. fateri
 Imperat oblitæ dudum solennia legis,
 Inq. sacris vndis vita meliorè renasci
 Interea cedens astris, Tartesia Phœbus
 Littora contigerat, noctisq. citauerat umbram.

Discedunt

Discedunt populi : cunctisq. petentibus ultro
 Excipere hospicio fessum, sic obstitit Heros.
 Hæc mihi templa satis : Dominus me detinet hospes.
 Non epulis inhio ; dapibus fruor ipse repertis.
 Vestra salus alimenta dedit : nec carpere somnos
 Posse licet tutos ; quoniam bella horrida restant
 Cum veteri custode domus. Venus ista fuganda est ;
 Dæmones & reliqui, quos huc Cytherea coegit.
 Sic fatus, sua quemque hilarem sub tecta remittit.
 Ipse humilis prostratus humi, dominumq. patremq.
 Sollicitat votis, penitus quò callidus hostis
 Aufugiat victus, superisq. ea mœnia cedat.
 Ecce autem ex adytis visa est domus illa repente
 Concuti, & immani repleti murmure templum :
 Tartareasq. acies sentit nil territus Heros.
 Armari ad pugnam, quorquot vix agmina, iuxta
 Thermopylas, Xerxes numerato milite vidit.
 O quales vultus referunt ! quæ prælia fingunt !
 Quod genus armorum quarunt ! quæ damna minantur !
 Gorgonas hi simulant, Sphingisue, tricornis artus,
 Arcadicas alij volucres Scimphala colentes.
 Sunt qui Centauri gaudent præferre bimebris
 Effigiem, vibrantq. hastas, & spicula torquent.
 Riëtibus hos armat deformis ianitor Orci :
 Hos flamma, & facies circumplicat atra Chimææ.
 Has videas vacuam rabidas cursare per ædem,
 Ferri & in aduersum totis conatibus hostem.
 Ast accedentes propius vel terra dehiscens
 Obruit, aut sistit vis inconcussa Tonantis :
 Tela cadunt, languent vires, audacia cedit ;
 Victoremq. virum solis vlulatibus vrgent.
 Qualis vbi erumpens in proxima littora pontus,
 Fluctibus armatur tumidis, effervet in æstus,
 Erigiturq. polo, spargitq. per æthera guttas :
 At vix tangit humum, primas vix tentat arenas ;
 Cum subito victus, sua per vestigia cedens,

Sternitur ; & rediens venientes comprimit undas ,
 Fluctibus opponens fluctus : stat libera tellus
 Interea , & coeli rutilantia sidera cernit :
 Latior : at spumas reuomens per littora pontus
 Oppositas rupes vix murmure vexat inani

Constitit in medio tandem lacerata capillos
 Falsa Venus ; lacrymisq. rigans mendacibus ora
 Incitat infernas rabido sermone cohortes .
 En sceleratus adest hospes , qui Tartara prędis
 Expoliat ; qui templa , meis decorata tot annos
 Exuuijs , adimit miseræ : qui diruit aras ;
 Marmoraq. effringit nostros referentia vultus ;
 Quiq. audet Stygias nocturno tempore solus
 Expectare acies , atque irridere ruentes .
 Et viuet ? gemituq. meo , lacrymisq. fruetur ?
 Et poterit vestris orbem viduare triumphis ?
 O Erebi effeta vires , ò languida Ditis
 Robora ; tergemini ò quondam fera guttura monstri .
 Nomine turbatus nostro , delusus & umbris
 Noctiuagis , crebro præceps exhorruit orbis :
 Vnus & interdum clamor , vix faucibus Orci
 Egressus , centum validas deterruit vrbes :
 Stant modo contra acies , atque horrida monstra barathri
 Vnus , & ignotus , patrijsq. à finibus exul .
 Heu reuocate animos , vestrasq. resumite vires ,
 Bella mouere Deo : qui iam potuistis , & ignes
 Fulmineos cohibere manu , coelique cohortes
 Aggredi , & æternis orbem tumulare ruinis ,
 Aut , si non eadem virtus , subducite bello
 Vestrum agmen ; date telà mihi : concedite flammæ :
 Sola Venus poenas scelerato ex hospite sumet :
 Et quę blanditijs nunquam superare seuerum ,
 Illecebris durum , muliebri fraude sagacem
 Emerui ; tot post victricia facta superbum
 Prosternam telis Erebi , flammisq. Gehennæ .
 Vel mihi si tandem non est spes vlla salutis ;

Si fuga præcipitem rapiet ; quasi Parthus , in hostem
Aufugiens fera bella geram ; templumq. ruinis
Inuoluam ; victorq. meis tumulabitur aris .

Dixerat . Illi iterum maiori robore pugnam
Instaurant ; fremituq. virum , telisq. lacessunt .
At Præsul , coelo figens pia lumina rursus ,
Exclamat ; DEVS esto mihi dux , tutor , & auspex .
Hoste premor valido ; patior vim ; subruor armis
Tartareis : poteris tu vincere Tartara solus ,
Atque Acheronthæas nutu exturbare phalanges .
Exere fidereos vultus ; mihi comminus asta .
Te videant hostes , repetant & limen Auerni :
Et toties victi subeant fera vincula manes .

Nec mora , flammiferis radijs splendere tectum
Incipit , & tristis tenebræ decedere noctis ,
Audiri & tenuës vox clara effusa per auras :
Ecce DEVS ; venit ecce DEVS : procul este prophani .
Et dicto citius fugiunt procul inde Diones
Palantes acies ; tantisq. exempta tyrannis
Stat facies templi : qualis nitet æthere aperto
Clara dies , nimbis quam texerat humidus Auster ,
Et vaga turbarant stridentibus astra procellis .

At sacer Antistes numen veneratur amicum :
Agnoscitq. DEVM melius , quàm Delphica vates ,
Cum Phœbi impatiens folijs sua carmina mandat .
Nec rudis Aethiopum tellus ; nec gleba Sienes
Niliacæ tantum incaluit sub fidere cancri ,
Quantum corda viri coelesti ardore liquefcunt ,
Sacraq. fiderejs exudant viscera flammis .
Ille igitur Dominum læto sic ore salutat .

Expectatus ades , spes ò fidissima nostri ,
O terræ , coeliq. decus ; Phlegetontis & horror :
Nam sine te poterat quis tot superare maniplos
Stirpis Hyperboreæ & tot quis vitare sagittas
Tartareo infectas tabo , Stygijsq. venenis ?
Hostis abest tandem ; sacro nam nomine victus

Aufugit : tibi castra patent inimica ; nec ultra
 Occupat Aleſto palatia debita coelo .
 Quod reliquum , tu regna tene , quæ libera reddis ;
 Aeternumq. tibi ſeruet per ſæcula cultum
 Hæc domus , exactos nunquam paſſura tyrannos .
 Interea ſi turpe nefas repetatur in vrbe ,
 Quod vocet vltrices Furias , quod fulmina poſcat
 In poenas ; coeliq. furor ſic ſubtrahat imbres ,
 Vt violenta fames , rabiesq. occidat edendi
 Hos populos ; vel in arma ruat truculentior hoſtis ;
 Aut ſua le:halis vibret contagia peſtis :
 Et pertæſa ſui ſcleris plebs templa frequenter ,
 Quæ teneo ; lacrymisq. riget manantibus aras ,
 Quas ſtatuam ; tu dexter ades ; tu parce roganti :
 Ceſſet pernicies ; vincat clementia coeli
 Impia corda hominum : tibi nec temerarius error ,
 Quo magis mortales repetito crimine ſordent ,
 Immutet patrios vultus , & peſtus amicum .

Annuit Omnipotens præcibus : templumq. verenda
 Maieſtate replet ; diuinum & ſpargit odorem ,
 Quocunq. aſpicias , miſtos & neſtare ſuccos .
 Tantis delicijs impar CATALDVVS , anhelos
 Pectore ſuſpirat : ſenſimq. infuſa per artus
 Viſ occulta adimit vires , & munera ſenſus ;
 Corpus & immotum librato pondere ſiſtit ,
 Ne cadat in præceps , amiſſo aut robore nutet .
 CHRISTVS at excedens ſua per veſtigia , ſedes
 Quas non deſeruit , repetit : mentesq. beatas
 Meſſe Phalantæi , quam mox dabit , vbere campi
 Plenius exhilarat ; tacitusq. annalibus indit
 Aeternis quæcunq. viro modo dona petenti
 Promiſit ; maiora etiam mox ſponte daturus .

FINIS LIBRI QVARTI.

BONAVENTURAE

MORONI

CATALDIADOS

LIBER QUINTVS.



Amq. rubescebat coelum, quà præuia
sensim,
Lumina fundebat Nabathæo è littore.
Titan;
Culminibusq. sedens rectorum Bisko-
nis ales
Iam matutinos rumpebat garrula
somnia;

Cum redit ad sensus Præsul: sacrosq. sopores
Excudit, & totos animam diffundit in artus.
Conueniunt rursus præcæres, atque ordo Senatus
In templum. mox gesta rogant, tacitiq. loquentis
Ora viri obtutu fixi meditantur in vno.
Sensibus atque auidis haurire videntur odores
Sidereos, coeliq. dapès, & nectaris imbres:
Namque obiecta oculis maiestas viuida templi
Pene expressa solo Domini vestigia seruat.
Impiger at Præsul titulis melioribus ornat
Circumquaque locum: media & testudine sacrat.
Altare, aurato semper quod fulgeat ostro,
Perpetuumq. tegat duodena lampade lumen.
Partem, quam pecudum turparant sanguine fibræ,
Aptat sublimi folio; quod conditor orbis
Impleat, atherea veniens occultus ab arce,
Nobiscum vt maneat; nostrisq. accendat amorem
Visceribus, se se per viscera nostra refundens.
Oppositumq. latus, quod iam simulacra premebant
Cypridos, ad reliquos sacrorum destinat vsus.

sigul

Antra

Antra profunda domus, sceleris monumenta pudendi,
 Imperat esse locum mœstis ululatibus aptum;
 Plebs ubi peccatrix, scelerum pertæsa priorum,
 Mulceat in lacrymis offensi numinis iras,
 Ultoremq. DEVM detecto vulnere flectat.
 Mox templi immutat titulos; ut VIRGINIS alma
 Præferat æternum nomen: celebrentq. nepotes
 Nunquam degeneres solennia sacra quotannis,
 Cum genitrix intacta DEI penetrauit Olympum,
 Corporeos artus, deuicta morte, resumens.
 Dignis præterea decorat noua templa ministris;
 Qui postes referet; teneat qui thuris acerram;
 Qui subeat lectoris onus; qui dæmona vexet;
 Qui recolat quidquid scribentis dogmata Pauli
 Præcipiunt, & vasa ferat, vinumq. ministret;
 Quiq. Redemptoris miracula, vulnera, mortem,
 Doctrinamq. canat, sacrisq. propinquior astat;
 Qui demum, niuea decoratus veste, Sacerdos
 Pro populo, pro Rege litet; verbisq. verendis
 Immutet pœnas, scelerumq. adamantia refringat.

Hæc ubi composuit, moderari pectora plebis
 Incipit, & passim diffundere semina vitæ
 Naufragus, exul, inops, male cognitus advena nuper:
 Nunc ciuis, patriæq. parens, tutorq. perennis.
 Et ceu, dum roseis fulgens Aurora capillis
 Excitat alma diem, tenebrasq. ex orbe repellit,
 Diffugiunt lemures, & vana insomnia noctis;
 Buboq. feralis, miseriq. adnuncia lethi
 Noctua triste canens, repetunt sine Sole recessus,
 Et detestantur funesto murmure lucem:
 Attica vernat avis; spirant felicius auræ;
 Nocturnoq. gelu nuper depressa resurgunt
 Lilia; perq. ægras viuacia robora plantas
 Sparguntur; coelumq. suum sibi terra maritat:
 Sic mentis tenebras tergit sanctissimus Heros;
 Atque Tarentinæ circum præcordia plebis

Ingerit

Ingerit æternæ sensim primordia lucis :
Dæmones aufugiunt ; redeunt virtutis honores ;
Et passim ætherea demissus Spiritus arce
Vitales afflat Zephyros ; spargitq. supernas
Delicias , Fideiq. sacre sacra dogmata firmat .
Iam videas , quid verba DEI , quid candida virtus ,
Quid valeat pietas , & spes animosa salutis .
Hinc lacrymas , gemitusq. graues fert cognitus error ;
Hinc consolatur miseros clementia cæli :
Spernq. metumq. inter dubij , nunc munera vitæ
Sperant , nunc horrent æterni carceris ignes .
Mutantur cuncta in melius : vestigia lux
Nulla manent : nitidis languent conuiuia mensis :
Inuidiæ charitas , turpi succedit honestum :
Præcípites cohibet motus patientia constans ;
Excudit atque labor torpentis tædia vitæ .
Quem furor accendit , vindexq. exercuit ira ,
Nunc hostes in pace fouet : quem blanda voluptas
Edomuit , lasciua nequit superare Cytheris .
Simplicitas pro fraude nitet : qui corde tenaci
Cogebat , nunc spargit opes : quem vana superbum
Fecerat ambitio , patitur sine lite priorem .
Hos inter medius dispensat iura Sacerdos ;
Atque instat præsens operi , laudatq. sequentes .
Hinc decreta Patrum pendent , hinc pondera rerum :
Quodcunque ille iubet , lex est ; iniuria , quidquid
Ille vetat : quem non odium , non gratia flebit ;
Qui meritis partitur opes : qui iudicat omnes
Aequa lance reos : sæua est clementia Patris ,
Clemens sæuities . hilari cum Præfule regnat
Adrastæa suo : sociati foedere ciues
Aeterno , nullo violant sacra iura tumultu .
Vndique tuta quies , pax & tranquilla tuetur
Concordes animos : commercia cuncta per urbem
Exercet syncera fides : dant facta vigorem
Promissis : nullis violantur fraudibus artes .

Et, quamuis pateant nocturno tempore postes ;
 Nulla unquam infandis spoliatur tecta rapinis .
 Stat sine lite forum ; iuris tria verba silentur ;
 Vel siqua insurgit contentio, bella geruntur
 Obsequio : vincitq. parem , lætusq. triumphat ,
 Munere qui potuit palmam maiore mereri .
 Crescite virtutes : stant præmia certa merenti ;
 Nec locus indigno est : patuit iam campus honori ;
 Et terra , cæloq. fluit ditissima merces .

Aurea quid memoras , laudator temporis acti ;
 Secula , dure senex ; cum flumina nectaris ibant ,
 Horridaq. Hyblæas sudabant marmora guttas ?
 Regnaq. quid frustra toties Saturnia iactas ,
 Reddebat fruges ultro cum prodiga tellus ,
 Ne rastro pateretur onus , neu vomeris ictus ?
 Heu vix vna dies rutilo fulsisse metallo
 Dicenda est ; quoniam dederat quod Lucifer aurum ;
 Hesperus eripuit , ferrumq. inuexit in orbem .
 Dum seruauit Adam quidquid præcepta Tonantis
 Sanxerunt , auro nituere exordia mundi :
 Mox chalybem sensit , subiit dum pondera culpæ ;
 Cunctaq. Tartaræ demersit secula nocti .
 Aurea restituit , cumulado foenore , CHRISTVS
 Tempora , qui solus limen reuerauit Olympi ;
 Mortis & imperium fregit, Stygiosq. furores ;
 Rursus & Astræam nostrum deduxit in orbem .
 Oebalia hæc felix ætas effulsit in vrbe ,
 Dum pauit CATALDVVS oues ; dum dogmata CHRISTI
 Legibus inseruit patrijs ; moresq. priores
 Dedocuit populos , & crimina mersit Auerno .

Nec tantum ille iubet ; sed , quod putat esse gerendum ,
 Primus obit , reliquosq. præit , vitæque sequentes
 Allicit , & sacros mores diffundit in omnes ,
 Forma gregis factus . fugiat quis prælia miles ,
 Si dux præcedat reliquas ad bella phalanges ?
 Quidquid habet census , inopum depascit egestas ;

Acgrorumq.

Aegrorumq. lues : desint si dona rogato ,
Vrgeat & miseros paupertas indiga , frangit
Aurea , quæ Domino deuouit vasa Senatus ;
Diuidit & sacras vestes , partitur & ostrum .
Hæc quoque si desint , genium defraudat : & escas ,
Frugalesq. dapes , sibi quas præscripserat , vltro
Largitur : gaudetq. inopum succedere mensis ,
Ieiunus ; ne mox liceat spectare gementes .
Nec solum per testâ cibos partitur , & aurum ;
Sed mulcet plerumque domi , quos sæuior angit
Esuries , secumq. fouet , sordesq. tenaces
Abluit ; atque dapes , & Massica vina ministrat .
Quos dolor exagitat morbi , quos arida febris
Exedit , hos visit præsens , hos fronte serena
Solatur : talesq. capit per viscera motus ,
Vt petat à Superis alienæ incommoda sortis ,
Et plebs incolumis , languenti Præsule , viuat .
Principis imperio violato , aut iure Senatus
Sentit vt esse reos latebroso carcere clausos ;
Extemplo inferitur medius : tantumq. precator
Efficit , vt subito non digna compede victos
Absoluat , fontesq. premat leuiore flagello .
Funeribus quandoque præest , & membra feretris
Mortua componit , socioq. in funere luget .
Promptius at peragit , siquid iuuat : atque medetur
Vulneribus mentis ; siquid nocet , eminus arcet .
Si cadat in præceps aliquis , repetatq. relictum
Impietatis iter , totis conatibus instat ,
Vt sese lacrymis redimat , rursusq. salutis
Inueniat callem , si non resipiscat , acerbè
Increpat ; & tandem , sensu renuente , proteruum
Deuincit , redditq. astris , adimitq. Gehennæ .
Sic portat Pastoris onus ; sic cara tuetur
Armenta ; & Stygijs monstribus sese obijcit vltro ,
Si rapiant aliquid ; crebroq. è faucibus ipsis
Subtrahit violenter oues ; frustra . frementes

Dæmonas ad cæcum detrufit limen Auerni . 1.
Si quem blanditijs , fiquem terrore minarum
Flectere non poterat , Dominum gemebundus adibat ;
Atque his diuinas mulcebat vocibus aures .

Ergo mea hæc soboles , tibi quam peperere labores ,
Et gemitus , lacrymæq. patris , tumulabitur antris
Tartareis , cæloq. ereptam flamma perennis
Comburet ? quid me , quid me iuuat , vrbe relicta
Quæ genuit , quæfiffe mihi discrimine tanto
Hanc patriam , lauiffe vndis lustralibus omnes ,
Eripuiſſe neci ; ſi , me ſpectante ruinas ,
Hic miſer (infandum) Stygijs detruditur vmbriſ ?
Quid non tentauĩ ne , te reuente , periret ?
Hunc prece demulſi genitor ; cenſorq. ſeueris
Verbis corripui ; vexaui carcere iudex ;
Præcipitem tenui . ſed mox grauiore ruina
Concidit ; & tentans ſcleri ſcelus addere maius ,
Heu miſer ad noſtros induruit amplius ictuſ .
Ergo nihil ſupereſt ? exhausta heu pharmaca vitæ
Cuncta tibi ? miſerum nec ſpes manet vlla ſalutiſ ?
Et perit , & patiar ? præcepſ delabitur orco
Infelix natus ; poteritq. videre ruentem
Hunc genitor , gemituq. graui haud obtundet Olympum ?
Anne perire hominem leuiſ eſt iactura ? dolorem ,
Sanguineoſq. tuos teſtor , Pater optime , riuoſ ,
Et poenæ , mortisq. genus : quæ cuncta ſubiſſeſ
Vniuſ ob vitam certamina . corrueſt ergo
Quod tanto reparas pretio ? deludet Auernuſ
Tantoſ conatuſ , prædiſq. fruetur Olympi ?
Tu , pater omniſpotenſ ; adamantina pectora molli ;
Incute vim menti : viuaxq. euincat iniquam
Gratia duriſſiem , tumidoq. è Dite triumphet .
Ni faciaſ ; matrem gemitu , lacrymiſq. ciebo :
Cui non ætherei ſolum concediſ honorem
Imperiij , ſed te (quiſ credat ?) ſubijciſ ultro ,
Atque neſaſ reris non exaudire rogantem .

Sic

Sic prece sollicitat Dominum sanctissimus Heros,
Et tandem extorquet munus, retinēq. ruentem.

At, postquam ille diu caræ sic præfuit vrbi,
Vsq̃ adeo emicuit cælesti lumine tandem,
Sidereos cernens vultus, crebroq. beatis
Coetibus assistens, Dominiq. fauoribus auctus;
Omnia vt inspiceret ventura in tempora vates
Eminus, & dubij seriem contexeret æui.
Motibus æthereis igitur compulsus, ab omni
Semotus cura, cœliq. arcana reuoluens,
Imprimit in solido venientia tempora plumbo;
Conscribitq. notis sacris, decoratq. figuris.

Hic videas szuos Arabum de sinibus hostes,
Quos furor impatiens vix noto ex orbe refudit
In nostrum exitium, longa obsidione TARENTVM
Cinxisse, atque æquasse solo mox Herculis arcem.
Ah quoties dextram retrahens, cinilia luxit
Funera longzeus vates, patriæq. ruinas.
Sculpsit & inuitus castrum prope littoris oram,
Quod Sarraceni subito struxere tumultu,
Præsidio vt possent victos defendere muros.
Proximus auratis fulget Nicephorus armis,
Sceptra orientis habens; qui, pulsus hostibus, urbem
Instaurat, reparatq. arcem, molemq. propinquam
Diruit, & sacro defendit nomine ciues.
Haud procul hinc, Boheimunde, tuos apponit honores
Præsul; & insinuat, vertas vt classica Martis
Bosphorida in Thracem; sistrata & in agmina Memphis;
Ne mox fraterno deturpes sanguine dextram.
Cede Tarentinos agros, da Principis omen
Rogerio: maiora tibi dabit æmula virtus
Intra urbem Antiochi: nec Gottifredus honores
Imminuet, qui regna tibi permittet Orontis.
Sed te fratris amor socium vocat: Appula pubes
Seruit vtrique viro. pugna hæc felicior: armis
Obsequij gemini fratres in fœdera cœtant.

Hinc se Tancredus, totò celebratus in orbe,
Præfert tutorem pueri: Constantia mater
Assentit: tamēn astra vetant; nam funera nati
Illa gemit; tutorq. vigil succedit in atres
Oebalias, felix Princeps; multosq. per annos
Imperat; & dotes Valteri Præsulis auget;
Atque Sacerdotum cumulat post funera census.

Post hæc CATALDVS tetra caligine mersus,
Multas annorum decadas; nam singula promi-
Forte minus decuit. Longo discrimine rerum,
Cernitur Henriqus; cui iam Normanna Sueuo
Cessit progenies. tenet hic Trinacridos oras
Patri Aenobarbo similis; bimarisq. Tarenti
Iam dominus, pia templa fouet: nec munera solum
Donantis possunt, sed & aurea verba videri;
Dona quibus decorat, firmatq. diplomata Princeps,
Pectoris vt passim ingentes effundat amores.
Turbatur vates, tanto succedere patri
Natum degenrem: simulacri effingere tetros
Vix potuit vultus, vix sculperè nomina plumbo,
Friderice vale, genitore indigna propago:
Te sacræ è gremio matris metuenda potestas
Arcet Pontificis; cui tu, scelerate, parenti,
Et domino obsequium poteras persolvere duplex:
Mactat Manfredus proles tua, sanguine cretus
Seruili; quoniam Superos accendis in iram
Sæuis crimiuius. Natum iam cernite patris
Exinçti heredem, sed vi, sed fraude; venenum
Nam mox Conrado fratri exitiale ministrat,
Et regnat; sequiturq. patrem non æmpus impari
Namque vrbes Italas diris conatibus vrget;
Pontificisq. minas spernit. Spectate ruentem
Sub Carolo: & quamquam leuis est iactura sepulcri
Sat miserum est sine lege mori, sine foedere Petri.
Principis inferias celebra ne triste Tarentum
Quem DEVS abiecit, quid tu complecteris? ira

Quem

Quem sacra coelicolum iam iusta cæde peremit,
 Quid luges? fuerat Dominus; sed iuta tyranni
 Seruauit: potuit nec sceptrâ paternâ mereri,
 Qui patris inuisam turpauit sanguine dextram.
 Sat tibi sit Carolus vindex, qui Principe dignum
 Nomen, & qmen habet; Dux Andegauensis vt olim,
 Narbonæq. Comes; sic nunc spectabilis ostro,
 Parthenopesq. pater: Mox tu sub iudice sæuo
 Corradine radis: sed te præfagia vatis
 Effingunt lætum, nec ponderâ vasta securis
 Horrentem; æterni quoniam consortia regni
 Concipis, & sceptro speras meliore potiri.
 Quantas Gallorum cædes, quot funera, cerno
 Sicanios inter fines: dant signa tumultus
 Vesperæ; & exilis sit buccina Martis arundo;
 Fictaque non fictas reperit dementia technas.
 Hinc auxit primum vires Aragonius Heros,
 Petrus, qui victum Carolum transmisit Iberis.
 Post varios casus tandem victricibus armis
 Hunc vtinam DEVS ipse verat: nam victor in hostem
 Incidit; & primo belli iam vulnere tutus
 Ense suo moritur, tumida ceruice recussus
 Bellatoris equi, patrios & sanguine postes
 Inficit. ô hominum mens crebro ignara futuri.
 Augentur sensim sub Principe nostra Philippo
 Stemmata: nam Thracen connubia prima marito
 Vltima Bizanti imperium adiecere Tarento.
 Post hæc Robertus regno succedit auito
 Quod tamen esse nequit genitor, pro pignore neptem
 Subrogat, atque viro iungit: sed coniugis vxor
 Busta parat. videas pendere sub axe triligni
 Martelli Caroli prolem: nec sanguine digna
 Andresse tuo suspendia sæua videntur;
 Sed confux scelerata nefas orditur iniquum,
 Vt Ludouico nubat: qui regna Phalanti
 Princeps obtinuit, lætis viduata Philippi

Auspicijs : noxam sed vindex poena secuta est ;
 Robore Pannonij Regis nam turpis adulter .
 Pellitur ; & præceps sequitur Regina maritum ,
 Aut lethi communis iter : Narbona recondit
 Ambos . Insurgens Carolus mox eripit urbem
 Hostibus , aut potius defecit in urbe tyrannus ,
 Quem Dyrrhachinum patrio cognomine dicunt ,
 Quod prius Emarthijs princeps regnasset in oris ,
 Hei mihi quanta lues , quot ferrea vincla parantur
 Ciuibus ! indignam titulis , & stemmate Regum
 Qui non seruarunt totis conatibus urbem .

Parthenope infelix , tot possim obnoxia bellis ;
 Subdita tot dominis , tot regia iura quotannis
 Immutans . quæ causa mali ? quæ sortis origo
 Tam sæuæ ? unde tibi tam crebra incommoda surgunt ?
 Tu tibi damna paras , tu tristia funera misces :
 Nam facies urbis , toto speciosior orbe ,
 Fœcundumq. frētum , quod fortia pergama cingit ,
 Pingue solum , coeli clementiæ , mobile vulgus ,
 Et procerum inconstans animus , Regumq. potentum
 Ambitiosa fames , fortasse & iusta Tonantis
 Vindicta hostiles acies , incendia belli
 In tua tecta trahit diuerso è cardine Mundi .
 En modo Pannoniæ penetrant tua tecta phalanges
 Et moritur Carolus , campo mactatus eodem
 Quo nuper coniux infontem sæua maritum
 Perdidit , vt posset thalamos temerare iugales
 Sed mutat Fortuna vices : nam moenia victor
 Cedit Ioannæ ; & Princeps cum coniuge regnat
 Communi auspicio , paribusq. insignibus : olim
 Nam Regina viro præerat , populisq. seorsum
 Iura dabat ; maior quod sic superesset amanti
 Libertas , maior scelerati & copia luxus .
 Hæc viduata viro , crebrò connubia tentans ,
 Teutonico longæua duci sociatur Othoni ,
 Cedens communes thalamos , non regna , marito .

Nec te poeniteat, Princeps; hoc nomine dici;
 Namque patris regnis titulos dat forte Tarentum;
 Oppida tor vicit; tantas sibi subdidit vrbes;
 Sed numquid fugiet meritas post crimina poenas
 Impia mactatrix; toties quæ sordida luxu
 Deturpat genitale decus; totiesq. cruentat
 Sæua maritales thalamos; mox Carolus alter
 Adueniet vindex; cui iam diademata regni
 Dexterâ Pontificis donat; bella horrida rursus
 Emergunt; sed bella iuuant; nam limina pandit
 Parthenopæus eques Carolo; Regemq. salutat.
 Rex victor sine cæde suam complectitur urbem,
 Inuaditq. arcem. soli neſcuntur Orthoni
 Vincula; sola perit Regina. & debita culpæ
 Supplicia. illa virum necuit; nunc ægra cubili
 Decumbens moritur; Diris agitata mariti.
 Neve genus deſit mortis, puluillus hiantem
 Comprimit; & miſeræ vitales denegat auras.
 Nec te prætereunt diuina oracula vatis;
 Baucia progenies eduſta è ſanguine Regum
 Iam Raymundus adeſt, qui patri inſenſus, & vrbe
 Eiectus, Poenis poſt ſe monumenta reliquit
 Roboris inuiſti: ſolusq. egreſſus in hoſtem
 Mole gigantæa horrendum, deiecit; & auſpex
 Viſtriciſ palmæ, mox Barbara ſigna fugauit
 Ergo patris titulos habeat, defendat & arces
 Oebalias Princeps; Lacedæmoniumq. Tarentum
 Obſeſſum iam cerne Patrem, cui Dardana fleſcit
 Roma genu; cuius proni veſtigia Reges
 Sacra fouent, preſtantq. pedes. obſeſſor, & hoſtis
 Fit Carolus; cui regna Pater permiſit; & urbem
 Parthenopen, nullo repetito ſœnore, ceſſit.
 Ingrato, Raymunde, tuas oppone phalanges;
 Atque Phalanſto deduſtas littore puppes;
 Pontificemq. hilarem Romanis arcibus infer.
 O felix Princeps tanto decòrate triumpho;

Non modo quod veniens victricia signa coerceres;
 Et Regem superas: sed quod potes, agmine fultus
 Oebalio, patrijsq. armis, subducere vinculis
 Pontificem, sacri quem Tybridis vnda veretur,
 Tartara quem pavitant, cecum fouet, orbis adorant.

Bella iterum, & cades: iam iam ruitura videtur
 Nostra domus: iam iamq. hostes grassantur in arcem.
 Arma Ladislaus, Raymundi funere laetus,
 Inuehit in muros cineres; Carolusq. patrem
 Vindicat. at Martem tandem denicit Amoris
 Blanda lues; hostemq. faces domuere iugales
 Nam viduata viro coniux, dum protegit urbem
 Corda Ladislai vultu ferit; ille Mariam
 Postulat, & foedus: sic sceptrum, & stemmata sumit,
 Quae modo vix poterat sibi debita castra teneri.

Cade Ladislai (quem non aconita necarunt,
 Sed Veneris truculenta fames, violataq. furtim
 Coniugia) imperium soror obtinet: audet Alopus
 Sollicitare torum dominae, aut stuprare volentem.
 Sed post furtivos thalamos, post funus amantis
 Sanguineum; vindex Burbonius irget iniquam
 Vir prius, hinc hostis; victor, mox victus, & bel-
 Eiectus; quoniam auspicijs melioribus uti
 Noluit; & pulsus regno, se se abdidit ultro
 Arcibus Oebalijs, tenuitq. caecum Princeps.
 Sed fugat hunc iterum Raymundi digna propago
 Vel precio mulcet miserum, qui Gallica tandem
 Regna petit, vitæq. iterum peritus, in antris
 (Quis credat?) reliquos ignotus transigit annos,
 Atque feris homines permutat, & oppida sylvis
 Fronte hilari excipitur tandem, comitante Senatu
 Legitimus Princeps: cui non potuere pariter
 Iura dare imperij, sed mox dedit inclyta virtus.
 Oebalia ò nimium tanto Principe felix,
 Baucia quam decorat domus, & quantis armis
 Vrsus, & auspicijs tuus mox dabit Anna secunda.

Aduersa nunquam confusam sorte Columnam;
 Nunc Astra redit; nunc aeternae saecula fulgent;
 Nunc pietatis honos regnat; nunc foedera bellis;
 Nunc virtus scelèri; nunc oecia pigra labori;
 Succedunt; iam lux abest; procul ambitus errat;
 Obtinet & quae non ambit suffragia consul;
 Simplicitatis amor commercia fida tuetur;
 Fictaq. lethalis pereunt mendacia linguae;
 Erigit hic Heros immania templa Tarenti;
 Extra urbem, auspicijs decorata; & nomine sacro
 ANTONI; fundatq. domum; quam fama MINORVM
 Illustret, pietasq. colat, turetur & ardor
 Hunc fouet officio; sociumq. è millibus vnum
 Eligit, huc seruat titulos; huic auget honores
 Alfonso veniens: nutantia pondera regni
 Vt subeat; decoratq. Italos Aragonia proles.
 En tubus hostiles turmas; en ductus aquarum;
 Troiani quasi venter equi; diffundit in urbem
 Armatas acies, & bellica pignora Martis.
 Gaudet Parthenope vinci: caput arma Renatus;
 Sed frustra; Gallo quoniam non cedit Iberus
 Regna capit patris mox Ferdinandus; obantes
 Excipiunt Regem proceres; populiq. salutate
 Urbisq. hilaris domino palatia pandit; & arces
 At vide, vt erecta solus ceruice receptum
 Baucius abiiciat; bellumq. minetur; & hostes
 Inuehat; indignum ducens; è pellice natum
 Ius dare tot populis; regali & stemmate pingi
 Bella gerit Princeps; Regi non viribus impar;
 Fortuna sed forte minor: iam castra Sueffae
 Opponit, spernitq. preces, & dona precantis
 Ferdinande, tuo non vincis robore tandem
 Febris anhelat Ducem sternit; gens perfida maestat;
 Auctor tu sceleris fortasse; Attilia testis;
 Proditor Aggellus, nec non fera corda Vidani:
 Tu demum tuta susceptus in arce Tarenti;

Plurima largiris, promittis plurima; Patres
 Obsequio, & donis populorum pectora mulcens,
 Lætus in vrbe suo viduata Principe regnas
 Parte alia audiri gemitus, lacrymasq. videris
 Censes procerum, quos vincula dira coercent
 Namque hos semineces tumulat furor impius; illos
 Obtruncat furtim; poenis hos mulctat apertis
 Atque in frustra secat: miserorum corpora passim
 Cæsa iacent; passimq. hastis præfixa feruntur
 Heu capita Heroum nigro squalentia tabo
 Quid faciant hostes, ciuili sanguine limenta
 Si patrium, si rostra fori, si compita sordent
 Parthenope miseranda parens tot funera vidit
 Natorum; quos iam tumidus, timidusq. tyrannus
 Perdidit infantes, dum credidit esse rebelles.

Nonne vides, Thraces quam tristia bella minentur
 Infelix Hydrus nimium vicina furenti
 Epiro, valido replet quæ milite classem
 Barbaricam. tu sola cadis; sed sedibus inferis
 Aethereis ciues, victor quos proterit hostis
 Spurnentes Mahometis opes, & pectore tota
 Seruantes Fidei, & veræ pietatis honores
 Felix excidium, spolijs quo reddis onustum
 Empyreum, coeliq. repleas Capitolia prædis
 Qui ciues fuerant, patrios qui sanguine postes
 Polluerant, regnant; qui comminus hostibus arcem
 Cesserunt, nostro depulsi ex orbe tuerentur
 Ultoremq. vocant, qui te victricibus armis
 Vindictæ Alfonso; meliorq. ex funere surgas
 Cerne Phalanx acies, validasq. triremes,
 Pellentes tumidos victis è moenibus hostes
 Ut semper foueas, Hydrus rediuiua, Tarentum.
 Hinc memor officij Princeps, licet undique tutæ
 Vrbs foret, & centum terreret turribus æquor;
 Munimenta tamen reparat, tormentaq. passim
 Bellica disponit, geminas atque innouat arces.

Mox aperit vates Aragonia tela retundi
 Gallorum aduentu . Moritur pater : obtinet hæres
 Ferdinandus opes patrias ; sed deserit exul
 Imperium . parcit Carolus cedentibus ultro
 Urbibus ; at contranjcentes opprimit armis .
 Parthenopè trepidat , Regemq. admittit , & ornat
 Stemmata non stabili . sequitur postrema Tarantis :
 Vrbs triste exemplum ; ceditq. ea mœnia Gallis ,
 Quæ nuper Princeps reparans muniuit Iberis .
 Sed Regem rursus reuocat Sirenia pubes :
 Ille redit , regniq. iterum moderatur habenas ,
 Auspicijs , Consalve , tuis . Huc vsque futura
 Pande , Pater ; reliquos Lethæo gurgite casus
 Obrue : præteritis doleat plebs nostra ruinis ;
 Ventura haud timeat ; mœstos ne transigat annos
 Vsq.ue suos ; patresq. gemat , ploretq. nepotes .

Sed quæ vis reprimat sacrorum oracula vatum ,
 Quos Deus exagitat , subitosq. accendit in æstus ?
 Iam patrium feruere sinum , iam proxima cerno
 Littora sub classe hostili , & sub remige condi .
 Nec solum ratibus pontus , sed milite sæuo
 Obruitur tellus ; totosq. effusa per agros
 Illuuias , misera deuastat cæde colonos .
 En ultro audaces Veneti sociantur Iberis ;
 Atque quater senas oneratas Marte triremes
 Expediunt , reliquosq. citi grassantur in agros .
 Non tulit hoc facinus segni torpore TARENTVM ,
 Emisitq. suos . quales cum septa leones
 Venantum superant , & in obuia tela feruntur ,
 Verbere contorquent caudas ; auidiq. cruoris
 Vngue viros lacerant , rapiunt & dente molossos .
 Haud secus Oebaliæ pubis densa agmina portis
 Se fundunt ; hostesq. sibi nil tale timentes
 Inuadunt : fert arma furor ; dat robora virtus ;
 Et pariter crescunt animis discordibus iræ ;
 Terribiliq. fremit præceps Bellona tumultu .

Sanguis

Sanguis vbique fluit ; miseranda cadauera passim
 Sternuntur ; turbatq. oculos fera mortis imago .
 Paulatim cedunt ; vertunt mox terga ruentes ,
 Et classem repetunt Veneti ; Neptunia proles
 Insequitur : tandem sœuo è certamine cuncti
 Intra urbem reduces clauduntur : mille per agros
 Cæsos , tercentum captos desiderat hostis .
 Castra inimica gemunt ; hilares ditantur opimis
 Exuuijs ciues , augentq. ad bella vigorem .
 Instaurant rursus certamina dira ; nec vllus
 Est sine cæde dies : cadit hinc , cadit inde vicissim
 Indigena , atque hostis : tunduntur moenia crebris
 Tormentis ; coelumq. quatit fera machina bombis
 Horrisonis , mistasq. vomit cum sulphure flammæ .

Cessant interea post regia funera cædes :
 Nam Fridericus deuictos Marte cruento
 Eijcit Italia Gallos : pacemq. refundit
 Robore Consalui . pacatis omnibus , vna
 Pugnat adhuc , seruatq. fidem Tanagræa propago ,
 Præsidiumq. fouet , quod iam gens Gallica nostris
 Arcibus abdiderat . tandem pertæsa ruinæ
 Murorum , longæq. famis (nam tergora ciues
 Cocta bouum , cæsosq. canes , olidosq. coacti
 Mandebant mures) Venetis nunc dedere castra
 Constituit , nunc ense mori . sententia tandem
 Occurrit melior ; Regi vt se dederet vltro
 Optanti ; externas iam dedignata phalanges .
 Cedentes vltro victor complectitur Heros ,
 Munera muneribus cumulans . Hos carmine vates
 Successus voluit , tacitisq. aperire figuris
 Ciuibus , effingens Aquilas super æthera vectas ,
 Victricis palmæ rostro prætendere ramos ;
 Pallidaq. arenti decumbere Lilia passim
 Cespite ; quòd nequeant Italis hæc germina campis
 Efflorere diu , subitis excocta pruinis .

Bella renascuntur rursus maiora ; tumultus

Insurgit

Infurgit grauior : nam, qui defenderat vrbes
 Confalsus, nunc arma parat, nunc obsidet vrbes
 Regis in exitium : Galli miscentur Iberis,
 Obtinet & multas arces Namurtius hostis.
 Rex fugiens primum Inarimen, mox Gallica supplex
 Regna petit ; moriturq. alienis aduena terris
 Exincti puerum retinet, nutritq. Geuerra
 Arcibus Oebalijs clausum ; quò tutior hostes
 Effugiat, seruetq. patri post funera natum,
 Et tanti generis sobolem . sed vota Tonantis
 Quis mutet, fallatq. vnquam præsagia coeli ?
 En Consolaus obit numerosa classe Tarentum,
 Ingeminansq. acies terrestri milite cingit :
 Et quoniam boreale vrbis munimina litus
 Nulla tegunt, nullæ defendunt prælia turres ;
 Illuc transmittit, subducto temige, classem
 Dux alacer, terraq. vehit : Magnesida quondam
 Vt traxere ratem, cum vellera fortis Iason
 Aurea diripuit, temeravit & æquora pinu :
 Nil tamen expauit pubes animosa Tarenti,
 Pectore quæ munit, validis quasi moehibus, urbem ;
 Murorumq. minas clypeo prætendit, & armis .
 Perfidus at tutor puerum deducit in hostem,
 Hispanisq. urbem tradit : quos foedere firmo
 Plebs fouet, Hesperios reges habitura perennes
 At puer infelix sinuosa per æquora vectus,
 Finibus externis regitur male cognitus hospes .
 Huc vsque est, Fortuna, tibi concessa potestas
 Regnorum : quamuis nil sit Fortuna, nec vlla
 Fatorum series ; solus quòd cuncta gubernet
 Arbiter Empyreï : Nam non curare, quod ipse
 Feceris, aut curam dubiæ committere sorti
 Summa est sæuities . sed nec mortalia sortem
 Pectora concipiunt ; animi si prouida virtus
 Sceptra regat, dispenses opes, & iura ministret
 Talis vbique micat, qui nunc moderatur habenas
 Orbis,

Orbis, & occiduos fines coniunxit Eois.
 Succedit patri sed mox felicior hæres
 CAROLVS, imperij teneat qui vertice pondus.
 Hunc sequitur natus, FIDELI DEFENSOR, & horror
 Bosphoridum, mundi. decus, columenq. ruentis;
 Cuius in obsequium nunquam Sol aureus astris
 Permittit mutare vices: adeoq. patentes
 Regnorum reperit fines, quocunque vagetur;
 Vt non Austriacis splendoribus occidat vquam.
 Viue diu felix; & post tua funera Natus
 Clarior exurgat, patris qui nomen honoret,
 Augeat atque decus, tranquilla & pace fruatur;
 Et secum Gallos mansuro fœdere iungat.

Hinc lacrymans luget funebri carmine vates:
 Quæ Sponsæ superanda manent certamina; sacro
 Sanguine quam CHRISTVS, miseranda & cæde redemit:
 Verborumq. ambage tegit discrimina rerum.
 Vndique lugubres ærumnas, vndique bella
 Præferet atra dies: sublimia quisquis anhelat,
 Decidet in præceps: soluentur fœdera; luctus
 Obruert innumeros; Nabathæo è cardine mundus
 Effundet tenebras; totus nutabit & orbis,
 Sole sub occiduo. mortalia pectora faller
 Debile principium, finisq. horrendus, & ignis,
 Qui dabit ingentes modico de fomite flammæ.
 Principibus miseranda lues super imminet; illos
 Nam premet Omnipotens, capitali percitus ira.
 Et tellus instar pelagi, quasi flatibus Euri
 Concita, fluctuagis quatietur moribus: æstus
 Obruert & multos: portus, placidamq. quietem
 Inuenient pauci: nam recto è tramite multi
 Deuia signabunt vestigia. corda Tonantis
 Sed prece mulcebunt iusti, gemituq. frequenti.
 Inuadent Orientis opes nostra agmina lætis
 Auspicijs: ingensq. bonum nascetur ab ipsa
 Eluuione mali; quoniam procedet in hostes,
 Incutietq.

Incutietq. minas, inuicto robore ferrum
Fulmineum vibrans coelesti Spiritus arce
Demissus, cuius vultu renouabitur orbis.
Tot tamen ærunas abiget, cumulūq. malorum
Vir pius, & prudens; cui post ieiunia tradet
Plumbea mensa dapes: felix, qui tanta pusillus
Efficiet: cuius votis applaudet Olympus,
Et sacra purpurei lambent vestigia Reges.

Hæc vbi CATALDVS cecinit præfagia rerum,
Apposuit vatis nomen, clausitq. libellum,
Exteriusq. notas tales superaddidit Heros.
Hunc qui reppererit, Regi transmittat: at ille
Solut cum solo, fido quem pectore norit,
Incipiat rerum varios cognoscere casus,
Consulat atque sibi; nec tot præcepta salutis
Spernat: ni faciat, patrio viduabitur ostro.
Mox iubet acciri famulum longævus Ibernus,
Cuius nota fides animi, concorsq. voluntas;
Atque ait: I velox venturæ noctis in vmbra;
Fide comes: squalensq. antrum, quod subiacet arci,
Quodq. sacris titulis PETRVS decorauit, & auxit,
Ingredere; & læuæ, quam respicit ara, columnæ
Effossæ has tabulas tuto munimine conde.
Hinc molem linias ex omni parte vetustam;
Ne scissura recens latebræ vestigia promat.
Atque ex aduerso Pueri effingatur imago,
Quales ætherea crebrò demittit ab arce
Omnipotens; dextro qui detegat indice librum.

Dixerat. ille citus domini mandata capeffit,
Mox ait: Vnde sacros quisquam reperire recessus,
Aut quando poterunt, vllō sine teste, nepotes
Ad latebras aperire vias, & codicis huius
Arcanas spectare notas, Regiq. legendas
Tradere, & occultæ præfagia discere sortis?
Huic contra Antistes: Veniet, labentibus annis,
Aetas, cum Raphael nostri custodia templi,
I Aeditimusq.

Aeditimusq. vigil tabulas deducet in auras.
 Huic ego ter monito, ne somnia vera repellat,
 Ostendam latebras: & mox certamina pandam,
 Quæ subeunda viro. Video iam plebis anhelæ,
 Atque Sacerdotum cuneos penetrare sub antrum,
 Et ferro reperire locum; quò carmina tandem,
 Abdita tot lustris, toto inspiciantur in orbe.
 Sed Rex, ficta putans diuina oracula coeli,
 Atque Tarentinas technas; sub vincula trudet
 Infelicem hominem, & multis cruciatibus anget.
 Quem mea pendentem demissa è cannabe furtim
 Dextra tenet; fulcitq. pedes; ne pondere molis
 Obrutus ipse suæ, libratus in aere sæuum
 Tormenti perferre genus cogatur iniquè.

Hæc ubi perfacit Præsul; quòd fida Senatus
 Pectora, quòd populi constantia corda videret;
 Pertæsus tandem vitæ, coelestia solum
 Atria suspirat; solum coelestibus ardet
 Delicijs vesci. Nec tot conatibus æger,
 Cuius membra diu depascitur arida febris,
 Absentes latices muscosi fontis anhelat;
 Quot lacrymis inhiat Præsul, se carcere molis
 Corporeæ exsolui, locijs coelestibus addi;
 Præsentiq. frui Domino; quem sæpe fatigat
 Sollicitis precibus, fundens hos pectore questus.

Quid, Pater Omnipotens, resides producor in annos?
 Quos pariunt fructus hæc oëia pigra senectæ?
 Non mihi terrenas sedes meruere triumphi,
 CHRISTE, tui; non hanc animam fecere beatam.
 Diuitiæ, plebisve fauor, vel pondera mitræ
 Te petimus: tuæ solus habes, quod viscera nostra
 Impleat; & sine te nullos terrena saporès
 Hæc pariunt: ad te præcordia nostra creasti;
 Nullaq. erit requies, in te nisi vota recurrant
 Cordis; & ætérno sociemur foedere tecum.
 Quid mihi cum terris? æstra, æstra, atque ætheris alti

Maieſtas me ſacra vocat : niſi præuia febris,
 Morborumq. lues perimat ; ni ſtamina vitæ
 Præcidat lethale malum ; quare ardor amoris
 Aeterni, & nunquam, heu nunquam exaturata cupido
 Nectaris ætherei moribundi corporis artus
 Non ſoluat, lætamq. animam transmittat ad aſtra ?
 Ah quoties pro te volui per tela, per ignes
 Irruere, & medio metam contingere curſu ;
 Nec licuit mihi poſſe mori, & me ſubtrahis hoſti.
 Tentauī ſacros nemorum penetrare reſceſſus ;
 Vt curæ inſomnes, & crebra incommoda vitæ,
 Et violenta fames cædentiā robora ſenſim
 Hauriret, cupidoq. mori præcluderet auras ;
 Nec pateris. Iam rumpe moras, da membra feretro ;
 Da coelo hanc animam ; da te mihi, cætera temno ;
 Vileſcunt ſine te centum ſi congeris orbes.
 Audax ſi nimium videor ; tu pectora flammis
 Accendis ; tu corda moues ; tu viſcera tollis
 Ad Superos, Superumq. dapes, & vina propinas.
 Ah robur nimium viuax, ah dira ſenectus,
 Quæ moribunda mori renuiſ ; quæ proxima letho
 Lethi ſacra fugis conſortia. vita recede ;
 Mors optata veni : languentis reſpice tandem
 Vota, DEVS, gemitusq. pios, lacrymasq. cadentes.
 Heu quam difficiles, animæ ſi credis amanti,
 Sunt in amore moræ. Tales geminabat Ibernus
 Ore preces, crebroq. oculos tollebat in aſtra ;
 Plenius vt ſpeciem contempleretur Olympi.

Decreſcunt vires ; coeleſtis flamma medullas
 Exurit, ſeniorq. graues depaſcitur artus.
 Imminet atque dies, qua ſe ſe ſubtrahat orbi
 Antiſtes felix, auido quam corde ſalutat,
 Occurritq. hilaris. qualis properaret amator
 Ad ſponſæ thalamos ; ſitiens ſeu ceruus ad vndas.
 O diſcors hominum ſtatus ! ſectator honeſti
 Appetit inferias, & toto pectore mortis

Iura subire caput : sed qui sub crimine sordet,
 Foedaq. lethalis retinet contagia culpæ,
 Nil magis exhorret : canit ille in limine lethi ;
 Hic gemit : ille etenim reperit post funera vitam ;
 Hic pauet æternas gelida formidine poenas.
 Absentis sic sponsa viri quæ foedat honores,
 Coniugis aduentum metuit : quæ casta iugales
 Seruauit thalamos, auido vocat ore maritum .

Sparserat interea velox prænuncia luctus
 Fama ; instare diem, quo spes fidissima nostri
 Occubet, & natis adimant fera funera patrem.
 Conueniunt proceres, quos ardua cura Senatus
 Exercet, properantq. viri, quos Præsul Ibernus
 Fecerat æditimos templi, populiq. magistros .
 Undique crebrescunt gemitus ; longa atria luctu
 Replentur ; taciteq. suas lacrymabilis Echo
 Confundit voces ; atque vltima verba reflexit .
 Vnaq. cunctorum vox est : Vbi cara recedens
 Pignora deponis ? cui nos, pater optime, linquis ?
 Heu quos tot lacrymis, tantisq. laboribus olim
 Edideras vitæ meliori, deseris vltro
 Hostibus in medijs ; dirus quos mittit Auernus
 In nostrum exitium . tua quis post funera pestes
 Tartareas abigat, patrias defendat & arces ?
 Quos, abeunte Petro, prostrauit blanda voluptas,
 Et luxus petulans, fugitiua & gaudia vitæ ;
 Innocuosne sinent recidiuæ crimina culpæ
 Si, Pater, abscedas ? cecidit qui sæpe, recurrit
 Ad sordes iam sponte sua : qui languida crebrò
 Membra trahit, primo cedit certamine morbi,
 Succumbitq. malis . An te subducit ab orbe
 Astrorum immortale decus, Superumq. perennes
 Deliciæ ? tua iura tibi, pater, integra seruat
 Omnipotens : merces tibi tuta est ; gaudia coelo
 Firma manent . maiora etiam tibi commoda quæris,
 Dum viuus ; crescuntq. mora tibi lucra talenti ;

Dumq.

Dumq. alijs prodes, tibi proficis. Aspice natos;
 Et munus ne sperne patris. Si nomine tanto
 Indignos nos forte putas; ne desere Pastor
 Mactandas pecudes, sacro quas sanguine lauit
 Arbiter Empyreï, & dira quas cæde redemit.
 Inter tot lacrymas hilaris sua gaudia miscet
 CATALDVS; funusq. suum blandi instat oloris
 Cantat; & impauido suspirat pectore coelum;
 Talibus & mulcet mærentia pectora dictis.
 Quid gemitus tanti, ac lacrymæ prope funera patris,
 O nati, o cives; non me genuere parentes
 Aeternum: morior mortalis: tempore vixi
 Sat longo; vestræq. habuit me cura salutis
 Sollicitum, timidumq. diu, dum profuit vrbi,
 Et vobis hæc vita, DEVS contextuit annos,
 Produxitq. moras senio. non indiget ætas
 Vestra hæc excubijs patris: non postulat infans
 Iam grandis nutricis opem: non vbera fugit
 Agnus iam maior, virides sed pascitur herbas.
 Si vobis videor iam successurus Olympo,
 Cur læta insausi violant præfagia questus?
 Sin metus exoritur, ne vos Acherontis alumni
 Decipiant rursus; neu quis scelerata magister
 Dogmata promulget, ludatq. hac arte nepotes;
 Heu languet spes vestra nimis: nec corda Tonantis
 Sentitis quantus feruor succendat amoris;
 Et quantæ huic sit vestra salus, & commoda curæ.
 Verum hæc vt certis pateant incendia signis,
 Mortalis vitæ supremo in limite pandam
 Non audita prius, quæ mox celebretis in æuum:
 Sera vt posteritas felicia dona priorum,
 Agnoscantq. suas venientia secula sortes.
 Huc veni non sponte mea; sed præsul Ibernus
 Finibus egressus peregrina iu veste sepulcrum
 Dum veneror Domini, & sacra incunabula, syluas
 Dum cupio, & nemorum tacitqs habitare recessus;

Ipse DEVS (proh rarus amor) rutilantior ipso
 Sole renascenti, facilisq. in carne videri
 Assumpta, & magnâ Superum comitante caterua
 Venit ad affatus nostros, atque intulit vltro.
 Nec Syriæ deserta tibi, nec Meltridis arces
 Permitto: alterius gentis te cura reposcit.
 Inter Iapygios fines vrbs clara TARENTVM
 Eminet: hanc PETRVS Stygio de vortice rapinâ
 Dat mihi; sed Dæmon repetit, rursusq. retorquet
 In læuam: tu dexter ades, veteresq. tyrannos
 Eijce; vt hos faciles populos moderere per æuum,
 Aeternumq. mihi serues. hic templa Sacerdos
 Inuenies, hic pastor oues, hic stemmata præsul
 Dux sectatores, natos pater, aduena ciues;
 Vt sic perpetuo teneat mea iura Tarentum.
 Dixit: & ad voces sonuit pleno ore, TARENTVM
 Orbis; & expressum geminarunt fidera nomen.
 Ergone quos hostes adeo dilexit, amicos
 Oderit Omnipotens? dirâ quos compede soluit,
 Cum meruere mori, poterit damnare redemptos?
 At vestrum est, scelerum penitus præcidere causas,
 Et vitæ seruare modum, quem dogmata CHRISTI
 Præscribunt, nullasq. nouas admittere leges.
 Credo etenim postquam hos cineres teget vna sepultos,
 Affore, qui tentent inter mea semina sentes
 Spargere, & ad ritus vos rursus vrgerè prophanos,
 Aut saltem violare Fidem. ne credite verbis,
 Quæ munita dolis mendax audacia finget.
 Exrurbate lupos, quamuis videantur ouile
 Turari, & fidis defendere septa molossis.
 Talis erit, quisquis nostris noua iura proteruis
 Inseret; aut veteres penitus peruertere leges
 Tentarit grauiore malo. depellite pestem
 Hanc celeres; clypeumq. Fides, atque arma ministret.
 Excidat & nunquam, quod nunc hac voce suprema
 Cunctis præcipio. si mox rediuius in orbem

Ipse iterum redeam ; vel si descendat ab astris
Angelus , atque aliter doceat , quam PETRVS ; vtrumque
Exagitate odijs , rigidoq. expellite vultu .
Hanc solam seruate Fidem ; vestriq. nepotes
Hanc discant , foucantq. simul sacra foedera pacis ,
Et reuocate animo lacrymas , vigilesq. labores ,
Quos ego sustinui , Stygius ne irrumperet hostis
Rursus in Oebalias arces ; geminoq. triumpho
Altius erigeret coelo non flexile cornu .
Post obitum , patris exanimum tumulate cadaver ,
Quo stat IOANNIS Galilæi picta facello
Effigies , radijs quam Sol collustrat Eois .
Reliquias , cineresq. meos nulla eruat atas ,
Nullus amor populi : dulces nec rumpite somnos ;
Donec ab æthereo descendat cardine Iudex ,
Præmia qui reddat , qui crimini vindicet orbis .

Ille inter proceres hæc vltima verba locutus ,
Ad superos inhiat thalamos , defixus in vno
Obtutu , gemituq. auido suspirat Olympum .
Paulatim languet circum præcordia virtus ;
Caligant oculi ; rarefcit anhelitus ; artus
Extremi frigent : roseus sed purpurat ora ,
Depulso pallore , color : ceu robora lampas
Fortius accensis auget moritura fauillis .
Decedit tandem felix , Dominoq. vocanti
Iungitur , & numero cumulat maiore beatos .

FINIS LIBRI QVINTI.

BONAVENTURAE
MORONI
CATALDIADOS
LIBER SEXTVS.



Pargitur interea tanti prænuncia ca-
sus
Fama loquax, moestisq; replet clamo-
ribus urbem.
Pullus vbique color Patrum subsellia
vestit,
Confunditq; togas: nullós fert purpu-
ra fascēs:

Informi squallore riget commune theatrum:
Stat sine lite forum: namque hæc concórdia luctus
Discordes animos ingrato fœdere iunxit.
Quemlibet agnatum credas lugere cadauer,
Non aliena queri: quales Memphitidos vrbes
Aegypti, cum quæque domus sua funera luxit:
Nec cohibet sua verba dolor: laxantur habenæ
Questibus: ingeminat funebris nenia cantus
Lugubres: vrbs tota suo non ficta parentis
Præfica pertundit ferali murmure coelum

Quid nunc sperandum? cecidit, quo stante, ruinas
Nunquam pertulimus: periit, quo sospite, casus
Aduersi nunquam patrios tetigere penates.
Nunc armenta lupus repêtet: nunc agminē Dæmon
Tartareo rapiet viduas rectore phalanges.
Vna fuit nobis quantum modo vita salubris,
Tam mors vna nocet. miseram defendite plebem,
O Superi; per vos aliquam sperare salutem
Si licet, extincto iam Præsule. grande tulistis
Auxilium dudum nobis, patriæq; ruenti

Huius in auspiciis sed quid peritura dedistis
Munera? si nos heu bella immortalia vexant,
Cur breue subsidium? quis nunc sacra pondera rerum
Sustineat? quis oues coelesti gramine pascat,
Auertatq. lupos patri successor Iberno?

Hæc tristes passim geminant per compita ciues
Conueniunt tandem spaciola ad limina templi,
Quò pignus duxere sacrum, comitante Senatu,
Egregij proceres, cleri & moestissimus ordo,
Tristia ceratis decorantes funera tædis.
Membra decora iacent nigro composita feretro,
Purpura quod vestit, patrio bis murice tineta,
Insulaq. & sacræ vestes, quibus ante Sacerdos
Obrulerat sua vota Deo: prope culmina surgit
Atque tholos templi trabibus constructa quaternis
Machina, quæ totidem validis suffulta columnis
Candida multiplici recipit funalia gyro.

Inferijs tandem ritu meliore peractis,
Astitit in medijs cœtu sublimior omni
Illustri pietate senex paulumq. moratus
Nunc cœlum spectans, nunc pondera sacra feretri,
His demum dictis funesta silentia rupit.
Quò me, Sancte, vocas? lacrymoso in funere sistam,
Subsequar an? animam fugientem? lumina figam
Huic cineri? an potius te iam super æthera vectum
Contempler? meliora sequar; melioribus addar
Cœtibus; & tristi subducam funere ciues
Tu nunc permittis Superis, quæ præmia dudum
Sperasti, iam tutus habes; & sidera calcans,
Sancta refulgenti vestigia figis Olympo,
Isthinc hostis abest, tecum qui prælia tentat,
Et mors, quæ perimat, seu qui tua membra satellites
Excruciet: iam cuncta iuuant, dant cuncta salutem,
Nulla fames iam, nulla sitis, procul æstus, & algors
Morborumq. lues, isthic plenissima merces
Cælicolas reddit sic omni ex parte beatos

Ut nil quod cupiat ; nil quod desideret ultra ;
 Humanæ mentis penitus satiata cupido
 Inueniat ; nequeatq. sua iam forte reuelli :
 Nam parit æternas non ficto copia cornu
 Delicias ; se seq. DEVS diffundit in omnes ;
 Quis referat quàm dulce loqui ; quàm dulce morari
 Inter sidereas acies ? quis pectore verset ,
 Quales primæui proceres ; quivæ ordo Senatus ;
 Purpureusq. chorus ; lauit qui sanguine lænas
 Quàm grauis incessus patrum , quibus infula cinxit
 Tempora , vel statuit sacros in plebe magistratos
 Ingenium viuax ; & cognita iura Tonantis
 Affluit ò quot diuitijs , quæ commoda carpit
 Qui patrias contempsit opes , seq. addidit vltro
 Aut inter sylvas , aut tecta horrentia claustris
 Quis memoret lepidosq. iocos ; hilaresq. choreas ,
 Quas nitidi celebrant pueri , innuptæq. puellæ
 Floribus æternis decorati , & nectare crines
 Secum te cupiunt omnes ; sociumq. salutant
 Tu cunctos recipis ; tutis & gressibus ambis
 Coelestes cuneos ; & tempora duplicè cingis
 Laureola , multosq. vides post terga sequentes
 Felices lacrymæ ; fortunatiq. labores ,
 Qui tantum meruere decus , tanta ocia , nullis
 Deturpata malis : frangit ieiunia nectar ,
 Ambrosiæq. dapes : abrupta silentia noctis
 Et vigiles curæ æternam genuere quietem
 Pacem parturiunt pugnæ ; quæ fœdera nullis
 Diffidijs violet , nullos formidet & hostes
 Exilium patria est , pelagus variabile portus
 Tempus edax æuum , mortis timor ardua salutis
 Visio succedit Fidei ; Spem tuta repellit
 Merces : solus Amor crescit sociatus amori
 Hæc tu regna petis moriens , hæc commoda sentis ;
 Sed quò decedens , genitor , tua pignora dono
 Solaris è qua , Sancte . tuum mercede TARENVM

Compensas ?

Compensas de pro te miseræ quem sufficis urbi?
 Hos capimus læti cineres: hæc ossa sepulcro
 Condimus exultô; veniens quod forsitan ætas
 Miretur; titulisq. tuis hæc templa dicamus.
 Sed quis tutor erit patriæ? quis comminus arces
 Has teget, & tantj feruabit. Præfulis omen
 Præful erit, quisquis tibi mox succedet; at impar
 Virtuti, meritisq. tuis. stant cuncta ruinis
 Proxima, ni foueat natos tua cura perennis.
 Si mortalis adhuc, orbis habitator iniqui,
 Tanta Phalantæ præstabas commoda plebi;
 Quid nunc sperandum, cum proxima sidera cernis,
 Perpetuoq. æuo vitam metiris, & annos
 Maiorem maiora decent; demittat Olympo
 Nunc mens æthereos rores, Dominumq. precetur
 Maiore obsequio: nostraq. auertat ab urbe,
 Quas timer æumnas; seruetq. cadauer in æuum:
 Robora, quæ viuens tenuit; geminoq. TARENTVM
 Subsidio crescat; tellusq. & sidera coeli
 Mirentur, laudentq. tuos; Pater alme, fauores
 Tu modo, plebs tristis, lacrymantes exue vultus;
 Funeribusq. pijs lætissima concipe verba:
 Causa doloris abest; viuuit fælicius heros,
 Quem luges. rebusq. tuis vigilantius astat.

Vix ea fatus erat, cessant cum murmura luctus;
 Imminuitq. dolor lacrymas; gemitusq. retundit;
 Additur & moestis animis fiducia maior.
 Hinc patris exanimi corpus, sacrumq. feretrum
 Tangere contendunt, atque oscula figere membris.
 Aerumnisq. suis deposcunt dona salutis.

Hos inter properat genitor; quem sarcina nati
 Grata premit, funesta tamen: nam matris ab aluo
 Infans perdiderat miserum tenuis inguine corpus.
 Nulla inerat membris virtus; cutis arida circum
 Ossa trahebatur, quæ se diffuderat atrox
 Pernicies, septenne malum: vestigia vitæ

Nulla aderant; reptansq; puer per tecta parentum
 Innixus cubitis, vix mortua membra trahebat;
 Infelix monstrum: qualis ferus yngue ceras
 Cornipedum elusus mediis, dum robora vitæ
 Colligit in partes superas, secumq; reuinctum
 Semicadaver habet; timidusq; per iduia reptans,
 Vix se ferre valet toto sibi corpore dispari
 Hoc igitur pondus genitor prope tigna feretri
 Deponens, tales effundit pectore questus:

Si pietas tangit Superos; si vivus in astris
 Defendis patriam melius; curaq; parentes
 Nobiliore foves; Præsul; quibus ante solebas
 Reddere defunctos nova per miracula natos:
 Huc adsis, foveasq; hominem: qui pignoris artus
 Semineces gestans, luctuq; oppressus acerbo,
 Semiparentis habet nomen: tu redde precanti
 Quæ defunt: non magna peto. mortalibus ægris
 Permissus, maiora dabas: non bella sepulcris
 Infero; nec mortem lacrymis, precibusq; lacesso;
 Nec tibi iam vitæ reddenda cadauera sisto
 Nam puer infelix (quamvis non corpore toto)
 Palpitat; atque inter fines sub lite relictus
 Ambiguae sortis, veniet quocunque trahatur
 Auspicijs, Pater alme, tuis: vel vivat ubique
 Vel pereat totus. si noxia culpa meretur
 Has poenas; matris quidnam peccavit in aluo
 Infans? si nostrum scelus est; tormenta parentes
 Sustineant. si sola DEI tot damna voluntas
 Ingerit, hæc ratio est, vt tandem dona salutis
 Accipiens natus, totum diffundat in orbem
 Præsidium, CATALDE, tuum: precibusq; piorum
 Spem certam incutiat; nullis te defore votis.

Hæc ait; & lacrymans puero sacra membra, fideli
 Obsequio, tangenda dedit. Proh rara potestas!
 Viua per arentes virtus diffunditur artus:
 Corpus ubique viget; capiunt sua robora nervi;

It roseus per membra color; cupit ille moueri;
 Et potuit, temploq. hilaris spatiaur aperto;
 Hoc opus, exuperans naturæ robora, multos
 Allexit, quò quisque sibi præferret lbernum
 Tutorem, vitæq. dñem. primusq. cucurrit
 Ciuis inops, quondam felix Argentius, vrbi
 Cognitus arte prius; quoniam carpenta magister
 Pecerat insignis: notus modò sorte sinistra:
 Arida namque omni viduarat brachia motu
 Vis occulta mali: morbo nec pharmaca profunt,
 Nec coeli implorata diu clementia: crebrò
 Nam medicas tentarat opes; & templa per vrbes
 Externas auidis lustrauerat aduena votis;
 Despondens animum tandem; longæuus auitis
 Desedit tectis, mortis medicamen anhelans;
 Quæ sepelit cunctas vno sub funere pestes.
 Sed Superi meliora parant: nam proxima cernens
 Portenta, & recolens tantarum exordia rerum,
 Suscitât extinctæ fidei fomenta; timorem
 Deijcit; atque animum votis melioribus vrget.
 Mox ait: Hæc igitur tardæ mihi causa salutis:
 Hoc & consilio voluit Regnator Olympi,
 Vt me nullius curaret dextera; nullus
 E Superis præberet opem: medicina salutis
 Hinc fuerat poscenda mihi: potuiq. mereri
 Damna moræ; quoniam ciuis peregrina petebam
 Auxilia; & panes possem cum feruus heriles
 Esse domi, micæ alieha per oppida demens
 Quæ siui; ac semper spe sum delusus inani.
 Nunc te, Sancte, peto supplex; tibi comminus asto:
 Vel me terra tegat; vel, si mihi funera cœlum
 Prorogat, arentes foueat tua dextera neruos;
 Reddat & exhaustas annoso in corpore vires
 Hæc ait; & subito sentit per brachia robur
 Diffundi, venasq. suum reuocasse cruorem.
 Miratur; procereq. vocat; cupidusq. videri

Integer,

Integer, attollit duplicēs ad sidera palmas:
 Mox per inane manus vibrat; motusq. per omnes
 Exercet, veteriq. curem rubigine tergit.

Cum tamen accepto cuperet pro munere grates,
 Reddere, & æternum venerari numen Olympi
 Maiore obsequio; mediū de funere surgens
 Sic anus orsa loqui. Me, me nunc cernite, ciues:
 Maius opus refero; mediū melioribus egit:
 Auspicijs, maiora dedit mihi commoda Præsul.
 Elinguis fuëram, quales vix æquora pisces:
 Parturiunt; nunc ecce loquor; nunc prima profari
 Verba queo; primasq. rudis componere voces
 Surdior accessi scopulis, tonitruq. furentis
 Aetheris haud unquam sensi; bombosq. minaces
 Quis credat? iam cuncta sagax intercipit auris:
 Murmura; & ignotos didicit mens carpece sensus:
 Quid reddam? quæ dona feram? quæ munera promam?
 Me, si non renuat, doho: monumenta recepti
 Muneris hæc seruent aures, hæc linguâ loquatur;
 Et celebrent scripatrum pia vota nepotes.

Has inter voces, hæc inter gaudia, lietus
 Pinxerat Eoum tacitis nox vecta quadrigis;
 Phoebus & occiduis rapidè se merserat undis:
 Cumq. Sacerdotes, non vltima verba parentis
 Obliti, sacras cuperent tumulare sacello
 Reliquias, nuper sibi quod delegerat Herqs
 Emoriens; pia turba vetat, prohibetq. Senatus:
 Donec marmorea sculpatur mole sepulcrum
 Arte laboratum Phrygia: quod Præfule dignum
 Extet opus, tantzq. urbis non viribus impar.
 Non eget interea bustis impetre cadaver:
 Nulla etenim serpit rabes, & nulla per artus
 Exanimes penetrant contagia: vincit odores
 Thuris Achæmenij sacro quod corpore manat.
 Vix igitur tandem nocturno fidere pulsus,
 Abscedit populus; templiq. ad limen ahenas

Inferit

Inserit æditimus vestes, vigilesq. feretri
 Custodes retinet: lacrymis tamen obtinet vnus,
 Cuius membra diu, solida compage soluta,
 Moribus vigeat tremulis vis tabida morbi,
 Vt templo inuigilans, precibus constantior instet.
 Finibus hic patriæ cedens Samnitidos, errans
 Aduena quærebat medicis vtcumq. foueri
 Auxilijs, frustra: namque immedicabilis angor,
 Et violenta lues totos inuaserat artus.
 Adfuit at casus, cœlesti aut numine ductus,
 Funeribus; spectansq. hilâris miracula rerum
 Tantarum, sperauit opem, precibusq. poposcit;
 Non tamen obtinuit. dilato munere, pectus
 Nil fluitat; languet nec spes animosa, sed instat
 Fortius, & gemitus renouat, lacrymasq. refundit;
 Atque ait: Ergo nocet misero, Sanctissime Præsul,
 Non esse indigenam? patriasne amplecteris arces
 Tantum? demulcet solos tua dextera ciues?
 Hospitis exhorres nomen? Iam viribus auctus
 Aethereis, fulges spectabilis incola cœli:
 Sectare ergo DEVM, moresq. imitare Tonantis:
 Namque fauet cunctis poscentibus: allicit vltro
 Muneribus, patrioq. sinu complectitur omnes.
 Hoc mihi de tesperandum, qui sidera cernens
 Eminus, & mortalis adhuc, Rachuense relinquis
 Sponte solum, patriosq. lares; atque aduena ditas
 Hesperios fines, Lacedæmoniumq. Tarentum.
 Hæc ille ingeminans, Domini piâ viscera tandem
 Euicit: subitoq. viri per membra cucurrit
 Dissociata vigor, reparat qui roborâ neruis,
 Consolidatq. artus sensim, motusq. priores
 Corrigit, & proprios naturæ vertit in vsus.
 Atque ea dum fierent; medium conscenderat axem
 Nox somni fœcunda parens, vmbraeq. silentis.
 Tunc templi patuere fores; &, sponte reflexo
 Cardine, cesserunt vtroque ab limine postes:

Perq. urbem æthereæ visæ volitare phalanges
 Discussere graues concinna voce sopores.
 Accurrunt celeres, tanta ad miracula ciues,
 Atque auidi dum facta rogant, dumq. aduena texit
 Historiæ seriem, nomen celebratur Ibernii;
 Personat atque hymnis templum: nec funera quisquam,
 Inferiasue patris; læto sed murmure credat
 Excubias esse Angelicas, Superumq. choreas.
 Talibus obsequijs redimunt dispendia noctis.

Vixq. exorta dies primas dimouerat umbras
 Vix Aurora suis infederat alma quadrigis,
 Cum properat peregrina manus, quæ proxima nostris
 Oppida parua colit muris: hanc aduocat. ultro
 Fama loquax; videat quò tam venerabile funus,
 Et sacri portenta viri. Sed prima cucurrit
 Femina, cui dudum miseræ furibunda phrenitis
 Abstulerat sensus: sed, ne foret illa perennis,
 Parua dabat menti crudelis foedera morbus.
 Hæc medicas sibi quærit opes a Præsule; & ultra,
 Quàm possit medicina, petit. Si postulat, inquit,
 Præteritum vitæ crimen, moresq. priores,
 Vt crucier; da, Sancte, precor, me corpore toto
 Diuelli, da mente frui. me febris anhela
 Exurat; me languor edat; me tormina vexent;
 Deuoret & macies; foedent contagia; pallor
 Deformet vultus; nullæ dent foedera pestes:
 Hac mercede tamen, mentis ne langueat ardor;
 Nec sua nobilior deperdat robora virtus.
 Dum tabent artus, animus suspirat Olympum,
 Agnoscitq. nefas, Dominiq. auertere tentat
 Vindictam, aut minuit Stygias patientia flammæ;
 At, quando exagitat præceps insania mentem,
 Infelix, tanquam furiali percitus œstro,
 Irruit in Superos; lacerat sibi mordicus artus;
 Sæuit & in reliquos; nec se, nec cætera nescit.

Sic effata silet; rumpitq. silentia rursus,

Vi compulsa mali : confundit munera sensus
 Insurgens iterum morbus : furor omnia versat ;
 Perq. oculos , vultusq. ferox exaestuat ignis .
 Et Bromio correpta ; minus Teumessia Thyias
 Deszuit quondam : nec tanto efferbuit æstu
 Cadmeis , miserum necuit cum Penthea mater .
 Illa furens grauius , violento robore templum
 Turbasset ; penitusq. sacri ornámenta feretrum
 Detraxisset humi : vinxit sed turba furentem ;
 Multipliciq. pedes nodo religauit , & vlnas
 Ecce autem , tali fæuit dum femina vultu
 Cælestes Antistes opes demittit ; & omnes
 Componit motus animi ; mentisq. tenebras
 Discutit ; & stabili tranquillat fœdere sensus
 Illa redit ; qualis quondam Cumæa sacerdos ;
 Debacchata diu , cum sese è pectore vatis
 Excussit Phoebus , mentisq. elanguit ardor .
 Vt depulsa videt rabidæ contagia pestis ;
 Fronte hilaris , tenuiq. genas suffusa rubore
 Soluite me , dixit : vinclis melioribus artus
 Deuinxit Præsul , nexu meliore furores
 Repressit morbi : medicas agnoscite vires .
 Plura loquebatur : sed non procul inde tumultus
 Exoriens , medio trepidam sermone repressit .
 Nam pater exultans , sacram clamoribus ædem
 Opplerat ; puerumq. manu tendebat in omnes
 Exclamans : Portenta pius maiora Sacerdos
 En offert nostris obtutibus , editus infans
 In lucem fuerat cæcus ; patriq. dolores
 Ingeminans , miseram lugubri murmure vitam
 Ducebat , matri parienti posthuma proles
 Cur tamen heu viuat , cæli quem sidera , & orbis
 Forma later , Solisq. decus , rerumq. colores
 Hunc ipse è viduis laribus , quos paupere cultu
 Massafrense solum refouet , prope sacra feretri
 Pondera deduxi , quò figeret oscula membris

CATALDI, votisq. patria confurgeret infans
 Incolumis. dum vora igitur, dum pectore toto
 Fundo preces, facto penitus perfundor odore:
 Quem non Idaliæ flores, non thûra Sabæis
 Inspirant, Indis nec ciconiæ forsan Eois
 At puer interea læto clamore parentem
 Excitat, & lumen præfert, oculosq. nitentes.
 Nunc agite, & mecum miracula pandite, ciues:
 Concipite & laudes, tanto quas Præfule dignas
 Efficiant moresq. patrum, pietasq. perennis,
 Et non degenerum succedens cura nepotum.

Hæc ille: atque eadem festiuiis vocibus omnes
 Acclamant. sed sacra cohors, atque agmina Patrum
 Præfule alterno texunt hæc carmine laudes.
 Salve sancte Pater, custos fidiſſime noſtri,
 Astris, & cælo iam reddite: buſta parentis
 Saluete, & ſacri cineres; quibus indidit auctor
 Naturæ humanas ſuperantia robora vires
 Qua te laude canat chorus hic? quo thyræ vaporet
 Qua prece ſolliciter? vincunt tua nomina laudes,
 Dona preces, membra & fragrantia thuris acerræ
 Si meliora petis, te noſtra ſilentia laudent
 Te tua ſollicitet pietas; tibi thyræ miniſtret
 Intemerata pium, purgato crimine, pectus;
 Puraq. tranquillam ſervantia viſcera mentem.

Interea quidam, faucēs cui ſtruma premebat,
 Sparſerat & totum ſanie ſera puſtula corpus,
 Vix primas fudit lacrymas; vix prima popoſcit
 Munera; cum ſentit præſentia pharmaça cæli.
 Horrenda euomitur tabes; fugit omnis ab omni
 Parte tumor; reparatq. ſuos cutis æqua colores.
 Vt videt incolumem ſeſe, contendit apertis
 Poſtibus irruere, & morbos ſimulare priores.
 Ah pudor: eſt ciuis. patriumq. extollere numen
 Qui mage debuerat, malè grato pectore tentat
 Abde re dona Patris, furtimq. illudere cælo;

Quid

Quid struis infelix? tanto promunere grates
 Has reddis? si morbus edax, atque vlcera profunt,
 Si non grata salus, Sancti quid, stulte, petebas?
 Auxilia, & ficto vexabas murmure cælum
 Sin dulcis tibi parva quies, pulchrumq. videri
 Integra membra putas nuper stillantia tabo;
 Detege quod factum est: cælestia munera pande;
 Præsulis vñ nostri celebres cumulentur honores
 Ille moræ impatiens tacitè properabat ad ædis
 Limina; nec sacrum audebat spectare feretrum.
 O mens cæca hominum, fortisq. ignara futura
 Venerat in medios postes sceleratus: & vltra
 Contendens efferre pedem, depellitur inde
 Vi Superum. tentat rursus prætexere fraudem,
 Moliriq. fugam; medioq. è limine rursus
 Excutitur, retroq. pedem cum voce reflectit.

Heu quis possit, ait, contendere tutus Olympo?
 Quisue impune queat Superum præuerrere mentem?
 Ille ego, qui nuper tota miser vrbe vagabar
 Obrutus vlcerebus; fugerem quò tædia vitæ,
 Aerumnisq. meis emerem dispendia victus;
 Vix templum ingredior, vix prima exordia sumo;
 Vix repeto; Miserere Pater: cum corpore toto
 Excessit morbus, penitusq. euanuit angor.
 Ast ego, Tartareis forsan delusus ab umbris,
 Vel potius suadente nefas hoc pectoris astu,
 Abdere tantarum volui miracula rerum,
 Et tentare fugam; meritas nè reddere laudes
 Cogerer ingratus, maiori atque vlcere dignus.
 Dum tamen egrederer, rapuit me dextra Tonantis,
 Excussitq. retro. præceps audacia rursus
 Me trahit ad limen; rursus vis inde repellit
 Altera, detergens terra caliginè mentem.
 Tandem agnosco nefas, humilisq. ad vota recurro:
 Quiq. vnum texi, duo iam miracula cogor
 Dicere, & ingrata mendacia pandere mentis.

Hæc ille ingeminat, seseque redarguit ultro.
 Sed non multa loqui potuit: namque hospes in ædem
 Continuo irrupit; natam qui duxerat vna,
 Brundysio veniens: primoq. è limine cæpit
 CATALDI celebrare decus; cæliq. sapores;
 Quid iam te felix iactas? gehiæ Tarentum,
 Quod caput extulcris magnæ super Ellados vrbes?
 Quid mihi commemoras Pyrrhum; quidue alta colossi
 Pondera, Neptuniq. lares; pueriq. Taraneis
 Stemmata, iungentis patrios delphinas in vndis?
 Archytæ tibi crescat honos ipsius; & arimæ
 Gloria parta tuis Stræ percurrat; & Indos
 Brundysijq. mei cinabula tempore vineas.
 Quid tamen hæc solus celebrem te reddit Ibernus,
 Atque tuos auget Præsul Rachuensis honores?
 Hic Domini partitæ opes: hic fundit inermis
 Tartareas acies; regnat post funera; & vrbes
 Præsidio æterno complectitur incolæ cæli.
 Nec tua sola fouet iam pigdora; sentit & hospes
 Præsulis auxilium; capiunt & mania Brenti
 Urbis cui referunt nostræ primordia ciues.
 Cernitis hanc? (natam digito demonstrat) ab annis
 Primævis caræ patitur dispendia: lucis
 Infelix virgo: primò nam tabidus humor,
 Delabens cerebro, maculosa nubè venustas
 Turpat pupillas, foedatque hæc labe colores
 Mox crescens violenta lues, corrumpit ocellos
 Atque adimit penitus radiantia lumina Phœbi.
 Quid faciat genitor? spernit collyria morbus,
 Et quodcunque potest medicis Epidaurius herbis.
 Sic iacet illa diu, gemitusq. effundit inanes,
 Et lacerat miseri mœrentia viscera patris.
 Ast vbi finitimas retulit vaga famâ per vrbes,
 Tantum obisse virum; multosq. in funere ciues
 Exigua mercede precum reparasse vigorem
 Extinctum post longa grauis contagia morbi,

Et desperatæ callem reperisse salutis :
Fert animus natam mecum deducere , & omnes
Orandi tentare modos ; quò lumina tandem
Restituat miseræ venerabile nomen Iberni .
Et iam certa dies aderat ; iam Phœbus Eoo
Littore monstrat iter ; thalamoq. excire puellam
Dum cupio ; vocat illa prior læto ore parentem ,
Proclamans : Exurge pater : properemus ouantes
Littus ad Oebalium : venientia lumina Solis
Iam video : tu rumpe moras : mihi proximus astat
Ingens siderea decoratus veste Sacerdos ;
Atque meos oculos caligine tergit opaca .
Has illa ingeminat voces . ego credere contra
Somnia confingi : nam , quæ meditamur amantes ,
Cernimus , vt subito nostros sopor occupat artus .
Illa iterum : Iam nostra patent laquearia ; calum
Inspicio ; te cernø , pater . tunc comminus ambas
Pupillas nitido vidi splendore micantes .
Quid moror ? obstupui ; & , nata comitante , Tarentum
Iam venio ; vt patris pariter veneremur Iberni
Reliquias , & vota sacras soluamus ad aras .

Vix ea fatus erat ; subiit cum limina templi
Aduena , cui macies fessos tenuauerat artus ;
Abdiderat pectus barba horrida ; texerat armos
Cæsaries : stat senta situ , turpiq. veterno
Informis facies : baculus vestigia firmat
Corneus ; intorti præcingunt ilia funes ;
Nullaq. rugosas defendunt tegmina plantas ,
Nulla caput . tali cultu vixere per antra
Thebaidos quondam , quibus horruit orbis , & vrbes .
Huius in obtutum confestim lumina ciues
Obuertunt ; cupidiq. rogant quò prouat hospes ;
Quid veniat ; quæ recta colat ; genus vnde parentum .
Ille petit Sanctum , lacrymisq. cadentibus vltro ,
Oscula figit humi , quò deposuere feretrum :
Cumq. aliquid vellet deuoto corde profari ,

Arreptus morbo prosternitur ; atque cadauer
 Exprimit exanimum : toto nam corpore motus
 Deficit , & sensus : digitis tamen horret aduncis
 Hinc , atque hinc protensa manus ; pupilla minaci
 Obtutu cælum spectat ; foeda ora , labellis
 Ad læuam intortis , spumis labentibus albet .
 Si flammam admoueas membris , si verberare corpus
 Contundas , gladioue feces , nihil ille dolorem
 Sentit : vita tamen toros funesta per artus
 Viuit adhuc ; morti nec proxima , mortis vbique
 Signa tenet : tanta est violenta potentia morbi .
 Alciden fama est , crudeli hac tabe frequenter
 Prostratum , tanti quem non domuere labores .
 Accurrunt ciues tanta ad spectacula : vulgus
 Feminæ fundit lacrymas : plebs inscia credit
 Extinctum : sensus reuocat sed Præsul ; & omnem
 Protinus expellit rediuiuo è corpore labem .
 Ille , vbi se incolumem sentit , prouoluitur aris ;
 Quasq. potest Domino grates , quas debet Iberno
 Persoluit : mox cuncta oculis perlustrat ; & ultro
 Compellans ciues : A me quid quæritis ? inquit .
 Gallia me genuit parui Rubiconis ad vndas :
 Orbem lustravi iuuenis ; Solymosq. recessus
 Inspexi ; tandemq. viæ pertasus , ad oras
 Italiæ rediens , Gargani in vertice montis
 Inuia saxa diu , patriæ contemptor , & orbis ;
 Incolui . demum sacri vis improba morbi
 Irrupit Venis , totosq. cucurrit in artus .
 Et dudum tam crebra lues , tam sæua redibat ,
 Foederis vt nullus esset locus . agmina testor
 Cælicolum , me sæpe altis è rupibus actum
 In præceps iacuisse solo , quasi putre cadauer ;
 Et mox excitum solitas subijisse ruinas .
 Et licet hæc alacris paterer , quia semita cæli
 Rectior hæc semper visa est : tamen obrutus annis ,
 Et morbo , nutu Superum compellor amicis

Prodire

Proclire è latebris, dulcesq. relinquere sylvas.
Languida membra traho sensim per littoris oram
Adriaci; Bariq. lares, vrbesq. propinquas
Ingredior; cunctasq. miser prouoluor ad aras.
Sed frustra quæruntur opes: nam, interprete casu;
CATALDI. robur tam grandia facta manebant.
Cætera quid memorem vobis spectantibus acta?
Quid celebrem sacri præconia nota parentis,
Cuius in obsequium sua robora cedit Olympus,
Nostraq. præcipiti firmat suffragia nutu?
Viuite vos memores Domini, totumq. per æuum
Reliquias seruate Patris: nanque ipse reuertor
Gargani quærens latebras, notosq. recessus.

Vix ea verba loqui potuit; cum tota moueri
Visa domus, tumidis agitari & fluctibus æquor,
Et penitus duplici turbari cardine coelum.
Nox properata ruit; ruptisq. in nubibus aer
Igne micat vario: mox murmure sæua minaci
Fulmina contorquens mortalia pectora terret.
Concutitur tellus: templorum culmina nutant,
Murorumq. minæ: trahitur super æthera puluis.
Quòd si tecta labant, sistunt nec mœnia ventos,
Quæ maris illuuiæ? pelagi quàm sæua patentis
Tempestas? pæueant quàm certa pericula nautæ?
Quæ potuere rates, portus tenuere propinquos:
Sed geminæ nequeunt obistere fluctibus alni.
Altera nam puppis Siculis remeabat ab oris,
Pectore quam valido pubes Tanagræa regebat.
Hanc prohibet gelido stridens Aquilone procella
Optatam ne tangat humum, nec littora Phebræ:
Altera longæux prope mœnia celsa Crotonis
Venerat; & subito, paribus iactata procellis,
Duçta est in medium pelagus. sed dispar vtrique
Exitus: hanc etenim Boreas demersit; at illam
Deduxit reducem sinuosa per æquora Præsul.
Vnda Tarentinos obsederat vndique nautas.

Quid faciant ? crescit rabies temeraria ponti ;
 Insurgunt fluctus audacius ; imbris horror
 Augetur : coelumq. necem , pelagusq. minatur .
 Carbasa demittunt socij maiora : Magister ,
 Ne latus excipiat moras violentius vndas ,
 Dat puppim ventis , mensumq. recurrit in æquor .
 Dum ramen ille docet nautas , atque arte gubernat
 Nauigium ; Eois geminant de sedibus Euri
 Perniciem , vexantq. latus : capit obruta puppis
 Lethales vndas , rimisq. fatiscit , & ima
 Parte labat : rumpit tandem retinacula ferri ,
 Nauigioq. adimit clauum violenta potestas .
 Turbinis Aeolij . Nostra en spes vltima cessit ,
 Pallidus exclamat lacera de puppe Magister .
 Nil iam tentandum , nisi ne moriamur in vndis :
 Tartareis : iaceam deserta inhumatus arena ;
 Dilaceretve pecus Neptuni corporis artus :
 Hæc me damna iuuant , superas si collar in auras ,
 Aspiciamq. Helicen propior , gelidosq. Triones .
 Interea cohibete manus : date vela procellis :
 Vincat lethalis Boreas : vesana triumphet :
 Tempestas : feralis hyems absorbeat omnes .
 Sit sua cuique salus cordi ; meditemur Olympum ;
 Portus vbi , & patria , & nullis obnoxia ventis :
 Aequora , vel coelum nimbis ; vel tempora brumæ .
 Hæc ille : huic contra luuenis , quem robur , & ætas
 Fecerat impavidum : Si spes mihi nulla salutis ,
 Quid nocet aduersæ miserum contendere forti ?
 Vel vos præcedam moriens , vel viuus ab vndis :
 Eripiam clauum , puppiq. tenacius addam .
 Hæc ait : & subito tumidum moriturus in æquor
 Desilit . hoc quondam nutanti Curtius Vrbi
 Præstitit obsequium : præceps cum corruit vltro ,
 Magnanimo deuectus equo , quæ cæca vorago
 Maior erat ; moriens & se deuouit Auerno ,
 Vt sic Dardaniæ seruaret moenia Romæ .

Contigerat

Contigerat vix ille fretum , cum protinus vndis ,
 Ac vi ventorum rapitur , nec cernitur vsquam .
 Mirantur tristes audacia pectora nautæ ,
 Præcipitemq. animum ; gemitusq. ad sidera tollunt .
 At tandem memores extremo in funere , quantis
 Portentis CATALDVS opem , subitamq. salutem
 Oppressis grauiore malo , terraq. mariq.
 Afferat : has promunt imo de pectore voces .
 Iam tandem miserere , Pater ; votisq. precantum
 Annue : nam robur , tumidas quod comprimat vndas ,
 Solus habes , ventosq. fuget , coelumq. serenet
 Nec pelago patiare mori , quos æquore merfos
 Tartareo , æterni dudum ad consortia regni
 Seruasti . Nec plura effari , nubila cernunt
 Excessisse polo ; pulsusq. minacibus Euris ,
 Succubuisse fretum . Sed quò iam naufraga puppis
 Tendat , cum nautis clauì modera mina desint ?
 Perfice , Præsul , opus . nunquam paritura salutem
 Quid refert concessa salus ? quid munera vitæ ,
 Ni vitam redimant ? nam nec felicior aura
 Prodest ; si desit , quod turgida vela per æquor
 Dirigat , & puppim certa ratione gubernet .
 Fac tamen incolumes reliquos tua dextera seruet ,
 Suppleat atque vicem clauì ; tumultabit vndis
 Magnanimus iuuenis ; nuper qui murmura ponti
 Nil timuit , mortisq. minas ; seq. obtulit ultro
 Fluxibus , vt tunido raperet de gurgite classẽ
 Ecce autem dubio paulum dum pectore nautæ
 Subsistunt , iuuenem cernunt per carula vēctum ,
 Et clauo hærentem victis adnare procellis .
 Ille autem socios lato clamore salutat ;
 Et quasi iam validis impelleret æquora remis ,
 Assequitur puppim , puppiq. immittit habenas .
 Illa iterum Zephyris spirantibus æquora verrit ,
 Et spes tandem patrijs allabitur oris .
 Excipiunt læti nautas in littore ciues ;

Atque vltro, citroque Patris miracula pandunt.

At contra, Calabro nuper quæ lictore puppis
Soluerat infelix, rapidis agitata procellis
Obruitur pelago; quoniam coelestia tempfit
Auxilia, & vanis hominum se credidit ausis.
Ipse gubernator manibus propellere fluctus
Nequidquam tentat: furit implacabilis Auster
Fortius; & fessum vasto sub gurgite tandem
Demergit; sociosque eadem mox damna sequuntur.

Illi expirantes, patriam, dulcesque penates,
Et viduæ sponsæ thalamos sub pectore versant
Dum tamen os breuibus cupiunt aperire querelis
Accipiunt inimicum imbrem; dum mittere vocem
Extremam, cum voce animam emisere sub vndis
Vnus at incolumis nemorosa ad saxa Giraci
Appulit; oblitus quoniam patriamque, domumque
CATALDI quæsiuit opem, reperitque fauentem.
Viderat hic Domini peregrina in veste sepulcrum:
Mox rediens, nostri legeret dum litoris oram,
Præfulis edidicit vires, miracula, nomen;
Præsidioque eius vitam sacrauit, & annos.

O victura fidem spectacula: rara potestas
O Superum; quis tanta breui sub carmine claudat
Gesta Patris? potuit fibras animare sepultas
Et pelagi cohibere minas, & pellere morbos,
Innumerasque animas Stygijs auertere flammis.

Est propè Basenti ripas sine nomine pagus,
Nobilis vrbs quondam, & doctis celeberrima Graijs:
Quam sibi delegit Samiæ telluris alumnus,
Grandia symbolicis tegeret dum dogmata verbis;
Archytasque parens, fessus dum pondere rerum,
Tranquillam cuperet ciuili ex murmure pacem.
Marmora reliquias Metaponti prisca sepulti
Nunc retinent: sed quale foret, dum regna manerent,
Ipse ruina docet, nec non veneranda vetustas.
Hic mulier fido nuper cum coniuge vixit:

Vnicus his infans, tardæ spes prima senectæ
 Nascitur; infirmo nec dum vestigia gressu
 Imprimit; æst humilis reptat, manibusq. tenellis
 Carpit iter modicum, sparsosq. recolligit artus.
 Accedit sed mœsta dies, quæ corda parentum
 Dilaceret, pignusq. adimat: nam limina matris
 Undique femineus cœtus de more frequentat,
 Vt miseros fallat vario sermone labores.
 Exercent hinc inde colos; & multa vicissim
 Commemorant, miscentq. suis mendacia nugis,
 Et mulcent grauidos operoso flamine fusos.
 At puer infelix, flammæ perculsus amore,
 Vt simplex pyrausta, focos penetrauit apertos;
 Et ruit in prunas: Superi fulcite cadentem;
 Et prolem miseræ primam defendite matri.
 Flamma vorax subito teneros absumit ocellos;
 Iamq. genas violat; iam mollia tempora mandit;
 Interiusq. subit: nec dum tormenta patefcunt
 Matri. linque colos; infelix femina; verbis.
 Fige modum: tua damna vido: tua viscera serua.
 Quid tamen heu serues, quem iam depascitur ignis?
 Lumina quas nequeunt spectare auersa ruinas,
 Vix tandem nares capiunt: namque vsta vaporat
 Nidorem facies; & sœua incendia pandit:
 Mœsta parens subito properat, natumq. fauillis
 Eripit: at frustra. tarda est tua gratia; mater:
 Non puerum seruas; pueri sed triste cadaver
 Extrahis è flammis. citius mors inuida vitam
 Eripuit, quàm tu vitæ pereuntis amicum
 Ferres subsidium. miseræ spectare cadentem
 Non licuit; celeres vndis nec sistere flammis.
 Nunc tandem combusta licet per membra tueri
 Ignis reliquias, & non reparabile damnum.
 Quid tamen heu torpes? nati quid funera differs;
 Infelix genitrix? quæ te spes fallit inanis?
 Hos licet extinguas lacrymis manantibus ignes;

Qua

Qua tamen arte animam reuoces, quæ mista choreis
 Aethereis, horret ad Tartara nostra reuerti?
 Illa tamen sperat: nec spes temeraria: Sanctum
 Nam prece sollicitat, palmasq. ad sidera tollit,
 Exclamans: Pater alme, veni; restingue fauillas;
 Et puero vitam, & nomen mihi redde parentis.
 Magna peto; sed magna soles conferre precanti.
 Quod precor, haud mereor: sed tu maiora mereris
 A Domino: nutusq. tuos, non murmura matris
 Audiet Omnipotens: Sed tu non talia debes:
 Debira si soluas, facta est mihi gratia merces.
 At nato inuideo Superum consortia: viuat,
 Ditiore & redeat maiora ad præmia. Mortem
 Bis perferre malum vix est tolerabile: maior
 Aerumna est matrem luctu damnare perenni.
 Hos repetit lacrymans infelix femina questus:
 Infans nulla tamen reparat vestigia vitæ.
 Ut tandem manifesta lues, ut funus acerbum
 Edidicere omnes; fieret quod nomen Iberni
 Clarius, & plures caperent miracula testes:
 Apparet modicus tepido sub pectore motus;
 Eque genis flammæ feralia signa recedunt:
 Balbutitq. puer sensim, caræq. parentis
 Pendet in amplexu: sed quas fecere ruinas
 Hostiles flammæ, siccis prætendit ocellis
 Viuit, sed cæcus. viuentem læta tuetur mater
 Orbatum luget bifido quasi pectore mater
 Mox ait: Antistes mitissime, dulce parentum
 Solamen, quæ dona mihi, quæ gaudia præstas?
 Dimidium munus capio, mistamq. querelis
 Lætitiâ. natum video: magis ipsa videri
 A nato cupere: munus mihi perficere Præsul;
 Nec tenues pariat riuos tuâ vena perennis:
 Si cupis esse, aliquod post tanta incendia signum,
 Egregium quod monstret opus, quodq. omnibus horis
 Et pueri casus, & tot miracula pandat;

Sint satis hi testes, hæc qui spectacula cernunt :
 Sit mea lingua satis, tua quæ præconia passim
 Effundet : sit fama satis, quæ forsan Ibernii
 Præsulis æterno sacrabit carmine nomen
 Illa hæc dum loquitur, nati rediuiua tuetur
 Lumina pupillis acie meliore renasci.
 Nec mora : longæuæ properat sociata parenti
 Ad Sanctum, quod vota sacras persoluat ad aras.
 Ingressæq. urbem, primo sub limine corpus
 Prosterunt ambæ; cubitoq. genuq. reflexo
 Vtraque serpit humi : pariter sic Præsulis ædem
 Cum penetrant, ad tanta trahunt spectacula ciues.
 Ante aras puerum sistunt, lacrymisq. profusis
 Dona DEO reddunt; & funera Præsulis ornant.

Parte alia multos misit vetus Vria ciues,
 Non modò tantarum permotos nomine rerum;
 Sed quòd vidissent patrijs penetralibus ipsi
 Pluribus optatæ conferri dona salutis.
 Hos inter properat mulier, cui tempora sæuus
 Vexabat, rabidusq. dolor; tantaq. premebat
 Eluione mali, vt tandem quoque lumine Solis
 Orbaret miseram, tenebrisq. offunderet atris.
 Illa gemit, lacrymisq. pijs, precibusq. fatigat
 CATALDVVS, quòd præstet opem, vel flamina vitæ
 Præcidat; quoniam melius vitalibus auris
 Priuari, quàm ferre diu dispendia lucis.
 At, cum sola domi decumberet ægra, per ædes
 Nescio quem sentit paulatim hinc inde moueri,
 Raptoremq. putat; subitoq. exterrita, ciues
 Femineo clamore vocat: sed protinus ictu
 Bis percussa seui; maiori accenditur æstu;
 Atque ait: O, miseram quid iam grauioribus virges
 Acumnis, furtoq. meas, scelerate, ruinas
 Exagitas? sed plura loqui cum vellet, ademptum
 Sentit adesse diem; dulcèsq. patere recessus
 Circumquaque domus. miratur femina monstrum,

Portentiq.

Portentiq. modum . sed mox sua gaudia præfert
 Plenius ; informi quoniam caligine pulsa ,
 Se videt incolumem , cum iam grauiora timeret .
 Interea accurrunt ciues , causamq. tumultus
 Exposcunt : quibus illa oculos commonstrat , & omnem
 Enarrat rerum seriem : secumq. volentes
 Ducit ad Oebalium litus ; quò funera visant ,
 Reliquiasq. Patris , cumulentq. altaria donis .

Altera septenni mulier penè obruta morbo ,
 Cupressane , tuis laribus , comitante caterua
 Nobilium procerum , nostram deuenit ad urbem .
 Hæc ruit in lapides dudum , visura sororem
 Dum conscendit equum : tumuitq. ita venter ab ictu,
 Vt minus excrescant parituræ viscera matris .
 Angitur illa diu , tentatq. Machaonis artes
 Nequidquam ; tandemq. domi , lacrymabilis omni
 Parte , iacet . sed dum nomen crebrescit Iberni ,
 Fido animo certam spem concipit , inde salutis
 Posse sibi reperire viam , qua , tubere presso ,
 Incolumis reparet morbi fera damna prioris :
 Atque ait: O quicumque foues tua templa , Sacerdos ,
 Talibus auspicijs , supplex ne despice votum ;
 Nec gemitus contemne meos , lacrymasq. cadentes .
 Me dolor excruciat ; vexant me pondera partus :
 Sed quod visceribus latitat , nec nomina matris ,
 Munera nec prolis , sæuæ sed pignora mortis
 Promittit miseræ . sed tu meliora precanti .
 Reddere , Sancte , potes : nescit nam pharmaca morbus
 Mortali prætenta manu ; terrenaq. vincit
 Subsidia , auspicijs tantum cessurus Iberni .
 Crescat honos , nomenq. tuum ; mereatur & hospes
 Hospitis auxilium : & post tot miracula discat
 Hæc etiam portenta Taras , miretur & orbis .
 Hæc effata , videt sensim decrescere molem ,
 Atque vteri pondus : qualis dum follis aperto
 Guttore , vt admissos exhalet tergo ventos ,
 Extenuat ,

Extenuat, minuitq. cutem: tumor vndique cedit;
 Seq. suo gyro breuiori membra coarctant.
 Euulgat subito mulier miracula: ciues
 Accurrunt, firmantq. fidem; comitantur & illam,
 Nota Phalantæ quarentem pergama gentis.

Iamq. iter emens medium; cum turba virorum
 Comminus assequitur diuerso calle ruentes;
 Qui pariter patrijs egressi finibus, arces
 Oebalias poscunt; subeant quò Præsulis ædem,
 Perfoluantq. preces, optataq. dona reportent.
 Iungunt se comites; narrantq. ex more vicissim,
 Quò vadant, quæ vota ferant, quæ munera poscant.
 Cumq. prior, læuo toties quæ tubere mortem
 Expetijt mulier, sua gaudia læta referret,
 Ingemuit comitum quidam: qui sanguine cretus
 Illustri, Traianopolis pomœria nuper
 Egressus, natæ secum lacrymabile pondus
 Vectabat; miseram quam sic deferret Ibero,
 Fleâteret vt melius Superos præsentis imago.
 Atque inter gemitus: Felix ò femina, dixit,
 Præteriti quæ tuta potes meminisse pericli;
 Naufragiumq. refers securo in littore sospes.
 Felix, cui tantum sperare, & carpere munus
 Permissum est; tantiq. vales euadere voti
 Compos. At ipse miser contra; qui prælia narro
 Inter bellorum strepitus, penè obrutus armis;
 Imbriferasq. hyemes, tempestatesq. furentes
 Fluëibus in medijs refero. Me nata parentem
 Conficit ærumnis: toto quæ corpore motus
 Lethales patitur, linguæ cui munus ademptum,
 Officiumq. pedum. dederat Natura puellæ
 Egregiam formam, qualem nec Græcia vidit,
 Tyndaridis mirata tores. hinc ipse nepotes,
 Hinc generum speravi amens: nam protinus ipsam
 Aggreditur funesta lues, vultusq. decoros,
 Immutat; generumq. adimit, thalamosq. propinquos.

Quid

Quid faciam? votis Superos, precibusq. laceſſo.
 At nemo exaudit; nullus medicamina præſtat;
 Et mereor grauiora pati. ſpes vna ſalutis
 Reſtat adhuc miſero (nec ſpes me credula fallit).
 CATALDI tentare fidem. Dum talia narrat,
 Dum gemit infelix; offendit in obuia ſaxa,
 Qui natam veſtabat, equus; timidusq. retorquet
 Cervicem dubiam, clitellas diſſipat, ægram
 Excutit, illiditq. ſolo: ſequiturq. cadentem
 Pondere & ipſe ſuo ſtratus, geminatq. ruinam.
 Turbati extemplo comites lacrymabile damnum
 Deplorant. maiora parens exordia queſtus
 Dum tamen inciperet, tenuit ſub gutture vocem,
 Vt noua conſpexit miracula. namque repente
 Corruit vt virgo, ſæuo perterrita caſu
 Exclamat: Fer opem, genitor; nam limina mortis
 Ingredior: iam rumpe moras. nec plura locuta eſt:
 Nam ſubito exiliens, plantis hinc inde ſolutis,
 Ne premeretur equo, celeri veſtigia grefſu
 Signat; & infirmis reparat ſua robora nervis.
 Vt pater aſpexit venientem: Somnia ſingo,
 O ſocij, o ciues: an vos ſpectacula (dixit)
 Cernitis hæc mecum? non vox audita puellæ
 Auribus intonuit veſtris? non verba notaſtis
 Elinguis? non iam veſtigia recta videtis
 Claudæ? nonne ſuam capiunt iam membra quietem,
 Diſſociata malo, motuq. agitata perenni?
 O Superum virtus, o rara potentia cœli!
 E damno lucrum capimus: quod mœſta parare
 Funera debuerat; melioris commoda vitæ
 Præſtat: & in medijs exurgit ſtuditibus aura
 Lenior: & ſubitam pariunt aconita ſalutem.
 Quid non ſperandum, reparant ſi recta ruinæ:
 Accenſasq. fugant maiora incendia flammas?
 Hæc fatus, natam complectitur; utq. loquentem
 Audiatur, exquirat, dederit quis robora membris,
 Soluerit

Soluerit & liguæ nodos : dum singula narrat ,
Acceptumq. refert tam nobile munus Ibero ,
Effingitque viri mitram , vultumq. decorum ;
Pleniùs exultat genitor ; natamq. moueri
Longius , hortatur ; notos mox inspicit artus ,
Et tentat neruos . quærens , num signa supersint
Præteritæ tabis : sed iam vestigia morbi
Nulla manent , & tota lues è corpore cessit .
Sic læti properant omnes ad Præfulis aras ;
Ingressiq. domum , narrant miracula , vota
Persoluunt , funduntq. preces , gratesq. rependunt .
Interea populus Pario de marmore tumbam
Struxerat , & varia decorarat imagine saxum ;
Foderat atque locum tumulo . tunc agmina cleri
Instaurant hymnos , atque vltima verba loquuntur .
Tempus adest , venerande Pater , quo sacra sepulcro
Membra tegas , tantos , & tot perferre labores
Quæ potuere diu : paruum ne despice munus .
Quòd si forte velis tumulo meliore recondi ,
Te noster tumulabit amor : nam pectora nostra
Seruabunt viuos cineres , & nomen Iberni :
Nos contra hoc saxo tegimur , memoresq. parentis
Te sequimur , viuq. tua tumulamur in vrna .
Hoc vnum petimus : tua ne miracula terris
Inuideas ; genitoris opem ventura nepotum
Sentiat vt series , ac te super astra micantem ;
Perpetuoq. pater patriæ ne sperne vocari .
Hæc dum conclamant , geminant funalia flammæ ,
Plebs gemitus , laudes proceres , pia thura vapores .
Sed magis exultant , qui promeruere salutem
Post morbos , celebrantq. Patrem maioribus hymnis .
Vnus adhuc frustra suffragia Præfulis ambit
Infelix genitor , natam qui duxerat ægram ;
Cui crura , atque vlnas tetri vis improba morbi
Læserat vsque adeo , motus vt demeret omnes ,
Et reliquos sensim miseræ depalceret artus .

Bis binos in vora dies impenderat , instans
 Assiduis precibus genitor : sed nulla salutis
 Signa videt : tandemq. Patris sacra membra sepulcro
 Alpiciens condi , tristes defœuit in iras ;
 Atque indignanti profert has ore querelas .
 Vade , Vale , alme Parens, dulces & carpe sopores ;
 Alme parens alijs ; qui iam diffundis in omnes ,
 Quæ mihi dona negas . videor grauiora mereri ;
 Et fateor : sed læta tuæ solennia sortis ,
 Hoc poterant superare nefas , gemitusq. parentis
 Mulcere ; vt nulli tanta inter gaudia luctus
 Effet materies , iusti vel causa doloris .
 Areat Oceanus soli mihi , frigeat ignis ,
 Et tenebras pariat rutilanti lumine Titan .
 Si scelus hoc meruit patris, quid membra puellæ
 Torquentur ? pendat pœnas aut criminis auctor ,
 Vt decet ; aut nullos aliena impendia lædant .
 Infanti meritam natæ concede salutem ,
 Et sœui in patrem . Sed quid delusa moratur
 Spes miserum ? quid vana loquor ? fuge limina templi ,
 Infelix , natamq. domus penetralibus abde
 Inuisam cælo , & Superis : narrentq. nepotes
 Portentum hoc nostrum post tot miracula : cuncti
 Incolumes rediere ; at qui plus luxit ad aras ,
 Perstitit atque alijs constantior, ille repulsam
 Promeruit solus , saltem mihi detur , Iberne ,
 Aeque animo tot damna pati, tot ferre ruinas .
 Hæc ille ingeminans natam prope limina sistit ,
 Exponitq. solo , citius quò sternat asellum ,
 Acceleretq. fugam . sed mox conuersus eodem ,
 Nulla videt natæ vestigia : credit ademptam ;
 Illa licet nullos seruari posset in vsus ,
 Omni parte suis miserè prostrata ruinis :
 Attramen id retur factum , quò percitus ira
 Maiori , pendat grauiori pondere pœnas
 Insensus Superis , nec non mortalibus ægris .

Protinus exclamat : Simplex à ciuibus hospes
 Infuper eludor ? quare additis ignibus ignes ,
 Vulnera vulneribus ? sic , sic miserabile vulnus
 Mulcetis ? miseram misero iam reddite natam ;
 Noluit incolumem Præsul ; quæcunque relicta est ,
 Accipio . sit luce magis dilecta parenti ,
 Pondus iners alijs , & præuia mortis imago .
 Sic ait infelix , oculosq. per omnia versat ;
 Ingrediturq. adytum templi , & penetralia rursum
 Inuitus : tandem post tot dispendia , natam
 In crucis amplexu reperit prope saxa sepulcri :
 Spemq. metumq. inter dubius , dum crura puellæ
 Conspicit , atque vlnas certa ratione moueri ,
 Exclamat : Tu ne illa patri carissima proles ,
 An Superi illudunt misero , natæq. figuram
 Obijciunt oculis , qualem voluere parentis
 Vota diu , at frustra ? quis sacro è limine templi
 Te patri eripuit ? quæ vis tua brachia motrix ,
 Quæ ve pedes agitat ? vultus agnosce paternos .

Hæc ille . huic contra Virgo ; Non ficta tueris
 Somnia : sed Superum patiens addisce fauores
 Expectare , pater . non tarda est gratia cœli :
 Differtur , quò grata magis succedat ; & horas
 Compenset tristes post longa incommoda maior
 Lætitiæ cumulus . sed tu spem credis inanem ,
 Impatiensq. moræ superos sermone lacessis
 Præcipiti ; quasi vota hominum , lacrymasq. repellant :
 Extrahis & templo miseram . sic munera cœli
 Cum poteras meruisse minus , coelestia sentis
 Auxilia , & natam voto meliore reducis .
 Præ foribus templi iaceo dum roboris experts ,
 Iam reditura domum ; cupio spectare feretrum ,
 Atque sepulcrales extincti patris honores :
 Crescit amor sensim . sed quis te flectere possit
 Iratum Superis , hæc vt spectacula nobis
 Cernenda exhibeas ? mecum dum talia voluo ,

Demulcet dubios natæ vox intima sensus :
 Vade , age , quis prohibet ? redduntur robora nervis
 Post vocem , motusq. prior : subitoq. reuertor
 Ad Patris inferias . grates pro munere dignas
 Interea tu redde precor , Superumq. fauores
 Agnosce ; & sacrum ne despice nomen Iberni .

Vltima non potuit narrantis verba puellæ
 Expectare pater ; sed protinus ocyus Euro
 Currit ad amplexus natæ ; lacrymisq. profusis
 Deplorat scelus admissum ; pedibusq. verendis
 Procumbens Sancti , cœlestia numina laudat .
 Mirantur procere : ruit ad spectacula vulgus ;
 Exultantq. hilares peregrina ad gaudia ciues .

Interea occiduus Titan Nabathæa ciebat
 Sidera : & octauo rediens ad funera gyro ,
 Suadebat fessis faciles nox humida somnos :
 Cum ciues sacra membra Patris posuere sepulcro
 Marmoreo , atque crucem gemmis , auroq. nitentem ;
 Nomen vbi exculptum RACHVENSIS præsulis ætas
 Nostra legit , totumq. Taras promulgat in orbem .

LIBRORVM SEX CATALDIADOS

F I N I S .

VITAE IN VITA
S. CATALDI EPISCOPI
A BARTHOLOMAEO MORONO
TARENTINO CONSCRIPTAM.
P R A E F A T I O.



CVM in singulos CATALDIADOS Bonauenturae fratris libros argumenta scripserim; facturum me operæ pretium existimaui, si initio totius operis, S. CATALDI VITAM & Sanctorum Catalago, ex vetustissimis Codicibus Tarentinae Ecclesiae manuscriptis, & ex Officio, quod superioribus annis iussu Romani Pontificis à Cardinali Sigleto reformatum in eadem Ecclesia legitur, summa fide depromerem. Idq. eò magis, quod in multis Orbis terrarum partibus ne nomen quidem Sanctissimi Antistitis huius audiret; vel nostra Tarentinorum incuria, qui tantum Patriæ defensorem, diuino beneficio à remotissimis Iberniz finibus huc vsque transmissum, intra angustissima vrbs potentia detinemus, nec alibi celebrem esse volumus, vel iniuria temporum: quarum diuturnitate penè omnia ex hominum memoria delentur, & extinguntur. His igitur argumentis mei consilij rationem defendo. Primum gratissimum Patriæ meæ munus persoluam; qui communem omnium Patrem saltem ad finitimos populos extra domesticos parietes deducam; & quantum historię lex, id est veritas, patiat, celebrem, atque commendem. Deinde ijs, qui proficere aliquid ad Christianæ vitæ instituta contendunt, non vulgare vitæ morum exemplar, quod imitentur, proponam: hinc enim & fuga seditiæ, & voluptatum contemptus, & pietatis cultus, & studium religionis, & sexcenta virtutum genera colliguntur. Postremo carissimi Fratris lucubracionibus aliquid, si non dignitatis, at certè utilitatis asseram: unusquisque enim faciliè ex nostro hoc labore cognoscet, quantum poetica lumina historię narrationem, & seriem illustrant; ita veritatis ratione habita, vt, quamvis aliqua in hac nostra historia non sit lecturus, cogaris tamen potius incuriam, aut breuitatem nostram reprehendere, quam ingeniosas fratris damnare commentationes. Non enim fingit ex industria; nec ea, quæ facta non sunt, exponit; sed quæ & fieri potuisse, & facta esse, quiquis rerum, gestarum narrationem diligenter perpenderet, procul dubio affirmaret. Nam Dæmonum concilium in primo, peregrinationis periodos in secundo, Furiarum de nouo excitatam rabiem in tertio, cæci hominis narrationem in quarto, & alia id genus per totum opus sparsa, quis Poetarum signenta dicere audeat, ac non potius verissimam historię narrationem? Duo tantum sunt, in quibus aliqua poetarum licentiam modestissime vsurpauit. Alterum, quod vt Patriæ laudes cumulatiùs celebraret, in S. CATALDI Vaticinio nonnulla addidit, quæ Sanctus vir non explicauit; verà tamen illa, sunt omnia, sed aliunde petita. Alterum, quod in sexto libro miracula, quæ diuersis temporibus acciderunt, octo dierum spatio facta commemorat, vt sacri funeris pompas illustriores reddat: & quod, nisi ibi dicerentur, omnino fuerant prætermittenda. Erant denique quasi materies quædam, & totius operis argumentum, quicquid ego breuissimè in hac narratione conscribam; Cornelij Nepotis doctissimi viri sequutus exemplum: qui, cum Daretis Phrygijs historiam latinis versibus reddidisset, tandem, conueniente opere, singulorum librorum materiam soluta oratione complexus est.

VITA, ET MIRACVLA
S. CATALDI EPISCOPI,
ET CONFESSORIS,
TARENTINAE CIVITATIS
PATRONI.

Ex Catalogo Sanctorum; è vetustissimis Tarentinæ Eccle-
siæ Manuscriptis Codicibus; & ex Officio per GV-
LIELMVM Sirletum S.R.E. Cardinalem, iussu
Summi Pontificis, reformato,

Per BARTHOLOMÆVM MORONVM
TARENTINVM Conscripta.



VIT CATALDVS ex Ibernica oriundus, quæ in
occiduo mari trans Britanniam sita est: Insula
quidem Britannia dimidia plus parte minor; sed
par omnino ei vel ubertate agri, vel pecoris fec-
cunditate: atque etiam tepore soli, cæli ele-
mentia, & aeris serenitate nobilior. Patriam
eius non nulli Rachau fuisse affirmant, in Nume-
niæ partibus quondam non obscuri nominis vr-
bem; moti fortasse, quod in multis libris, CA-
TALDVS RACHAV, scriptum reperitur. Alij dicunt esse Catandum;
quod mihi profecto magis verisimile videtur; vnius enim mutatione lit-
teræ ex Catando CATALDVM deduces: neque enim ut ciuis, sed ut
Rachuenfis Ecclesiæ Præsul ab vrbe RACHAV cognomen accepit: qua
ratione & Ambrosius Mediolanensis, & Eusebius Vercellensis dici in-
terdum solent: cum tamen hic genere Sardus sit, ille Romanus. Paren-
tes autem CATALDI sine controuersia Euchum, & Achlenam faciunt,
sive Athenam; vtrumque nomen Græcis litteris auspicatum, quod &
pietatis, & sapientiæ symbolum præferat: ἔρχο enim Græcè, oratio,
Ἀδύνη sapientia nuncupatur.

Fuit

Fuit autem eo tempore, Adriano videlicet Imperatore, aut paulo ante obitum Traiani, sapientissimus vir nomine Dichus; qui (vt credere par est) supra humanæ sapientiæ captum diuino spiritu euectus, dum nocte quadam supra domum CATALDI lucidissimam faciem videret, pueri mores, vitæq. seriem cognoscens, Achlenam adiit parturientem: cumq. obseratis foribus aditu prohiberetur; quasi egregia quadam dicturus, & maternos angores vicini partus felicitate consolaturus, vt sibi ingredi concederetur anxie, atque obstinate rogabat. Illa autem, quod sola domi esset, nec loco moueri ob immensos partus cruciatus posset; negant se quemquam, absente viro, in vacuas zdes admissuram. Dichus verò, cum interesse nihil arbitraretur, iatus, an foris vaticinia, promulgarentur, sic mulierem allocutus dicitur: *Bono animo esto, felicissima mater; nec dolore partus, mortis propinqua metu, atque omnium rerum indigentia DEI inclementiam arguas: paristi enim filium vera Religionis propugnatorem: nec solum parentum, ac patria decus; verum etiam totius Iberniæ ornamentum, nec non exterarum gentium sempiternum presidium.* Hæc ille cum diceret, per rimulas ostij feminam obseruabat, quasi aliquod miraculum inspecturus.

Achlenam paulo post CATALDVIVM parit; & siue diuino consilio, siue immensis partus cruciatibus, mortem obit acerbissimam; vt tanti filij vita morte matris redimeretur, atque eodem tempore puer ederetur in lucem, quo parens instruebatur ad funus. Infans igitur humi cadens, in marmoreum lapidem, qui ad domesticos vsus in cubiculo fuerat collocatus, molle, ac tenerum caput impegit. Quis credat, lapidem durissimum delicatulo infantis cecidisse capiti, atque instar liquescentis ceræ cranium sanctissimi pueri, cauato sinu, ita excepisse, vt in sese exprimeret capitis formam; ac semel expressam, in veterem duritiem commutatus, constantissimè retineret? Tunc infans, quasi iam ad pubertatis annos deuenisset, rectus assurgens, mortuæ parentis oscula deposcebat; ac matrem, vel potius exanimatæ matris, quoquo modo poterat, ita caduèr amplexabatur, vt tandem luctuoso vagitu defunctam, prorogatis funeribus, reuocaret ad vitam: atque vt alterum ex altero confirmaret miraculum, matri suæ viuenti iam, videntiq. excauatum lapidem paruo digitulo demonstraret.

Crescebat interim puer; atque adeo ad optimos mores, & sanctissimas disciplinas in dies proficiebat, vt omnes fœcunda virtutum semina, & egregias animi dotes cum ipso natas, & altas esse iudicarent. Et, ne quid ad perfectissimi hominis deesset exemplar, tantum in sacrarum litterarum assidua lectione, ac meditatione processit; vt omnes in sui admirationem raperet. Cumq. non posset ciuitas abscondi supra montem posita, vndique ex finitimis, ac remotis regionibus innumeri penè homines Lesmoriæ, vbi tunc ille studiorum causa degebat, celerrimè

conuenirent, ac praesentes experirentur, beatissimi CATALDI virtutes esse & fama, & inuidia longè maiores; quæq. potius laudatorem quærent, quàm admitterent æmulatorem.

Sed Sanctus iuuenis studio Religionis incensus, veritusq. nè inter humanas laudes iactantiz venenum tacitè serperet, decreuit beatissimæ VIRGINI Templum construere; vt ij, quos ad Fidei cultum ex idolorum superstitione, vitæ irreprehensibilis exemplo, & assiduis exhortationibus conuertebat, commodius se se in diuinis laudibus exercerent, & erga DEI Matrem maiore deuotione, ac pietate afficerentur. Vix tamen iecerat fundamentum, vix templi ambitum præsignarat; cum repente moritur adolescens quidam patri vnicus, qui vel in eæ edificatione fractus expirauerat, vt est in tepurgato Officio, quod modo in nostra Ecclesia legitur, vel, vt habent aliqui vetustissimi codices, ingrauescentis morbi fuerat vi, ac diuturnitate consumptus. Erat eo tempore vel Lethoriz, vel Catandi (breuissimum enim est inter veramque urbem spatium interiectum) Lapis ille, quem in sancti huius viri natali die diximus excautum, & celebris apud finitimos populos non modo veteris recordatione miraculi, sed quòd in dies nouorum spectaculorum materiam, & causam præbebat inampositus sub dio, quoties imbrum guttis opplebatur, sexcenta morborum genera simplicissimo pluuiaum balneo curabat. Huc igitur adolescentis mortui pater accurrit, vt, si fieri posset, filij deploratum cadauer, cœlesti illius lapidis rore conspersum, reuiuifceret, & paternos leuaret luctus. Vbi tamen ad locum peruenit, marmor vel imbrum raritate, vel frequentia hominum, quorum vnusquisque valetudini suæ in diuersis morborum generibus consulabat, aridum reperit, & exhaustum. At non propterea miseris patris constantissima spes elanguit: cogitabat enim, multo facilius CATALDVM, ex cuius merito lapis ille tantum virtutis acceperat, filio posse vitam restituere; & quod non poterat exhaustis imbrum guttis adipisci, sperabat se sancti viri precibus consecuturum. Ad beatissimum itaque luenem, qui in templi edificatione laborabat, accedit; & luctuosi cadaueris portitor factus, suam coram illo fortunam ingenti gemitu, miseriamq. deplorat. Huius lacrymas, fidemq. vbi CATALDVS animaduertit: *Non debet, inquit, filius tantarum lacrymarum acerbam mortem diutius sustinere; & parenti, tanta fide prædito, perpetuus luctus præbere materiam. foveat igitur patris senectutem reuocatus ad vitam, qui mortuus paternos humeros pia sarcina desatigauit.* His verbis surgit adolescens, & viuus patri restituitur; mirantibus, qui aderant, vniuersis, eadem pene facilitate hunc hominem mortuos reuocare ad vitam, qua dormientes quispiam exciasset.

Nec ita multo post tanti miraculi fama commotus miles, cuius etiam filius in primo ætatis flore decesserat, cadauer ad beatissimæ VIRGINIS

templum properat absque pollinctoribus importare; non ut locum designat sepulture; sed ut sancti viri precibus natum reuocet ad vitam, & suæ consulat senectuti. CATALDVS, qui tum forte in imo erat fundamento Ecclesiæ, quod fodiebatur, humanæ conditionis haud immemor, cum longas constantis viri preces, & laudum præconia, quæ passim congregabat, diutius pati non posset: *Numquid ego DEVS sum*, inquit, *qui possim mortuos ab inferis excitare*? Nec propterea pater filij salutem desperans, fœretrum propè fundamentum deponit. CATALDVS interea, vel ut militis molestiam deuitaret, vel ut suam potius humilitatem, modestiamq; conseruaret, ad intermissum opus regreditur: dumq; è fundamento terram proijcit, puluere cadauer conspergit; siue ut ostendat mortuis cadaueribus humum potius, ac tumulum, quàm vitæ munus procurandum; siue ut nouo, & inusitato miraculo, DEO sic inspirante, ad suas animam reuocet functiones. Nam, qui diu mortuus iacuerat, statim ac salutarem puluerem, quasi celestis imperij vocem sensit, eum reuocantis ad vitam, continuo assurgit, & ad carissimi patris complexum accurrit: tantaq; letitiæ vis vtriusque animum occupat, ut elinguem vtrumque crederes, ac penè mortuum: nisi rara lacrymula, incredibilis letitiæ testis, vicissim amborum oculos, ac genas irrigaret.

His miraculis quos populos CATALDVS ad Fidei veritatem conuerterit; a quot ciuitatibus seruilis Diaboli iugum deiecerit, explicari vix potest. Nullus enim in vniuersa penè Ibernia relictus est, qui veræ religionis cultum non addisceret. Atque hinc sanè conijci facili negotio potest, quàm lethale odium humanæ salutis hostis in sanctissimum iuuenem conceperit, & quot insidiarum laqueis eum iretore tentauerit; ut vel eum è medio tolleret, vel saltem a prædicatione diuini verbi detereretur: quod quidem ex eo, quod sequitur, liquidò patebit. Miles enim rediit, adolescentis pater; cum tantam animi letitiam secum tacitus cohibere non posset, Regem adit; filium a mortali somno excitatum demonstrat: explicat miraculi rationem, & populorum frequentiam, qui vndique Lesmoriæ ad tanta spectacula conuenirent. Tunc Rex magicis artibus ascribens, quod diuina virtute factum fuerat; & veritus, ne CATALDVS tot populorum beneuolentia fretus, ad regni fastigium aspiraret, Lesmoriæ nauigio contendit, ut sanctum virum ex Insula profugum in alienas terras eiecit, ac deturbeat. Eo igitur cum peruenisset, contineri nullo modo potuit, quin protinus sanctissimum virum catenis arctissimis vincendum iuberet, & in tenebrosos, & carcerem coniendum.

Dominus autem, qui rerum humanarum fatagit, cum Regis tyrannidem, atque impiam sententiam ferre non posset, duos Angelos allegauit; qui intempesta nocte Regem adcentes, diuini imperij decre-

tum exponerent. Horum alter striſto gladio, igneis oculis, ac ſeuero vulſu acerbiffimam Regi mortem intentat: alter humanitatem, ac ſingulari erga regiam ſalutem ſtudio praeſeferens, homini familiariter ſuadet; vt CATALDV̄M vinculis ſoluat, ac Ducis Meltridis, qui Regis animum contra innocentiffimum virum ſaepe numero concitarat, conſtituat ſucceſſorem. Excitatus Rex Senatum acciri iubet, & reſt- quos Principes ciuitatis; vt quid in hac re faciendum eſſet, decerneretur. ijs igitur Rex dum ea, quae per quietem viderat, enarraret; ecce tibi nuncius, qui Ducis Meltridis mortem exponit, ac totius Prouinciae cupiditatem a Rege ſucceſſorem expoſcentis. Tunc Rex aliquandiu tacitus ſomnij veritatem conſiderans, mox, *Quid, inquit, conſilio opus eſt? quid ad vos, Senatores, referri oportet, quod manifeſtius eſt, quam vt per veſtra ſuffragia decernatur? Iam ſomniorum praſtigijs non illudimur; ſed diuina voluntatis rationem agnoſcimus, cui contradicere ſumma dementia eſt.* Hæc cum dixiſſet, CATALDV̄M adduci iubet; veniam ab eo cum lacrymis petit: atque illum, quamuis obſtinatè re- nuentem, Meltridis Ducem in demortui locum designat. CATALDV̄S tum Diaconus, cum DE I miniſterium cum Regijs inſignibus commu- rare nolle, in Episcopum eligitur. Quod non modo Rex libentiſſimo animo approbavit, ſed etiam Ducatum Meltridis in perpetuum Eccle- ſiae conceſſit: quem duodecim Episcopis. CATALDV̄S diſtribuens, Episcopalem ſuam ſedem in Archiepiſcopalem euexit.

Aliquot poſt annis cum vigilantiffimns Paſtor, forma gregis factus, vniuerſam prouinciã ſalutaribus praeceptis informaret, & Rachuenſi eccleſiae aliquandiu praeuiſſet, Hieroſolymam, vt CHRISTI domini ſepulcrum veneraretur, ire conſtituit. Accerſitis igitur duodecim Epi- ſcopis, ſui propoſiti rationem exponit; & Dominicas oues, quas relin- quebat, ijs commendat: ſalutatisq. omnibus, illico nauim ſine vllò comitatu, aut ſatellitibus, peregrini habitu conſcendit. quem qui vi- deret, non iam tot ciuitatum Dominum, non tot eccleſiarum Rectorem, ac parentem agnoſceret; niſi eum oris maietas, vultuſq. praeſtantia, proderet, quæ maius neſcio quid in CATALDO, quam in reliquis praeſeferret. Multis igitur periculis, ac laboribus perſeuerans, poſt longiſſimam nauigationem Hieroſolymam venit. Cumq. ſanctiſſimum CHRISTI Sepulcrum praeſens adoraret, atque alia perluftraſſet loca, quæ Dominus, dum inter mortales viueret, varijs miraculorum inſi- gnibus decoraret, tanto ſolitudinis amore incenſus eſt, vt nullo pacto in patriam cogitaret reuerti; ſed contra aſſiduus precibus, ac lacrymis a DEO peteret, vt in illis feliciffimis ſyluarum ſeceſſibus reliquam ducere vitam ſibi concederetur: id enim in primis exoptabat, vt paſtoralis of- ficij munus, & animarum curam, ſarcinam ſcilicet etiam Angelicis hu- meris formidandam, deponeret, ab hominum conſuetudine remoueri ſeſe,

fese, & in ijs locis mori, quæ Dominus quadraginta dierum ieiunio consecrasset; aut saltem inter homines, vbi aliqua Domini vestigia reperisset.

Verum DEVS, cuius iudicia ab humanis consilijs longissimè distant, CATALDO, cum matutinas preces ante ortum Solis recitaret, in manifesta luce visus præcepit, vt TARENTVM, vbi PETRVS Apostolus, & MARCVS eius discipulis Fidei primum fundamenta iecerant, rectè contenderet. Tunc CATALDVVS, qui se totum diuinæ voluntatis nutui manciparat, nulla interposita mora, nauim conscendit. Cumq; haud procul a portu in altum esset prouectus, futuram tempestatem prædixit: mox præter omnium opinionem exortam oratione sedauit; & luuenem quendam, qui malum conscenderat, vt abruptum funem annexeret, & inde decedens confractus expirauerat, reuocauit ad vitam.

Sunt qui credant, sancti CATALDI comites, cum à Palestina in Italiam contenderet, fuisse EUPREPIVM, qui postea LEVTIVS dictus est, & consecratus Archiepiscopus Brundisinus; & BARSANOPHRIVM Eremitam, cuius reliquias Vritani deuotissimè tuentur, & venerantur. Alij verò existimant, CATALDVVM, prius quàm TARENTVM accederet, in Iapygiam deuenisse cum DONATEO: quem primum Episcopum Lupiensem faciunt, & Sancti CATALDI fratrem; atque simul aliquandiu solitariam vitam vixisse iuxta oppidulum, quod postea à Sancti nomine nomen accepit. Hæc autem in Tarentinæ ecclesiæ monumentis nusquam legi. Vidi tamen prope Lupias in littore vetustissimam arcem CATALDI nomine appellatam; in qua & ecclesia cernitur, & exiguum antrum ad cryptæ modum excavatum: in quo Sanctum orasse, & Missæ sacrificium perfecisse Lupienses indubitatè contendunt.

Id certè ex nostris codicibus satis constat, CATALDVVM, cum prope Tarentum appulisset, ac per agros Fellini transiret, in feminam quandam incidisse; quæ aurum, & linguæ munere destituta, patrum, & exiguum gregem sola pascebat. erat autem Fellinum oppidum prope Manduriam, cuius adhuc in vertice collis aliquot vestigia conspiciuntur. Ex quo facilè conijci potest, CATALDVVM in proximo littore a nautis fuisse expositum iuxta flumen, quod indigenæ, S. PETRI de Bibagna, patrio sermone appellant. Vetustissima enim traditione habetur, eundem PETRVM, cum Antiochia Romam nauigaret, illuc appulisse; & in quodam veteri sacello, quod adhuc existat, Missæ sacrificium celebrasse. A femina igitur cum Sanctus quæreret, quo itinere TARENTVM iretur; ipsa verò, quasi aliud agens, nihil penitus responderet; intellexit vir DËI, ab infelici muliere non voluntatis peruiacacia, sed naturæ vitio tam constans silentium seruari. quare diuina beneuolentia, ac potestate fretus, mutæ loquelam, auditumq; restituit. Cum autem propinqua iam nocte CATALDVVS vltius progredi non posset;

non

non ingrata mulier, temporis occasionem arripiebat, cum ad domesticos lares deducit. Cumq. ingressa Pellinum passim miracula promulgaret, oppidanorum animos tanta admiratione affecit; ut mox & Christi fidem libentissimè susceperent, & sanctissimum hospitem; a quo fuerant viam salutis; & veritatis edocui, beneuolentissime tractarent; ac per aliquot dies ad maiorem susceptæ fidei informationem derinerent.

Cæterum CATALDVS, præceptum Domini non oblitus, TARENTVM, quò mittebatur, contendit: cumq. portam ciuitatis, quæ ad Orientem spectat, ingrederetur, cæcum hominem in ipsò limine offendit; ut ab vnius hominis calamitate, cæterorum ciuium, qui maiore mentis cæcitate tenebantur, præsagium caperet. Cum igitur cæcum de oppidanorum religione interrogasset, ab eo didicit, maiores quidem suos eius loci incolæ ante annos plus minus centum à PETRO quodam, eiusq. discipulo MARCO fidei Christianæ Sacramentis imbutos; tunc autem perpatitos ibi esse, qui eam religionem profiterentur. Cumq. cognouisset Præsul, ne cæcum quidem veræ religionis esse sectatorem, cupidum tamen aliquo modo salutis: Tu, inquit, si verè credideris in sanctam Trinitatem, atque in eius nomine baptizatus fueris; recipies illico corporis, & animæ claritatem. Cui cæcus: Credo, domine: non enim cordis duritia, aut mentis perniciacia factum est, ut ipse ad hoc usque tempus idolorum cultor essem; sed sacerdotum, & præceptorum inopia: iam diu est enim, ex quo in istæ vrbis nostræ solum desiderat Antistitem, & pastorem. Hæc cum CATALDVS audisset, cæcum baptizauit; dupliciq. lumine & mentem, & corpus illustrauit.

Ille autem vix credens felicitati suæ, cum aliquandiu stupenti similis cæli ambitum, vtriusque maris sinus, & diuersarum rerum species, & pulchritudinem esset admiratus (fuerat enim a natiuitate cæcus) ut accepti tandem beneficii conscios faceret ciues suos, & animi lætitiā, quam cohibere non poterat, quo modo posset, effunderet, urbem ingreditur; atque obuios quosque & ad miraculi nouitatem spectandam, & ad suscipiendum veræ fidei sacramentum inuitans: Venite, inquit, & videte hominem, qui sacro baptismo lumen mihi reddidit oculorum. Ad hæc spectacula vniuersus populus excitatur: & cæcum oculatissimum secuti, nobilem Christianæ fidei præconem, vrbis mœnia, & ciuium mores tacitè considerantem inueniunt. ab illo itaque, quædam adhuc veritatis semina retinentes, cum veræ religionis mysteria didicissent, lustralibus vndis abluti, & præteritæ vitæ crimina detestati in cælestem miliciam conscribuntur. Fuit autem cum CATALDVS Tarentum ingressus est, annus a partu Virginis septuagesimus circiter supra centesimum; cum Ecclesiam DEI regeret ANICETVS Syrus, & ANTONI-NVS Philosophus Romæ imperaret.

Nec tantorum operum fama diutius latere potuit; quin protinus oppidanos

pidanos omnes ad nouarum rerum spectacula provocaret; & Metropolitanae urbis exempla proponens, ab idolorum cultibus omnes circumquaque deterreret, & hortaretur ad fidem. Breuissimo itaque temporis intervallo vigil Antistes tantum in Euangelica praedicatione profecit; vt nullus in tota Diocesi superesset, qui ad Christianas virtutes felicissimo non prouideretur incessu. Constitutus enim totius Senatus, & populi consensu Tarentinae Ecclesiae Praesul, sic mores hominum composuit, sic urbis faciem immutauit; vt vbi fuerat scelerum omnium, & vitiorum emporium, illic fieret perfectissimarum virtutum seminarium: vbi luxuriae blandimenta, & superbi conuiuiorum vigeant apparatus, illic castimoniae pudor, & sobrietatis studium eluceret: vbi demum publica templa prophantis Daemonum cultibus patebant, illic frequens populus verae fidei mysteria, & Christianae religionis solennia celebraret. Quis enim cum Sanctissimos **CATALDI** mores inspiceres, vitae rationem non immutaret? Habebant scilicet ciues pastorem, ad cuius exemplum suos mores exprimerent; habebant hominem, qui tantam vitam sanctitatem praeferebat; vt quos assidue cohortationibus, atque admonitionibus, nec non admirabili verborum suauitate a vitijs cohibere non poterat, hos & exemplo tacite corrigeret, & muta facundia morum emendaret.

Hac igitur integritate morum cum multos annos Tarentinae Ecclesiae praefuisset, multosque iam posset relinquere sui sacerdotis successores, morti proximus vaticinium quoddam composuit: quod & ego vidi Neapoli apud Adrianum Gulielmum Sparaphorum, virum apprime eruditum, & rerum antiquarum cupidissimum, cum illic studiorum causa commoraretur: & Frater quidam, Romae cum esset, idem reperit in Bibliotheca Arzæli apud Petrum Galatinum lib. 8. cap. 1. *de ecclesia destituta*, & ad me misit, vt huic historiae totidem verbis infereretur. Sic itaque habet Galatinus. *De hac igitur totius Ecclesiae deformatione in vetustissima Sancti CATALDI Prophetia multa praedicta fuisse leguntur; quae in libro plumbeo scripta, & intra columnam inclusa, vt ego vidi, Tarenti inuenta est anno Domini millesimo quadringentesimo nonagesimo secundo; in qua desoris scriptum erat: Praesentetur Regi, & ipse solus cum vno sibi fideli aperiat, & legat. Prophetia autem ipsa haec est.*

Tu ex Hesperia venisti, unde pestis bis mortifera ob infidelitatem, & monstra quaedam, inter quae tui commorabuntur. Damna tamen recompensabunt duo potentes coniuges regnantes. *Va tibi Christiana religio: incredulos, & hypocritas apertos, & occultos habebis sponsa CHRISTI; quoniam sponsus sponsa irascetur. Capita eorum insensata erunt; & oculi eorum tenebuntur, ne videant. sensualitas, ambitio, auaritia, & cupiditas regnandi praeualebunt. Sed dicent: Beati*

pauciora

pauciora possidentes. Orientur praelia: Insurgent Pharisei contra Samaritanos; & erunt ingentes Christianorum strages: quoniam nota erunt nimis opprobria eorum super terram. Tu morte tua, quæ citò aderit, liberaberis, ne videas tuorum ruinas: prævidebis tamen, & sollicitus viues: præ dolore, ira, & timore repente morieris; ex duabus regni successionibus, una ex te deserta, altera ex aliorum nobiliori, & potentiori successionem erit. Regnum olim tuum inuadent; & ut leones, cum magno apparatu depopulabuntur: ante eos labentur homines, & mœnia cadent. Vincent in albis: rubri, & nigri cessabunt colores. Inferi ad superos, superi ad inferos descendent, & mirabitur mundus reuolutiones cum cælo. Nec præsens dies erit præterito similis. Nulla fides: similitudines, fictiones, machinationes, defectiones, plangens, lamentationes, mendacium, rapinæ undique regnabunt.

Dies aderunt tribulationis, in quibus altiora anhelantes, in profundum cadent: & dissoluentur fœdera, & gaudentiores tristabuntur. Occidens commouebitur, & occidet: Oriens obscurabitur, & timebit valde, sallet homines leue principium & horrendus finis: ex modica flamma ingentes ignes, ex arido somento nutriti, longiores erunt. Fœderibus, & armis perturbabitur Mundi nobilior pars; & de summis principatibus contendetur, & erit multorum destructio; quoniam iratus est DEVS. ante faciem eius percussent se priores, & de regno in regnum commouebuntur. Et terra, uti mare, a ventis fluctuabit: summergentur multi; & multi quærentes portum, non inuenient; quoniam a recto itinere deuiauerunt.

Inueniet quendam tuus fune vexatum, cuius aucupio, & occulto consilio deponet sua, & omnia donabit, dirigens quæcunque in meliorem viam: Et regnabit ex hoc usque in nonam generationem. Serpentes multi venena effundent; sed deficiet ex illis caput; & dulciora efficiuntur venena ex percussionibus. Potentes ex aduersitatibus minores coram DEO in facies cadent, & humiliabuntur. Et bonorum supplicationibus placabitur Omnipotens; & Orientalis rabies magno apparatu petetur. Bonum ex malo nascetur ingens; quoniam apparebit Angelus cum gladio, & magna minabitur. Insurgent multi, & potentissimi; & renouabitur Mundus. Erit homo super mensam plumbeam comedens in una de quattuor ciuitatibus, qui omnibus istis remedium afferet. Hactenus Prophetia.

His igitur peractis, cum felicissimum, diuq. exoptatum obitus sui diem CATALDVVS immirere animadverteiet, Sacerdotes suos, ac Principes ciuitatis acciri iubet; atque ijs vidui gregis curam quasi testamento delegans, onnes, quotquot aderant, his verbis ad Fidei constantiam adhortatur.

Scitis, fratres dilectissimi, me non sponte mea ad hanc orbem ab extremis Occidentalis Oceani finibus appulisse: sed cum Hierosolymis essem, dignatus est me Dominus IESVS CHRISTVS alloqui: & mihi diuersam vitam rationem, qua mihi pro mea salute videbatur tutior, meditantipraecipit; ut TARENTVM, ubi PETRVS Apostolorum princeps, atque eius discipulus, & interpres MARCVS Fidei fundamenta iecerant, protinus me conferrem. Feci libentissimè, quod iussit; atque oblitus patriae, & Raebuensis Ecclesiae: in qua bene noram, filios meos perpetuo paterni reditus desiderio cruciari, & longissimas moras iniquiore animo pati, ad vos accessi. CHRISTI fidem praepemodum hic extinctam, Domino cooperante, restitui: nec cessavi cum lacrymis, & orationibus faciles Tarentinorum animos confirmare, & ad Christiana vita perfectionem, abdicatis vitiorum illecebris, inflammare. Sed nunc futurum certò scio, ut post obitum meum immanes in vos, atque infestissimi hostes insurgant: qui haereticis cauillationibus Ecclesia catholica membra discerpere conantes, gregem meum in Domini caulam tanto labore coactum, in pristinos errores tentabunt adducere. Contra hos igitur vos fidei vestrae, & Christianae religionis propugnatores effecti, plebis animos vestra constantia confirmate, memores laborum, & vigiliarum mearum. Corpus hoc communi omnium parenti, ex qua formatum est, reddite, & in maiori ecclesia intra sacellum Sancti IOANNIS in Galilea Orientem versus Christiano more sepelite, futura illud resurrectioni asservantes.

Hac cum dixisset, sumptis, quae decedentibus conferri solent, sacramentis, beatissima illa anima, suae immortalitati assera, euolauit in caelum, deductoq. ad Ecclesiam corpore, vndique magnus concursus factus est populi, praesertim languidorum: qui sacratissima membra, quae templum SPERITVS Sancti fuerant, fidei deuotione tangentes, ab omnibus morborum generibus curabantur. Celebratis denique sacrorum funerum vigilijs, quae potius Angelorum excubiae, quam mortuorum exequiae videri poterant, eo ipso loco, quem ipse moriens praesignarat, corpus eius honorificè conditum est; constructo in super miri operis marmoreo sepulcro, quod ad hanc vsque diem in Sacratio maioris ecclesiae deuotissimè asservatur; in quo & sacellum conspicitur, Clementis VIII. iussu, & auctoritate constructum.


Cum verò DROGONVS Archiepiscopus Tarentinus Cathedralē ecclesiam vetustate cellabentem, ut nouam erigeret, diruisset; opifex fundamentum effodiens, attigit sepulcrum marmoreum; vnde mira,

odori fragrantia emanabat. quod cum is Archiepiscopo denunciaffet; Præsul cum clero, & populo ad locum properat; sumptoque ligone, Sepulcrum aperit; ex quo, qui aderant, suauissimo omnes perfunduntur odore; & sacras, cernunt reliquias rubicundiores ebore antiquo; auream crucem, in qua Sancti Præsulis nomen erat descriptum, inueniunt. Itaque indicitur processio; luminaria deferuntur; & diuersi generis concremantur aromata: sed fragrantia ex reliquijs prodicens superabat omnia. Pontifex igitur sacras reliquias collegit; & sepulcrum marmoreum inde amotum decenti in loco sub maiori ecclesiæ altari collocandum curauit; ubi reuerenter sanctissimi viri ossa recondidit. Adnolat interea huius inuentionis fama; & cateruatim illuc multitudines languentium, accurrente, antiqua miracula renouantur.

Deinde anno salutis millesimo centesimo quinquagesimo, EVGENIO Tertio summo Pontifice, & ROGERIO Siciliæ Rege, GIRALDVS Archiepiscopus Tarentinus, cum honorificentius Sancti CATALDI reliquias asseruari cuperet, arcam argenteam, ubi conderentur, Saluatoris, sanctorum Angelorum, ac duodecim Apostolorum imaginibus insignitam (in qua ex ligno Crucis particulam auro testam, gemmisque ornatam posuit) elaborandam curauit. Indicto itaque antea ieiunio, ad sextum idus Maij, qui fuit Translationis dies, Giralduſ Archiepiscopus cum Coepiscopis suffraganeis, vniuersoque Clero, ac Populo ad Ecclesiam veniens, sepulcrum sub altari maiori aperit. & sanctum corpus extrahens in theca argentea cum hymnis, & canticis spiritualibus, tota personæ Ecclesiæ, recondidit. Vbi plurima miracula Deus per Sanctum suum eo tempore operatus est. Nam cæcis visum, surdis auditum, mutis loquelam, paralyticis, leprosis, & quouis alio morbi genere laborantibus, sanitatem restituit; obsessos à Dæmone liberauit; opem in mari periclitantibus & in periculo vitæ constitutis, alijsque in necessitatibus præstitit, & in dies secundum credentium fidem præstat.

Post hæc cum populus Tarentinus maiore deuotione in dies erga Sanctum afficeretur, & maiora in dies beneficia eius patrocínio, & intercessione à Domino consequeretur; argenteam statuam ductilem, mitra, & Pontificijs vestibus, ac pastoralis baculo insignitam, quæ iustam hominis mensuram impleret, miro artificio, nec paruo impendio elaborauit; in cuius capite cranium Sancti CATALDI inclusum asseruatur; exterius etiam reliquijs insigniores argenteæ sunt: Inter quas sancta illa lingua, quæ toties diuinas laudes expressit, quæque verbum vitæ fidelibus, & infidelibus prædicauit, integra, subrubensque quasi recens ab eius ore esset extracta, intra crystallum magna omnium admiratione, & deuotione colitur. Ante pectus statua pendet Crux illa aurea, quam in eius sepulchro inuentam fuisse diximus; in qua hæc litteræ cernuntur insculptæ: CATALDVS RACHAV.

Anno demum salutis millesimo sexcentesimo IOANNES de Castro, nobilissimus Hispanus Archiepiscopus Tarentinus alteram crucem addidit longè maiorem, auro compactam, & plurimis smaragdīs circumquaque distinctam; tantoq. artificio elaboratam, vt materiam opus superet, & ars natura ditior, ac formosior esse videatur.



DE INVENTIONE LIBRI, seu Prophetiæ Sancti CATALDI, prout habetur in codicibus Ecclesiæ Tarentinæ.



LE octauo Aprilis decimæ indictionis Tarenti, anno millesimo quingentesimo nonagesimo secundo, Pontificatus Sanctissimi in Christo Patris, & Domini Innocentij diuina providentia Papæ VIII. anno octauo, qui fuit dies Dominiæ Passionis, regnante Ferdinando, apparuit Sanctus CATALDVS Diacono cuidam Raphaeli Cuceræ Tarentino, dum in Choro maioris Ecclesiæ preces funderet ad tertiam noctis horam. Cumq. esset Diaconus nimio terrore correptus, sic eum Sanctus dicitur allocutus. Sæpè dixi tibi, vt Ecclesiam adires, quæ orientem, versus extra muros Urbis sita est, & PETRI Apostoli nomini dedicata, & illuc accedere noluisti. Vade igitur nunc ad Archiepiscopum, eiq. meis verbis iniungas, vt congregato Capitulo, & Clero, & Populo Ciuitatis, ad illam Ecclesiam solemnī processione contendat: reperiet enim in quadam columna puerum depictū dextræ manūs digito locum indicantem, quem effodiens, vaticinium reperiet, quod ego adhuc viuens, Domino reuelante, composui. In eo loco crucem condidi plumbeam, quibusdam litteris insculptis, & librum etiam plumbeum laminis plumbeis circumtectū, & obseratum; in quarum fronte litteras apposui, quæ docent, quid sit circa volumen illud obseruandum. Quod si Rex cui liber illico mittendus est, obseruare noluerit, quæ in eo præcepta reperiet, in multas incidet ærumnas, & ipse Regnum fame, peste, & infidelium incursione vexabitur; & prædicta si non credet, accedas tu ipse Raphael, eiq. aperiās omnia, quæ vidisti. his dictis euauit ab oculis eius.

Hæc ferè omnia Alexander ab Alexandro lib. 3. cap. 15. dierum generalium commemorat, cuius verba, ne quid in hoc opere desideretur,

M apposui.

apposui. Cum, florente fortuna Ferdinandi Primi Regis Aragonij Vrbi Neapolitana, & Regnum nullis adhuc belli calamitatibus premeretur, satis constat, CATALDV M virum sanctum, qui ab hinc annis mille Pontifex Vrbi Tarentina præsuit, quemq. Patronum Tarentini ciues venerantur, & colunt, nocte intempesta, ministro sacrarum culpiam tunc sacris initiato, & in casta religione educato semel, atque iterum in somnis apparuisse, ac monuisse, ut libellum à se conscriptum, quem in abdito loco viuens abdidit, in quo diuina arcana scripta erant, effodere, & protinus ad Regem deferri curaret; qui, cum parum fidei somnio dedisset, eadem sibi per quietem saepius obuersata specie, cum primo diluculo solus moraretur in templo, ipsum CATALDV M, qualis erat olim, dum in vita ageret, Pontificia veste, & insula amictum, videm ministro, plane vigilantia apparuisse, & præcepisse, ut postera luce, cum primum posset, libellum à se conscriptum in abdito loco, quem in somnis prädixerat, conditum, effodere, & Regi deferre ne cunctaretur; pœnam, ni fieret, grauius comminatus. Postera luce solenni pompa ministrum cum Populi comitatu ad latebram, in qua longissimo aeo libellus latuerat, processisse; eumq. plumbeis tabellis obfignatum, & clauis obferatum inuenisse, satis constat. In eo certum est futurum Regni excidium, miseria, calamitates, & lucifusa tempora, atque instantia mala, qua postea secuta sunt, Regi prädixisse. Id quod experimento docti, magna mercede persolutum vidimus.



MIRACVLA SANCTI CATALDI

Ex vetustissimis exemplaribus fidelissimè desumpta, stylo modicè immutato.



VLIER quzdam arida brachia, quorum vsu, & beneficio diu caruerat, ad sancti Præstulis sepulcrum fida animi sinceritate demittens, opportunum sentit auxilium: quidquid enim diuturnis membrorum languor abstulerat, præsens CATALDI meritum diuina virtute suffultum, ad pristinam reuocauit virium integritatem.

BENEVENTANVS, saeuiente paralyti, toto corpore dissolutus,

miraculorum fama commotus, pio mentis affectu Confessoris Ecclesiam visitavit; & sepulcro eius innixus, dum lacrymis, & orationibus constantissimè insisteret, & deuotissimè exerceretur, totius corporis valetudinem est consecutus. Et ut miraculi magnitudo alio prodigio promulgaretur, & præstiti beneficii non ignorata veritas reliquos infirmos ad spem valetudinis excitaret, campanæ omnes Angelicis manibus pulsari cæperunt; & Ecclesiæ fores vetæ firmissimo obseratæ (id enim nocte intempesta contigit) vltro apertæ sunt: quasi fidelem Populum ad tanta spectacula conuocarent.

3 MULIER iam diù linguæ, & aurium officio destituta, ad sancti tumulum venit: ibiq. totâ nocte agens excubias, orationibus indefinenter intēta; & diuinas laudes, quæ nocturnis horis in Ecclesia decantabantur, audire meruit, & passim accepti beneficii historiam enarrare.

4 ADOLESCENS pariter membrorum vsu priuatus, & omnibus corporis viribus destitutus, a parentibus ad sancti tumulum deductus est: cum ibi multa hominum millia tunc adessent, qui ad anniuersariam sacræ Inuentionis solemnitatem conuenerant: eodem die viri Dei meritis, & religiosa fide parentum integram valetudinem impetrans, Populorum auxit lætitiâ, sancti festiuitatem celebriorem reddidit, & Domini, a quo bona cuncta procedunt, honores cumulauit.

5 LYCIANA mulier paupercula, languens morbo phrenetico, sancti sepulcro dum fixit oscula, pristinæ mentis integritati restituta, nomen Domini glorificauit: & quod munus mentis inops petere non poterat, mentis compos effecta, larga gratiarum actione aliqua ex parte compensauit.

6 EADEM nocte Massafrensis quidam, cum haberet filium triennij ætate oppressum, quem secum duxerat, ut ambo sacris solemnibus deuotissimè interessent: puerum propè sepulcrum deposuit, & sancti suffragia pro salute filij, profusus lacrymis deposcebat: Nec multò post, & ipse miræ suauitatis odorem sentit, & filius lumen recipit oculorum; qui, cum per Ecclesiam incredibili lætitiâ exuberante, transcurreret, Giraldus, qui tunc aderat, & Clerus hymnis spiritualibus, & Dei laudes, & sancti merita cæperunt studiosius decantare.

7 IPSO verò Translationis die Tarentinus vir nomine Stephanus coriorum concinnator, cuius corpus insanabilis struma sic repleuerat vniuersum, ut omni ex parte quasi quibusdam glandulis caro intumesceret, & turpiter ebulliret; veniens ad Ecclesiam, & ad sancti sepulcrum procumbens, vix primis solutis precibus integram consequitur sanitatem. Huius tamen ingratus animus, & accepto beneficio minimè dignus, voluit silentio tegere donum DEI. Nam priorem ægritudinem simulans, pallio circumtectus, domum tacitè reuertebatur.

Cum verò ad limen Ecclesiæ peruenisset, occulta vi detentus, non modo ulterius progredi non potuit, sed intra templi ambitum reiectus penè cecidit consternatus: Nec tamen facti pœnitens eum iterum, ac tertio exitum obstinato animo pertentasset, & semper acrius, ac vehementius diuinæ potentix experiretur occursum; tandem nefarium scelus agnoscens, coram omnibus quidquid factum fuerat promulgauit; & qui vnum voluit occultare miraculum, duo postmodum patefecit. *Sacramentum etenim regis abscondere bonum est: opera autem Dei reuelare, & confiteri honorificum est.*

- 8 SANCTIMONIALIS Motulensis, cuius soror duodeuiginti annos grauissima paralyfi laborabat, confessoris Ecclesiam, & reliquias visitauit: Cumq. præfens multa, quæ iam sanctus miracula fecerat, reuerenter audiret, miseram se vocabat, quod ægram sororem ad sancti CATALDI reliquias non adduxisset: Itaque Motulas reuerfa, quæ didicerat, languidæ fideliter enarrauit; ab eaq. facile obtinuit, ut etiã ipsa ad sanctum cuperet velocissimè deduci. Ambæ igitur Tarentum venientes, & humi prostrate ante Præfulis sepulcrum, tam citò diuini beneficii signa senserunt, ut munus vota præcurreret; & velocius diuinæ largitatis gratia ad ægram descenderet, quàm illius preces ad cælestia peruenirent.
- 9 ALTERA Monialis ex oppido sancti Petri de monte Ioy exterarum sororum deuotione coacta, inuita interfuit solemnij confessoris; non quod eius animus, aut infidelitate torpesceret, aut impietate sciret: sed quod malus dæmon miseræ corpus acerbissimè inuaserat, & infandis modis exagitans diris cruciatibus contorquebat, & sacrarum matrum collegium assiduè diuexabat angustijs. Cum igitur Moniales Ecclesiam ingressæ, DEVM ac sanctum Antistitem pro sorore energumena precarentur, illa DEVM, & CATALDVm asperis, & sædis conuicijs impetebat. sed victa est tandem clementia Saluatoris precibus supplicantium; & Dæmonem, cuius fuerat blasphemij irritatus, ad gehennæ incendia deturbans, arreptitiã integre valetudini restitutam, Monialium collegio feliciter copulauit.
- 10 GALLIPOLITANA etiã monialis triennij cæcitate percussa, cum nauigium sancti CATALDI Ecclesiam visitatura, conscendisset, diuinæ potestatis collyrio, visum recepit. Nec tamen post acceptum beneficium negligens effecta est, aut ingrata; sed promptius, & alacrius propositam nauigationem absoluerè destinauit; ut dignas, cui debebat, gratiarum redderet actiones. Cum igitur Tarentum appulisset, contineri non poterat, quin oculos præmonstrans, & miracula passim recensens, extolleret, & sancti merita, & diuinæ clementiæ bonitatem.
- 11 QUIDAM è Bullito, cum filiam haberet, duodecim annos natam,

pedibus,

pedibus, & eruribus arfactam; tantis miraculis, quorum vbique celebris iam fama percerebuerat, excitatus, eam ad Ecclesiam Confessoris adduxit. Cumq. quatuor integros dies apud DEVM, & Sanctum precibus, & lacrymis pro salute filiae constantissimè supplicasset, impos tandem voti, cum animum desponderet, nec vnquam diuinam clementiam sibi affaturam speraret; domum regredi instituit. Iam filiam ante limen Ecclesiae deposuerat, iam strauerat Asellum: dum autem vellet ægram super clittellas componere, illam eo loco, vbi reliquerat, non inuenit; & maiore ira incensus, quod illudum se crederet, in templum rursus ingreditur; obuios quosque, an filiam viderint percontatur: cumq. ferè totam Ecclesiam perlustrasset, reperit tandem illam incolumem, genibus flexis ante Crucem Domini deuotissimè orantem. In quo mirari licet diuinæ sapientiae bonitatem: fecit enim, vt desideria dilata crederent, & crescentia tandem caperent, quod volebant. Nec obsistit filiz Pater si non incredulus, at certè impatiens; quando pro se fortassè constantius filia precabatur.

12. MONIALIS altera Alexanensis surda ambabus auribus ex quodam morbo ita relicta est; vt non solum astantium voces, sed ne ipsa quidem tonitrua posset audire. Soror igitur eius diuinitus inspirata, illam ad Ecclesiam confessoris adduxit, eiq. & tumulum, & imaginem sancti Præsulis ostendebat: Cælumq. suspiciens, & aures infirmæ pertractans, quoquo modo poterat, surdæ innuebat, vt sancti subsidium, & fidem imploraret. sentit tandem ægra, quæ a sorore significabantur; & clamore incompósito, vt surdi solent, CATALDVM incipit deprecari. Beatus autem confessor, & primas voces supplicantis audiuit, & pristinam ægrore restituit sanitatem, & circumstantem Populum ad diuinas laudes alacrius celebrandas excitauit.

13. VIR Vrsus nomine Pellicorio oriundus, iustus sanè, ac diues dimidium sui corporis perdiderat, graui, & diuturna ægritudine oppressus. Itaque miraculorum fama commotus, quod etiam multos, quos ipse languidus nouerat, a morbo optimè conualuisse prospiceret, se ad Ecclesiam confessoris adduci iussit: quam ingressus solo prostratus, & lacrymosis gemitibus sancti clementiam sollicitans, præsens aliquod remedium deploratæ infirmitatis deposcebat. Noctè igitur adueniente, cum in eadem Ecclesia post longas vigilias, & orationes, ita vt erat humi prostratus, obdormisset; vidit Reginam vultus splendore conspicuam, & totius corporis maiestate mirabilem, vno tantum præcedente ministro, per Ecclesiam incedentem: quæ veniens ad infirmum ministro mandauit, vt illius pedes loco dimoueret, quò stramenta substerneret dormienti; ita tamen leuiter, vt æger nullum ex motu sentiret incommodum. Minister verò dum Dominæ exequeretur imperium, æger aliquantulum acclamauit. tunc

Regina : *Durius*, inquit, *quàm debueras, agri pedes mouisti*. cui ille, humiliter sic respondit : *Nullum propterea damnum contraxit*. Excitatus eodem temporis momento infirmus, incolumem se penitus animaduertit : & narrans, quæ viderat, faciliè omnibus persuasit, vt crederent, Reginam illam Dei matrem fuisse, quæ ægo contulerit sanitatem, CATALDO tanti operis socio, ac ministro.

14. PVELLA Brundusina tanto dolore capitis vexabatur, vt non multo post, morbo iam ingrauescente, oculorum acie priuaretur; parentes autem, cum essent diuites, grandi pecunia medicorum opem, & industriam redimentes sexcenta penè collyria quotidie infirmis oculis adhibebant; sed frustra: Dominus enim est, qui creat lucem, ac tenebras. Illi itaque salutem filix desperantes, quod a medicis obtinere non poterant, ad pietatem, & Religionem conuersi a sanctorum meritis deposebant. Cumq. CATALDI miracula vbique terrarum, & maxime per finitimas Vrbes eo tempore diulgarentur; constituunt filiam ad Ecclesiam confessoris adducere: & ne vacui in conspectu Domini apparerent, argenteos oculos elaborandos curant, quos ex voto propè tumulum confessoris appendant. Cumq. dies profectiois instaret; primò manè clamare capit puella: *Ei angite parentes; arripiamus iter, quod decreuimus; iam enim Aurora est; iam dies expectatissimus illuxit*. quod cum illi audirent: *Te miseram*, respondebant, *quid tibi cum sole, quæ noctis, & lucis discrimina non agnoscis? casa de Aurora aduentu loqueris, & diel nunciam orbata lumine proficeris?* filia verò magis clamabat. *Diem video, ac possum solis radios, qui per fenestra rimulas penetrant, constantissime sustinere*. His vobis ad spem meliorem excitati parentes, ad filix lectum recurrunt, eamq. incolumem deprehendunt, deterfis ex vtraque pupilla tenebris cæcigatis. Discedunt itaque hilares Brundusio; & Tarentum venientes, gratias Domino referunt, & CATALDO, cuius meritis se tantum beneficium consequutos esse credebant; atque argenteos oculos, & tabellam, in qua facti seriem conscripserunt, propè imaginem confessoris apponunt.

15. FÆMINÆ Basilienfis insanabilis morbus, ita humerum fauciaeuerat; vt aridum etiam ex illa ægritudine brachium redderetur. capit misera medicorum consilijs primo herbarum vires experiri; nec vllum relinquere medicamenti genus, quod tantæ ægritudini profuturum speraret. Cum verò omnia frustra tentasset, sanctorum reliquias per illustriores Basilicas visitare constituit. Vt autem medici, quod efficere non poterant, pollicebantur; ita sancti, quod certè diuina virtute poterant, præstare volebant: sciebant enim soli CATALDO hanc a Domino fuisse provinciam demandatam. Interea confessoris miracula ægra cognouit; & fidei clypeo munita, fratre præuio, & ductore,

ductore, Pontificis Ecclesiam visitauit; & ante eius tumulum prostrata, eadem ipsa nocte, quam petebat, obtinuit sanitatem.

- 16 CARPENTARIUS artifex, Argentius nomine, Patria Tarentinus, cum diu quotidianis laboribus victum sibi honestissime conquisisset, tandem morbo grauissimo correptus, arcactis ambobus brachijs, aliena misericordia vivere cogebatur. Is igitur cum diuersa oratoria, & basilicas sanctorum valetudinis recuperandæ gratia perlustrasset; tandem in somnis admonitus est, se frustra alibi quærere, quod domi nullo negotio reperiret. In patriam igitur reuersus, ad sancti tumulum humiliter prostratus flebilibus precibus, sic rogabat. *Longi itineris tandem pertesus, & rubore persusus, tuam, sanctissime Prasul, fidem nouissime imploro, quam ante omnia debueram implorare. Nunc etenim credo, quod mihi antea poterat esse exploratum, ex te mihi, non aliunde incolumitatem esse expetendam. Sancti omnes finitimarum Urbium patroni me respuunt; ut ad te necessario consugiam: ciuem ciui, & Tarentinum Tarentinorum Antistiti, & patria parenti seruandum relinquunt; ad te igitur venio; ad te confugio humilis, & supplex. tu me redde integrum grægi tuo, ut tua ubique pietas illustrior predicetur. Hæc, & alia cum deuotissime geminaret, ita ex ariditate conualuit, ut nunquam alias, neque fortius, neque agilius brachia visus fuerit exercere.*

- 17 TANTORVM miraculorum fama non solum Appulos, sed Calabros etiam ad sancti deuotionem excitarat. Octo igitur ciues Crotoniatæ, duobus ægrotis, quos grauissimus, & deploratus morbus inuaserat, in eadem naui impositis, Tarentum transmittere constituunt, altero eorum ciue manibus, ac pedibus arcacto; altero ex Oppido Persigro, oriundo, quem licet patria a priore seiunxerat; partem infirmitas, & similis utrumque necessitas copularat. Cumq. non parum a portu abessent e regione Metaponti; tam grauis tempestas subito exorta est, ut nauis certum, & nulla humana ratione euitabile naufragium vererentur. De salute igitur solliciti, sanctum, ad cuius visitandas reliquias veniebant, magnis gemitibus precari cæperunt, ut eos ab imminente sœuissimæ mortis periculo liberaret. Non tulit longiores preces benignitas confessoris; sed plura tribuit, quam rogabatur: nam & merita supplicum excedens, & vota, non modo pelagi tempestatem sedauit, sed infirmis etiam integram restituit sanitatem. Illi itaque Tarentum appulsi, & Cathedralem Ecclesiam ingressi, miracula narrant, votiuas tabellas suspendunt, gratias Domino referunt, & CATALDO; ac demum vniuersam urbem summa lætitia, & admiratione perfundunt.

- 18 PRESBYTER Pomaricensis, cum assidua ferè capitis vertigine laboraret, ac lacrymis, & orationibus post tentata frustra subsidia

medicorum, Dominū deprecaretur ac nocte quadam prolixius oraret, somno correptus, sancti Marci Ecclesiam sibi ingredi videbatur; ibique cum discipulo, quo ad missæ sacrificiū ministro utebatur, de sua ægritudine solitos sermones exordiri. Cui iuuenis: *Vade Magister*, inquit, *ad Pontificem post altare sedentem, qui CATALDVS nuncupatur; ipse enim, qui plures infirmos a varijs, ac desperatis languoribus liberauit, (quæ clementissimi confessoris est erga omnes humanitas) fortasse etiam miserebitur tui.* Videbatur itaque sibi dormiens celerrime ad Sanctum accedere, qui ægotantis caput blande pertractans, & sanctissimæ Crucis signo communiens, & frontem amantissime exosculatus, eum preni conualiturum affirmabat, si Ecclesiam ipsius adiret; sacerdos igitur euigilans, integramq. capitis sentiens sanitatem, & miraculum, quàm plurimis fidelissime euulgauit, & confessoris reliquias lætissime visitauit.

- 19 GALLVS Cisalpinus sæculi vanitatibus abdicatis, in Syriam usque profectus, sepulcrum Domini deuotissime visitauit. Hic cum diuersas orbis terrarum partes hoc animo peragrasset, ut per illustiores basilicas sanctorum Martyrum reliquias veneraretur; Monopoli aliquot dies est commemoratus: ubi cum accepisset, quæ de apparitione sancti Michaelis Archangeli in Gargano monte, & de frequentiori peregrinorum concursu circumferebantur, illuc alacriter profectus est. Mox naturam loci conspiciatus, & Religionis ergò, & quod longissimi itineris pertæsus, vterius nollet diuagari, cum quibusdam Eremitis in eo monte aliquandiu sanctissime vixit. Tandem post tot exantlato labores, post tot merita conquisita, necesse fuit, ut tentatio probaret eum. Morbo enim epileptico percussus, in singulas horas acerrimè torquebatur? Audiens itaque miracula confessoris, Tarentum non paruo incommodo deuenit; & beati CATALDI meritis pristina incolumitati restitutus, lætissimus ad Sythiarum recessus, & ad solitaria vitæ institutum remeauit.

- 20 CVM, tempore vniuersalis, contagiosæq. cuiusdam pestis, quæ adeò vniuersam Italiam peruagata est, ut nihil intactum reliquerit; Coraltino cuidam, simpliciq. homini Quirico Trambotto reuelatum diuinitus esset; ut si Coraltum Apuliz oppidum a grassanti lue liberari cuperet, Ecclesiam sancto CATALDO sacrandam eo ipso loco, in quo sibi bos sequenti luce sub cutru occumberet, communibus sumptibus, nulla interposita mora, ædificandam curaret. Cumq. id ille Coraltinis prædixisset; alligatusq. ad currum bos posteriori die mortuus corruisset: sacra ædes in honorem S. CATALDI eodem prorsus in loco constructa est. Quam tamen cum solemniori cultu celebrari affectarent, omnibus suis numeris absolutam ex Apostolica Iulij Secundi summi Pontificis auctoritate, fratribus S. Francisci de obser-

obseruantia inhabitandam concesserunt. atque hoc miraculum ex Chronicis fratrum minorum desumptum est, quæ Reuerendissimus Generalis Conzaga colligenda, & imprimenda curauit.

- 21 PVELLA Meianensis tot strumis circa ceruicem scatebat, vt nullus ferè locus esset a tantæ contagione labis immunis. ex his nonnullæ vi decoctæ pntredinis abruptæ, perpetuam saniem eructabant; aliæ verò, dum pus conficeretur, incredibilem miseræ molestiam, & dolorem inferebant. Parentes salutem filiæ affectantes, veneficas primo mulierculas incantationibus armatas adhibuerunt; mox medicorum opem implorarunt. Cum autem nihil proficerent, Tarentum adueniunt, & filiam antè sanctissimi Antistitis sepulcrum, cuius miraculorum fama vbique percrebuerat, desperata iam valetudine sistunt: & lacrymis, ac precibus ita filiæ sanitatem breuissimo temporis curriculo impetrant; vt ne cicatrix quidem ex tantis pustulis, & vomicis remaneret.
- 22 ROSETI mulier honestis moribus prædita, & Christianæ studio pietatis incensa, quamuis assiduus omnium membrorum doloribus affligeretur, maiores tamen ex pedum ægitudine sentiebat: qui ita tandem aruerant, vt ligni potius exedæ speciem, quàm carnis humanæ formam præferrent. Huius cognatæ cum miraculorum CATALDI famam audissent, Sanctum Confessorem deuotis precibus obsecrare cæperunt. Nec mora: sequenti nocte ægrotanti viduæ Sanctus apparuit; ei. quod poscebatur, se facturum esse promisit, si ipsius Ecclesiam visitaret. quò cum adducta esset, illico integræ est sanitati restituta.
- 23 GERVSII sacerdos erat vitæ quidem, & morum integritate laudabilis, lepræ tamen infirmitate biennio percussus. Qui sancti meritis, & virtute curatus (cui absens se toto animi affectu commendarat) ne ingrati animi notam subiret, Tarentum aduenit: atque vt vberiores gratias DEO, & beato CATALDO referret, in eius altari Missarum solemnia celebravit.
- 24 MULIER quædam cum Cupressano Polynianum pergeret, vt forem, quæ illic morabatur, inuiseret, iumento, cui insidebat, exterrito, præceps cecidit; & ita in lapidem impegit, vt ei venter instar ollæ intumuerit. Hæc igitur integrum septennium acerbissimis doloribus cruciata, tandem auditis tot miraculis, quamuis Confessoris nomen ignoraret, cæpit tamen voce flebili Sanctum Tarentinæ Urbis Patronum inuocare. Vix preces absoluerat, cum se subito sensit incolumem; statimq; magna ciuium comitante caterua ad Confessoris Ecclesiam peruenit; miraculum promulgauit; gratiarum actiones persoluit; & DEO se in posterum maiori obsequio mancipauit.
- 25 TRAIANOPOLITANA puella (est autem Traianopolis Vrbs, quæ

quæ vulgo *Tranum*, vel *Tranium* appellatur) parentibus vnica nobilitate, forma, & moribus decorata, paralyti percussa, non modo membrorum, ac pedum præcipuè officio est destituta, verum etiam linguæ vsum perdidit, & pulchritudinem vniuersam. Parentes verò cum vidissent medicorum opem, & industriam, quos a finitimis etiam Vrbi-
bus magno pretio conduxerant, nihil proficere; ægotam filiam ad sancti Præfulis sepulcrum deferre constituunt. Iter igitur aggressi, dum inter Massafra, & Motulas equitarent, iumentum, cui languida infidebat, in obuium saxum offendit: illa verò metuens, ne, si equus caderet, ipsa sub onere cadentis opprimeretur? *DEVS*, adiuuante, magna voce exclamauit: & statim equo desiliens, citatissimo cursu in tutiorem locum se recepit: atque ita factum est, vt eodem temporis momento, & loqui muta potuerit expedire, & clauda velociter ambulare. Parentes primum caso perterriti, mox admiratione affecti, quod ex damno lucrum, & ex ruina salutem ortam esse viderent, filiam amantissimè complectuntur: *DEO* gratias referunt, *CATALDI* sepulcrum venerantur; & omnes, quotquot aderant, incredibili lætitia miraculi narratione perfundunt.

26 *TARENTINVS* nobilis *Berlengerius* nomine, qui primus huius sancti gesta conscripsit, vocatus a Rege Siciliæ, vt librum ex græco idiomate in latinum verteret, cum Panormum proficisceretur, tot tantisque doloribus caput repente torqueri, vt vitam penitus desperaret. Conuersus igitur toto mentis affectu ad sancti Præfulis patrocinium, facillè obtinuit, quod volebat; vt ostenderet *CATALDV*S grata sibi fuisse, quæ *Berlengerius* de miraculis eius litterarum monumentis commendarat.

27 *APVD* *Salandram* homo erat, cuius oculis nubecula tam tenaciter insiderat, vt non modo lumen eriperet, sed etiam miserum cogeret, ad extremam inopiam reductum, victum sibi aliena misericordia comparare. Longo igitur itinere, & multis laboribus ad *CHRISTI* Domini sepulcrum peruenit. Cum autem in patriam reuerteretur, sancti *CATALDI* Ecclesiam visitare constituit: ac subitò in ipso itinere pruritus sensit in oculis, quod nunquam ei antea contigerat: cumq. illos auidè perfricaret, squammas inde extraxit, membranis similes, quas inter spolia vel ceparum tunicas natura inseruit: quò facto statim visum recepit, & ad Ecclesiam confessoris perueniens, gratias *DEO* reddidit, qui se meritis beati *CATALDI* a cæcitare, quæ integrum triennium perdurauerat, tam mirabiliter liberarat.

28 *TARENTINVS* vir *Dominicus* nomine, cum filium haberet septennem, eruribus, & pedibus arefactum, cum propinque sœminæ consilio ad sancti Præfulis tumulum deportauit, ibiq. effusis precibus cum vigiliis celebraret, prima nocte, qua venerat, per Ecclesiam cur-

sitantem

ficantem Pueram vidit, ac salutem pristinae restitutum; quo miraculo quam maxime potuit DEVM in suo confessore laudauit.

- 29 TARENTINI nauarum cum à Sicilia soluisent, vt in patriam remearent, & per Calabros fines transirent; repente tam vehemens tempestas orta est, vt nauigium fluctibus obrueretur: cumq. animum non desponderent, sed omni conatu contra ventorum impetum obluantur, ferreum vinculum, quo gubernaculum necebat, abrumptur, & clauus ipse in medios fluctus excutitur; quæ quidem re perterriti omnes nil nisi certum naufragium formidabant. Tum verò iuuenis inter eos, vel suapte natura, vel diuino impulsu mortis contemptor, spontè in mare desiliit; vt vel gubernaculum reduceret ad socios, vel socios moriendo præcederet. Sed statim miser à maris illuvie tam procul abducitur, vt eum socij nullo modo possent inter vndarum vortices intueri. In extremo igitur vitæ discrimine, patrium tutelarem inuocare cæperunt; ac subito fugantur venti, sedatur mare; & iuuenis, quem mortuum omnes existimabant, gubernaculum manu tenens ad socios, natura ipsa admirante reducit. Omnes igitur incolumes portum ingressi, ad sanctum euolant, vota persoluunt, narrant miracula, & mirificis laudibus CATALDI nomen celebrant, & extollunt.

- 30 PEREGRINVS Gallus in liberalium artium studijs apprime eruditus, sepulcrum Domini, & alia loca visitare decreuit, quæ IESVS CHRISTVS, dum mortalis inter nos degeret, sua præsentia illustrauit. quibus deuotissimè peragratis, cum Peloponnesi, & Ionij maris insulas pertransiret, vi tempestatis nauicula Traianopolim delata est: vbi cum aliquot dies morarentur nauarum, donec cessaret tempestas; Peregrinus ab indigenis Sancti CATALDI merita, & miracula edoctus, illius patrocinio se, suaq. omnia deuoto mentis affectu in posterum commendauit. Cum autem, vt nauigationem absolueret, discessisset, & iuxta Crotonem peruenisset, exorta iterum impetu vehementiore tempestas eò nauigium redegit; vt ad Giratij litus, & nauim illideret, & nauas obrueret cum peregrinis omnibus; vno excepto, qui se antea Sancti Confessoris patrocinio, fideiq. crediderat. Cum enim esset morti proximus, è medijs fluctibus ad litus incolumis à vehementiore vnda proicitur. Cumq. aliquandiu præ stupore animi sibi somnare videretur, tandem ad se reuersus, sancti Præsulis Ecclesiam visitauit, & maiore est erga eum pietate, & deuotione accensus.

- 31 IN AGRO Consentino scæmina triennij cæcitate percussa miseram sibi vitam viuere videbatur; huic ad vesperam peregrinus afficit ante domum; ab eaque hospitium multis precibus postulauit; benignè itaque susceptus, & causam, ac tempus illius orbitatis edoctus;

Æus; Cur, inquit, Tarentum non accessisti, ut Sancti, qui in ea Vrbe sepultus est, reliquias visitares? Cui mulier cum ignorantiam allegaret, addidit peregrinus: Cura igitur, ut quantocius ad eius tumulum deducaris: futurum enim cerè scio, ut eius suffragantibus meritis lumen recipias oculorum. Mane autem cum peregrinum nusquam inuenisset, cœlestem nuncium credidit, & statim iter aggressa, antequam Tarentum perueniret, pristinz restituitur sani tati.

32. BARSENTI mulier anniculum filium habebat, cum verò ex vicinia ad eius domum quotidie aliæ fœminæ conuenirent, vt confabulationibus lanificij laborem fallerent, accidit semel vt puer reptans, matre, & cæteris imprudentibus, in ignem caderet; vi igitur flammarum absorptus, subito expirauit, quod autem mater oculis non vidit, naribus hausit. Cum enim filium nusquam cerneret, & nidorem exultæ carnis sentiret, accurrit ad ignem; & natum videns incendio absumptum, cum reliquis fœminis exclamare cepit; Sanctæ Dei CATALDE, matris infelicissima miserere; Interea è medijs flammis puerum extrahunt; & nec sensus erat ei, nec motus; ita vt ad matris lacrymas, & questus omnes, ferè oppidani conuenirent. Post duas horas cepit sensim mortuus respirare; & post quatuor dies ita conualuit, vt nusquam ignis vestigium appareret. vtroque tamen lumine orbatus erat; sed mater, quæ constantissimis precibus vitam filio impetrarat, lumen etiam illi obtinuit oculorum. Tarentum properat, & Urbem ingressa, manibus, & pedibus reptans vsque ad Ecclesiâ peruenit: tali enim voto se obstrinxerat, vt pueri speciem, ac figuram exprimeret, quando reptans se in ignem deiecit.

33. MULIER Vritana, gravissimo capitis dolore diutius excruciatâ, eo tandem deuenit, vt lumen amitteret oculorum; non tamen animum misera despondit; sed quidquid medicorum ope, & industria sperare non poterat, à Sancti CATALDI meritis, & intercessione, assiduis precibus deposcebat. Cum itaque sola domi moraretur, & lacrymis, & orationibus maiore animi deuotione vacaret, strepitum sensit, quasi hominis deambulantis. cumq. quis esset, interrogaret, leuem idum accepit in capite. Verita igitur, ne raptor aliquis, ansa ipsius cæcitatatis arrepta, domestica vasa, supellectilemq. asportaret, magnis clamoribus vrgebat vicinas, vt accurrentes furem arcerent. dumq. illæ aduentarent, ipsa oculorum pulsa caligine, lumen recepit; quo miraculo non solum fœmina, quæ tantum à Domino munus acceperat, sed multi etiam alij Tarentum properant & Sancti reliquias deuotissimè venerantur.

34. ADOLESCENS in Vrbe Hostunio pollicem habebat, tam suo vlcere perforatum, vt & assiduo doloris sensu, & putredinis, quæ inde scatebat, graueolentia mirum in modum vexaretur. Parentes verò,

cum

cum diu circa medicorum industriam oleum, & operam perdidissent, tandem Tarentini cuiusdam excellentissimi medici nomine audito, cuius fama vbique pererebuerat, illuc deducere filium decreuerunt. Et cum postridie eius diei iter essent arrepturi, nocte vidit Pater, in somnis virum egregia forma, & decoro habitu adstantem sibi, ac dicentem; *Quare aliquem medicum non conducis, qui tui filij pollicem medeatur?* Cui ille: *Hoc*, inquit, iam dudum ago, nec dum reperio, quod anxia sollicitudine quero; *Vnum tantum modo mihi restat, ut celebrem illum Tarentinum atque medicum, & experiar, an aliquo modo possit integram filio reddere sanitatem.* Ille autem subdidit. *Consensendo potius Tarentum ad illum celebriorem medicum, qui nulla adhibita medicina, curare consuevit agrotos.* Videbatur autem, cum hæc diceret, adolescentis pollicem, tangere, & vlcus leuiter attrectare. cum autem euigilasset Pater, & somnium narraisset vxori, credidit illa, medicum esse CATALDV, ad quem cum venirent, filius in ipso itinere, ita conualuit, vt ne vlcus quidem vestigium in pollice appareret.

35 DOMINVS Castri Sancti Nicandri in agro Bariensi, atque eius vxorum honestate, & generis nobilitate conspicui, filium habebant egregia forma decorum, tertium iam annum agentem: quem grauißima febris sic inuaserat, vt mutata pulchritudine in pallorem, vbera sugere recusaret: eoque deuenerat, vt parentes circa eius curam non amplius occupati ea solum curarent, quæ ad eius ætatis funera pertinebant. Tunc pater diuinitus inspiratus, quasi à somno euigilans clamare cepit. *Confessor CHRISTI Sanctissime CATALDE, quemadmodum tuis precibus uxorem meam pene mortuam mihi reddidit clementia Saluatoris, sic mihi, & coniugi sit puer incolumis restitutus, ut eum ad tuas reliquias deferamus.* Cum eadem ferè verba mater deuoto geminaret affectu, infans cepit oculos aperire, & mammillam sugere genitricis. Hunc igitur integræ redditum sanitati, parentes ad Sancti tumulum detulerunt, pro gemino munere duplicia vota liberalissime persoluentes.

36 TRANSALPINVS, qui se Teutonicum esse dicebat, inaudita, & grauißima infirmitate laborans, post exquisitum vbique terrarum, frustra beneficium sanitatis, de Sancti miraculis certior factus, Dominica palmarum Tarentum peruenit, cum solemnibus de more processio extra portam Urbis orientalem perageretur. occurrens itaque multitudini magna omnes admiratione affectit: gestabat enim in faucibus globum carneum instar mantice ab vtraque parte gutturis longè porrectum, non admodum dissimilem gibbo Cameli. Ingreditur igitur infelix peregrinus Ecclesiam: humi prostratus Sancti confessoris tumbam complectitur, diuinam clementiam lacrymis, & gemitibus

mitibus implorat; Sancti patrocinium petit: hisque operibus usque ad diem Canz Domini constanter insistit, quo die cum Archiepiscopus missarum solemnia inchoasset, & *Gloria in excelsis DEO*, solenniter cantaretur, carnea illa congeries, quæ prius lapidis penè duritiem superabat, in butyri mollietiem commutata, & divinis manibus hinc, atque hinc perforata, virns, & sanie mixtam sanguine largissimè effundebat: mox exhausta putredine, in se ipsam pellis collecta, nullum ferè vestigium deformitatis pristinz reliquit.

Hæc, & alia plura miracula edidit Deus per sanctum suum; quis enim omnia numeraret, cum quotidie non modo ciues, sed etiam, exteri ab innumeris morborum generibus, & vitæ periculis sancti huius meritis, & intercessione liberentur?

Vitæ, & Miraculorum S. CATALDI Finis.

